

ԲԱԳՐԱՏ ՈՒՆՈՒԲԱԿԱՆՈՒՆ

ԳԱՆՁԱՍԱՐ



ԲԱԳՐԱՏ ՈՒՆՈՒԲԱԲՅԱՆ

ԳԱՆՉԱՍԱՐ



6599



«ՀԱՅԱՍՏԱՆ» ՀՐԱՏԱՐԱԿԶՈՒԹՅՈՒՆ ԵՐԵՎԱՆ

1981



Հրատարակման է երաշխավորել ՀՍՍՀ ԳԱ
արվեստի ինստիտուտի գիտական խորհուրդը

Գրախոս՝ ճարտարապետության
թեկնածու Մ. ՀԱՍՐԱԹՅԱՆ

Մասն. խմբագիր՝ բանասիրական գիտ. թեկ-
նածու՝ Ս. Ա. ԱՎԱԳՅԱՆ


Ուլուբաբյան Բ. Ա.
Ու 38 Գանձասար:—Եր.: Հայաստան, 1981.— 168 էջ, նկ., 18 թ.
նկար:

Աշխատության մեջ տրված է միջնադարյան Հայաստանի նշանավոր պատմա-
ճարտարապետական հուշարձան Գանձասարի համալիրի ստեղծման պատ-
մությունը և ճարտարապետական նկարագիրը: Ներկայացվում են նաև հու-
շարձանի որմերին ու գերեզմանաբարերին փորագրված բոլոր արձանագրու-
թյունները, որոնք հետաքրքրություն են ներկայացնում որպես Հայաստանի
միջնադարյան պատմության ուսումնասիրության ստույգ աղբյուրներ:

Գիրքը նախատեսվում է հայ ժողովրդի պատմության ու մշակույթի հար-
ցերով հետաքրքրվող բնթերցող լայն շրջանների համար:

72 Ար 1 ինդեքս ԳՄԴ 85.101 (22)1

Ու 0501000000
701 (01) 81 50—81



ԵՐԿՈՒ ԽՈՍԳ

XII դարի վերջից մինչև XIII դարի առաջին երեսնամյակը, ըն-
դամենը 50—60 տարի, Հայաստանի բազմադարյան պատմության
մեջ նշանավորվել է իբրև մի ժամանակաշրջան, երբ քաղաքական
նպաստավոր մթնոլորտում վերստին փթթել են ժողովրդի ստեղծա-
գործ ուժերը և տվել նյութական ու հոգևոր մշակույթի այնպիսի հու-
շարձաններ, որոնք, հանդիսանալով նախընթաց զարգացման նոր
աստիճանը, միաժամանակ դասական օրինակներ պիտի մնային հե-
տագա դարերի համար:

Այս երևույթն առանձնահատուկ ցայտունությամբ արտահայտվել
է ճարտարապետության բնագավառում: Հաղպատի, Սանահնի, Հառի-
ճի, Գաղիվանքի ու Հաղարծնի համալիրներում կանգնեցված նոր շենքե-
րը, Գոշավանքն ու Մակարավանքը, Գեղարդավանքն ու Կեչառիսը և
շատ ուրիշ հոյակերտներ, որոնք այս կարճատև, բայց աննախընթաց
ծաղկումի փայլուն արգասիքներն էին, վկայում են հայ ժողովրդի շի-
նարարական հանճարի անսահման հնարավորությունները:

Թվարկված հուշարձանների շարքում յուրահատուկ տեղ է գրա-
վում Գանձասարի վանքը: Մեր մշակույթի պատմության հմուտ գի-
տականերից մեկի՝ Ա. Լ. Յակոբսոնի կողմից իրավամբ այն գնահատ-
վել է որպես վերոհիշյալ ժամանակաշրջանի «հայկական ճարտարա-
պետության հանրագիտարան», որի մեջ իրենց մարմնավորումն են
գտել «հայ ճարտարապետների բոլոր լավագույն նվաճումները»:

Սակայն Գանձասարը, լինելով հայ ճարտարապետական հան-
ճարի նվաճումների ստեղծագործական կիրառման մի հոյակապ
օրինակ, միաժամանակ և հատուկ փուլն է նշանավորում Արցախ-

Ղարաբաղի ճարտարապետական ու քանդակագործական բազմադար-
յան կյանքի, որը, ցավոք, առ այսօր մասնագիտական քննություն
չի ենթարկվել, եթե չհաշվենք հատուկենտ թուղցիկ փորձերը:

Մատենագիտական տեղեկություններով հաստատվում է, որ
քրիստոնեության մուտքով պայմանավորված եկեղեցաշինության բու-
ռըն ընթացքի մեջ, Հայաստանի տարբեր նահանգների շարքում, Ար-
ցախը գրավել է առաջնակարգ տեղերից մեկը: Ամարասի վանքը, ո-
րի հիմնադրողը Գրիգոր Լուսավորիչն է եղել, իսկ շինող-ավարտողը՝
նրա թոռ Գրիգորիս եպիսկոպոսը, այս նահանգի վաղագույն եկեղե-
ցական ճարտարապետական կոթողներից մեկն էր, բայց ո՛չ միակը,
քանի որ պատմական աղբյուրների հաղորդումների համաձայն՝ Ամար-
ասի հետ համարյա միաժամանակ կառուցվել են Դաղիվանքն ու
Հուրեկը հաշեն գավառում, Կատարո վանքն ու Գտիչը՝ Դիզակում:
Իսկ V դարի վերջում Արցախ-Ուտիքյան հայաշխարհի փոքրիկ թագա-
վորության հիմնադիր Վաչագան Բարեպաշտը, ըստ ժամանակա-
գրի թերևս մի փոքր չափազանցված տեղեկության, իր գահակալու-
թյան շատ կարճ շրջանում կառուցել է տվել տարվա օրերի թվով վան-
քեր ու եկեղեցիներ:

Վաչագան թագավորի կառուցածից ոչինչ չի պահպանվել, բացի
այն մատուռից, որը նա կանգնեցրել է Ամարասում, Գրիգորիս եպիս-
կոպոսի գերեզմանի վրա: Եվ սա էլ պատմական Հայաստանի ամբողջ
տարածքում պահպանված վաղ-քրիստոնեական շրջանի այն սակավա-
թիվ հուշարձաններից է, որոնք մոտավոր գաղափար են տալիս այդ
շրջանի հայ ճարտարապետության շինարարական ու հարդարանքա-
լին արվեստի մասին¹:

Հետագա պատմաշրջանի Արցախական աշխարհի ճարտարապե-
տական հուշարձաններից, հատկապես եկեղեցական շինություններից
ևս շատ քիչ բան է մնացել, և այս էլ այն պատճառով, որ, նախ,
XI—XII դարերում սելջուկ թուրքերը հիմնահատակ ավերել են այդ
շինություններից լավագույնները: Ապա, XII դարի վերջի ու XIII դա-
րի առաջին կեսի շինարարական եռուզեռի մեջ, վանական համալիր-
ների վերափոխումների ու կառուցումների ընթացքում իսպառ վերա-
ցել են նրանց վերջին մնացորդները. մինչդեռ մատենագրական ու
վիմագրական հավաստի տեղեկություններից հայտնի է, որ, իբրև

կանոն, բոլոր նոր վանքերն ու եկեղեցիները կանգնեցվել են հենքի
տեղում: Այդպիսի կառուցումներ եղել են բոլոր թեմերի առաջնոր-
դարաններում: Սակայն, բարեբախտաբար, հին շինությունների մա-
սին մենք գաղափար ու պատկերացում ունենք ոչ միայն գրավոր աղ-
բյուրների հաղորդած տվյալներից, այլև նույն այդ շինությունների
այն անկորնչելի մասունքներից, որոնք պահպանվել են հենց իրենց
տեղերում հետագայում կատարված կառուցումների մեջ: Եթե Վաչա-
գան Բարեպաշտի կառուցած մատուռը, որպես սրբազան կոթող, միշտ
էլ պահպանվել է Ամարասում քանիցս վերակառուցված կաթողիկե
տաճարի ներսում, ապա ուրիշ տեղերում հին շենքերի մնացորդները
(զարդաքանդակներ, վիմագրերի մնացորդներ, նաև մշակված ան-
գիր քարեր ու խաչարձաններ) խնամքով տեղադրվել են նորակերտ-
ների ակնառու մասերում: Այդպիսի օրինակներ ունենք հաշեն նա-
հանգի հաղավանքում ու Դաղիվանքում, Հուրեկում ու Եղիշե առաք-
յալի վանքում:

Այս իրողությունը և հատկապես սրա արցախյան կոնկրետ դրո-
սկորումները կարոտ են մասնագիտական լուրջ ուսումնասիրության:

Հարկ է նշել, որ, եթե Գանձասարն իր ճարտարապետական հո-
րինվածքով հանդիսանում է հայ ժողովրդի արցախյան հատվածի շի-
նարարական այս շուրջ հազարամյա կյանքի պսակը, ապա նրա քան-
դակագործական հարուստ հարդարանքի համար ևս հող ու հենարան
է եղել, ամենից առաջ, տեղական կյանքը: Գանձասարի բարձրաքան-
դակներում այնպես շքեղ ու բազմազան արտացոլված հոգևոր ու աշ-
խարհիկ թեմաները լայնորեն տարածված էին բուն Արցախի գավառ-
ներում կանգնած եկեղեցական ու աշխարհիկ շինություններում և
առանձնակի բազմազանությամբ՝ խաչքարերում: Հիշենք մեր դարի
սկզբին այս խաչքարերի բարձրաքանդակների ուսումնասիրությամբ
զբաղված Հովսեփ Օրբելու հիացական հավաստիացումը: Նա գրել է.
«Մարդկանց պատկերաքանդակներով խաչքարեր առաջին անգամ
հայտնաբերվել են Հայաստանի այն մասում, ուր առհասարակ բարձ-
րաքանդակներով զարդանախշերը շատ է սիրված, ուր տաճարների
պատերին, Հայաստանի մյուս մասերում ևս սովորական կտիտորական
խմբերից բացի, հանդիպում են բավական խոշոր բարձրաքանդակ
պատկերներ, — իսկ դա հաշենն է»¹:

Արցախ-հաշենի քանդակագործական արվեստի ծաղկումն իրա-

¹ Այս հուշարձանի մասին հանգամանորեն տե՛ս Մ. Մ. Հաւարթյան, Ամարասի
ճարտարապետական համալիրը. «Արաբեր հասարակական գիտությունների», 1975, № 5:

¹ И. А. Орбели, Избранные труды, Е., 1963, стр. 196.

կանություն էր ինչպես նախորդ դարերում, այնպես էլ XIII դարի սկզբին, երբ հիմնովին վերակառուցվում էր Գանձասարը: Ուստի այս վանական համալիրի հարդարանքի նախօրինակները փնտրելիս ևս առաջին հերթին պետք է ուշադրություն դարձնել նրա անմիջական շրջապատի վրա:

Այսպիսով, Գանձասարը, լինելով հայկական ճարտարապետության և քանդակագործական արվեստի բուռն ծաղկման մի շրջանի՝ XII դարի վերջի ու XIII դարի առաջին կեսի հանրագիտարանն ու ամենափառահեղ կոթողներից մեկը, միաժամանակ Արցախ-Խաչենի ճարտարվեստի պսակն է ու գերազույն արտահայտությունը՝ կանգնած իրեն ծնած ու սնած բարեբեր հողում: Եվ, բնականաբար, նրա ուսումնասիրությունը կպարզի ոչ միայն հայ ճարտարապետական արվեստի մի հարուստ դրսևորումի մանրամասները, այլև այն խոշոր ներդրումը, որ Արցախ-Խաչենն է կատարել համազգային մշակույթի զանձարանում:

ՄԱՏԵՆԱԳՐԱԿԱՆ ՏԵՂԵԿՈՒԹՅՈՒՆՆԵՐ ԳԱՆՁԱՍԱՐԻ ՄԱՍԻՆ

Գանձասարի վանքի մասին գրավոր առաջին վկայությունը X դարի կեսից է և պատկանում է Ամենայն հայոց կաթողիկոս Անանիա Մոկացու գրչին: Իմանալով, որ իր օրերում Հայոց եկեղեցին սողոսկած քաղկեդոնականությունը թափանցել է նաև Սյունյաց ու Աղվանից թեմերը, Անանիա կաթողիկոսն ուղևորվում է Սյունիք ու Արցախ, իջևանում Խաչենում, գումարում եկեղեցական ժողով, որին, ի շարս Արցախ-Ուտիքյան մշուս հոգևոր առաջնորդների, ներկա է լինում նաև «հայր Սարգիս Գանձասարու վանական»¹:

Անանիա կաթողիկոսի այցն Արցախ-Խաչեն տեղի է ունեցել մինչև 949 թվականը կամ թերևս հենց այդ թվականին²: Այս ուղևորությունը հետագայում նկարագրել է ինքը՝ Անանիա կաթողիկոսը, որը, դժբախտաբար, չի նշել, թե Խաչենի ո՞ր վայրում են իրեն դիմավորել երկրամասի տերերը, ո՞րտեղ է գումարվել հոգևոր ժողովը, որը և դատապարտել է քաղկեդոնականացած «Գազիկ կարծեալ եպիսկոպոսին», ո՞ր վանքում էր գիշերում ինքը, երբ պատահաբար ծանոթացավ Աղվանքի պատմության ձեռագրին և այլն, և այլն:

Այս ուղևորության առթիվ մեզ հետաքրքրող կարևոր մանրամասնությունները հաղորդում է Ստեփանոս Օրբելյանը՝ պատմելով, որ Անանիա կաթողիկոսը ժողով է գումարել Արզախ վայրում և գիշերել է Գանձասարի վանքում:

Անանիա կաթողիկոսի թղթի ու Ստ. Օրբելյանի պատմության

¹ Տե՛ս՝ Անանիայի Հայոց կաթողիկոսի յաղագս պատմաբանության տանն Աղուանից, որ ընդ ժամանակս ժամանակս լեալ իցէ ձեռնադրութիւնն արտաբոյ սուրբ Լուսաւորչի աթոռոյն. «Արարատ», 1897, էջ 134:

² Անդ, էջ 139:

հաղորդած տեղեկությունները միավորելով՝ ստանում ենք հետևյալ պատկերը. կաթողիկոսը խաչեն էր եկել ոչ միայն քաղկեդոնականության առաջն առնելու, այլև հակահարված տալու անշատարար այն տրամադրություններին, որոնց կրողները հայտարարում էին, թե, իբր, Աղվանից եկեղեցին ամենահինն է Հայոց կաթողիկոսի մականի ներքո գտնվող բոլոր թեմերից, հետևապես և պետք է ունենա առանձնահատուկ բարձր իրավունքներ, ընդհուպ մինչև հայրապետի ընտրությունն առանց Ամենայն հայոց կաթողիկոսի կողմից ձեռնադրվելու: Նրանք պնդում էին, թե ունեն «Աղվանքի պատմություն» անունով մի ճշմարիտ մատյան, որտեղ ամենայն մանրամասնությամբ ներկայացված են Աղվանից եկեղեցու գերագահությունն ու առանձնաշնորհների իրավունքը հաստատող հանգամանքները: Անանիա կաթողիկոսը պահանջել էր ցույց տալ այդ մատյանը, իսկ նրանք հրաժարվել էին ու թաքցրել: Իսկ հետո նա Գանձասարում գիշերային ընթերցանության համար գիրք էր խնդրել եկեղեցապահից, և վերջինս նրան էր տվել՝ «գիրք մի որպէս թէ Յովհաննու Ոսկեբերանի»: Կաթողիկոսը ծանոթացել էր ձեռագիր մատյանին և պարզել, որ այն հենց «էր պատմութիւնն Աղուանից»¹: Դրանից հետո իր կարգացած պատմության արժանահավատ տեղեկություններով Անանիա Մոկացին հերձվածող ընդդիմախոսներին մերկացրել է, ապացուցելով, որ նրանք ստում են, և Աղվանքի եկեղեցին բոլոր ժամանակներում Հայոց ընդհանուր լուսավորչական եկեղեցու մի թևն է հանդիսացել, և նախ նրա առաջին եպիսկոպոսները, ապա և կաթողիկոսները միշտ էլ ձեռնադրվել են Ամենայն հայոց կաթողիկոսների կողմից²:

Ստ. Օրբելյանի պատմածից այնպես է ստացվում, թե Արդախը նույն Գանձասարն է, կամ, համենայն դեպս, Արդախ է կոչվել այն վայրը, ուր գտնվում է Գանձասարի վանքը: Այլապես կաթողիկոսն ինչո՞ւ պետք է մի տեղ ժողով աներ և գիշերեր միանգամայն ուրիշ վայրում: Սակայն Անանիա կաթողիկոսի թղթի համաձայն դրանք պետք է իրարից տարբեր լինեին, քանի որ ժողովին մասնակցում էին ինչպես «հայր Սարգիս Գանձասարու վանական», այնպես էլ «տէր Յովհաննէս Աթախայ եպիսկոպոս»³: Եթե Գանձասարի վանքը գոյություն ուներ, դժվար թե նրա կողքին գտնվող եպիսկոպոսանիստը կոչվեր մի այլ անունով, ինչպես Աթախն է կամ Արդախը: Նկատի առ-

¹ Սեմիանու Օրբելյան, Պատմութիւն նահանգին Սիսական, Թիֆլիս, 1910, էջ 279:

² Օրբելյան, էջ 279:

³ «Արարատ», 1897, էջ 134:

նելով, որ Աթախ կամ Արդախ տեղանունն անհայտ է այլուստ (գուցե և դրանք նույն անվան տարբեր ձևերը չեն), հարցը թողնում ենք առկախ: Հնարավոր է, որ Արդախ-Աթախը առավել հին ձևն է հետագայի «Հայթերք» — «Հաթերք»-ի, որ երկու դար հետո խաչենի իշխանաց իշխանի նստավայրի անունն է եղել¹ և, անշուշտ, նման դեր է ստանձնել ո՛չ միանգամից:

Անանիա Մոկացու վկայությունից կարելի է ենթադրել, որ խաչենում իրեն դիմավորող Գրիգորը ևս եղել է իշխանաց իշխան «...ընդ առաջ եղև մեզ մեծ և փառաւոր... տէր Գրիգոր իշխանն... Եւ նոյնժամայն հրովարտակս գրէր յամենայն գլխաւորս աշխարհին՝ առնուլ հրաման առնել ժողով հանդերձ մեօք ի տան իւր ի խաչեան գաւառի»²: Միայն Արցախ-խաչենի գահերեց իշխանը կարող էր հրովարտակ հղել «յամենայն գլխաւորս աշխարհին» և նրանց ժողովի հավաքել:

Իսկ եթե Արդախ-Աթախն ու Հայթերք-Հաթերքի նույնության մասին մեր ենթադրությունը ճիշտ է, ապա անհնար է պատկերացնել, թե Քարթառի ձախ ափին գտնվող Հաթերքում ժողով գումարող կաթողիկոսը վեր կկենար ու գիշերելու կգնար Գանձասար, որը գտնվում է խաչենագետի ափին, լեռնային խորդուբորդ ճանապարհով մոտ 15—20 կիլոմետր Հաթերքից հեռու:

Ամեն պարագայի՝ մեզ համար կարևորը վերոհիշյալ տեղեկություններից կատարվող կոնկրետ հետևությունն է. X դարի առաջին կեսին Գանձասարի վանքն արդեն գոյություն ուներ: Դեռ ավելին, այն Արցախի ու Հայոց Արևելից կողմանց այնքան նշանակալից հոգևոր կենտրոններից էր, որ իր ներկայացուցիչն էր ուղարկել Ամենայն հայոց կաթողիկոսի գումարած շատ կարևոր ժողովին:

Հաջորդ հավաստի խոսքը Գանձասարի վանքի ու նրա դերի մասին հաղորդում է Մխիթար Գոշը, որի տեղեկությամբ հաստատվում է Գանձասարի բարձր դիրքը խաչենում: Նկարագրելով XII դարի 40-ական թվականներին Արցախի իշխանության պայքարը բռնագրավել սելջուկ թուրքերի դեմ, Մխիթար Գոշը վկայում է, որ իշխանական այս տան շատ ներկայացուցիչներ նահատակվել են անհավասար պայ-

¹ Մխիթար Գոշ, Դատաստանագիրք Հայոց, Վաղարշապատ, 1880, էջ 71—73 «... ի ժամանակի մնացելոց սակաւ իշխանաց ի կողմանս խաչենոյ, ընդ ժամանակս անուանելոյ Հառանայ կրօնաւորեցելոյ և որուոյ նորա Վախտանգայ, ի դիւելին որ անուանի Հայթերք, գլխաւորի այլոց իշխանաց»:

² Տե՛սն Անանիայի Հայոց կաթողիկոսի, էջ 134:

քարում: Նահատակվածներից են եղել խաչների իշխանազունները և Գրիգոր իշխանը, որին «զկնի ամի միոյ առեալ բերին ի վանքն անուանեալ Գանձասար, որ էր տապանատուն նախնեաց նորա, և անդ թաղեցին զնա»¹:

Գանձասարի հինավուրց վանքի տեղում նոր վանքի կառուցման պատմությունը հանգամանորեն ներկայացրել է Կիրակոս Գանձակեցին: Ճիշտ է, նա չի ասում, թե նորը կառուցվել է այն հին եկեղեցու տեղում, որը գոյություն է ունեցել առաջներում իբրև գավառի եպիսկոպոսարան: Սակայն հաղորդում է, որ Գանձասարը հնում էլ տապանատուն է եղել Ներքին խաչների իշխանական տան համար: Իսկ իշխանական գերդաստանների տապանատներ, ինչպես հայտնի է, լինում էին նրանց հովանավորության տակ գտնվող առավել աչքի ընկած վանքերի գավիթները: Կիրակոս Գանձակեցին վկայում է, որ, երբ Գանձասարի նոր վանքը կառուցող Հասան-Ջալալը նահատակվեց Ղազվինում, որդին՝ Աթաբակը (Իվանեն) նրա նշխարները տեղափոխեց հայրենիք և թաղեց «ի վանքն Գանձասար ի գերեզմանս հարց իւրոց»²: Նշանակում է, Կիրակոս պատմիչին ևս հայտնի էր, որ ինչպես Մխիթար Գոշի վկայությունից գիտենք, Գանձասարի վանքի գավիթը գերեզմանատուն է հանդիսացել տեղի իշխանական տոհմի ներկայացուցիչների համար:

Գանձասարի վերակառուցման (ավելի ճիշտ՝ ի նորո կառուցման) նախաձեռնողը և իրականացնողը, ըստ աղբյուրների միահամուռ վերկայությունների, եղել է Ներքին խաչների տեր և ամբողջ Արցախ-խաչների իշխանաց իշխան Հասան-Ջալալը:

Կիրակոս պատմիչի տեղեկությամբ՝ Հասան-Ջալալը «Շինեաց եկեղեցի մի գեղեցկազարդ յորինուածով զմբեթարդ երկնանման տաճար... ի վանքն, որ կոչի Գանձասար, հանդէպ Խոխանաբերդոյ, ի տեղի շիրմի իւրեանց, և յոլով ամս աշխատ եղեն ի նման»³:

Ուրեմն, Հասան-Ջալալի կառուցքը մի եկեղեցի էր Գանձասարի վանքում (վանական համալիրում): Բայց այժմ հիշյալ եկեղեցուց և հետագայում նրան կից կառուցված գավթից բացի ուրիշ ոչ մի եկեղեցական շենք կամ շենքի պահպանված հետք չկա, որպեսզի մտածենք, թե Հասան-Ջալալը վանական համալիրին գումարել է մի նոր

¹ Մխիթար Գոշ, Կաթողիկոսք և զէպք Աղուանից աշխարհին ի մէջ ժբ դարու Ալիշան, Հայագատում, Վենետիկ, 1901, էջ 337:

² Կիրակոս Գանձակեցի, Պատմութիւն հայոց, Երևան, 1961, էջ 392:

³ Անդ, էջ 269—270:

եկեղեցի: Այդպիսի եկեղեցական շենքի մասին մատենագրական կամ վիճագրական ոչ մի տեղեկություն էլ չկա: Հետևապես, մնում է մըտածել, որ Հասան-Ջալալն իր եկեղեցին կառուցել է հնի տեղ, այսինքն՝ նորը կառուցելու համար հինը քանդել է հիմնովին: Առհասարակ ընդունված էր նոր եկեղեցիները կառուցել հին սրբությունների, ավանդույթով կարևոր սրբատեղի համարվող վայրերում: Ներկա դեպքում Հասան-Ջալալը եկեղեցի է կառուցել հնի տեղում, մի հին եկեղեցու, որը խաչների կարևորագույն սրբավայրերից մեկն է եղել (նրանից ավելի հին ու մեծ սրբատեղին Դաղիվանքն էր), ինչպես նաև տոհմական տապանատունը իր իշխանության: Ավելորդ է ասել, որ այս դեպքում նա եկեղեցին այնպես պիտի կառուցեր, որպեսզի նախկին տապանատունը մնար նորի հատակագծից դուրս, նրա արևմտյան մասում՝ կառուցվելիք գավթի տեղում:

Կիրակոսն ասում է՝ «յոլով ամս աշխատ եղեն ի նման»: Մենք գիտենք, թե քանի տարի է եղել այս «յոլով ամս»-ը՝ 1216—1238 թվականները: Ճարտարապետական մի այդպիսի կառուցք ավարտելու համար սա բոլորովին էլ շատ մեծ ժամկետ չէ, մանավանդ, եթե նրկատի ունենանք, որ շինարարությունը պարբերաբար ու տևական ժամկետներով կանգ պիտի առներ այն պատերազմների պատճառով, որոնց մեջ էր քաշված և խաչները: Ջալալ-Էդդինի հորդանների արշավանքը դարի 20-ական թվականներին, թաթար-մոնղոլների ավերիչ առաջին ասպատակություններն այդ ժամանակ, երկրորդը՝ 1231/2 թվականին, ապա և Արևելյան Հայաստանի վերջնական նվաճումը նրանց կողմից 1236 թվականին: Այս պարբերական կոնֆլիկտների ավերումների պայմաններում, այնուամենայնիվ, կառուցվեց Գանձասարը՝ իբրև անառարկելի վկայություն այն իրողության, որ հայ ժողովրդի շինարար ձեռքը ճակատագրի բերած բոլոր արհավիրքների պայմաններում էլ կառուցել է, որովհետև կառուցելը եղել է նրա անկողոպտելի կոշումը:

1238 թ. ավարտված Գանձասարի վանքի օծումը տեղի է ունեցել 1240 թ., «յաւուր մեծի տօնի Վարդավառին» (հուլիսի 22-ին, կիրակի): Ականատես Կիրակոս պատմիչի վկայությամբ՝ Հասան-Ջալալը կազմակերպել էր մեծահանդես նավակատիք, որին ներկա էին՝ Աղվանքի կաթողիկոս Ներսեսը՝ բազում եպիսկոպոսներով, «մեծ վարդապետն Վանական յոլով րաբունիւք» և Հայաստանի ուրիշ շատ վանքերի առաջնորդներ ու հոգևորականներ: Եվ այսպես «օրհնեցին զեկեղեցին բազում քահանայիւք, որ ասէին զթիւ երիցանցն Խոթն հարիւր»: Օծու-

մից հետո տրվեց ճոխ ճաշկերույթ: Հասան-Ջալալն անձամբ ինքն իր ձեռքով էր հյուրասիրում հրավիրվածներին: Ապա «տուրս տուեալ ըստ իւրաքանչիւր պատուոյ առատութեամբ՝ արձակէր ամբոխն»¹:

Համարյա անեղծ պահպանվել է վանքի շինարարութեանը վերաբերող մեծ արձանագրութունը՝ փորագրված տաճարի ներսում, հյուսիսային պատի վրա, բաղկացած 27 տողից, ամբողջ պատի լայնութեամբ, գմբեթատակի գոտու եզրից մինչև դռնագլուխը: Այնտեղ խոսում է ինքը՝ Հասան-Ջալալ Դոլան (Դալա)՝ «բնակաւոր ինքնակալ բարձր եւ մեծ Արցախական աշխարհի, թագաւոր Խախանաբերդի յոքնասահման նահանգաւք», և պատմում է, որ հայրը վախճանվելիս իրեն ու մորը՝ Խորիշահին, անդարձ կտակել է «գի շինեսցուք եկեղեցի ի գերեզմանատան հարց մերոց ի Գանձասար», որի կառուցումն սկսեցին Ոկե (1216) թ. և երբ հասան արևելյան լուսամուտին («ի խփել լուսամտին արևելից»), մայր Խորիշահը կրոնավորելու գնաց Երուսաղեմ, այդ էլ արդեն երրորդ անգամ, խարազանագգեստ երկար տարիներ ճգնեց Հարության տաճարի դռանը, այնտեղ էլ «հանգեալ ի Քրիստոս լուսովկաութեամբ եւ անդէն պահեցաւ»²: Իսկ ինքը՝ Հասան-Ջալալը, կառուցեց տաճարը և ավարտեց ՈՁէ (1238) թ. «գաւտեւորեալ ամենազան ձեռով պատկերազան յարինակերտ գմբեթազարդ յարինուածաւք»: Եվ իր հոժար կամքով հոգաց միաբանութեան պետքերը՝ վանքին նվիրելով Մաշեղ, Հարչանտուս (գյուղերը) իրենց շրջակայքով, «Ա (1) լուծ Խաչենաձոր, Նորաշինկան գետն» և այլ վայրեր, արծաթեղեն խաչերի, գրքերի, մասունքների, նշխարների հետ միասին, ինչպես նաև «պատուական եւ ձուլածո ամենայն» սպասեղեն և ուրիշ երևելի զարդեր: Ապա եկեղեցիները հարկերից ազատ հայտարարեց և Գանձասարի առաջնորդ տեր Վարդանի ու միաբանութեան կամքով նշանակեց պատարագներ. ավագ սեղանն ամբողջ տարին իրեն՝ Հասանին, «զատիկն իւր ճրագալուցովն»՝ հայր Վախտանգին, Աստվածածնի Գ(3) օրը՝ մայր Խորիշահին, «յայտնութիւն իւր ճրագալուցով»՝ եղբայր Զաքարեին, ավագ սեղանը, որ իրենն է, «Աստուածածնէն մինչ ի Խաչն»՝ իր պապ Հասանին, «յիսնակամտէն մինչ ի յայտնութիւն»՝ Մամբանին (իր տիկնոջը), «յութօրէից ելիցն մինչ

¹ Կիրակոս, էջ 270:

² Կիրակոսը տեղեկացնում է, որ Խորիշահը Երուսաղեմում ճգնելիս «Զարմացուցանէր զամենայն տեսողսն եւ զլսողսն. քանզի ծախեալ զամեայն գոյս իւր՝ զոր ունէր, յաղբատս եւ ի կարոտեալս՝ նման Հեղինէի, կնոջն Աբգարու, և ինքն ձեռագործաւ իւրով կերակրէր» (անդ, էջ 268):

առաջատրն»՝ հասարակաց անհիշատակ, բարեկենդանի Ա (1) շաբաթը՝ իր եղբայր Դոլին (Դալին), Ա (1) շաբաթը՝ քույր Մարինային, «աղուհացից շաբաթ կիրակէքն»՝ եղբայր Իվանէին, «զատկէն մինչ յԱստուածածինն եւ ի Խաչէն մինչ յիսնակամուտն ինձ՝ Հասանա»:

Վերջում հայտնվում է նաև, որ «Անտոնի տանին Ա (1) արժամ Յովասաբ միակեցին է կաման Մեծին Հասանա»:

Հր. Աճառյանի կարծիքով՝ այս Հովասաբի միակցացը (ճգնավոր) ինքն է գրել ու փորագրել արձանագրութունը, այլ խոսքով՝ սույն հիշատակագրութունը պետք է դիտել նաև որպես նրա ստորագրութունը¹:

Գանձասարի վանքը հայ միջնադարյան ճարտարապետական մշակույթի ահնաուու դրսևորումներից է և չէր կարող չունենալ այդ շրջանի հայ եկեղեցական ճարտարապետության կարևորագույն բաղկացուցիչներից մեկը՝ գավիթը: Տաճարը, ճիշտ է, սկզբում կառուցվել է միայնակ և, ինչպես նրա ճարտարապետական արժանիքների վերլուծության ընթացքում կտեսնենք, հենց այդպես էլ նախագծվել է առաջուց: Սակայն հետագայում նրան գավիթ են ավելացրել, որը, ունենալով իր կիրառության հատուկ նպատակն ու կիսաեկեղեցական-կիսաաշխարհիկ բնույթը, միաժամանակ, յուրահատուկ ճարտարապետական նկարագիր ունի և էապես փոխում է ամբողջ վանական համակառույցի պատկերը:

Մինչև այժմ հարցական է մնում գավիթի կառուցման ժամանակը: Նրան վերաբերող արձանագրության մեջ, որը փորագրված է տաճարի արևմտյան պատին, դրսից (այժմ՝ գավիթի մեջ) դռան աջ կողմին, ընդօրինակողները կարդացել են 1266 թվականը. «թուին Չժն» և այլն²: Հ. Օրբելին կասկածում էր այդ թվականի վրա, ըստ երևույթի, այն պատճառով, որ արձանագրութունը գրված է Հասան-Ջալալի, իշխանուհի Մամբանի ու նրանց միակ արու զավակ Աթաբակի անուններից, մինչդեռ Ջալալը նահատակվել է 1261 թ., Մամբանն էլ մահացել է նույն թվականին կամ նախորդ տարում³:

¹ Հր. Աճառյան, Հայոց անձնանունների բառարան, Գ, Երևան, 1946, էջ 534:

² Մ. Բարխուդարյանց, Արցախ, էջ 174:

³ Կիրակոս, էջ 391, վաղաք վարդապետ, էջ 152, Մխիթար Այրիվանեցի, էջ 68, «Մանր ժամանակագրութուններ» (XIII—XVIII դդ.), հ. Ա., կազմեց Վ. Ա. Հակոբյանը, Երևան, 1951, էջ 43, Մատենադարանի ձեռ. № 378, էջ 8բ:

Հ. Օրբելին հետագայում կարծում էր, որ գավիթը կառուցել է Հասան-Ջալալը 1261 թվականին¹:

Արձանագրության բովանդակությունից դատելով՝ Ա. Լ. Յակոբսոնը գտնում է, որ գավիթը կառուցվել է մինչև 1261 թվականը, այսինքն՝ Հասան-Ջալալի կենդանությանը²:

Դեռևս Հ. Օրբելին է նկատել, որ արձանագրությունը սխալ է ընդօրինակված Մակար վարդապետի և մյուսների կողմից: Այն կարգացվում է ոչ թե «Թուին Չժն», այլ «Թին Չժ է»³, այսինքն՝ արձանագրությունը գրվել է 1261 թվականին: Կարևոր չէ, որ արձանագրության մեջ հանդես եկող երեք պատվիրատուները՝ Հասան-Ջալալը, Մամբանն ու Աթաբակը 1261 թ. միասին չեն եղել Գանձասարում: Դեպի Մոնղոլիայի մայրաքաղաք կատարած բաղամայա ճանապարհորդությունից Մամբանն ու Աթաբակը շուտ էին հաշտվել և վերադարձել: Իսկ Հասանը, որոշ ժամանակ Թավրիզում ուշանալուց հետո, հայրենիք էր հասել, երբ կինն արդեն վախճանված էր⁴: Նշանակում է՝ արձանագրությունը կամ Մամբանն ու Աթաբակն են գրել տվել՝ այնտեղ առաջին տեղում հիշելով նաև իշխանության տնօրեն Հասան-Ջալալին, կամ էլ Հասան-Ջալալն ու Աթաբակն են գրել տվել՝ հիշելով նաև իրենց՝ հարազատին իբրև մի մարդու, որի կենդանությանը հիմնադրված է եղել գավիթը:

Սակայն, ամեն պարագայի, 1261-ին գավիթը կառուցվածավարտված չի եղել, որովհետև, հակառակ դեպքում, արձանագրությունը կփորագրեին ոչ թե տաճարի վրա, այլ նորակառույց գավթի որևէ մասում: Մեր այս կարծիքն առավել հաստատվում է արձանագրության իսկ բովանդակությամբ: Նրա առաջին մասում (9 տող), ինչպես ասվեց, հանդես են գալիս Հասան-Ջալալը, Մամբանն ու Աթաբակը: Հետագա յոթ տողերում Աթաբակը խոսում է միայն իր անունից: Երեքի տված ընծաների թվարկումից հետո գրում է. «Դարձեալ եւ ես Աթաբակս ընծացի յաւժարութեամբ ոսկեառուի Աւետարան եւ պատուական սուրբ նշան...» և այլն:

Պարզ է, որ այս ընծաները վանքին տրվել են գավթի շինարարության ավարտի առիթով, և ավարտն էլ եղել է 1261-ից հետո, երբ ծնողները չկային այլևս, և Աթաբակը միայնակ էր հանդես գալիս որպես ներքին հաշտների տեր ու տնօրեն և նվիրատվության հեղինակ:

Այսպիսով, պարզվում է, որ գավթի հիմնադրումը կատարվել է Հասանի, Մամբանի ու Աթաբակի կողմից՝ 1261 թվականին կամ նրանից առաջ, արձանագրության առաջին մասն էլ գրվել է հենց 1261 թվականին, իսկ կառուցումն ավարտվել է 1261-ից հետո, Իվանե-Աթաբակի իշխանության օրոք:

Ինչպես վերը տեսանք, Գանձասարի վանքը կարևորագույն հոգեվոր կենտրոն էր դեռևս մինչև նոր շենքի կառուցումը: XIII դարի երկրորդ կեսից նրա դերն ավելի բարձրացավ, քանի որ նրա նախկին դերին (Ներքին հաշտների իշխանության տոհմական տապանատուն էր և նահանգի եպիսկոպոսանիստներից մեկը) ավելացավ մի նոր արտոնություն: Ներքին հաշտների իշխանության պայազատները հովանավորներ լինելուց դարձան վանքի առաջնորդության տնօրենները: Այս ժամանակից սկսած՝ Գանձասարի հոգևոր առաջնորդներ էին ձեռնադրվում բացառապես իշխանական տոհմի, տվյալ դեպքում՝ Հասան-Ջալալյան գերդաստանի ներկայացուցիչները: Այս հանգամանքը մեծապես նպաստում էր վանքի հոգևոր-քաղաքական դերի բարձրացմանն ու տնտեսական հզորության ապահովմանը: Աշխարհիկ իշխանության ներկայացուցիչներն ամեն կերպ օժանդակում էին վանքի կալվածքների ընդլայնումին, անշարժ ու շարժական գույքի կուտակումներին¹, քանի որ վանքի բոլոր շահույթները պատկանում էին նաև աշխարհիկ իշխանությանը: Այս ամենի շնորհիվ, անկասկած, բարձրանում էր նաև վանքի՝ որպես երկրամասի հոգևոր-մշակութային կենտրոնի դերը: Բավական է ասել, որ XIII—XIV դարերից հետո այն Հյուսիս-արևելյան Հայաստանի ամենալուսավոր կենտրոննե-

¹ Տե՛ս՝ Ի. Ա. Орбели. Надписи Гандзасара и Завоцпука, Пгр., 1919 (գրքի տպարանական արձանագրությունը «Надписи Гандзасара»), стр. 2.

² А. Л. Якобсон, Из истории армянского средневекового зодчества (Гандзасарский монастырь XIII в.). Сб. в честь акад. И. А. Орбели, М.—Л., 1960, стр. 144.

³ Надписи Гандзасара, стр. 5.

⁴ Մատենադարանի ձեռ. № 378, էջ 8ր:

¹ Աշխարհիկ իշխանության ներկայացուցիչները ոչ միայն իրենք էին նվերներ տալիս վանքին, այլև հաճախ ուրիշներին էին հարկադրում կատարել նվիրատվություններ: 1271 թ. վանքի առաջնորդ Հովհաննեսը (որդի Իվանեի՝ եղբոր Հասան-Ջալալի) արձանագրություն է թողել այն մասին, որ «հրամանաւ տեառն հաշտն Աթաբակին» իր «հալալ արդեանց»-ով գնել և վանքին է նվիրել «ըվարդանաթաղս, մին շորեցեզն եւ այլ ընծէք» (արձանագրությունը փորագրված է գավթի յուստալային պատին դրսից, դռան մոտ: Տե՛ս սույն գրքի հավելվածի № 78 արձանագրությունը):

րից մեկն էր, ուր կար հարուստ ձեռագրատուն: Այնտեղ ստեղծվում էին արժեքավոր նոր ձեռագրեր, որոնք աչքի էին ընկնում ձեռագրական ու մանրանկարչական բարձր արժանիքներով: Վանքն ունեւր առաջնակարգ դպրատուն, որտեղ ուսում առած մարդիկ իրենց արժանի նպաստն էին բերում խաչենի ու հարեան նահանգների մշակութային կյանքի առաջընթացին:

Եվ բոլորովին էլ պատահական չէ, որ XV դարից հետո Գանձասարը դարձավ նաև Աղվանքի կաթողիկոսության մշտական անփոփոխ նստավայրը և ամբողջ Արևելյան Հայաստանի հոգևոր ու քաղաքական կյանքի ամենանշանակալից կենտրոններից մեկը: Ի՞նչ խղոճք, որ այստեղ մեծ դեր է ունեցել նաև կաթողիկոսության գեներատիական պատկանելությունը. այս դարի սկզբից արդեն Աղվանքի կաթողիկոսությունը դարձել էր ներքին խաչենի տեր Հասան-Ջալալյանների տոհմական արտոնությունը: Եվ հասկանալի է, որ Գանձասարում նստող Հասան-Ջալալյան կաթողիկոսներն ըստ կարելույն բարվոք վիճակում էին պահում իրենց աթոռանիստը: Նրանց հոգածության շնորհիվ Գանձասարը դարձել էր հոգևոր և նույնիսկ վարչական խոշորագույն կենտրոն: Մատենագրական ու վիմագրական բազմաթիվ տեղեկություններով հաստատվում է, որ XV—XVII դարերի՝ հայ ժողովրդի համար ծանրագույն իրականության մեջ անգամ վանքում ոչ մի օր չի դադարել մշակութային եռուն կյանքը:

Հյուսիս-արևելյան Հայաստանի մշակութային և նույնիսկ քաղաքական կյանքում Գանձասարի կշիռը նկատելիորեն բարձրացավ հետագա ժամանակաշրջանում: XVII դարի իրականությունը ցույց է տալիս, որ այնտեղ համատեղվող աշխարհիկ ու հոգևոր իշխանություններն ազդեցիկ դեր ունեին հարեան գավառների կյանքում: Ներքին խաչենի մելիքները, գործակցած տեղի կաթողիկոսների հետ և համարյա բոլոր հարցերում ստանալով նրանց ամենագործուն աջակցությունը, ուղղություն էին տալիս Ղարաբաղի մելիքությունների ազատագրական ձգտումներին:

Պատկերը միանգամայն փոխվում է XVIII դարում: Այդ արդեն Գանձասարի դարն էր, մի ժամանակաշրջան, երբ Գանձասարն էր հայ ազատագրական շարժման կենտրոնն ու ոգեշնչողը: Այս տեսակետից այն իր բացառիկ տեղն ունի մեր հոգևոր կենտրոնների շարքում և թերևս դրա համար պարտական է դարասկզբի իր այն լուսավոր աթոռակալին, որը, հանգամանքների թելադրանքով, իրար էր միացնում հոգևոր վեհապետի բարձր ազդեցությունն իր հոտի վրա և միջնադար-

յան հայ իրականության առաջին դիվանագետներից մեկի ճկուն խելքը՝ այս բոլորի հիմքում ունենալով իր ժողովրդի փրկության ու ազատագրության համար տրոփող մի ազնիվ սիրտ: «Դա Եսայի կաթողիկոսն էր (գահակալած 1702—1728 թթ.—Բ. Ու.), ազատագրական շարժումների այդ շրջանի խոշոր երախտավորներից մեկը: Կաթողիկոսանալուն պես նա իր Գանձասարը դարձնում է մի քաղաքական կենտրոն և լեռնային իշխողների մի խորհրդարան, ուր դիվանագիտական հարաբերություններ էին մշակվում և ռազմական ծրագրեր քննվում: Այդ ժամանակից է, որ Գանձասարն այնքան գեղեցիկ անուն է ձեռք բերում ազատագրական պատմության մեջ...»:

Գանձասարում Եսայի կաթողիկոսի շուրջն էին համախմբված Ղարաբաղի և Սյունիքի հոգևոր ու աշխարհիկ տերերը, որոնք դարասկզբին Իսրայել Օրբի, ապա և Մինաս Վարդապետի միջոցով քանիցս դիմեցին ռուսական ցարին՝ հուսալով նրա փրկարար օգնության վրա:


Հայ մելիքներն ու մյուս իշխանավորները, ժողովրդի անունից «մշտապաղատ բանիւ և բազկատարած հայցմամբ» խնդրում էին Պետ-

6659

¹ Ան, Հայոց պատմություն, երրորդ հ., Երևան, 1946, էջ 573—574: Հետագա տողերում Լեոն հիշում է Եսայիի նախորդ կաթողիկոսի անբարյացակամությունը Իսրայել Օրբի ձեռնարկի նկատմամբ՝ Օրբի առաջին այցի ժամանակ («... այն Գանձասարը, որ մի քանի տարի առաջ այնքան ցուրտ ընդունելություն էր դրել Իսրայել Օրբին», անդ, էջ 574): Մեծանուն գիտնականը մոռանում է, որ այն ժամանակ Օրբին ինչպես էջմիածնի կաթողիկոսին, այնպես էլ Գանձասարի հայրապետին ներկայացրել էր մի ծրագիր, որի իրականացման համար նախ և առաջ պահանջվում էր հայերի դավանափոխությունը. հայերը պետք է հրաժարվեին միաբնակ-լուսավորչականությունից և ընդունեին կաթողիկոսություն, որպեսզի արժանանային Հոռոմի պապի և եվրոպական իշխանապետների հոգածությանը: Եթե միայն արժանանային... (տե՛ս Աղ. Հովհաննիսյան, Գրվազներ հայ ազատագրական մտքի պատմության, հ. Բ, Երևան, 1959, էջ 270-ից սկսած, հատկապես՝ էջ 327—328, 340—344):

Լեոն սույն միջադեպի մասին խոսելիս հիշում է, որ Եսայի կաթողիկոսի նախորդն է եղել Փիլիպոս անունով մեկը, որն, ըստ Օրբի զեկույցի, ուրախությամբ է ընդունել եվրոպական իշխանությունների հովանավորության լուրը: Սակայն անմիջապես էլ մոռացել է, հենց որ իմացել է այդ հովանավորության ուղեկցվելիք դավանափոխության մասին. «Գանձասարը հրաժարվում էր ձանաչել կաթոլիկ կղերի հովանավորությունը»,— եզրակացնում է Լեոն՝ հենվելով Օրբի զեկույցի տեղեկությունների վրա (Ան, նույն տեղում, էջ 524, հմմտ. Դ. Ա. Эзов, Сношения Петра Великого с армянским народом, СПб, 1898, стр. 51—52 и след.): Կարելի է հաստատորեն ասել, որ վատահելի չեն այս տեղեկությունները, քանի որ Գանձասարում Եսայի կաթողիկոսին նախորդել է նրա տոհմակից Երեմիան (1676—1700), իսկ Փիլիպոս անունով կաթողիկոս Գանձասարում չի եղել ոչ նշված ժամանակ, ոչ էլ նախորդ ամբողջ հարյուրամյակում (այս առթիվ տե՛ս նաև՝ Աղ. Հովհաննիսյան, Գրվազներ, Բ, էջ 283):

2 Գանձասար



բոս Մեծին՝ գալ, փրկել իրենց թուրք և պարսիկ բարբարոսների ահա-
վոր լծից, խոստանում էին կովել նրա դրոշի տակ, ծառայել նրան
հավատարմութամբ, նրա հովանու ներքո. «Յոժար սրտի կամիմք
ընդ հովանեալ թևոց քոց լինել,— գրում էին հայ ազատները,— եթե
հաճեսցի տերութիւն քո ի մեզ, և գթասցիս ի վերայ թշուառութեան
մերում, մեր պատրաստ եմք ընդ առաջ քո ըստ իմում կարողութեանս,
և մեր նահանգիս միլիթովք մեծամեծովք և փոքրմբք և յորժամ կա-
մեսցի հզոր և մեծ թագաւորդ յաջապարել այսր կամօքն աստուծոյ,
յայնժամ զնշան գործոյն խնդրեմք ցուցանել մեզ, զի առաւել հաս-
տատ լիցուք ի վերայ խորհրդեանս, և ապա զամենայն հանգամանք
երկրիս ծանուցուր առաջի քո»¹։

Համանման դիմումներ ու խնդրագրեր Գանձասարի վանքից
Ռուսաստան են հղվել սկսած 1701 թվականից։ Դրանք էլ հիմք են դրել
հայ-ռուսական դիվանագիտական կանոնավոր փոխհարաբերություն-
ներին՝ նշանավորելով միաժամանակ հայ ժողովրդի բախտորոշ կողմ-
նորոշումը դեպի Ռուսաստան²։ Բոլոր այդ դիմումների ու երդմնաթղ-
թերի տակ գրված էր՝ «ի դրան մեծի և սուրբ աթոռոյս Գանձասարայ»։
Այնտեղ, Գանձասարում էր խմորվում, ձև ու կերպարանք առնում
հայոց ազատագրության գաղափարը, այնտեղից էին ուղղություն ըս-
տանում հայոց սղնախների քաջ պաշտպանները՝ օտար բռնակալների
դեմ անզիջում կռվելիս³։

Ուշագրավ էր, որ Գանձասարի կաթողիկոս Ծսայի Հասան-Ջալալ-
յանն ու նրա համախոհները, անվերապահորեն կողմնորոշվելով դե-
պի ռուսական արքունիքը և նրանից սպասելով օգնություն ու հովա-
նավորություն, միաժամանակ իրենց հույսը հիմնականում դնում էին
ազատագրական շարժումների, հայ ժողովրդի ներքին բոլոր ուժերը
գործի դնելու և ազգային ազատագրությունն ու անկախությունը սե-
փական ձեռքով կռելու վրա։ Պատահական չէ, որ նրանք նույն դարի

քսանական թվերին կազմակերպեցին Ղարաբաղի սղնախների հե-
րոսական պաշտպանությունը հայ մելիքական տների գլխավորու-
թյամբ և Սյունիքի ու Կապանի հայտնի ազատագրական շարժումը
Գավիթ-Բեկի ղեկավարությամբ։

Ինչպես այս մարտերում, այնպես էլ ազգային-ազատագրական
հետագա շարժումներում դարձյալ վիթխարի կազմակերպչական դեր
էր խաղում Գանձասարը։ Դարի երկրորդ կեսին բորբոքված ինքնա-
պաշտպանական կռիվներում ու դիվանագիտական հարաբերություն-
ներում, որոնք հիմնականում ուղղված էին Ղարաբաղ խուժած և այն-
տեղ խանություն հիմնած քոչվորության ոտնձգությունների և հին թըշ-
նամիների՝ Պարսից ու Օսմանյան բռնակալների դեմ, եռանդուն գոր-
ծունեություն էր ծավալել Ծսայու կրտսեր տոհմակից Հովհաննես
Հասան-Ջալալյան կաթողիկոսը։ Այդ նրա գլխավորությամբ էր, որ
1783 թ. գրվեց Ղարաբաղի վեց մելիքների, հոգևոր առաջնորդների,
ինչպես նաև հարևան Ղարաղաղի ներկայացուցիչների համախոսա-
գիրը ռուսական ցարին։ Այս անգամ գործի միջնորդ էր եռանդաշատ
Հովսեփ արքեպիսկոպոս Արղությանը։ Գործն այնքան բարեհուն ըն-
թացք էր ստացել, և Ղարաբաղյան իշխանապետներն այնքան վստա-
հություն էին ներշնչում արքունիքին, որ շուտով Կովկասի կառավարիչ
և զորքերի հրամանատար գեներալ Պավել Պոտյոմկինն ստանում է
հետևյալ հրամանագիրը. «Շուշու Իբրահիմ խանին պետք է պաշտո-
նանկ անել, որովհետև Ղարաբաղն այսուհետ պետք է կազմի անկախ,
բացի Ռուսաստանից ոչ ոքի շենթարկված մի երկիր։ Ամեն ջանք գործ
դրեք, որպեսզի այս նոր երկիրը կազմակերպվի ժողովրդի համար
ամենաշահավետ կերպով։ Այս միջոցով ուժեղ հայկական նահանգ-
ները կհետևեն այս օրինակին»¹։

Ղարաբաղի այդ նորաստեղծ իշխանությունը պետք է հիմք դառ-
նար ապագա հայկական միասնական պետության համար։ Իշխան
Պոտյոմկինը՝ Եկատերինայի թագավորության փաստական տնօրե-
նը, թագուհուն գրել էր, թե «Այդպիսով կվերանորոգվի մի քրիս-
տոնեական պետություն՝ համաձայն մեր կայսերական մեծության
խոստումների, որոնք իմ միջոցով հաղորդված են հայոց մելիքե-
րին»²։

Նիշտ է, հայ ժողովրդի համար վիթխարի բախտորոշ նշանակու-

¹ Армяно-русские отношения в первой трети XVIII века. Сборник до-
кументов, т. II, ч. I, Ереван, 1964 г., стр. 360.

² Անդ, սկսած էջ 237-ից մինչև էջ 385, նաև նույն ժողովածուի՝ часть II, Ере-
ван, 1967, էջ 62, 66, 236 և այլն։

³ Ղարաբաղի սղնախների (բերդարոցների) անվեհեր ազատամարտերի մասին
հանգամանորեն տե՛ս Армяно-русские отношения, т. II, ч. II, Լեռ, Հայոց
պատմություն, III հ., գիրք II, մասն առաջին, գլուխ III, А. Хачатрян, Армянское
войско в XVIII веке, Ереван, 1968 և այլն։

¹ Н. Дубровин, История войны и владычества русских на Кавказе, т. II,
СП, 1886, стр. 29.

² Անդ, էջ 31։

թյուն ունեցող այս ծրագիրը չիրականացավ: Նրա դեմ դաժանորեն կանգնած էին մահմեդական հարևանների խաթարիչ կամքն ու գործնական, միշտ ճարպիկ ու ճկուն քաղաքականությունը: Ամենակարեվորը՝ ռուսական արքունիքի ծրագիրը և կոնկրետ շահն այդ պահին չէին համընկնում: Սակայն Գանձասարի արժարժած հարցն այն աստիճան բորբոքել էր հյուսիսի մեծ միապետությունը, որ այն փորձում էր վերջնականապես և արմատականորեն լուծել հայ ժողովրդի քաղաքական վիճակի հարցը և դրա համար նույնիսկ գործնական քայլերի էր դիմում:

Այս թուրքիկ ակնարկից իսկ ակնհայտ է Գանձասարի վանքի խաղացած ակնառու դերը ինչպես Հայոց Արևելից կողմանց, այնպես էլ ամբողջ Հայոց քաղաքական ու մշակութային կյանքում: Այդ դերը շարունակվեց ավելի քան հինգ հարյուրամյակ՝ մինչև Անդրկովկասի միացումը Ռուսաստանին: Այս շրջանից սկսած՝ Գանձասարն աստիճանաբար զրկվում է իր հոգևոր բարձր ազդեցությունից, որովհետև 1815 թ., Ամենայն հայոց կաթողիկոսության միջնորդությամբ, ցարական կառավարությունը վերացնում է Գանձասարի կաթողիկոսությունը՝ փոխարենն արտոնելով միտրոպոլիտական իրավունք¹:

Առավել վատթար հարվածն այն եղավ, որ հետագայում էլ միտրոպոլիտությունը տեղափոխվեց Շուշի: Այստեղ փոխադրվեցին Արցախական աշխարհի խոշորագույն հոգևոր կենտրոնի հարուստ ձեռագրերն ու հին օրերի փառավոր հիշատակները, և վանքը համարյա ամայացավ՝ մնալով վաղեմի փառքի լուսապսակի մեջ: Եվ զարմանալի չէ, որ XIX դարի վերջերից մնացած գրավոր վկայություններում և հատկապես տեղագրական երկերում Գանձասարը ներկայացվում է իբրև հազիվ իր գոյությունը պահող մի մենաստան, ճարտարապետական բացառիկ մի հուշարձան, որին սպառնում է անխուսափելի քայքայումը բնական ավերածություններից:

¹ Հ. Շահխաբունեանց, Բ, էջ 349:

ԳԱՆՁԱՍԱՐԻ ՎԱՆՔԻ ԾԱՐՏԱՐԱՊԵՏՈՒԹՅՈՒՆԸ


Միջնադարյան Հայաստանի վանական համալիրները մեծ մասամբ կառուցվել են լեռնագագաթներին, ժայռերի վրա, անտառների անմատչելի խորխորատներում և այդ ո՛չ միայն նրա համար, որ անտվածառաք աղոթքները հեշտ հասնեն տեղ, այլև որպեսզի եկվոր ավերիչ բռնակալները՝ հայ ժողովրդի պատմության այդ մշտաներկա ուղեկիցները, չկարողանան մերձենալ նրանց: Այդ հուշարձանները, իրենց ճարտարապետական ձևերով ու արժանիքներով տարբեր իրարից, ունեն մի անխախտ ընդհանրություն՝ անխզելի կայն ու միասնությունը շրջապատի հետ: Նրանցից յուրաքանչյուրը դիտողին, ամենից առաջ, շլացնում է այդ կապի ու միասնության կատարելությամբ: Եվ քանի որ վանական համալիրները մեծ մասամբ կառուցվել են բլրնության գրկում, լեռնագագաթներին, ժայռերի վրա ու անտառապատ խորխորատներում, այստեղից էլ՝ մեր շինարար-ճարտարապետների բուն ձգտումը կապվելու մայր բնությանը, իրենց կառույցները մայր բնության մի բաղկացուցիչը դարձնելու, նրա կախարդական պատկերի մի նոր ու անկրկնելի մանրամասը հյուսելու համար: Միշտ այսպես է ստեղծվել մարդ-արարչի և մայր-բնության հավերժական երկխոսությունը:

Գանձասարի ճարտարապետներն ու շինարարները կատարելապես տիրապետել են այս նրկխոսությունն ստեղծելու կախարդական արվեստին: Նրանց կեռտած վանքն այնպես հյուսված-ձուլված է լեռնաստանի դարմանահրաշ բնությանը, որ թվում է՝ չլինել վանական համալիրը, հմուտ աչքն անպայման պիտի նկատեր նրա բացակայությունը:

Հայկական բարձրավանդակը հյուսիս-արևելքից եզերող Փոքր Կովկասի կանաչափառ լեռնապարից մի լեռնաբազուկ կախվում է իս-

չենաձորի վրա: Գանձասար է կոչվում այն, որովհետև իր խորքում ունի արծաթահանք: Այս լեռնաբազկի գագաթին, Խաչենահովտի բուլոր կողմերից տեսանելի և ակնառու, կանգնած է Գանձասարի վանքը: Այն կառուցված է տեղական մուգ վարդագույն տուֆից, որը հարյուրամյակների ընթացքում մուգ շագանակագույն է դարձել և համատարած կանաչության ֆոնին առավել ընդգծված երևում է իր ճարտարապետական ամբողջ կերպարանքով:

Վանական համալիրը (տե՛ս նկ. № 1) բաղկացած է Հովհաննես



Նկ. 1. Գանձասարի համալիրի հատակագիծը (չափազրույթյուն Մ. Մ. Հասրաթյանի):

Մկրտիչ եկեղեցուց, գավթից, բնակելի խուցերից, տնտեսական շինություններից և երկհարկանի դպրոցական մի շենքից, որը կառուցվել է XIX դարում: Հավանաբար գոյություն են ունեցել նաև ուրիշ մասնաշենքեր, ինչպես վեհարանը, գրչատունը և այլն: Սակայն XIX դարի առաջին քառորդից, այսինքն՝ Գանձասարում նստող կաթողիկոսության վերացումից հետո, վանական կենտրոնի անշուքացման հետ միասին, ավերվել ու անհետացել են նաև այդ շինությունները:

Գանձասարի վանքի համալիրը գտնվում է խանգարված քառակուսի հատակագիծ ունեցող շրջապարսպի ներսում (նկ. 1): Տաճարն իր գավթով կանգնած է պարսպափակ տարածության կենտրոնում, ավելի մոտ հարավային պարսպապատին: Խուցերը ձգվում են պարսպի հյուսիսային պատի երկարությամբ, իսկ դպրոցական շենքը՝ կիսավեր վիճակում՝ արևելյան պատի տակ: Պարսպի ներսի տարածությունը հարթ է, սակայն հյուսիս-արևելյան ու արևելյան կողմերում թեթևակի թեքություն ունի, որի պատճառով էլ այս կողմերում պարիսպը նաև հենապատի դեր է կատարում: Պարիսպը երեք մուտք ունի. հարավային, փառահեղ կամարով շքամուտքը, երևի հնում հիմնականը, որն այժմ փակված է խուլ պատով, արևմտյան փոքր դռնով մուտքը, որն այժմ գործում է, և արևելյան դուռը, որն անտառածածկ ձորի վրա դուրս է գալիս օժանդակ շինությունների արանքից և, հավանաբար, ծառայել է զաղտնի ելումուտի համար:


Պարսպի ներսում, տաճարի ու գավթի հյուսիսային պատի տակ փռված են Հասան-Ջալալյան իշխանական տան մեծերի գերեզմանները: Անկասկած է, որ նրանք այստեղ թաղվել են միայն գավթի ներսում ազատ տարածություն չլինելու պատճառով (քանի որ իշխանական տոհմի տապանատունը գավթին է եղել): Նույնիսկ հյուսիսային պատի տակի տարածությունն էլ չի բավարարել, և, ինչպես վիճաբերից էլ պարզ երևում է, XVIII—XIX դարերում արդեն Հասան-Ջալալյաններն իրենց հանգուցյալներին թաղում էին Վանք գյուղի¹ ընդհանուր գերեզմանոցում, որը փռված է վանական համալիր-

¹ Վանք է կոչվում Գանձասարի վանքից 1,5—2 կմ հյուսիս-արևելք գտնվող գյուղը, որը փռված է Գանձասարին կից ձգվող լեռնաբազուկի հարավ-արևմտյան լանջին: Ավերորդ է ասել, որ գյուղն իր անունն ստացել է վանքից (Գանձասարի): «Գյուղիս բնակիչները նախ բնակած են եղել Գանձասար վանքի մոտ, ուր մինչև այսօր մնում են տնաբակերը, ապա փոխադրված են այստեղ» (Մ. Քարխառաբյանց, Արցախ, էջ 172): Վանք գյուղը հնում բաժանված է եղել երկու թաղի, որոնցից մեկը կոչվում էր Հյունա-հող, մյուսը՝ Գոմա-կալ (անդ):

րից հարավ՝ անմիջապես պարսպապատի տակից սկսած: Այս դերեզմանատան արևմտյան եզրին կանգնած է թաղակապ մի շենք, որն, ըստ երևույթին, եղել է ուխտավորների կացարան, կամ թերևս ծառայել է մեռելաթաղի արարողություններին: Նրա մուտքն արդեն քանդված է և թաղի ու պատի շաղախների մեջ երևում են խաչքարերի ու հին՝ գիր ունեցող քարերի մշակված բեկորներ:


ՏԱՃԱՐԻ ԾԱՐՏԱՐԱՊԵՏՈՒԹՅՈՒՆԸ ԵՎ ՀԱՐԿԱՐԱՆԵՐԸ

Հայտնի է, որ տաճարը նախապես կառուցվել է առանձին, առանց գավթի, որը, հետագայում կցվելով արևմտյան կողմից (տե՛ս նկ. № 2), ծածկել է տաճարի զխավոր ճակատի մեծ մասը՝ միակ շքադուռը և նրա շրջապատի բազմազան հարդարանքը:



2. Վանքի (տաճարի ու գավթի) հատակագիծը (չափազրույթուն Մ. Մ. Հասրաթյանի):

Գանձասարի տաճարը հայ ճարտարապետության բազմադարյան պրակտիկայում լայնորեն հայտնի՝ ուղղանկյուն, խաչաձև, չորս անկյուններում երկհարկ ավանդատներով, կենտրոնազմբեթ շինությունների տիպին է պատկանում: Ծաճարը ներքին ու արտաքին համեստ չափերի մեջ (արտաքին չափերն են՝ 11,8×17,4 մ) ունի ճարտարապետական ձևերի մի անկրկնելի վեհություն: Այստեղ արտահայտություն են գտել կենտրոնազմբեթ դահլիճների տիպի ընձեռած բոլոր ծավալային լուծումները: Խաչաձև սրահի հյուսիսային ու հարավային թևերը կարճ են, արևելյան թևում ներսից կիսաշրջանաձև արսիզն է՝ բեմի համար բարձրացված, դարձյալ կիսաշրջանաձև տարածությամբ:



Նկ. 3. Իվանեի որդի Հովհաննես եպիսկոպոսի արձանագրությունը:

Խաչաթևերի արանքներում երկհարկ խորաններն են, որոնց երկրորդ հարկ տանող սանդուղքները կառուցված են պատից ելուտ ունեցող (սյահունակային) աստիճաններով: Աբսիդի կողքերի խորաններն են տանում 6-ական, իսկ արևմտյան պատի երկու անկյուններինը՝ 11-ական աստիճաններ, որոնք ներքևի կողմից մշակված են ստալակատիտի (շթաքարի) եղանակով: Խորաններից դեպի տաճարը՝ բեմի երկու կողմերին՝ կանգնած են հզոր որմնամուկները, որոնցից յուրաքանչյուրը կազմված է միմյանց հաջորդող յոթ աստիճաններից: «Առաջին աստիճանները, ավելի հաստերը, բաղկացած են յոթ համահավասար քարերից. յոթ թիվը ցույց է տալիս եկեղեցու յոթ խորհուրդները»¹:


Քանի որ խորանները տեղադրված են խաչի հարավային ու հյուսիսային կարճացված թևերում, ստացվել են նեղ ու երկար: Առաջին հարկի խորանները մուտք ունեն աղոթասրահից և լուսավորվում են արևելյան պատում բացված նեղ լուսամուտներով:

¹ Ան, Իմ հիշատակարանը, էջ 370:

Առաջինների պես նեղ ու երկար են նաև երկրորդ հարկի խորանադոթարանները, որոնց մուտքերը սրահից բարձրացող պահուստակային սանդուղքներից են, իսկ լուսավորությունը՝ դարձյալ արևելյան պատում բացված նեղ, ներքևիներից առավել փոքր լուսամուտներից:

Արևմտյան ավանդատները լույս են ստանում կողքերից՝ հարավային ու հյուսիսային պատերում բացված լուսամուտներից: Երկրորդ հարկի ավանդատների համար ևս բացված են այդպիսի լուսամուտներ, որոնք իրենց նախշաղարզ երեսակալներով բավականին աշխուժացնում են հարավային ու հյուսիսային պատերի հարթ ու խոշոր զանգվածները: Դեպի երկրորդ հարկի ավանդատներն են տանում պահուստակային սանդուղքները, որոնց ձևավորման մեջ զգալի տեղ է գրավում շթաքարի նախշը:


Տաճարի ներսը մշակված է ճարտարապետական ու դեկորատիվ քանդակագործական զարմանազան ձևերով, բարձր ճաշակով ու վարպետությամբ: Քանդականախշերի և առհասարակ հարդարանքի մանրամասներն այստեղ երբեք չեն կրկնում միմյանց, այլ լրացնում-հարստացնում են իրար, ստեղծելով գեղագիտական արտահայտչականությամբ կատարյալ մի ամբողջություն, որի մեջ դժվար է գտնել որևէ թերացում: Տաճարի ներսում տիրապետող է գոտևորման հին հայկական եղանակների բազմազանությունը: Դա զգացվում է հատկապես գմբեթատակի տարածություն մեջ, ուր առկա են և ուղղահայաց իջնող պարզ նախշերը, և փնջաձև ծանրացած նախշավոր գոտի-



Նկ. 4. Տաճարի բնօր:


ները, որոնք ասես վերից շրջանակի մեջ են առնում տաճարի կենտրոնական մասը:

Խաչի թևերի վրա թռիչք տվող կամարները եռաստիճան են, որոնցից վերինը զարդարված է մանրակամար նախշով: Կամարաթռիչքները խաչի անկյուններում հենվում են հինգ կիսասյուններից կազմված սյունափնջերի վրա: Այս կիսասյուններից կենտրոնականը գտնվում է ուղիղ անկյունում, և նրա վրա է հենվում վերին կամարաշերտը, ապա անմիջապես ճյուղավորվելով՝ իր տակ առնում աչ ու ձախ թռչող կամարները: Կենտրոնական այս կիսասյունը հարևան երկուսի պես հարթ քառանկյունու կեսն է հանդիսանում, սակայն նրա անկյունը մշակված կիսազլանի տեսք ունի: Ավելի հզոր կիսազլանների տեսք ունեն ծայրերի կիսասյունները: Թռչող կամարների հիմքերից կազմված անկյուններում բուսական նախշերի քանդակներ կան (տե՛ս նկ. 5), անկյան նեղ մասում՝ արմավենիկներից հյուսված նուրբ ցանց, որը դեպի վեր շարունակվելով ավարտվում է ութթևանի ծաղկած աստղով: Նրա թևերը ելուզված են նախշուն արմավենիկներով: Այս նախշերից յուրաքանչյուրի վրա, տաճարի գմբեթատակի գոտու ներքո, տեղավորված է եղել մի բարձրաքանդակ՝ բավական մեծ ելուստով. հարավ-արևմտյան առաջաստում խոյի գլուխ է քանդակված,



Նկ. 5. Տաճարի գմբեթատակի քանդակազարդերից:

հարավ-արևելյան ու հյուսիս-արևելյան առաջաստներում՝ եզան գրլուխ ու արծիվ, իսկ հյուսիս-արևմտյան առաջաստի վրա՝ մարդու




Նկ. 6. Խաչքար (XIII դ.):

գլուխ: Այս քանդակներն այժմ բավականին մաշված են, և նախնական վիճակների մասին կարելի է գաղափար կազմել մեծ դժվարությամբ: Նրանց նշանակության կամ գաղափարական բովանդակության մասին խոսք կլինի քիչ հետո:

Տաճարի թմբուկը ներսից կլոր է՝ ութ զույգ կիսասյուների միջոցով բաժանված ութ մասերի: Կիսասյուներն ավարտվում են խոյակներով, որոնց վրա ելուստաձև կամարներն են դրված: Այս կամարների զույգերը, իրենց մեկական թևերով հենված սյուների վրա, իրար են գալիս և մյուս թևերով միանում իրար, մարում պատի մեջ:

Թմբուկի լուսամուտները և բեմեզրերի որմնադարակները մշակված են նույն եղանակով: Նրանց կամարներն իրենց հերթին մանր կամարիկներ ունեն, որոնցով ստանում են հովհարի ձև:

Տաճարի հարդարանքի մեջ առանձնահատուկ տեղ է գրավում բեմառաջքը, որն իրենից ներկայացնում է 1,20×5,0 մ չափսի քառակյունի՝ առնված լայնշի, նրբաքանդակ զարդերից հյուսած շրջանակի մեջ (տե՛ս նկ. նկ. 4, 7): Շրջանակի վերին երիզը թողնված է արձանագրության համար, որը գրված է խոշոր շեղատառերով. «Որբ-երկիր-պագանէք անձազարդ սրբո սեղանոյս զՀասան զորդի Վախտանգա յիշեցէք ի սբ յաղաւթս ձեր աղաչեմք»: Շրջանակի միջի տարածու-



Նկ. 7. Բեմառաջքի զարդաքանդակներից մի հատված:

թյունն ընդգրկում է յոթուկես ոտմբ, որոնք, ինչպես նաև նրանց արանքներում գոյացած եռանկյուն տարածությունները, զարդարված են երկրաչափական նուրբ ու բարդ, հյուսածո զարդանախշերով, որոնք ավարտվում են ոտմբերի կենտրոններում քանդակված գնդիկներով: Նախշերը դեպի գնդիկը գնալով խորանում են: Նման թեքություն ունեն նաև եռանկյունները: Այս թեքությունները, հավանաբար, լուսաստվեր ստեղծելու համար են արված: Ուշագրավ է, որ ինչպես շերջանակի երիզանախշերում, այնպես էլ ոտմբերի մեջ իշխում է նուրբ ճարտարությամբ հյուսված խաչանախշը, շնայած նրանք (ոտմբերն ու նրանց արանքներում գոյացած եռանկյուններն անանձին-առանձին) և եզրերը չեն կրկնվում որպես զարդաքանդակային միավորներ (նկ. 4):

Բեմառաջքի այսպիսի զարդաքանդակներով հայտնի են նաև Հառիճի վանքը¹, Մակարավանքը², որոնցից հատկապես առաջինի նախշերը (ոտմբերի մեջ ու նրանք իրար միացնող եռանկյուններում), հավանաբար, ելման օրինակ են եղել Գանձասարի ճարտարապետի համար, բայց միայն ելման օրինակ, որովհետև նա, ինչպես արդեն Ա. Լ. Յակոբսոնն է նկատել, Հառիճավանքի բեմառաջքի համեմատաբար տափակ նախշերի տեղ քանդակել է ավելի ընդգծված զարդեր³, ոտմբերի ու եռանկյունիների կենտրոններում դնելով բարձրաքանդակ գնդիկներ, որոնք մի տեսակ հավաքում-փնջում են շրջապատի զարմանազան զարդանախշերը:

Հետաքրքիր զարդաքանդակներով են առանձնանում նաև բեմառաջքի երկու կողմերից բեմ տանող քառաստիճան սանդուղքների երեսները, որոնք ունեն 6-ական (1-2-3) զարդաքանդակ քառակուսի քարեր, յուրաքանչյուրի վրա ինքնահատուկ երկրաչափական նախշեր՝ կենտրոններում դարձյալ ի մի հավաքող-փնջող գնդիկներով:

Եկեղեցու սրահի լուսավորության համար մեկական նեղ ու երկար լուսամուտներ են բացված տաճարի շորս պատերի մեջ: Արևմտյան պատինը փակվել էր գավթի կցումով: Սակայն մնացածների լույսն էլ բավարար է, քանի որ նրան գումարվում է գմբեթի թմբուկի նեղ, երկար ու կլոր լուսամուտներից թափվող լույսը:

¹ Տե՛ս Н. М. Токарский, Архитектура Древней Армении, табл. № 82.

² Անդ, նկ. 81: նաև՝ «Գիվան հայ վիմագրության», հատ. VI, Իջևանի շրջ. կաղմ. Ս. Ավագյան, Հո. Ջանփոլադյան, Ե., 1977, էջ 152, 166:

³ Ա. Լ. Յակոբսոն, նշվ. աշխ., էջ 147:

Արտաքին ծավալները լիակատար համապատասխանում են մըշակված նախագծին. նրանք պարզ ու որոշ ներկայացնում են ներքուստ խաչաձև-գմբեթավոր շենքի հորինվածքը: Խաչի թևերն ընդգծված են, համամասնությունները մեծացրած ճակտոնապատերով: Անկյունների մասերը փոքր-ինչ իջեցված են: Խաչի թևերը ևս ընդգծվում են ոչ այնքան խոր եռանկյուն որմնախորշերով. սրանք թեթևացնում են շինության հսկա դանդաժը և, միաժամանակ, իրենց ստվերներով առանձնացնում և առավել ցայտուն են դարձնում ճակատի հիմնական մասերը:

Շենքը դրված է հնգաստիճան որմնախարխիսի վրա. աստիճանների բարձրություններն են՝ 36, 46, 37 և 32 սմ, որոնց վրա դրված է 37 սմ բարձրության կիսաշրջանաձև գլանիկը: Տաճարի ճակատները մասնատված են ոչ այնքան բարձր կամարներով, որոնք կաղմվում են կրկնակ կիսագլաններով, և սրանք էլ հենվում են զույգ կիսասյուների վրա: Այս մասնատումը խստորեն պայմանավորված է շենքի ճարտարապետական հորինվածքով. ներքին խաչի թևերը նշված են լայն ու բարձր կամարներով, նրանց կողքերի կամարներն ավելի նեղ են ու ցածր: Այս կամարաշարերը, սակայն, այնքան էլ բարձր չեն քանդակված և չեն խճողում ճակատի միաձուլ ու տիրական հարթությունը:

Հյուսիսային ու հարավային ճակատները մշակված են իրար նըման հնգական կամարներով: Կենտրոնական, առավել խոշոր ու բարձր կամարներից վեր տեղադրված են ուժեղ ընդգծված խոշոր խաչաքանդակներ: Ավելի ճիշտ՝ հենց այդ կամարներն ավարտվում են խաչաքանդակներով, որոնք իշխում են ճակատների վրա: Երկու խոշոր (կենտրոնական) կամարների ճակատներում էլ բացված են նեղ լուսամուտներ՝ նախշազարդ լայն երեսակալներով: Փոքր կամարներն այն առանձնահատկությունն ունեն, որ եռաթև են (ինչպես Հովհաննավանքը Աշտարակի շրջանում՝ 1217 թ.): Ցածի զույգ թևերը համեմատաբար մանր են, միայն մի փոքր ներս. ծոված խոյակներից վեր, և իրենց վրա կրում են հիմնական կամարը:

Արևելյան ճակատը ևս հինգ կամարներ ունի: Կենտրոնականը բարձր է և իր մեջ է ընդգրկել նեղ, ուժեղ ընդգծված լուսամուտը: Երկրորդ և չորրորդ կամարների ներսի տաքածություններում փորված են որմնախորշեր, որոնց վերնամասերը մշակված են ատամնավոր զարդաքանդակներով: Իսկ առաջինը և հինգերորդը, որմնախորշերի տեղ, կենտրոնից քիչ ցած զարդարված են արմավենիկաձև «հոնքերով»:

ինչպես հարավային ճակատի, այնպես էլ հյուսիսայինի մեծ կամարների կողքերի երկուական փոքրիկ կամարների ներսում եռանկյուն որմնախորշերը վերևից պսակված են, բացի հովհարածե մշակումից, նաև ժանեկածև նախշաքանդակներով: Մեծ կամարներն աչքի են ընկնում ուրիշ տեսակ զարդաքանդակներով. հարավայինի ներսում, լուսամտի երեսակալ նախշից վեր, արևի ժամացույց է քանդակված, իսկ հյուսիսային ճակատի նույն տեղում հավերժության խորհրդանշանն է, որը կրկնված է նաև կամարը եզրափակող մեծ խաչի վերին թևի վրա, ուղղակի ճակտոնապատի տակ, այն տարբերությամբ միայն, որ վարի խորհրդանշանի թևերը պտտվում են ժամացույցի սլաքների ուղղությամբ, վերինի թևերը՝ հակառակ:


Թվում է՝ այսպիսի քանդակով է պսակված եղել նաև արևելյան պատի կենտրոնական կամարը, որի վրա այժմ էլ պահպանվում է այդ քանդակի՝ խաչի՞, թե՞ հավերժության նշանի, հիմքը: Ըստ երկվույթին այն մաշված է եղել, և այդ պատճառով էլ վերջին նորոգողներն այլևս չեն վերականգնել:

Տաճարի խաչի թևերի ծայրերին, ճակտոնապատերի անկյուններից վեր գմբեթի մանրակերտներ (մակետներ) են դրված: Սա XIII դարի եկեղեցիների շինարարության մեջ սովորական երևույթ էր: Հառիճավանքում, օրինակ, նույն տեղերում դրված են գլխավոր եկեղեցու մանրակերտները: Դրանից, երևի, պետք է ենթադրել, որ ճարտարապետը, շենքը կառուցելուց առաջ, նման մանրակերտ էր սարքում՝ այժմյան նախագծային միջոցառումների փոխարեն:

Գանձասարում այս շորս մանրակերտներից լավ պահպանված է միայն տաճարի խաչի հյուսիսային թևինը: Մնացածները տարբեր չափերով մաշվել են, շունեն գմբեթի ծայրին տնկված մետաղյա խաչը, որը հյուսիսայինի վրա դեռևս կա և նրան տալիս է ավարտուն տեսք: Մանրակերտները, դրված լինելով գմբեթի քանդակազարդ լուսամտների դիմաց, դիտվում են իբրև նրանց հետ սերտորեն առնչվող մանրամաս:

Ըստ երևույթին ճարտարապետն ու քանդակագործն իրենց առաջ նպատակ են դրել տաճարի խաչի յուրաքանչյուր թևի և գմբեթի՝ նրա վրա բացվող շորս նիստերի հարդարանքով ստեղծել մի ինքնահատուկ ամբողջություն, որն ունի բովանդակության ամբողջականությունն արտահայտող և իրարով պայմանավորված բոլոր մանրամասները՝ իմաստային իրենց կիզակետով, տարբեր հատվածներն ու մանրամասները հավաքող, միասնականացնող գաղափար:

Խոսելով Գանձասարի տաճարի երեք ճակատների կամարային



Տաճարն ու գավիթը հյուսիս-արևելքից:

հարդարանքի մասին, Ա. Լ. Յակոբսոնը հայտնել է այն կարծիքը, թե ճարտարապետական այս կարևոր լուծումը հայկական շինարարական արվեստի հատկանշական գծերից է եղել՝ սկսած հնագույն ժամանակներից և ժառանգվել է Բագրատունյաց թագավորության օրերում (IX—XI դդ.)՝ ինչպես հայ, այնպես էլ վրաց ճարտարապետների կողմից: Սակայն, գիտնականը գտնում է նաև, որ հետագայում, հատկապես XII—XIII դարերում, հայ շինարարները հրաժարվել են կամարային զարդերից, ազդատացրել հայ ճարտարապետական կառույցների դեկորատիվ հարդարանքը: Գիտնականը ճարտարապետական լուծման այս ակնհայտ տարբերությունը՝ կամարային հարդարանքից հրաժարվելը, նկատում է իբրև հայոց հակաքաղկեդոնական տրամադրությունների դրսևորում: XIII դարի հայկական ճարտարապետական մի շարք կառույցներում նկատվող կամարային հարդարանքի առկայությունն էլ նա փորձում է բացատրել որպես մի երեվոյթ, որը, իբր, պետք է պայմանավորված լիներ այդ կառույցների «պատվիրատուների քաղկեդոնական հակվածությամբ»¹: Ա. Լ. Յակոբսոնն այդօրինակ ազդեցության արդյունք է համարում Տիգրան Հոնենցի ու Բախտաղեկի տոհմի տաճարները Անիում, Գրիգոր Լուսավորիչ եկեղեցին Նոր-Գետիկում, հատկապես Հովհաննավանքը Աշտարակի շրջանում, որը կառուցվել է «Հայաստանի կառավարիչ Զաքարե Երկայնաբազուկի վասալ Վաչեի կողմից»²: Այս բոլորից ելնելով էլ, գիտնականը հնարավոր է համարում, որ «Գանձասարի տաճարի կամարազարդարանքն ինչ-որ չափով արտացոլված լինի Խաչենի տերերի արյունակցական ու քաղաքական կապերը Զաքարե և Իվանե Երկայնաբազուկների հետ»³:

Արտաքուստ կարող է հիմնավոր թվալ Ա. Լ. Յակոբսոնի այս կարծիքը, որը, սակայն, այդպես չէ, պարզապես սխալ է և ահա թե ինչու:

Հայտնի է, որ տաճարների արտաքին հարուստ հարդարանքը և

¹ Ա. Լ. Յակոբսոն, նշվ. աշխ., էջ 150:

² Անդ:

³ Անդ:

հատկապես կամարազարդումը հայկական ճարտարապետության բնորոշ հատկանիշներն են եղել սկսած VII դարից (հիշենք Զվարթնոցը, Արթիկի ու Թալինի հուշարձանները) և իրենց հետագա բուն զարգացումն ու տարածումն են ստացել հաջորդ դարերում: Ճարտարապետական-քանդակագործական այս իրողության ակնառու օրինակ է Սանահնի վանքի Ամենափրկիչ եկեղեցին (966 թ.)¹, որի ներքին (բեմի արսիդում) և արտաքին (հատկապես արևելյան ճակատի) կամարազարդերն առանձնահատուկ տեղ են բռնում ոչ միայն Հայաստանի, այլև հարևան ժողովուրդների ճարտարապետական կյանքում: Ուշագրավ է, որ Գ. Ռիվոյրայի կարծիքով՝ Սանահնի Ամենափրկիչը Ռավեննայի ճարտարապետության նախատիպերից մեկն է հանդիսացել²:

Կամարազարդման ավանդույթը հայ ճարտարապետության համար բնորոշ առանձնահատկություն մնաց նաև հետագայում: Այն փայլուն կերպով դրսևորված ենք տեսնում Մարմաշենի եկեղեցում, Արգինայի տաճարում և Անիի կաթողիկե եկեղեցում (վերջին երկուսի ճարտարապետ՝ Տրդատ), երբևէ էլ կառուցված X դ. վերջին և XI-ի սկզբին: Հեռակապես, Անիի հուշարձաններում (Տիգրան Հոնենցի ու Բախտաղեկի եկեղեցիները) կամ Նոր-Գետիկի Գրիգոր Լուսավորիչ եկեղեցում (XIII դ. սկիզբ) տեղ գտած կամարազարդերը չի կարելի համարել ներմուծված երևույթ, մանավանդ, պայմանավորված քաղկեդոնական միջավայրի ազդեցությամբ:

Եթե այսօրինակ ճարտարապետական մի ավանդույթ, սելջուկ թուրքերի դժնդակ տիրապետության օրոք կարճատև ընդմիջում տալուց հետո, XIII դարում վերստին ծաղկում է հայկական կոթողային շինարարության մեջ, ապա այսքանը միայն և միայն կարող էր նշանակել, թե այդ նույն դարի հայ ճարտարապետները վերակենդանացրել են նախորդ կարճատև շրջանում ետին պլան մղված հին հայկական ճարտարապետական հարդարանքի ավանդույթը: Ընդ որում՝ այդ հարկադիր կարճատև «մոռացությունը» ոչ թե հայ ճարտարապետների ու պատվիրատու իշխանավորների հակաքաղկեդոնական տրամա-

դուրբյունների արդյունքն էր, այլ պարզ հետևանքն այն դաժան իրականության, որ Բագրատունյաց համահայկական թագավորության կործանումից հետո Հայաստան աշխարհի համար ստեղծել էր սելջուկ թուրքերի աղետաբեր տիրապետությունը: Այդ պայմաններում հնարավոր չէր կանգնեցնել շատ թե քիչ տանելի ճարտարապետական որևէ կառույց, ո՛ր մնաց՝ կամարազարդ հարդարանքով տաճար: XII դարի առաջին երեք քառորդը, մեր պատմիչ-ժամանակագիրների ամենաարժանահավատ վկայությամբ՝ շրջմիջվող ավերի ու կողոպուտների ժամանակաշրջան էր Հայաստանի համար: Ժողովուրդը, նույնիսկ նրա իշխանավորները գտնվում էին ծայր աղքատության մեջ և ի վիճակի չէին պահպանելու հին օրերի փառավոր ճարտարապետական ավանդույթներն իրենց նորօրյա աղքատիկ կառույցներում: Իսկ իրենց ճանապարհին ամեն ինչ ավերող բռնազրավիչները նրանց ոչ միայն հնարավորություն չէին տալիս կառուցելու շքեղ շենքեր, այլև պարբերաբար կործանում ու ավերում էին եղած մեծ ու փոքր հուշարձանները:

Այս է միակ պատճառն այն ահավոր իրողության, որ սելջուկյան մոռյալ տիրապետության շրջանի Հայաստանում կառուցված որևէ նշանակալից ճարտարապետական հուշարձան անհնար է ցույց տալ այսօր:

Ա. Լ. Յակոբսոնի հիշյալ կարծիքի դեմ ծառայող մյուս կարևոր առարկությունն էլ պատմամշակութային փաստերի առկայությունն է:

Գանձասարը կառուցող Հասան-Ջալալը նախամոնղոլական շրջանում անկախ ու ինքնուրույն իշխանություն ունեւր և իրեն կոչում էր «բնակաւոր ինքնակալ բարձր և մեծ Արցախական աշխարհի, թագաւոր Խախանաբերդի յոքնասահման նահանգաւք»¹: Եվ նրա այս ինքնահորջորջումը, որ ուրիշ պարագաներում շատ հավակնոտ կարող էր թվալ, ընդունում էին օտարները, ինչպես և հարևան վրացիք²: Նշանակում է՝ Հասան-Ջալալը ո՛չ Ջաբարյան իշխանապետների վասալն

¹ Գանձասարի տաճարի շինարարությանը վերաբերող մեծ արձանագրությունից:

² Н. Д. Миклухо-Маклай, Географическое сочинение XIII в. на персидском языке. «Ученые записки Инст. Востоковедения», т. IX, Л., 1954, стр. 204. Այստեղ հեղինակը՝ Հասան-Ջալալի ժամանակակիցը, վկայում է, որ «Խաչենը դժվարամաշխի մարդ է, լեռների ու անտառների մեջ... Այնտեղ հայեր են բնակվում: Արխազի մարդիկ նրանց փողիշահին կոչում են «թագավոր»:

¹ О. Х. Халпахчян, Сананн, Москва, 1973, стр. 27.

² G. P. Rivoira, Architectura musulmana, sue originie suo sviluppo, Milano, 1914, p. 225. Հմտ. 2. Խալփախյան, նշվ. աշխ., էջ 32:

էր, ո՛չ էլ որևէ թագավորութեան ենթական: Իսկ նրա և հատկապես նրա միջավայրի հակաքաղկեդոնական տրամադրութիւնները ո՛չ մի ապացույցի կարիք չունեն¹:

Ա. 1. Յակոբսոսնի կարծիքի համաձայն՝ քաղկեդոնական միջավայրն է եղել ահունքը, և Հովհաննավանքն էլ՝ այն կամուրջը, որով հիշյալ կամարային հարդարանքն անցել է հայերին: Իսկ սրա պատճառն էլ այդ վանքի պատվիրատուն ու տնօրենն է եղել՝ «Հայաստանի կառավարիչ Զաքարե Երկայնաբազուկի վասալ Վաչեն»: Բայց չէ՞ որ Զաքարե Երկայնաբազուկը քաղկեդոնական չի եղել, որպեսզի նրա վասալ Վաչեն էլ ընդուներ քաղկեդոնականութիւնը և տուրք տար քաղկեդոնական միջավայրի ճարտարապետական ազդեցութեանը: Զաքարեին համարյա ժամանակակից և Զաքարեին ու նրա միջավայրը շատ լավ ճանաչող Կիրակոս պատմիչն է վկայել, որ «Զաքարէ յուղղափառութեանն եկաց, զոր դաւանեն հայք»²:

Եվ, վերջապես, եթե քաղկեդոնական միջավայրն էր որոշողը, ապա չէ՞ որ այն, նախ և առաջ, իր անջնջելի դրոշմը պետք է դրած լիներ նույն Զաքարյանների կառուցած ու հովանավորած ճարտարապետական հուշարձանների վրա: Կա՞ այդպիսի դրոշմ: Բնա՞վ: Զաքարյան Զաքարեի ու Իվանեի կառուցած Հառիճավանքի ոչ մի ճակատն էլ կամարազարդ չունի: Այդպիսի ճարտարապետական մանրամասներ չունեն նաև Զաքարյանների հովանավորած վանքերի՝ Հաղբատի ու Սանահնի այն շէնքերը, որոնք կառուցվել են նրանց իշխանապետութեան օրերում:

Միայն Սանահնի համալիրի Ամենափրկիչ եկեղեցին է, որ հյուսիսային պատի վրա ունի կամարազարդ (ինը կամար), այն էլ կառուցվել է X դարի երկրորդ կեսին, Զաքարեի և Իվանեի իշխանապետութիւնից ավելի քան երկու դար առաջ: Այս եկեղեցին շքեղ կամարազարդ ունի նաև բեմի արսիղում (տասը կամարով)³: Եվ միան-

1 Մեր այս տեսակետի օգտին խոսող անհերքելի կովան կարող է լինել Գանձասարի ու Գաղիվանքի հոգևոր առաջնորդների, Հայոց Արևելից կողմանց մտավորականներ Վանական Վարդապետի, Կիրակոս Գանձակեցու, Գրիգոր Պատմիչի և մյուս վարդապետների անհաշտ պայքարը քաղկեդոնականութեան դեմ:

2 Կիրակոս, էջ 166:

3 Տե՛ս Հ. Խալիփախյան, նույն տեղում, էջ 29:

գամայն իրավացի է Հ. Խալիփախյանը, երբ հավանական է համարում, որ հենց Սանահնի այս եկեղեցին իր կամարազարդով պիտի խոր ազդեցություն թողած լիներ ինչպես Մարմաշենի գլխավոր եկեղեցու (983—1029), Անիի Մայր տաճարի (Տրդատի կառուցած, 989—1010), այնպես էլ հետագայում կառուցված համանման հուշարձանների վրա¹:

Քննութեան առնված փաստերը ցույց են տալիս, որ տաճարների արտաքին կամարազարդերի առկայութիւնը XIII դարի հայկական մի շարք ճարտարապետական հուշարձանների վրա (Անիի եկեղեցիներում, Մարմաշենում, Խժկոնքում, Կեչառիսում, Գանձասարում և այլուր) աներկբայելի ապացույց է, որ դա հայ ճարտարապետութեան հարազատ ավանդույթն է, առանց միջնորդութեան: Եվ պարզապես XIII դարի հայ ճարտարապետները, հարազատ մնալով ազգային բազմադարյան ավանդներին, մեկ հարյուրամյակի հարկադիր ընդմիջումից հետո վերստին կիրառեցին և առավել զարգացրին ճարտարապետական մի այնպիսի փառահեղ միջոց, ինչպիսին շէնքերի ճակատների կամարազարդումն է:

«Գանձասարի եկեղեցու արտաքին կերպարը, նրա ծավալատարածական ողջ լուծումը և, առաջին հերթին, հարդարանքը՝ ակնհայտ կերպով ցույց են տալիս ճարտարապետի ձգտումը՝ շէնքին տալու առավել կոթողային և վեհ տեսք, որ պետք է մարմնավորեր Խաչենի իշխանութեան հզորութիւնը և նրա տեր Հագան-Ջալալի բարձր դիրքն ու հեղինակութիւնը ողջ Հայաստանում»²:

ՏԱՃԱՐԻ ԾԱԿԱՏԱԿԱԼ ԽԱՉԱՔԱՆԳԱԿԸ

Գավիթը, ինչպես ընդունված է հայկական ճարտարապետական ավանդույթով, տաճարին կից կառուցվել է նրա արևմտյան կողմում: Կառուցվել է հետագայում և հասկանալի է, որ այն իր տակ է թողել տաճարի շքամուտքը, ինչպես նաև վերջինիս հարդարանքի մի մասը: Իսկ այս ամենը նախապես կազմակերպված է եղել արտակարգ բարձր ճաշակով և համապատասխանել է կառույցի մյուս բարեմասնութիւններին: Բավական է հիշել թեկուզ շքամուտքի վերին մասում,

1 Անդ:

2 Բ. Ա. Ուլուբաբյան, Մ. Մ. Հասարբյան, Գանձասարի վանքը. «Հայկական հագորտական հանդես», հատոր Ե, Բեյրութ, 1974, էջ 100:

հենց անմիջապես ճակատնակալից սկսվող մեծ խաչի բարձրաքանդակը, որն, անկասկած, տաճարի հիմնական ճակատի ամենափառահեղ զարդն է եղել, հանդիսանալով առհասարակ տաճարի հարդարանքի պսակը: Ճիշտ է, մեծ խաչերով են պսակվում նաև հարավային ու հյուսիսային ճակատների հարդարանքները: Հավանաբար, կառույցի հեղինակն արևելյան ճակատի վրա նման շքեղ մանրամասն ավելորդ է համարել՝ մտածելով, որ այդ պատը քիչ է դիտվում: Չնայած այնտեղ ևս չի զլացել ստեղծելու բարձրարվեստ հարդարանք. հիշենք հնգաթև կամարաշարն իր կիսասյուններով և այլ մանրամասներով:

Սակայն շքամուտքի այս խաչը շահեկանորեն տարբերվում է ինչպես մյուս պատերը պսակող խաչերից, այնպես էլ ուրիշ հուշարձանների համանման զարդերից առհասարակ: Այստեղ արտասովոր գեղեցիկ են և խաչի նախշերը, և նրա կենտրոնական մասը կազմող սյուժետալին քանդակը: Խաչի թևերը եզերվում են կիսագլաններից կազմված շրջանակներով, որոնց ներսում նախշավարդ տարածություններ են ստեղծված, ապա այդ տարածությունների ներսում ձգվում են թևերի ատաղձը կազմող զարդաքանդակ կիսագլանները: Գավթի կտրից դուրս երևում է շքամուտքի վերնաճակատի մասը: Նրանից վեր շրջանաձև հարթաքանդակն է, որի վրա կանգնած է խաչը: Եվ շրջանաձև հարթաքանդակը, որ, ինչպես ենթադրվում է մասնագետների կողմից, երկրագնդի պատկերն է ներկայացնում, և նրա վրա բարձրացած խաչի ներսի նախշերը՝ ոսկերչական նրբագեղություն ունեն, շեն կրկնված հուշարձանի այլ մասերում:

Խաչի կենտրոնում խաչելություն տեսարանն է, և խաչված Քրիստոսի քանդակն իր վրա է առնում հանգույցի դերը: Քրիստոսի տարածած թևերին թառել են երկու սերովբեներ: Թևատակերին ծնկաչոք երկու մարդ, ձեռքները վեր պարզած, դեմքերով դեպի նայողը, աղոթում են: Չի կարելի կասկածել, որ նրանք ևս վանքի շինարարության հովանավորների պատկերներն են՝ նման գմբեթի հովանավորական քանդակներին, թե՛ դեմքերով և թե՛ հագուստ-կապուստով:

Խաչի հորիզոնական թևերի վրա բարձրաքանդակված են իրար դեմ գնացող երկու արծիվներ, որոնց խրոխտորեն վեր պարզված վրդերը հատվում են և զլուխ չունեն: Նրանց անզլուխ լինելը նկատվում է մոտիկից, երբ բարձրանում ես գավթի կտուրը, իսկ ցածից արծիվները երևում են ամբողջական ու անթերի: Նշանակում է՝ քանդակ-

կագործ-վարպետը հմտորեն տիրապետում էր նաև իր արվեստի այսօրինակ նրբությունը¹:

Նկարագրված խաչ-քանդակը եզակի երևույթ է և իր նմանը չունի XIII դարի հայկական ճարտարապետական կառույցներում: Այսպիսի ստեղծագործությունների հանդիպում ենք հետագա դարերին վերաբերող հուշարձաններում: Օրինակ, հայտնի է Սևանից գտնված քանդակը՝ խաչելության տեսարանով, որը Գանձասարի մի տարբերակն է հիշեցնում և թվագրվում է 1448 թ.²:

ԳՄԲԵԹԸ

Կիրակոս Գանձակեցու վկայությամբ՝ Հասան-Ջալալը Գանձասարի վանքի տաճարը կառուցել է «գեղեցկազարդ յորինուածովք գրմբեթարդ երկնանման»³: Ուրեմն, գմբեթը սկզբնապես տաճար-ամբողջության մասն է կազմել: Վերանորոգումների մասին խոսող նյութերում ոչ մի խոսք չկա գմբեթի վերափոխման մասին, որն, իհարկե, չի նշանակում, թե վերանորոգման չի ենթարկվել նույնիսկ նրա ծածկը: Ընդհակառակը, ինչպես հետո կտեսնենք, Գյուլիստանի մելիք Աբովի արձանագրության մեջ կոնկրետ խոսք կա ամբողջ համալիրի ծածկը փոխելու մասին: Սակայն գմբեթի ճարտարապետական ու քանդակագործական կերպարը էական փոփոխության չի ենթարկվել: Հետևապես, մենք լիիրավ կարող ենք ասել, որ գմբեթը պահպանվել է իր համարյա նախաստեղծ վիճակով ու մանրամասներով: Համարյա ենք ասում, որովհետև ուսումնասիրությունը ցույց է տալիս, որ օրինակ գմբեթի սյունափնջերի խոյակներն իսկապես ենթարկվել են փոփոխության: Խոյակներից մի քանիսը, որոնք, հավանաբար, սկզբնականն են, քանի որ բավականին մաշված տեսք ունեն, քանդակազարդ են, և սյունափնջի կենտրոնական կիսասյունից վեր ներկայացնում են հրեշտակի զլուխ՝ շրջանակված բուսական քանդականախշերով: Այսպիսի պատկերով մի քար-խոյակ՝ կողքերից ջարդված վիճակում՝

¹ Անզլուխ արծիվների բարձրաքանդակներ կան նաև գավթի շքադռան աջ ու ձախ կողմերում: Այստեղ ևս քանդակագործի հղացումն արդարացվում է. արծիվները դիտվում են իբրև զլուխներ խրոխտորեն վեր ձգած պատկերներ: Վանքեցի մեկը մեզ ասում էր՝ ինքն էլ է նկատել այդ քանդակների անզլուխ լինելը և միամտորեն կարծել, թե դրանք մատող արած աբլորների քանդակներ են:


² Այս խաչ-քանդակը (աչից ձախ կառավարված դրով) այժմ պահվում է Հայաստանի պետական պատմական թանգարանում:

³ Կիրակոս, էջ 269:

գտնվել է զանգակատան ուտոնդայի տակ (տե՛ս նկար № 7): Անկասկած, այս խոյակը, մաշված լինելու պատճառով, հանվել է գրմբեթից, սակայն տեղը դրել են առանց քանդակների, հարթ մակերեսներով, հասարակ խոյակ: Նույնը տեղի է ունեցել նաև մյուս խոյակների հետ, բացի մի 2—3-ից, որոնք և հնարավորություն են տալիս դատելու գմբեթի այս մասերի հատվածների նախնական բարձրարվեստ հարդարանքի մասին:

Զի կարելի չնկատել, որ կառուցող ճարտարապետն ու քանդակագործը, հրաշալի կերպով լուծելով տաճարի ճարտարապետության և հարդարանքի բոլոր հարցերը, միաժամանակ իրենց—ուշադրությունը բեռել են գմբեթի վրա՝ իբրև շինության պսակի, և այդ համակողմանի ուշադրությունից ծնվել է անկրկնելի մի կոթող, որն իր տեսակի մեջ բացառիկ տեղ է գրավում հայ բազմադարյան ամբողջ ճարտարապետության ամենաշքեղ երևույթների շարքում:

Գմբեթն ունի տասնվեց նիստ (տե՛ս նկ. 8), որոնցից յուրաքանչյուրն ավարտվում է անկյունաձև վերնաճակատով: Այս վերնաճակատներից կամ ճակտոնապատերից ամեն մեկի անկյունը բարձրացնում է կոնաձև սալապատ ծածկը՝ նրան տալով հովհարի տեսք: Ծածկի այս ձևը նորություն չէր XIII դարում և բնորոշ էր հայ



Նկ. 8. Գմբեթի գծագիրը (շափագրություն Ա. Լ. Յակոբսոնի):

ճարտարապետությանը՝ սկսած XI դարից: Այդ լուծումն ունեն, օրինակ, Մարմաշենի տաճարը¹, Խժկոնքի Սուրբ Սարգիս, Բջնիի Աստվածածին և Ամբերդի եկեղեցիները (բոլորն էլ XI դարից), ինչպես նաև Անիի մի շարք եկեղեցիներ (օրինակ, Կուսանաց անապատի եկեղեցին՝ XIII դ.)²:

Տաճարի գմբեթը հուշարձանի պսակը հանդիսանալով հանդերձ, դարձել է նաև նրանից վեր խոյացած, առանձին դիտվող մի հորինվածք, որի վեհությունն ընդգծված է հատկապես նիստերի ուղղահայաց բաժանումներով, ինչպես նաև կողերին բարձրացած սյունափնջերով (երեքական կիսասյունների համադրությամբ)³, որոնցից յուրաքանչյուրն ունի իր տակդիրը, խոյակն ու խոյակի վերնահարթակը: Քմբուկի վեհությունն ու մասնատվածությունն ընդգծվում են նաև նիստերը մեկընդմիջտ ձևավորող որմնախորշերով, որոնց միջով դարձյալ վարից վեր ձգվում են զարդանախշ կիսագլաններ՝ իրենց ծայրերին առած տարբեր քանդակներով: Այս բոլորը, բացի իրենց վերապահված որոշակի դերից, ստեղծում են լույսի ու ըստվերի մի հետաքրքիր համադրություն, որով իսկապես առավել ցայտուն է դառնում թմբուկի գեղագիտական տպավորությունը:


Ըստ երևույթին ճարտարապետը նիստերի կոնկրետ բաժանում էլ է կատարել: Չորս նիստերի (խաչի թևերի ուղղությամբ ձգվածներ) մեջ բացված են նեղ, երկարուն լուսանցքներ՝ եզրերի հետաքրքիր զարդանախշերով: Այստեղ երեսակալները լաջն են, ծածկված երկրաչափական կամ բուսական հարուստ զարդերով, երեսակալներից վեր քանդակված են զանազան նախշերով վարդակներ, (տե՛ս նկ. № 9), բացի արևմտյան՝ գավթի կենտրոնին նայող նիստից, որի լուսամուտից վեր կան այլ քանդակազարդեր, որոնց մասին խոսք կըլինի քիչ հետո: Մյուս երեք նիստերի զարդերը ևս չեն կրկնվում, հատկանիշ, որ շատ է բնորոշ Գանձասարի ճարտարապետական ու քանդակագործական մանրամասներին:

¹ Անդ, Հմմտ. Н. Токарский, Архитектура Древней Армении, էջ 167 (տե՛ս նույն գրքի նկ. 48):

² Տե՛ս «Շափակական եկեղեցիներ», էջմիածին, 1970:



³ Ըստ երևույթին «երեքը» ինչ-որ խորհրդանշական իմաստ է ունեցել ճարտարապետի ստեղծագործական պատկերացումներում: Եթե հռաճյուղ սյան խոյակը ևս երեք զլուխ ունի, և երեք շերտից է կազմված նաև գմբեթածածկի քիվը, որ անկյունների ծայրերով անմիջապես նստում է այդ խոյակների վրա, ապա ինչո՞վ բացատրել այս ճարտարապետական սովորությունը: Մանավանդ որ երեքի համադրության շատ օրինակներ կարելի է նշել եկեղեցու ճարտարապետական մանրամասներից: Արդյոք այստեղ գո՞րծ չունենք «սուրբ երրորդության» գաղափարի կոնկրետ դրսևորումների հետ:

Խաչի շորս անկյուններին նայող նիստերից երեքը կենտրոնում փոքրիկ լուսամուտ ունեն. դարձյալ իրարից տարբեր՝ կլոր, խաչաձև և այլն: Լուսամուտ շունի միայն հյուսիս-արևմտյան անկյունին նա-



Նկ. 9ա. Կմրեթի նիստերի քանդակազարդերը:

յողը: Նրա կենտրոնում քառաթև մեծ վարդյակ է տեղադրված քառանկյունի նախշազարդի մեջ: Վարդյակի նախշերը ոսկերչական նրբագեղությունամբ հյուսված են իրար: Վարդյակից վեր ութանկյուն աստղ է, թևերին գեղեցիկ ծաղկաթերթեր: Վարդյակը համանման, բայց ավելի խոշոր ծաղկաթերթերի բարձրաքանդակ շղթայով, ասես հաստ ցողունով, կապված է նիստի հիմքի ստորին մասի հետ, ուր նախշազարդ տակդիրն է գտնվում: Խաչի մյուս երեք անկյուններին նայող նիստերի վրա իրարից տարբեր վարդյակների քանդակներ են. հյուսիս-արևելյան անկյունինը կլոր վարդյակի նրբահյուս բարձրաքանդակից վեր ունի ութթևանի աստղ, որի նախշերը տար-





Նկ. 9բ և գ.

բերվում են մյուսներից: Այս վարդյակն ավելի շատ կանոնավոր ութանկյուն է՝ շրջափակված գեղեցիկ քանդականախշերով:

Հյուսիս-արևմտյան անկյանը նայող նիստի զարդաքանդակ քառակուսիից վեր բոլորովին այլ պատկեր է՝ բարձրաքանդակ կիսագունդ (հավերժության նշանի նախշերով)՝ հյուսկեն քանդակազարդ շրջանակի մեջ:

Հիշյալ վարդյակների և հիմնապաստառի դեր կատարող զարդարուն քառանկյունիների համադրության մի կարևոր առանձնահատկությունն էլ այն է, որ նրանք խորությամբ շարունակում են իրար, և



Նկ. 9դ և եւ

ցալտունորեն այնպիսի տպավորութիւնն է ստացվում, թե վարդյակը՝ որպէս մեկուսի ավարտված մի գեղեցիկ ստեղծագործութիւն՝ դրվել է քանդակազարդ քառանկյունու վրա: Այս երկշերտ քանդականախշերը խաչնի հուշարձաններում լայն տարածում ունեն: XIII դարի երկրորդ կեսին ստեղծված Դադիվանքի երկու հայտնի խաչքարերի վրա արդեն առկա են երեք շերտի քանդականախշեր¹:

Գմբեթի թմբուկի զարդաքանդակների շարքում հատուկ ուշադրութեան են արժանի ճակտոնապատերի տակ գտնվող եռանկյուն տիւպանները, որոնք բոլորն էլ, բացի երկուսից, ծածկված են իրար չկրկնող երկրաշափական ու բուսական հետաքրքիր նախշաքանդակներով և զարմացնում են իրենց մանրամասների արտակարգ մշակվածութեամբ ու բարձր արվեստով:

Թմբուկը տաճարից բաժանող և առանձին դիտել տալու իր դերով աչքի է ընկնում նաև նրբաքանդակ գոտին, որ կազմված է վերից վար կախված վարսանդապողային նախշերի գեղեցիկ հյուսքից:

Թմբուկի քանդակագործական հարդարանքի ամենաակնառու մասը, անշուշտ, կազմում են նիստերի վրա ու ճակտոններում տեղադրված պատկերաքանդակները: Խաչի արևմտյան կենտրոնին հայող նիստերից վեր, ճակտոնապատի վրա Քրիստոսի բարձրաքանդակն է՝ մինչև գոտկատեղ, նուրբ քանդականախշերի ֆոնի վրա: Նրանից ներքև, անմիջապես ճակտոնի քիվի տակ, բուսական բարձրաքանդակի մի փունջ կա: Սրանից վար, երկարուն լուսամուտի շրջանակից վեր՝ Ադամի և Եվայի բարձրաքանդակներն են: Այս քանդակախմբի լրացուցիչներն են աջ ու ձախ նիստերի որմնախորշերում դրված հովանավորների քանդակները: Նրանք դրված են քանդակազարդ սյուների վրա և, ձեռքերը վեր պարզած, իրենց գլխներից վեր պահում են մի-մի տախտակ, որոնց վրա եկեղեցիների մանրակերտներն են, հյուսիսային նիստինը՝ գմբեթազարդ կլոր տաճար, հարավայինը՝ խաչածև կենտրոնազմբեթ եկեղեցի:

Երկու քանդակներն էլ տառացիորեն նման են իրար: Երկար բեղերով ու ոչ այնքան երկար մորուքով տղամարդ է, փոքր-ինչ ուռուցիկ այտուսկրներով: Գլխանոցը հավանաբար ծածրակալալով է և խուլքի պես իջնում է վար՝ երեք կողմից պաշտպանելով գլուխը: Հագին պատմուճա՞ն է, թե՞ վերարկու՞ դժվար է որոշել, քանի որ քանդակը

¹ Տե՛ս Բ. Ուլարսբյան, խաչնի հին մշակույթի մի էջ. «Սովետական արվեստ», 1971, № 8, էջ 48—49:

կտրվում է կոնքից ներքև: Սակայն պարզ է, որ հագուստը միապա-
ղազ, մարմնին կիպ կպած իջնում է վար: Եթե արվեստագետը կոնկ-
րետ մարդու է նկատի առել, որ անկասկած է, ապա երկու քանդակ-
ներն էլ ներկայացնում են նույն մարդուն, ամենայն հավանականու-
թյամբ՝ վանքի պատվիրատու Հասան-Ջալալին: Դժվար է համաձայ-
նել Ա. Լ. Յակոբսոնի հետ, որի կարծիքով՝ քանդակներից մեկը Հա-
սան-Ջալալն է, մյուսը՝ նրա որդին. «Երկու կտիտորներից մեկը, հա-
վանաբար, ինքը՝ հաշենի տեր Հասան-Ջալալն է, Գանձասարի տա-
ճարը կառուցողը: Մյուս կտիտորն էլ, հնարավոր է, նրա որդին է՝
Վախտանգը, հիշված տաճարի շինարարական արձանագրության
մեջ»²:

Ենթադրության պես ասված այս կարծիքը չի կարելի ընդունել,
նախ, որովհետև տաճարի շինարարությանը վերաբերող միակ ու ըն-
դարձակ արձանագրությունը միայն Հասան-Ջալալի անունից է, և
այնտեղ որդու (Աթաբակ-Իվանեի և ոչ թե Վախտանգի) անուն չկա:
Խաչենի գերազահ տերն այնտեղ խոսում է նաև որպես միակ կառու-
ցողը տաճարի: Ծիշտ է, տրվում է նաև մոր անունը: Սակայն, մի
կողմից՝ ո՛չ որպես հովանավորի, ապա և, հավանական է, այդպիսին
լինելու դեպքում իսկ չէր կարող քանդակվել տաճարի պատին: Ըստ

¹ Ա. Լ. Յակոբսոնը գրում է, թե կտիտորները «նստած են արևելյան ձևով, ոտք-
ները ծալած» (նշվ. աշխ., էջ 251): Իսկպես, քանդակների ոտքերը կտրված են
ծնկներից վեր, սակայն շատ պարզ երևում է ոճավորված ծալապատիկ նստելու ձևը.
պատմունձանը ծալված է ծնկներից վեր, և ծալքերն ուղղված են դեպի առաջ:

² Ա. Լ. Յակոբսոն, նշվ. աշխ., էջ 151: Այնտեղ նա Հասան-Ջալալի որդուն կո-
չում է Վախտանգ, որ թյուրիմացություն է: Հասան-Ջալալի միակ արու զավակի
անունն էր Աթաբակ-Իվանե: Նրա այն դույզ անունների մասին տե՛ս Մատենադարանի
ձեռ. № 378, Թ. 8բ—9ա: Հասան-Ջալալի հիշատակարանում մի տեղ՝ «Ես եւ ամուսին
իմ Մամբան եւ տեանատուր մանուկս իմ Աթաբակ լոգաբ ընդ արեւելս հիախոյ...»,
երկրորդում՝ «... պարզէլ [ա ծ] զխաղաղութիւն հոգոյս և մարմնոյս և միոյ մանկանս
իմ Իւանի...»: Կրկնակ անունը գալիս է քեռու՝ վրաց-հայկական միացյալ թագավո-
րութան Աթաբակ Իվանեից: Հասան-Ջալալի միակ արու զավակի լրիվ անունն ավանդ-
ված է միայն Գանձասարի գավթի շինարարական արձանագրության մեջ. «Թիւն: 2Ժ:
է||կաման ամենակալին այ ես Ջալալ Դաւլայս՝ որդի Վախտանգա կողմնակալ Ար-
ցախայ եւ ամուսին իմ Մամբան՝ թոն Բաղուց || թագաւորին եւ հարազատ որդին իմ
Աթաբակ Իւան||է, յետ կատարման եկեղեցոյս, հիմնարկեցաք զժամատ||ուն...»: Այս
արձանագրությունը գտնվում է տաճարի արևմտյան պատի հարավային անկյու-
նում, դրսից, «Իվանէ»-ն չեն նկատել նախորդ արտագրողները, իսկ Հ. Օրբելին կար-
գացել է. «և Աննա» (տե՛ս գրքիս հավելվածի արձ. № 3):

երևույթին այն ժամանակ ընդունված չէր աշխարհիկ կնոջ պատկեր
քանդակել կամ նկարել վանական շինություններում: Մեզ անհայտ է
նման որևէ դեպք: Համենայն դեպս, ճիշտ նույն ժամանակ հարևան
վերին խաչենում Վախտանգ Հաթերբցու այրի Արդու-Խաթունը միայ-
նակ կառուցեց Գաղիվանքի զլխավոր տաճարը՝ կաթողիկեն (1214 թ.,
որ, երևի, հիմնադրության տարին է), սակայն շենքի արևելյան պա-
տի հովանավորական քանդակը ներկայացնում է երկու տղամարդու
դիմանկար՝ հավանաբար, Վախտանգի ու երկու տղաներից մեկի կամ
էլ երկու տղաների՝ թուրքաց դեմ կռվելիս նահատակված Հասանի
ու «կեսարեայ վախճանեալ» Գրիգորի, պատկերները:

Մենք համոզված ենք, որ Գանձասարի երկու՝ իրար հար և նը-
ման կտիտորական քանդակները ներկայացնում են Հասան-Ջալալին:
Ընդունելով այս իրողությունը, կպարզենք նաև, թե այդ կտիտորների՝
վեր բռնած մանրակերտները ո՛ր եկեղեցիներին են վերաբերում,
հարց, որ Ա. Լ. Յակոբսոնին իսկապես մտահոգում էր: Հարավային
մանրակերտը խաչաձև, կենտրոնագմբեթ տաճար է ներկայացնում,—
դա կասկածից վեր է: Կարելի է թվել նաև մանրամասներ, որոնք հի-
շեցնում են Գանձասարի տաճարը. օրինակ, տաճարի ճակատի կենտ-
րոնի մեծ ու կողքերի մանր որմնակամարները (չնայած նմանությու-
նը շատ չէ ընդգծված): Երկրորդ հովանավորի պահած մանրակերտը,
կարծում ենք, ներկայացնում է Վաճառի եկեղեցին, որը նույնպես
Հասան-Ջալալն է կառուցել 1229 թ.¹:

Երկրորդ ենթադրությունն ընդունելով՝ մենք արդեն այս մանրա-
կերտի հիման վրա կարող ենք մոտավորապես պատկերացնել այժմ
գոյություն չունեցող Վաճառի եկեղեցու ճարտարապետական հորին-
վածքը: Այն կենտրոնագմբեթ, կլոր շինություն է եղել՝ նման Անիում
X—XI դարերում կառուցված կլոր ու կենտրոնագմբեթ եկեղեցիների
կերպարին (Աբուղամբենց, Փրկչի, Հովվի եկեղեցիները և այլն):

X—XIII դդ. հայկական ճարտարապետական հուշարձանների
համար հովանավորական քանդակները կամ քանդակախմբերը (մեծ

¹ Հիշյալ եկեղեցու խորանի հյուսիսային պատին կառուցողն արձանագրել է.
«Ծնորհուն այ ես Հասան՝ որդի [Վ]ախ[տանգա] եւ Խորիշահի, տէր Խաչենոյ շինեցի
դեկեղեցիս... Ի թու. ՈՂԸ» (1229): Եկեղեցին նկարագրել է Մ. Բարխուդարյանցը (Ար-
ցախ, էջ 184—185): Սակայն չենք համարձակվում դրանից որևէ եզրակացություն
հանել, որովհետև նույն եկեղեցին մեկ էլ կառուցել (թե՛ վերակառուցել) է Հասան-
Ջալալի կին Մամբանը 1251 թվականին (տե՛ս Մամբանի արձանագրությունը՝ «Ար-
ցախ», էջ 154):

մասամբ երկու հովանավոր միասին) սովորական երևույթ էին: Հայտ-
նի են Հաղբատի Ս. Նշան եկեղեցու արևելյան ճակատին Սմբատ և
Կյուրիկե-Բագրատունիների բարձրաքանդակը՝ եկեղեցու մանրակեր-
տի հետ (X դար), Անիի Ս. Գրիգոր զվարթնոցատիպ տաճարի վրա
Գագիկ արքայի քանդակը (նույն դար), Սմբատ Տիեզերակալի և Կյու-
րիկե Ա-ի քանդակը Սանահնի Ամենափրկիչ եկեղեցու արևելյան պա-
տին (դարձյալ X դար), Հառիճավանքի վրա Զաքարե և Իվանե Զաքար-
յանների, Ինչպես նաև վերը նշված Դադիվանքի կաթողիկեի հովա-
նավորական քանդակները: Սրանք բոլորն էլ ինչ-որ շահով հիշեց-
նում են իրար. զույգ պատկերաքանդակներ են և միշտ էլ կենտրո-
նում բռնած պահում են եկեղեցու մանրակերտը: Ըստ որում՝ ման-
րակերտը մեկ դեպքում ցածր է պահվում, մյուսում՝ բարձր, սակայն
ամեն պարագայի՝ այն հովանավորի ձևերին է կամ նրա դիմաց և
երբեք էլ իր գմբեթով չի բարձրանում նրա գլխից վեր: Այդպիսին
չէ, սակայն, Գանձասարի քանդակը: Այն շահեկանորեն տարբերվում
է նմանատիպ ստեղծագործություններից, նախ, լուծման ինքնուրույ-
նությամբ. հովանավորն իրենից, իր գլխից վեր բարձրացրել է ամե-
նակալին նվիրված իր կառույցի մանրակերտը: Հովանավորի դիրքն
այստեղ ոգեշունչ է ու վերացած, և այնպես համահնչուն է պատ-
կերվող իրողությունը, այդ վսեմ նվիրումի հանդիսավոր պահի ոգուն:
Նվ թեպետ պատկերաքանդակի որոշ մանրամասներ սխեմատիկ են
ու ոճավորման ենթարկված (չեն պահպանված, օրինակ, գլխի, ձեռ-
քերի ու մարմնի կազմախոսական համաշափությունները), այն իր
ընդհանրություն մեջ պլաստիկ ցայտուն արտահայտչականություն
ունի և դիտողի վրա թողնում է անջնջելի տպավորություն:

1. Ստ. Մնացականյանը վերջերս հրատարակած իր գրքում հովանավորական այս
քանդակախմբի վրա հատուկ ուշադրություն է դարձրել գրելով. «Գանձասարի կոմպո-
զիցիայի հատկանշական կողմերից մեկը, երբ կտիտորը մոդելը պահել է իր գլխի
վերևում, նույնպես եզակի երևույթ է: Թվում է, թե այստեղ ավարտվում է մոդել-
ների տեղադրման դարգացումը. սկսած VII դարից նրանք այնքան ավելի ու ավելի
բարձր դիրք են զբաղում ամբողջ հորինվածքում: Այսպես, Աթենիում կտիտորը մոդել-
ը պահում է առջևում, ներքև իջեցրած ձեռքերի վրա, գոտու մակարդակին: Աղթամա-
րում, Հաղբատում այն բարձրացել է մինչև կուրծքը, Իսկ Գագիկաշենում, թեև կտիտորի
ձեռքերը մնում են նույն դրությունում, բայց մոդելի վերին եզրը շատ ավելի բարձր է
արքայի գլխից և ակնհայտ է նրա նշանակությունն առանձնակի շեշտելու ձգտումը:
Իսկ Գանձասարում արդեն մոդելն ամբողջությամբ վեր է բարձրացվել և տեղադրվել
կտիտորի գլխավերևում» (Ստ. Մնացականյան, Հայկական աշխարհիկ պատկերաքան-
դակը IX—XIV դարերում, Ե., 1976, էջ 121:

Այսպես թե այնպես, Գանձասարի կտիտորական զույգ քանդակ-
ներն իրենց նիստերի շքեղ ձևավորումով և կենտրոնում Քրիստոսի,
Ադամի ու Նվալի, ապա նրանցից վար՝ լուսամուտի ժանեկազարդերի
համադրությամբ ճարտարապետական-քանդակագործական առումով
կազմում է մի նշանակալից երևույթ, որը «ոչ միայն ինքնատիպ է ու
բացարձակապես ինքնուրույն, այլև բացառիկ է. նման ուրիշ ոչ մի
հուշարձան չենք կարող ցույց տալ Հայաստանի հողի վրա»,— միան-
գամայն իրավացի կերպով գրել է Ա. Լ. Յակոբսոնը¹:

Գմբեթի թմբուկի քանդակագործական հորինվածքը հովանավոր-
ների ու նրանց հետ առնչվող այս համադրվածքով չի սպառվում: Խա-
չի հարավային թևին նայող նիստից աչ ու ձախ գտնվող նիստերի
որմնախորշերում քանդակագործը տեղավորել է կանացի երկու պատ-
կերաքանդակներ (դարձյալ դրված որմնասյուների վրա), որոնք ծըն-
կածալ, ձեռքները վեր պարզած աղոթում են: Նրանք մարմնով իրար
դիմաց են, գլուխներին՝ լուսապսակ, երեսները դարձրած դեպի
դուրս²: Այս պատկերաքանդակներին, ուղղակի նրանց զլխավերևնե-
րում հովանի են անում մարդկային գլխով արծիվներ, որոնց հուշկա-
պարիկ (СКИРИ) է համարում Ա. Լ. Յակոբսոնը³: Արծիվների մարդ-
կային գլուխները ևս լուսապսակներ ունեն: Երկու պատկերների մի-
ջև եղած նիստի ճակտոնում, անմիջապես ճակտոնապատի տակ, քան-
դակազարդ ֆոնի վրա Աստվածածինն է մանկան բարուրը հորիզոնա-
կան բռնած: Այս բարձրաքանդակի մանրամասները հարթված են ու
ընդհանրացված: Ինչպես Ա. Լ. Յակոբսոնն է կարծում, քանդակագործը
նկատի է առել դիտողի հեռավորությունը. նրան նայել հնարավոր է
միայն հեռվից, որի պատճառով էլ քանդակագործը չի ընդգծել պատ-
կերի մանրամասները:

Կանացի այս պատկերաքանդակները եզակի երևույթ են մեր միջ-
նադարյան հուշարձաններում: Ո՞ւմ է նկատի ունեցել քանդակագոր-
ծը կանացի երկու պատկերների տակ: Արդյոք այստեղ գործ ունենք
սրբապատկերների՞ հետ, թե՞ շինարարության ժամանակակիցները
հանձին այդ պատկերաքանդակների տեսել են իրական ու կոնկրետ
անձնավորությունների: Կարծում ենք՝ լուսապսակները, հատկապես

1 Ա. Լ. Յակոբսոն, նշվ. աշխ., էջ 151:
2 Ստ. Մնացականյանը կտիտորական քանդակներ է համարում նաև այս երկու
ֆիգուրները (տե՛ս Ստ. Մնացականյան, Պահպանել խորհրդանշանները միջնադար-
յան հայ քանդակագործության մեջ. ՊՅԶ, 1970, № 3, էջ 200):
3 Ա. Լ. Յակոբսոն, նշվ. աշխ., էջ 152:

արևելյան պատկերները, որ առավել ընդգծված է, շեն կարող խանգարել, որպեսզի մենք այս պատկերաքանդակների մեջ տեսնենք վանքի հովանավոր-կառուցող Հասան-Ջալալի մերձավորագույն հարազատներին՝ մորն ու կնոջը: Մայր Խորիշահը, ըստ Հասան-Ջալալի անունից քանդակված շինարարական մեծ արձանագրության «ի խփել լուսամտին արեւելից... կրոնատրեալ շոգաւ յերուսաղէմ երրորդ անգամ եւ անդէն ի դրան Հարութեան խարաղանագգեաց ճգնութեամբ բազմամեա ժուժկալութեամբ հանգեալ ի Քրիստոս լուստ վկաութեամբ եւ անդէն պահեցաւ» (հավելվածի № 1 արձանագրութունից):

Այս տեղեկությունները հաստատվում են նաև Կիրակոս Գանձակեցու վկայությամբ, հատկապես Խորիշահի աճյունի վրա իջած սրբազան լույսի մասին («Եւ անդէն մեռաւ, զոր աստուած փառատրեաց զփառատրիչն իւր. լոյս կամարածե կապեալ ի վերայ գերեզմանին առ ի յորդորել զայս ի նոյն բարեգործութիւնս»):

Եթե վախճանված Խորիշահի վրա սրբազան լույսը կամար է կապել, նշանակում է՝ նա սրբերի շարքն է անցել, և քանդակագործը պետք է ներհայացներ լուսապսակով:

Որ կարելի է ենթադրել, թե աջակողմյան պատկերաքանդակը Խորիշահինն է, ձախակողմյանը՝ Մամբանինը, դա երևում է նաև նրանց արտաքինից: Մամբանը քանդակված է երիտասարդ, նույնիսկ մանկամարդ կնոջ դեմքով, պուլոզ ու ձիգ կեցվածքով: Մինչդեռ Խորիշահի սխեմատիկ մարմնաձևերի մեջ իսկ չի կարելի շտեմել տարիք առած կնոջը: Այդ են արտահայտում վարի մասում լցված այտերը, հատկապես կախ ընկած ուսերը և փոքր-ինչ կորացած մեջքը: Քանդակագործը կարողացել է մի քանի զուսպ մանրամասներով հասնել շեշտված արտահայտչականության:

Ինչ վերաբերում է Մամբանի ու Խորիշահի գլխավերևներում քան-

¹ Կիրակոս, էջ 268:

² Ստ. Մնացականյանը կարծում է, որ Խորիշահն ու Մամբանը քանդակված են որպես հովանավորներ, որոնք հանդես են գալիս հավասար իրավունքներով, և դա էլ հաստատված է տաճարի շինարարական արձանագրությամբ (Ստ. Մնացականյան, Հայկական աշխարհիկ պատկերաքանդակը, էջ 122): Սակայն արձանագրությունը զերված է միայն Հասան-Ջալալի անունից, և միայն նա է հանդես գալիս հովանավորի գերով: Ծիշտ է, նա հիշում է, թե հայրը վախճանվելիս իրեն՝ Ջալալին ու մորը՝ Խորիշահին, կտակել է իրենց տոհմական տապանատանը եկեղեցի կառուցել: Սակայն կառուցող-ավարտողն ինքն է՝ Խաչենի գահերեց տերը: Արձանագրության մեջ երկրորդական տեղ ունի նաև Մամբանը՝ Հասան-Ջալալի եղբայրների ու մյուս հարազատների շարքում:

դակված պատկերներին, որոնք ներկայացնում են մեկական թևաբաց արծիվ՝ մարդկային գլխով և ցայտուն լուսապսակով, ապա սրանք էլ անկասկած, հրեշտակներ են՝ առնված աստվածաշնչյան թեմաներից և շեն կարող լինել բվահավիկներ, կամ հուշկապարիկներ, ինչպես կարծում է Ա. Լ. Յակոբսոնը¹:

Նկատի առնելով գմբեթի այս հատվածի հորինվածքը, կարելի է մտածել, որ Խորիշահն ու Մամբանը հրեշտակներին են դիմում, որպեսզի նրանք բարեխոս լինեն իրենց ու Աստվածամոր միջև, որը գտնվում է այս շորս պատկերաքանդակներից վեր, հորինվածքի կենտրոնական մասում՝ նստած դիրքով, Քրիստոսի բարուրը հորիզոնական բռնած:

Արևելյան լուսամտի զույգ կողքի նիստերի խորշերի վերնամասերում դրված են եզան ու կովի գլուխների քանդակներ: Հյուսիսային լուսամտի կողքերին նույն տեղերն զբաղեցնում են թևատարած արծիվները:

Հարկ է ուշադրություն դարձնել, որ թմբուկի քանդակագործական հարդարանքի մանրամասները յուրահատուկ դասավորություն ունեն. խաչածե տաճարի խաչի յուրաքանչյուր թևի վրա գմբեթի նիստըն ունի լուսամուտ, որի աջ ու ձախ կողմերին զույգ քանդակներ են՝ կոմպոզիցիոն մի ամբողջությամբ. արևմտյան թևի վրա՝ կտիտորները (այս էր տաճարի միակ մուտքի ճակատը), հարավայինի վրա՝ աղթող կանայք, արևելյանի վրա՝ եզան գլուխներ, հյուսիսայինի վրա՝ թևատարած արծիվներ:

Պարզ երևում է, որ քանդակագործն ու ճարտարապետը բոլոր այս շորս զույգերն էլ առանձին-առանձին սյուժետային-կոմպոզիցիոն ամբողջություններ են դարձրել: Հովանավորներին, ինչպես տեսանք, իրար էր միացնում Քրիստոսի բարձրաքանդակը՝ Ազամի ու Եվալի հետ միասին: Հրեշտակներն ու առաքյալները սերտորեն կապված են Աստվածածնի կերպարին: Այդպես էլ մյուսները... Իսկ բոլորը մեկտեղ ստեղծում են գմբեթի ճարտարապետական-քանդակագործական մի այնպիսի ամբողջություն, որի առանձին հատվածները, ճիշտ է, կարող էին դիտվել նաև անջատ-անջատ, սակայն ամենից առաջ նրանք միասնական ամբողջի հատվածներն են հանդիսանում:

Տաճարն սկզբից ևեթ կառուցվել է առանց գավթի: Այստեղից էլ՝

¹ Թվում է՝ հիմք չկա գմբեթի ավետարանային մոտիվների մեջ հուշկապարիկ տեսնելու, քանի որ վերջինս հեթանոսական հավատալիքների մարդին է վերաբերում:

այն ցայտուն և միաժամանակ կազմակերպող նշանակությունը, որ օտաքեզ էր հովանավորական կոմպոզիցիան՝ դրված լինելով գլխավոր ճակատին՝ անմիջապես շքադրան բացվածքից վեր:

Ա. Լ. Յակոբսոնն ու Ստ. Մնացականյանը գմբեթի ներսի և դրսի նիստերի վրա քանդակված եղների գլուխներն ու թևատարած արծիվները համարում են միջնադարյան ճարտարապետական կառույցներում լայն տարածում ունեցած պահպանիչ խորհրդանշանների կերպարներ¹: Ստ. Մնացականյանը միաժամանակ դիտել է Գանձասարի ու Սանահնի վանքերի մի քանի քանդակների նշանակալից նմանությունը՝ փորձելով այն բացատրել ինչ-որ հավատալիքով: Ահա թե նա ինչ է գրում այդ առթիվ. «Այստեղ (Սանահնի Աստվածածին եկեղեցում.— Բ. Ու.), եկեղեցու ներսում, գմբեթատակ շորս տրոմպներից ցած տեղավորված են մարդու, խոյի և երկու եղների գլուխներ ներկայացնող բավականին ուժեղ ելուստ ունեցող, համարյա թե կլոր քանդակներ: Ուշագրավ է, որ քանդակների ճիշտ նույն խումբը (մարդ, խոյ և երկու եղներ), այս անգամ արդեն գմբեթատակ առագաստների վրա, հանդես է գալիս նաև... Գանձասարի տաճարում: Այստեղ հյուսիս-արևմտյան առագաստի վրա պատկերված է մարդու դիմաքանդակ, հարավ-արևմտյան առագաստի վրա՝ խոյի գլուխ, իսկ հարավ-արևմտյան և հյուսիս-արևելյան առագաստների վրա՝ եղների գլուխներ: Հետաքրքիր է, որ քանդակներն ունեն ճիշտ և ճիշտ նույն դասավորությունը, ինչ Սահահնի Աստվածածին եկեղեցում, հանգամանք, որը հաղիվ թե պատահական լիներ և անշուշտ կապված է ինչ-որ, դեռևս մեզ լրիվ ոչ հասկանալի ավանդույթի հետ»²:

Դժբախտաբար, Գանձասարի վանքի նշված բարձրաքանդակները մեզ են հասել խիստ քայքայված վիճակով: Անհամեմատ շատ է քայքայված այն բարձրաքանդակը, որ պետք է ներկայացնեք մարդու գլուխ: Գմբեթատակի առագաստի վրա, համեմատաբար տանելի վի-

¹ Ա. Լ. Յակոբսոն, նշվ. աշխ., էջ 146, 152, Ստ. Մնացականյան, Պահպանիչ խորհրդանշանները միջնադարյան հայ քանդակագործության մեջ, էջ 191—192, 200—201:

² Ստ. Մնացականյան, Պահպանիչ խորհրդանշանները, էջ 191—192: Սանահնի վանքի այս քանդակները նկարագրել է նաև Հ. Խալիֆախյանն իր շատ ուշագրավ աշխատության մեջ (տե՛ս Օ. X. Халпахчян, Сананн, էջ 24 և հոդ.), առանց, սակայն, բացատրելու նրանց դերն ու դադափարական բովանդակությունը: Նա այն քանդակների մեջ՝ տեսնում է «Կենդանիների (ոչորուն եղջյուրներով ոչխարի, գոմշի ու եղան) և մարդու» գլուխներ (անդ, էջ 24):

ճակում պահպանված են եղան ու առյուծի գլուխները: Արծիվը դեռևս ընկալվում է, իսկ մարդու գլխի տեղ առկա է միայն հողմահարված քարի մի երկարավուն ուռուցիկ շերտ:

Սակայն, կարծում ենք, սրանք հարցի էությունը պարզելու համար երկրորդական նշանակություն ունեն: Կարևորն այն է, որ նշված բարձրաքանդակների շորս թիվը և, մասնավանդ, բնորոշները (մարդ, առյուծ, արծիվ ու եղ) կապված են հին այնպիսի հավատալիքների ու ավանդույթների հետ, որոնք հայտնի են բանասիրության ու փիլիսոփայության պատմությանը և դիտվում են որպես աշխարհի նյութականության վերաբերյալ հին աշխարհի փիլիսոփաների կոնկրետ պատկերացումներ: Դեռևս հույն փիլիսոփա էմպեդոկլեսը (մ. թ. ա. 490—430 թթ.), ապա ավելի հանգամանորեն Արիստոտելը (մ. թ. ա. 384—322 թթ.) գտնում էին, որ բնության զարգացումը կատարվում է շորս տարրերի՝ հողի, ջրի, հրի և օդի փոխներգործությամբ: Այս պատկերացումն է ընկած նաև վաղ միջնադարյան հայ փիլիսոփաների (Եղնիկ Կողբացի, Անանիա Շիրակացի և այլք) աշխարհըմբռնման հիմքում: Շիրակացին, օրինակ, օտար և հայրենի նախորդների օրինակով կարծում էր, որ աշխարհի հիմքը շորս տարրերն են: Նա գրել է. «Առաջին՝ հուր, երկրորդ՝ հողմ, երրորդ՝ հող, չորրորդ՝ ջուր... Այլ երկինք և երկիր և որ միջոցիս են հաստատութիւնք ամենայն, որ ի նոսա, յայս նիւթոց կազմեցան...»¹:

Չորս տարրերի մասին եղած այս պատկերացումը մտել է մարդկային մշակույթի շատ բնագավառներ, հիմք դարձել արվեստի շատ ու շատ սկզբունքների համար: Այն իր հիմնավոր տեղն ունի նաև հայ մշակույթի մեջ՝ սկսած հնագույն ժամանակներից: Աս. Մնացականյանը հայկական զարդարվեստին նվիրված իր հմտալից աշխատության մեջ, ապա և վերջերս հրապարակած մի ուշագրավ հոդվածում հանգամանորեն ցույց է տվել, որ բաղմամբիվ ժողովուրդների զարդարվեստի մեջ, իսկ Հայաստանի տարածքում՝ սկսած հենց վաղնջական ժամանակներից, շորս տարրերի հետ կապված պատկերացումները հետաքրքիր շատ դրսևորումներ են ունեցել²: Այդ դրսևորումներից, հիրավի, ամենակարևորը քառաթև խաչն է: Նույն պատկերացման շատ ցայտուն դրսևորումն է նաև երկնային կառքը՝ շորս լծկաններով, որոնք

¹ Անանիա Շիրակացի, Տիեզերագիտութիւն և տօմար, Երևան, 1940, էջ 3—4:

² Տե՛ս Աս. Մնացականյան, Հայկական զարդարվեստ, Երևան, 1955, էջ 141—208, հատկապես 185—204: Նույնի՝ Անիի բանաստեղծ Վարդան Անեցին և նրա ներքողը. «Բանբեր Մատենադարանի», 1971, № 10, էջ 266—275:

սովորաբար լինում են՝ մարդ, առյուծ, եզ և արծիվ: Հասկանալի է, որ հին մարդիկ այս ընտրություն մեջ ևս կոնկրետ իմաստ ու բովանդակություն են դրել: «Ինչպիսի՜ առավել վեհ կերպարներ կարող էին փոխ առնել բնությունից մարդիկ, որոնք փորձում էին գտնել բարձրագույն էակի իմաստության, ուժի և ամենագոյության մասին իրենց պատկերացումների մարմնավորումը: Ի՞նչը կարող էր ավելի լավ անձնավորել խելքն ու գիտելիքները, քան մարդու զուգը, ուժը՝ քան առյուծի մարմինը, ամենագոյությունը՝ քան թռչունի թևերը»¹: Ավելացնենք. և ի՞նչը կարող էր ավելի լավ մարմնավորել աշխատանքը, կենսական բարիքի ստեղծման գործին բերած անխոնջ մասնակցությունը, քան եզը: Իսկ եզան փոխարեն եթե երբեմն էլ հանդես է գալիս ցուլի պատկերը, ապա չի կարելի մոռանալ, որ «Յուլի հեթանոսական պաշտամունքը ոչ միայն ուժի և աշխատանքի, այլև սիրո և բեղմնավորության (հետևաբար՝ դարձյալ կյանքի հարագոյության ապահովման. — Բ. Ու.) երևույթների պաշտամունքն էր»²:

Քրիստոնեական եկեղեցին այս շորս տարերքի ուժերով ընթացող երկնային կառքի վրա բազմած ներկայացնում էր Քրիստոսին: Քրիստոսն էր հզոր կառավարը, որն, իբր, սանձել է տարերքը և իշխում է հավերժության վրա: «Այլ նա առասիկ իբրև զկառս իմն լծեալ ի շորից երկվարաց զաշխարհս տեսանեմք՝ ի շերմութենէ, ի ցրտութենէ, ի ցամաքութենէ և ի խոնաութենէ. և զօրութիւն իմն ծածուկ կառաւար, որ զշորս կարգեցողսն ընդ միմեանս ի հաշտութեան և ի հաւանութեան պահեալ նուաճէր...»³:

Եվ քանի որ կառավարը «զօրութիւն իմն ծածուկ» է, խորհրդավոր ու անտեսանելի մի ուժ, ապա շպետք է համարել պատահական, երբ զարդարվեստի բազմաթիվ ստեղծագործություններում երկնային կառքը շատ հաճախ ներկայացվում է միայն նրա, այսպես կոչված, լծկանների (մարդ, եզ, առյուծ, արծիվ) պատկերներով: Լինում է և այնպես, որ լծկանների այս դերաբաշխման մեջ փոփոխություններ են կատարվում. հիշյալ հնավանդ պատկերի ամբողջականությունը

¹ Կ. Կեռամ, Աստվածներ, դամբարաններ, գիտնականներ, Երևան, 1966, էջ 290: Հմմտ. Աս. Մեացակաչյան, Անիի բանաստեղծ Վարդան Անեցին, էջ 269:

² Աս. Մեացակաչյան, նշված հոդվածը, էջ 273:

³ Եզնիկ Կողբացի, Եղծ աղանդոց, Թիֆլիս, 1914, էջ 13: Հմմտ. Աս. Մեացակաչյան, Հայկական դարձարվեստ, էջ 196:

Եզնիկ Կողբացու թվարկած շորս տարերքից շերմությունը հուրն է, ցրտությունը՝ օդը, ցամաքությունը՝ հողը, խոնավությունը՝ ջուրը:

խախտվում է, և նրա փոխարեն հանդես են գալիս՝ մարդ, երկու եզ, մեկ արծիվ, կամ՝ երկու եզ, երկու արծիվ, նաև՝ երկու արծիվ, երկու առյուծ, կամ՝ մեկ եզ, մեկ առյուծ, երկու արծիվ: Պարսկական մի հին հուշարձանում («Նոսրով Փարվեզի ժամացույցը») երկնային կառքին լծված են միայն շորս եզներ, որոնք տանում են Լուսնի աստվածությունը¹: Կլիկյան հայտնի Ավետարանի արծաթե կազմի վրա երկնային կառքին լծված են՝ մարդ, խոյ, արծիվ ու առյուծ, և կառավարն է Քրիստոսը²: Իսկ Սևանի Առաքելոց վանքի դռան վրա քանդակված երկնային կառքի լծկաններն են՝ արծիվ, մարդ, առյուծ և եզ³: Վերջինս երկնային կառքի ցայտուն պատկերն է և ցույց է տալիս, թե ինչպես լծկանները կառքում Քրիստոսին տանում են հավերժության ճամփաներով:

Նման օրինակներ կարելի է շատ բերել: Նրանք առկա են ինչպես ճարտարվեստի հուշարձաններում, այնպես էլ, և առավել ևս, մանրանկարչության մեջ, զարդարվեստի մյուս բնագավառներում: Դժվար է ասել, թե այս բնագավառներից որին է պատկանում առաջնության պատիվը: Կարևորն այն է, որ ժողովրդի գեղարվեստական մտածողության մեջ շորս կենդանակերպարներն ունեն իրենց կոնկրետ դերերը, և դրանք անպայման զուգորդվում են բնության շորս տարերքի ու այս հիմքի վրա ստեղծված մյուս պատկերային երևույթի՝ երկնային կառքի հետ:

Անհրաժեշտ է վերստին հիշել, որ երկնային կառքի տեսարանում (նրա շորս կենդանապատկերներում), ինչպես վերը տեսանք, կարևորը ոչ թե կենդանիների հաստատուն դերաբաշխումն է, այլ քառյակը: Հավանական է, հուշարձանի ստեղծողից, կոնկրետ միջավայրից ու պայմաններից էր կախված լինում, թե շորս թիվն ինչով կարող էր լրացվել: Եվ զարմանալի չէ, որ Սանահնի ու Գանձասարի շինարարները նախապատվություն են տվել «մարդ, եզ, առյուծ ու արծիվ» համադրությանը: Նրանք այդ լծկաններով են պատկերացրել երկնային կառքը տաճարի գմբեթի ներսում («և զօրութիւն իմն ծածուկ կառաւար»)՝ անկասկած, իբրև իրենց երկրագործական կենցաղի և նրա հետ առնչվող ուժի ու հզորության կոնկրետ դրսևորում:

Գանձասարի ճարտարապետը թմբուկի դրսի մասում, արևելյան ու հյուսիսային նիստերի վրա լծկանների շարքում նորից փոփոխու-

¹ Տե՛ս Աս. Մեացակաչյան, Հայկական դարձարվեստ, էջ 196—197:

² Декоративное искусство средневековой Армении, М., 1971, рис. 156.

³ Անդ, լուսանկար № 166:

թյուն է մտցրել. դարձրել է երկու եզ, երկու արծիվ, զույգ դեպքերում էլ՝ բավական ոճավորած: Նշանակում է՝ ամեն պարագայի շորս թիվն է կարևորը. լծկանները շորսն են, գմբեթի թմբուկը բաժանված է շորս մասի, և յուրաքանչյուր մասն էլ շորս նիստ ունի:

Մեզ թվում է՝ Գանձասարի վանքի հիշյալ քանդակների այս բացատրությունը միանգամայն ընդունելի կարող է լինել նաև համանրման մյուս դեպքերի համար: Օրինակ, Խաթրավանքում՝ Գոփյան իշխանական տան հոգևոր կենտրոնում, տաճարի կտուրն իրենց վրա պահող շորս սյունների խարիսխներին, հայացքով դեպի մուտքը, ելուտաձև քանդակներ կան, որոնցից երկուսը խոյերի գլուխներ են, երկուսը՝ եզներ: Հայտնի են նաև քանդակներ Գեղարդից, Մակարավանքից, Խորանաշատից ու Մշկավանքից¹:

Երկնային կառքի կրոնական պատկերացումի հետ առնչվող այս քանդակներով չի սպառվում Գանձասարի քանդակագործական հարդարանքը: Ասվել է, որ արծիվներ կան գավթի շքադրան վերնամասում և տաճարի ճակատի խաչի թևերի վրա, հովազներ՝ գավթի հյուսիսային դռան վերևի երկու կողմերում: Կարծում ենք, որ սրանք «օժտված» են պահպանիչ զորություն: Մանավանդ, որ, ըստ էության, պահպանիչները պետք է հսկեին մուտքերի վրա, և նրանք իրենց վերապահված հենց այդ տեղերում էլ գտնվում են²:

ԳԱՎԻԹԸ

Գանձասարի վանքի գավիթը, ինչպես արդեն նշվեց, կառուցվել է տաճարից ավելի քան երկու տասնամյակ հետո: Նրա ներսի շափերն են՝ 11,85×13,45 մ.: Ճարտարապետը ջանացել է այս կառույցին տալ այնպիսի ձևեր, որոնք շնամանային բուն հուշարձանի անգերազանցելի ճարտարապետական ու քանդակագործական արժանիքների կողքին: Երկու զույգ խաչվող կամարներ իրենց վրա պահում են կենտրոնում ստալակտիտե ծածկը, որի վրա բարձրանում է ութանիստ թեթև մի ռոտոնդա-զանգակատուն:

Այս գավիթը ևս ներկայանում է որպես հայկական համանման

կառույցների մեջ լավագույններից մեկը: Բավական է հիշել, որ նրանում արտահայտություն է գտել հայ միջնադարյան ժամատնային շինարարության կարևորագույն նվաճումը՝ խաչվող կամարներով հյուսված ծածկ-թաղը, որն այստեղ բավականին մշակված ձև ունի:

Ստ. Մնացուկանյանն իրավացի է, երբ գտնում է, որ գավիթների և առհասարակ շենքերի՝ խաչվող կամարներով ծածկը հայկական կառուցողական արվեստի XI—XIII դարերի խոշոր նվաճումն է, որը հնարավորության տվեց գավթի կենտրոնն ազատել տարածությունը խաթարող սյուններից, սյունները տանել դեպի պատերը, նվաճել մեծ տարածություն և հզոր կամարների վրա հյուսել բարձրաթուխք ու եթերային առաստաղ: Այս պայմաններում արդեն «ներքին տարածությունը հիացնում է միասնությամբ ու ամբողջությամբ, այն լի է օդով ու լույսով և շլացնում է հզոր կամարների՝ թեթևորեն դեպի վեր խոյացող խիզախ գծերով»¹:

Ճարտարապետական այս լուծումների փայլուն օրինակներն են Հաղբատավանքի մեծ գավիթը (XIII դ. առաջին տասնամյակ), Հոռոմայրի փոքրիկ գավիթը, Մշկավանքի գավիթը, Հաղբատի ու Հաղարծնի սեղանատները:

Գանձասարի գավիթը, ծածկելով տաճարի արևմտյան շքեղ ճակատը, միաժամանակ դարձել է նրա գեղեցիկ լրացումը, ինչպես նաև՝ ինքն արդեն ունի այնպիսի ակնհայտ արժանիքներ, առանց որոնց Գանձասարի վանքը, անկասկած, պետք է համարվեր պակասավոր:

XIII դարում կառուցված գավիթները հայ ճարտարապետական մշակույթի ամենափառահեղ պոթիկումներից են հատկապես իրենց ներքին խիզախ ձևերի շնորհիվ: Իսկ այս ձևերի մեջ առանձնահատուկ տեղ է զբաղում խաչվող կամար-թուխքների վրա նստած կտուրը, որի լավագույն օրինակն էր Հաղբատի մեծ գավիթը՝ կառուցված Հովհաննես Խաչենցի եպիսկոպոսի կողմից 1206—1210 թթ.², որն իր հետագա կիրառումը գտավ Մշկավանքի, Խորակերտի, Արատեսի, Անիի Առաքելոց եկեղեցու, Գանձասարի գավիթներում և Հաղբատի ու Հա-

¹ Ст. Мнацаканян, Архитектура армянских притворов, Ереван, 1952, стр. 79:

² Մխալում են այն գիտնականները, որոնք Հովհաննես Խաչենցու՝ Հաղբատի առաջնորդության դուրս անցնելու տարի են համարում 1208 կամ 1209 թվականը: Հովհաննեսը Հաղբատի վանահայրն էր 1206-ից, Լոռեի հայտնի ժողովից (1205 թ.) անմիջապես հետո: Այս առթիվ հանգամանորեն տես Ք. Ուլարբաբյան, Խաչենի իշխանությունը X—XVI դդ., Ե., 1975, էջ 254—256:

¹ Ա. Լ. Յակոբսոն, նշված աշխ., էջ 146:

² Տաճարի հարավային պատի դրսի ճակատի խաչի վրա, նրա վերին թևի արակային (թակաղաղ) քանդակված է կաթավ՝ դուրս պարզած գլխով: Ամենայն հավանականությամբ, քանդակագործն այստեղ ստեղծել է հուշարձանի հարդարանքի մի ինքնատիպ մանրամաս ևս՝ օգտվելով շրջապատի բնության ընձեռած անսահման հրեարավորություններից:

զարծնի սեղանատներում: Հաղբատի, Գանձասարի ու Մշկավանքի գավիթներն ունեն առավել ընդգծված ընդհանրություն այն տեսակետից, որ երեքի մեջ էլ խաչվող կամարների արևմտյան թևերն իջնում են ոչ թե արևմտյան պատի կամ պատկից սյուների վրա, ինչպես ընդունված էր սովորաբար, այլ հիմք ունեն երկու ինքնուրույն սյուներ, որոնք կանգնած են պատից որոշակի հեռավորության վրա, Հաղբատում՝ երեք մետր, Գանձասարում՝ մոտավորապես նույնչափ: Արևմտյան պատի և այդ նույն սյուների միջև գոյացել է երկայն մի տարածություն՝ շորս հիմքերի վրա բարձրացած համեմատաբար փոքր կամարներով: Այս տարածությունը քիչ է լուսավորված, քանի որ գրեթե անցքից ընկնող լույսն այստեղ է հասնում աղջամուղջի նման: Ամենալուսավոր ժամերին իսկ այստեղ տիրական է լինում խորհրդավոր մի կիսախավար, որը և դառնում է յուրատեսակ միջնորմ դրսի ու գավթի՝ հանդիսավոր կերպով լուսավորված տարածության միջև: Տաճարից դուրս գալիս այդ կիսախավարն ավելի է խորացնում արևմտյան պատի ու սյուների միջև եղած տարածությունը և այնպես է թվում, թե գավիթն արևմտյան մասում շատ է երկար: Մի խոսքով՝ սյուները, որոնք հիմնականում իրենց վրա պահում են կամարների ու ծածկի ծանրությունը, դրված լինելով գավթի ներսում՝ բոլորովին էլ չեն աղճատում գավթի օգտակար տարածությունը, այլ նրան տալիս են ավելի ակնապարար տպավորություն:

Հայտնի է, որ գավիթները կամ ժամատները, կառուցված լինելով եկեղեցիներին կից, ունեցել են կիսաեկեղեցական-կիսաաշխարհիկ նշանակություն, որովհետև հիմնականում ծառայել են որպես եկեղեցու հովանավոր իշխանների տոհմական տապանատուն, ինչպես նաև աշխարհիկ ու հոգևոր ժողովների հավաքատեղի: Այս պարագան էլ պայմանավորել է նրա ճարտարապետական ձևերի ու դեկորատիվ հարդարանքի համեստությունը: Սակայն Գանձասարում շատ կողմերով խախտված է նաև այս ավանդույթը: Ճարտարապետն ըստ հնարավորին գավթի ներսը հարստացրել է ակնախտիտ լուծումներով, որի շնորհիվ էլ տաճարը դիտողին ոչ մի չափով չի թվում, թե գավթի կառուցողը խնայել է որևէ բան: Ի՛նչ արժե թեկուզ ծածկի ստալակտիտը (քանդակ-շթաքար), որով հարդարված է ծածկի կենտրոնի երդիկի կլոր անցքի շուրջը՝ կամարների խաչումից ստացված քառակուսի տարածությունը: Վերևից ընկնող լույսի շարժումներից աղամանդի գունախաղեր են առաջանում ստալակտիտի «բյուրեղներում», այդ խաղերը թույլ արձագանք են տալիս կամարների խաչումից ըս-

տեղծված մյուս հատվածներում և գավթի անկյուններում: Մանավանդ, որ ճարտարապետն ստալակտիտի փոքրիկ հատվածներ է դրել գավթի արևմտյան պատի ու սյուների միջև ընկած տարածության, առաստաղի տարբեր հատվածներում, ինչպես և պատկից սյուներից վեր կամարների տակդիրների վրա և լույսի ու սովերի հետաքրքիր համադրություններ ստեղծող քանդակներով է զարդարել սյուներն ու պատկից կիսասյուները, նրանց խարիսխներն ու խոյակները, որմնախորշերի կամարներն ու պատերի անկյունները:

Գավթի արևմտյան պատի մոտ կանգնած երկու սյուները 16 նիստանի են՝ զարդարված բուսական ու երկրաչափական նախշաքանդակներով: Ներքևում սյունը գոտեկրում է խաղողի ողկույզների մի ամբողջ շրջան: Խոյակները և հատկապես կամարների տակդիրները զարդարված են զանազան քանդակներով: Կամարների հիմքերում գեղեցիկ խաչեր են քանդակված, որոնք, հավանաբար, հետագայի գործեր են՝ կապված նվիրատուությունների հետ:

Պետք է նկատել, որ գավթի ճարտարապետը, անկասկած, նույն ինքը՝ տաճարի հեղինակը, կամ նրա ավանդները հարգող մեկը, այստեղ ևս պահպանել է տաճարի սյուների ու կիսասյուների եռաստիճան փնջաձևերը, ինչպես նաև 16 նիստերի համադրությունը:

Հասկանալի է, որ գավթից տաճար տանող դուռը, կառուցապատված-ձևավորված է եղել տաճարի հետ միասին: Այն հասարակ շքադուռ է համարված Ա. Լ. Յակոբսոնի կողմից¹: Սակայն հասարակն այն անակալն է, որով կարելի էր բնութագրել տաճարին իսկապես արժանի, բարձրաճաշակ քանդակների հարդարանքով փայլող շքադուռը: Իրավացի չէ հարգելի գիտնականը, երբ դռան ճակատամասի (կամարատակի տարածության-տիմպանի) քանդակազրկագները համարում է աստղեր՝ ումբաձև սրունքներով²: Իրականում ճակատամասը դրվագազարդված է հավասարակողմ ութանկյուն նախշերով, որոնց մեջ քանդակված են քառաթև խաչեր: Խաչերի թևերը համադրված են հարևան դրվագների ներսում եղած խաչերի թևերի հետ և, այսպիսով, ստեղծվել է թևավոր խաչերի մի ամբողջ երամ: Դռան կամարը զարդարված է հյուսկեն նախշերով, մի ոճ, որ բնորոշ է XIII դարի մեր շատ կառույցներին (Հաղբատի մեծ գավթի դուռը, Գեղարդավանքի գլխավոր եկեղեցու հարավային շքամուտքը և այլն):

¹ Ա. Լ. Յակոբսոն, նշվ. աշխ., էջ 155:

² Նույն տեղում:

Մուտքը, կամարի հետ միասին, վերևից առնված է քառակուսի մի կլուստի մեջ, որի կողքերին քանդակված են մանր ու գեղեցիկ խաչեր (ամենայն հավանականությամբ սրանք ևս հետագայի գործեր են):

Շքամուտքի երկու կողմերից, նրա եզրերի հետ ստեղծված կուռ համադրություններ, բարձրանում են հաստահեղույս քանդակազարդ երկու որմնասյուների (դրսից երեքական կիսասյուների փնջերով), որոնք իրենց վրա պահում են բարձրաթուիչը կամարների արևելյան թևերը:

Հետագայում տաճարին ավելացված գավիթը, Ինչպես վերը տեսանք, դիտողի աչքից ծածկել է տաճարի շքամուտքը, խճողել արևմտյան ճակատի մեծ խաչաքանդակի ամբողջականությունը: Եվ այս կորուստը մասամբ հատուցելու համար գավթի շինարարը տաճարի մուտքից վեր, գավթի բարձրաթուիչը կամարների միջոցով արևելյան մասում զոյացած հատվածի կենտրոնում դրել է հիշյալ խաչաքանդակի կրկնակը՝ առանց խաչելության տեսարանի: Ուշագրավ է, որ այս խաչաքանդակը բնագրի կրկնությունն է ոչ միայն չափսերով, այլև քանդակազարդերով:

Գավթի ծածկը քառաթեք է՝ հյուսված իրար ագուցվող քարե աղյուսներով: Դրանք, անկասկած, արդյունք են հետագա նորոգումների, որոնց մասին խոսք է լինելու իր տեղում: Իսկ ծածկանյութի նախնական վիճակի մասին այժմ դժվար է կոնկրետ խոսք ասել:

Գավթի կտուրի կենտրոնում կանգնած է ութանիստ մի զանգակատուն, որի ներքո կլոր լուսանցք է՝ բացված ներսի կողմից ստալակտիտազարդ տարածության կենտրոնի վրա:

Ստ. Մնացականյանի կարծիքով՝ այս զանգակատունը հետագայի կառուցվածք է: Ճիշտ է, նա չի ասում, թե ե՞րբ է կառուցվել, այլ՝ կառուցվել է հետագայում: Սակայն չի կարելի այդ կարծիքը շքնդունել՝ նկատի առնելով զանգակատան անշուք հարդարանքն ու ճարտարապետական միջակ մակարդակը, որոնք միանգամայն անհարիր են հուշարձանի փառահեղ կերպարին:

Չանգակատուն-նոտոնդայի հարավային սյան խոյակի վրա քանդակված է՝ «1907 թ. ԱԳ»:

Պետք է ենթադրել, որ սա էլ հենց զանգակատունը կանգնեցնողի արձանագրությունն է՝ թվականով և կանգնեցնողի (թերևս՝ վարպե-

տի) անուն-ազգանվան սկզբնատառերով: Ուրեմն, զանգակատունը կառուցվել է 1907 թ., այն նորոգման ժամանակ, որը Հ. Օրբելին կոչել է բարբարոսական¹:

Իսկ առաջներում ի՞նչ է եղել այս զանգակատան տեղում, կառուցողը կամ վերակառուցողը ի՞նչ է փոխել ու ի՞նչ է թողել նրանից: Այս հարցին պատասխանել կարելի է ենթադրաբար, քանի որ հին ռոտոնդայից պահպանվել են միայն առանձին բեկորներ, որոնք և հնարավորություն են տալիս մոտավոր պատկերացում կազմելու ամբողջի բարձր արժանիքների մասին:

Ռոտոնդայի սյուներն ու կամարները, այսինքն՝ բոլոր մշակված մասերը, կառուցված են շուտ քայքայվող շեշաքարով, որը, հավանորեն, բերվել է Դադիվանքի մոտերքից: Հին խաչնիի այս վայրում է միայն, որ շեշաքար կա և առատորեն օգտագործվել է իբրև շինանյութ: Նույնիսկ Արզու-խաթունի կառուցած կաթողիկե տաճարը կանգնեցվել է հիմնականում այդ քարով: Իսկ Գանձասարի զանգակատան մի այլ, թերևս ավելի գեղեցիկ օրինակը առկա է Դադիվանքում. այն կանգնած է վանական համալիրի արևմտյան եզրին՝ իբրև վանքի երկու փառահեղ խաչքարերն իր մեջ առնող մատուռի գեղարվեստական պսակը²: Ճիշտ է, այստեղ այն չորս սյուն ունի՝ Գանձասարի ռոտոնդայի ութ սյան փոխարեն: Սակայն ճարտարապետական մյուս մանրամասներով նրանք իրար նման են և կարելի է ենթադրել, թե Գանձասարի նորոգող-վերակառուցողը Դադիվանքի զանգակատունն է ընդօրինակել:

Ռոտոնդայի ծածկի սալերը Գանձասարի քարից են՝ գեղեցիկ և դիմացկուն: Նույն քարից է նաև սյուներից մեկի խոյակը՝ ստալակտիտով զարդարած, որ ոչ մի կերպ չի խոսում անարվեստ մշակում ունեցող մյուս խոյակների հետ:

Ռոտոնդայի տակ, նրա արևելյան մասում, երկու քարից բաղկա-

¹ И. Орбели, Надписи Гандзасара, стр. 2.

² Սակար Բարխուտարյանցի օրոք խաչքարերը գտնվելիս են եղել համալիրի արևելյան մասում կառուցված մատուռներում (տե՛ս Մ. Բարխուտարյանց, Արցախ, էջ 208; ծան. 1), իսկ Հ. Օրբելին 1909 թ., և նրանից մի քանի տարի հետո էլ Մեսրոպ Մազիստրոսը նույն խաչքարերը տեսել են այժմյան տեղում (И. Орбели, Армянские надписи Гандзасара, деевақիր տետրակի՝ Դադիվանքի արձանագրությունների բաժին, Մեսրոպ Տեր-Մովսիսյան, Հայկական երեք մեծ վանքերի՝ Տաթևի, Հաղարծնի և Դադի եկեղեցիները և վանական շինությունները, Երուսաղեմ, 1938, էջ 88բ): Հետևվապես, Դադիվանքի երկու հասնի խաչքարերը մատուռներից զանգակատան երկրորդ հարկն են փոխադրվել 1895 ու 1909 թվականների միջև:

¹ Ст. Мнацаканян, Архитектура армянских притворов, стр. 133.

ցած պատվանդանի վրա կա մի այլ քանդակագարդ խոյակ, որի երեսները մշակված են գեղեցիկ նախշերով: Հավանական է, որ ստալակտիտագարդ խոյակը և այս քանդակագարդ քարն իր պատվանդանով՝ մնացորդներն են գավթի այն հին զանգակատան, որը, հենց այս մնացորդներից դատելով, եղել է մի շքեղ հորինվածք՝ համապատասխան ինչպես տաճարի գմբեթին, այնպես էլ գավթի հյուսիսային ու արևմրտյան ճակատների քանդակներին, որոնց հոյակապ մանրամասների հետ մի անհարմար հակադրության մեջ է գտնվում այժմյան ոտտոնդան:



Գավթի արտաքին հարդարանքը զիջում է ինչպես նրա ներքնամասին, այնպես էլ առհասարակ տաճարին: Սրբատաշ քարի խիստ ընդգծված հարթությունը միայն տեղ-տեղ է խանգարվում: Գավթի ղրված է մոտ 1,5 մետր բարձրություն ունեցող գետնախարխախ վրա, որը եզերվում է 37 սմ. լայնությամբ կիսագլանով: Հյուսիսային ու արևելյան ճակատներում այս կիսագլանը բարձրանում է՝ շրջանակներ կազմելով շքամուտքերի համար: Հյուսիսային մուտքի դռան այս զուսպ շրջանակի վերին զույգ եզրերը պաշտպանում են իրար դեմ գնացող հովազների (թե՞ վագրերի) երկու բարձրաքանդակներ: Աջակողմյան հովազի առաջ վեցաթև աստղի բարձրաքանդակ է դրված: Հիմա դժվար է որոշել՝ այս կենդանական խորհրդանշանները տեղական որևէ կոնկրետ բովանդակություն են ունեցել (ասենք՝ Հասան-Ջալալի իշխանության տոհմական զինանշանն է եղել), թե՞ ճարտարապետը պարզապես տուրք է տվել այդ ժամանակի արվեստի մեջ բավականին տարածում գտած սովորությանը, երբ նման կենդանական քանդակներ էին դնում շենքերի վրա Մերձավոր արևելքի երկրներում, Եվրոպայի արևելյան մասում և հատկապես Բյուզանդիայում ու Հայաստանում¹:

Մուտքից վերև, ուղիղ ճակտոնի տակ նեղ ու երկար մի լուսամուտ կա, որի ուռուցիկ շրջանակը վերին նիստում ձվաձև բարձրանում է՝ գոյացնելով բուսական զարդ:

Հարավային պատի հարթությունը խանգարվում է զույգ նեղ լու-


¹ Ա. Լ. Յակոբսոն, նշվ. աշխ., էջ 156: Գիտնականին հայտնի է, որ Գեղարզում քանդակված հովազը խաղբակյան իշխանության զինանշանն է եղել:

սամուտներով, որոնց վրա երկու կիսաշրջանով միասնական մի ճակտոնանախշ է անցնում՝ ծայրերից արմավենիկների նախշաքանդակով, և մեկ էլ նրանցից արևելք՝ մի հատ կլոր լուսամուտ, որի քառակուսի շրջանակն այժմ համարյա քայքայված է:

Գանձասարի հուշարձանի ճարտարապետական-քանդակագործական հրաշալիքներից է գավթի արևմտյան ճակատը, հատկապես շքամուտքը՝ իր արտակարգ փառաշուք զարդերով, որոնց դերն է, հավանաբար, այցելուի ուշադրությունը. կտրել շրջապատից, թերևս՝ նաև աննկատելի դարձնել գավթի մյուս մասերի հարդարանքի պակասը: Այդ նպատակով էլ շքադռան հարդարանքի բոլոր մանրամասներն ընդգծված են: Ստեղծված են լույսի և սովերի խիստ ցայտուն գծեր, որոնք դիտողի հայացքն առնում են իրենց վրա՝ հարուցելով բարձր գեղագիտական տրամադրություն: Կիսագլանաձև հաստ գոտին, եթե հյուսիսային եզրերից բարձրանալով՝ դառնում էր նրա հասարակ շրջանակը, առանց քանդակագարդերի, ապա այստեղ նրա ստեղծած շրջանակն աչքի է ընկնում, առաջին հերթին, հենց իր զարդաքանդակներով: Կիսագլանի շրջանակի յուրաքանչյուր 40 սմ. տարածության վրա մի քանդակագարդ է տեղադրված՝ կլոր, վարդակաձև, քառակուսի, քառանկյունի, որոնցից ոչ մեկը չի կրկնվում: Գրանց մանրամասները կատարված են ժանեկագործական նրբությամբ, ամենատարբեր նախշերի հմայիչ խաղերով: Այս նախշերն էլ շրջանակի ճնշող զանգվածային տեսքի հետ հակադրություն կազմելով՝ ստեղծում են նուրբ ու մտերմիկ սպավորություն: Շրջանակն իր մեջ է առել շքադուռը և նրանից վեր բացված փոքրիկ ուղղանկյուն լուսամուտն ու վերջինիս երկու կողմերին քանդակված զույգ արժիվները:

Շքադռան ճարտարապետական-քանդակագործական բարձրարվեստ կատարումն արդեն նկատվել է ուսումնասիրողների կողմից¹: Այստեղ բացառիկ նշանակություն ունի դռան երկրորդ, ավելի լայն շրջանակը, որը բաղկացած է երկու մասից՝ ելուստը և պատի հարթության հետ անկյուն կազմող մասը (տե՛ս նկ. 10): Առաջինը բարձրանում է մինչև դռան ճակատի կամարից վեր, լուսամուտի մակարդակը, փակում արժիվների համար «թառ» դարձած ելուստ-քարերը: Լուսամուտն էլ փաստորեն կազմում է այդ շրջանակի վերին ոճավորված եզրը: Բարձրացող երիզների վրա քանդակված է սրտաձև-բու-


¹ Ստ. Մնացականյան, նշվ. աշխ., էջ 60—61, Ա. Լ. Յակոբսոն, նշվ. աշխ., էջ 156:



Նկ. 10. Գավթի արևմտյան դռան աջ և ձախ կողմերի զարդանախշերից:

սական նախշերի մի երկար շարք: Սրանք վարսանդապտղային խորհրդանշանի հայտնի զարդերից են, սակայն նույնիսկ այս՝ արտաքուստ հար և նման սրտիկների մեջ քանդակագործն աշխատել է ըստեղծել նախշերի ամենատարբեր հյուսվածքներ, որոնց շնորհիվ էլ մանրազնին դիտողը նկատում է, որ այդ միանման քանդականախշերը նաև տարբեր են իրարից: Վերևում երկու երիզներն էլ ավարտվում են հիշյալ ելուստներով, որոնց վրա հանդիսավոր կանգնած են բարձրաքանդակ արժիվները: Ինչպես արդեն ասվել է, Ստ. Մնացականյանի համոզմամբ՝ դրանք վանքի պահպան-խորհրդանշաններն են և իրենց ավանդական արմատներն ունեն հին դարերում¹:

Դռան երիզի ներքին՝ դեպի ներս թեքված մասը ևս բարձրանում է մինչև արժիվների «թառ» և ծածկված է համատարած ժանեկաձև ու բարձրարվեստ քանդակազարդերով, որոնց միջ իշխող դեր ունի վեցաթև աստղը: Սակայն աստղամիջի տարածության նախշերն այն-



Գանձասարի վանքը հարավից (առաջին պլանում՝ գերեզմանոցը):

¹ Ստ. Մնացականյան, Պահպանիչ խորհրդանշանները, էջ 200:

պես բազմազան են ու երփնազարդ, որ այս՝ շուրջ երեք տասնյակ աստղերի մեջ անհնար է գտնել երկու իրար նմանները:

Դրան ուղղանկյուն քառանկյունին երեք կողմերից երիզված է արմավենիների բարձրաքանդակներից ու դրանք շրջափակող երկրաչափական զարդերից հյուսված շղթայով:

Այս եզրանախշերից հետո գալիս են երկու սյուններ (երեք կիսասյուններից կազմված երկու փնջեր)՝ գեղեցիկ ձևավորված տակդիրներով ու խոյակներով, որոնք իրենց վրա պահում են եռաշերտ կամարը՝ զարդարված վերին պարանահյուս զարդարանքն ունեցող կիսագլանով, մի երկթեք շերտով, ապա մի շարք արմավենիների զարդաքանդակներով:

Կամարների տակդիրների վրա փոքրիկ խաչեր են քանդակված:

Ճակատի կիսաշրջանն արդեն մի այլ նորույթ է ներկայացնում. այստեղ բազմերանգ քարերից կազմված դրվագազարդեր են, որ ստեղծում են գույների մի ակնախտիտ խաղ: Գեղնավուն քարի բաց ու մուգ շրջանագծերի ու կիսաշրջանագծերի իրար ագուցված դրվագազարդերը վարդագույն քարի ֆոնի վրա ծիածանի երանգախաղ են անում¹: Հասկանալի է, որ «ցանկանալով խուսափել քանդակազարդի ծանրաբեռնումից², Գանձասարի գավթի ճարտարապետն ...օգտագործել է գեղանկարչական հարդարանքի եղանակը, գունային հարդարանքը»³:

Հաղբատի, Մշկավանքի ու Գանձասարի գավթիների ճարտարապետական առանձնահատկությունների որոշակի նմանությունը և, հավանաբար, հենց այն պարագան, որ խաչվող կամարներից գոյացած արևմտյան լրացուցիչ մասը ուրիշ եկեղեցիներում չկա, Ա. Լ. Յակոբսոնին հուշել են հնթադրելու, թե այդ երեք գավթիներն էլ միևնույն ճարտարապետի ստեղծագործություններն են հանդիսանում: Իր այս ենթադրության համար գիտնականը կողմնակի, բայց կարեվոր կովան է համարում, որ, իբր թե, Հասան-Ջալալը կնոջ կողմից

¹ Ստ. Մնացականյան, Պահպանիչ խորհրդանշանները, էջ 200:

² Լեոն այս դրվագազարդերը համարում էր «նկարված... լուսինը իր բոլոր փոփոխություններով» (տե՛ս ԱԵ, Իմ հիշատակարանը, Շուշի, 1890, էջ 365), որ միայն գեղարվեստական համեմատության արդյունք է:

³ Ա. Լ. Յակոբսոն, նշված աշխ., էջ 158:

Բազմերանգ քարերով դրվագազարդված է նաև Մակարավանքի գլխավոր եկեղեցու շքամուտքի ճակատը (տե՛ս Ի. Էլլարյան, նշվ. աշխ., նկ. 41): Մակայն աջտեղ զարդը հյուսված է քարի քառակուսի սալիկներից:

բարեկամ է գալիս Հաղբատի տերերին: Մամբանը «եղել է Հաղբատի իշխան Զարեհի քույրը և այնտեղ էլ հետագայում թաղվել է,— գրում է Ա. Լ. Յակոբսոնը:— Բնական է ենթադրել, որ հենց այնտեղից է Գանձասար հրավիրվել ճարտարապետը»¹:

Ա. Լ. Յակոբսոնը Մամբանի ու Հաղբատի տերերի արենակցության մասին իր վարկածի համար հղում է Հասան-Ջալալի մասին 2. Օրբելու գրած աշխատությանը, որի թյուրիմացությունն այս հարցում՝ մենք ցույց ենք տվել մի այլ առիթով²: Այստեղ հարկ ենք համարում նշել, որ Մամբանը ո՛չ Հաղբատում է թաղված, ո՛չ էլ առհասարակ որևէ առնչություն է ունեցել Հաղբատի տերերի հետ: Երեն վերաբերող բոլոր աղբյուրներում նա կոչված է թո՛ւ կամ դու՛ստր «Բաղաց թագաւորին»³, իսկ Բաղբը գավառ էր Մեծ Սյունիքում:

Սակայն անկախ այս հանգամանքից, դժվար թե 1206—1210 թթ. կառուցված Հաղբատի մեծ գավթի ճարտարապետը հասցրած լիներ նաև 1260-ական թթ. կառուցել Գանձասարի գավթի: Չնայած Հաղբատի մեծ գավթի պատվիրատու-կառուցողը՝ Հովհաննես եպիսկոպոսը, խաչենցի էր, սերված Հասան-Ջալալի Առանշահիկ տոհմի Մարա ճյուղից⁴:

Այսօրինակ նմանություններից կամ ոճական առնչակցություն-

¹ Ա. Լ. Յակոբսոն, նշված աշխ., էջ 154:

² Տե՛ս Բ. Ուլուբաբյան, Խաչենի իշխանությունը X—XVI դարերում, էջ 209:

³ Օրբելու այս կարծիքի համար հիմք է հանդիսացել Ռ. Երզնկյանցի մեջբերած հետևյալ անստույգ արձանագրությունը. «Մամբան Շուշանիկն է, քույր Զարեհ իշխանին Հաղբատա, թո՛ւ Բաղաց թագաւորի, կին Զալալ իշխանին Խաչենալ» (Ռ. Երզնկյանց, Հնախօսական տեղագրութիւն Հաղբատայ Ս. Նշանի, Վաղարշապատ, 1886, էջ 54):

Պարզ երևում է, որ Ռ. Երզնկյանցը ոչ թե ճշգրտորեն ընդօրինակել է արձանագրությունը, այլ պատմել է այն իր հասկացած ձևով, և ստացվել է հակապատմական տեղեկություններ պարունակող մի շարադրանք: Մինչդեռ Հաղբատի արձանագրություններում հիշատակվող միակ Մամբանը վանքի առաջնորդ Համազասպի («Բ քաղաքէն Անուշ», Կիրակոս, էջ 99) եղբայր Գրիգորի կինն է (տե՛ս Կ. Ղաֆադարյան, Հաղբատ, էջ 177—178. «Ես՝ Գրիգոր, եղբայր Համազասպա՝ առաջնորդի սուրբ ուխտիս Հաղբատա... ապախնեցա ի սուրբ Նշանս... սահմանեցին... Բ պատարագ Մամբանա՝ իմ կենակցին»): Կ. Ղաֆադարյանի գրքի («Հաղբատ»-ի) ցանկում Մամբանը թյուրիմացաբար համարված է «Թաղիադիների որդի Սարգսի կինը» (անդ, էջ 280): Այնինչ Թաղիադիների որդի Սարգիսն արձանագրության մեջ հիշատակված է իբրև մի մարդ՝ որից Գրիգորը գնել է իր «հոգո բաժին գեղն» (անդ, էջ 177):

⁴ Բ. Բախտատարյանց, Արցախ, էջ 184, 185 և այլն:

⁵ Տե՛ս Բ. Ուլուբաբյան, Խաչենի իշխանությունը..., էջ 50—85:

ներից չի կարելի հանգել նման եզրակացությունների, որովհետև հակառակ պարագայում այն տպավորությունը կարող է ստեղծվել, թե գոնե XII դարի վերջից մինչև XIII դ. վերջը Արևելյան Հայաստանի տարածքում կառուցված վանական համարյա բոլոր լավագույն շինություններն էլ դուրս են եկել միևնույն ճարտարապետի ձեռքի տակից: Օրինակ, ի՞նչպես չի կարելի չնկատել Հառիճավանքի (1204 թ.) և Գանձասարի տաճարի սերտ առնչությունը ճարտարապետական մի շարք այնպիսի կարևոր խնդիրների լուծման հարցում, ինչպիսիք են նրանց գմբեթների ընդհանուր ուրվագիծը, լուսամուտների ու սրանց երեսակալների ձևերը, զարդաքանդակներից շատերի, հատկապես բեմառաջի զարդանախշերի, դեպի խորանները տանող պահուսկային սանդուղքների նմանությունները: Ուշագիր քննությունը շատ նմանություններ երևան կհանի, մի կողմից, վերոհիշյալ հուշարձանների և, մյուս կողմից, նույն ժամանակի ուրիշ կառույցների միջև: Սակայն այսքանը ոչ մի շահով չի կարող նսեմացնել Գանձասարի ճարտարապետական կերպարի ինքնուրույնությունն ու բացառիկ ինքնատիպությունը, որովհետև, նախ, վերոհիշյալ առնչակցությունները ոչ թե նույնօրինակության արտահայտություններ են, այլ ապացույց նույն ազգային ու մշակութային պատկանելության: Ինչպես մեծանուն Լեոն է նկատել, Գանձասարը հիանալի կերպով դարի հայ ճարտարապետական վսեմ ավանդները, նուրբ ճաշակն ու հոյակապ ձևերը տեղափոխում էր Խաչենի լեռնաստանը և «դրանով ցուցադրում էր նաև, թե որքան սերտ կապ կար այդ երկրների (Հայաստանի տարբեր մարզերի.— Բ. Ու.) մեջ և որքան հզոր էր այն միությունը, որ արհամարհելով բոլոր աշխարհագրական ու քաղաքական արգելքները, կուլտուրական ստեղծագործությունը հաստատուն էր պահում հայ ժողովրդի զանազան մասերի մեջ»¹:

* * *

Գանձասարում օժանդակ շինությունները տեղադրված են շրջապարսպի հյուսիսային ու արևելյան երկարությամբ: Հյուսիսային պատին կից բնակելի սենյակներն են՝ ութ խուցեր: Սրանցից յուրաքանչյուրի ներքին շափերն են 2,9×2,5՝ ամենայն հավանականությամբ՝ նախատեսված միայն մեկ հոգևորականի համար: Պատերը կանգնած են սրբատաշ ու կիսամշակ քարերի զուգորդումով: Մածկը թաղակապ

¹ Լեո, Սահմանավեճեր, Թիֆլիս, 1919, էջ 147:

է: Բակի վրա են բացվում դռները և լուսամուտները: Յուրաքանչյուր խուց, դռան հետ միասին, ունի մեկ մեծ լուսամուտ՝ անմիջապես դռան կողքին, և մեկ փոքրը՝ դռան վերևում: Վերջինս ծառայել է նաև իբրև օդանցք: Խուցի ներսի հարդարանքի էական տարրերն են կամարակապ բուխարիկը և «պատրհան» — պահարանը:

Պետք է կարծել, որ խուցերի այս փոքր քանակը (8) հատկանշական է վանքի գործունեության վերջին շրջանի համար, երբ կաթողիկոսության վերացմամբ սոսկ մի թեմի առաջնորդարան դարձած վանքըն այլևս շուներ նախկին բազմանդամ միաբանությունը: Կաթողիկոսության ժամանակներում պետք է որ վանական համալիրում մի հսկայական բաժին կազմեին բնակելի շինությունները: Հավանաբար, վերջին շրջանում ավելորդ լինելով՝ նրանց մի մասը քանդվել է, և հներից մնացել են միայն այս փոքրիկ խուցերը:

Խուցերից դեպի արևելք, նրանց կից կառուցված է վանքի սեղանատունը: Այն կառուցվել է 1689 թ. Երեմիա կաթողիկոսի կողմից: Ունի մեծ օջախ-բուխարիկ: Թաղակիր երկու կամարներով ծածկը բաժանվում է երեք մասի: Կամարները շեն հասնում հատակին, այլ հատակից մոտ մեկ մետր բարձրության հասնելով՝ հանդշում-մարում են պատերի մեջ: Ըստ երևույթին պատերի ամբողջ երկարությամբ դրված են եղել փայտե նստարաններ, որոնք այժմ չկան: Սեղանատունն արտաքին հարդարանքի տարրեր չունի, եթե չհաշվենք սրբատաշ պատերը և մուտքը երիզող գալարածև կիսասյուները:

Սեղանատանն արևելքից կցված է մառանը՝ դարձյալ թաղակապ, արտաքուստ սրբատաշ, լուսամուտի աջ ու ձախ կողմերին՝ թռչունների բարձրաքանդակներով: Մառանից դեպի սեղանատուն տանող դռան համար ճակատակալ քարի տեղ ծառայում է մի հին, գեղեցկաշեն խաչքար, որն առաջինը նկատել և արձանագրությունն էլ արտագրել է Հ. Օրբելին:

Մառանի կողքին, հյուսիս-արևելյան անկյունում այժմ էլ պահպանվում է վանքի գոմը, գյուղական գոմերի տիպիկ օրինակով կառուցված մի շինություն, որը մուտք ունի դրսից՝ պարսպի արևելյան պատի հյուսիսային եզրից:

Պարսպի արևելյան պատի մի մասի (հյուսիսային) տեղ ծառայում է դպրոցական շենքի դրսի պատը: Այս շենքը ձգվում է հյուսիսից դեպի հարավ: Դեպի արևելք բացված է եղել փայտե պատըղ-գամբը: Փայտից են եղել նաև երկրորդ հարկի հատակն ու ծածկը, որոնք այժմ չկան:

Պարսպը կառուցված է տեղական անմշակ որձաքարից: Չունի միջնադարյան հայ վանական շատ համալիրների համար սովորական պաշտպանական կառուցվածքներ՝ աշտարակ, բուրգ, դիտանոց: Ըստ երևույթին պատճառն այն է, որ վանքի հարևանությամբ կանգուն են եղել ներքին Խաչենի իշխանության հզոր բերդամրոցները՝ Խոխանաբերդն ու Դարբասները, և վտանգի պահին իսկույն վրա են հասել նաև զինական ուժերը, որոնց առաջին պարտքն է եղել պաշտպանել իշխանական տոհմի տապանատունն ու հոգևոր խոշորագույն կենտրոն Գանձասարը:

ՀԱՄԱԼԻՐԻ ՎԵՐԱՆՈՐՈԳՈՒՄՆԵՐԸ

Ճարտարապետական խոշոր համալիրների ու նշանակալից հուշարձանների երկարակեցությունը կարելի է ապահովել միայն նրանց նկատմամբ ցուցաբերած շքնդհատվող հոգատարություններով: Այդ հոգատարության ամենակարևոր արտահայտությունն է նրանց նորոգումը, որ կարող է լինել տարբեր չափերով: Գանձասարն իր գոյության յոթ ու կես դարերի ընթացքում նորոգվել է մի քանի անգամ: Առաջժամ հայտնի առաջին նորոգումը կապված է Հասան-Ջալալյան Սարգիս կաթողիկոսի անվան հետ: Այդ մասին տեղեկացնում է խուցերից մեկում պահպանված հետևյալ անթվական ու քախոս արձանագրությունը. «Նորոգեցաւ ձեռամբ Սարգիս կաթողիկոսին Աղուանից, որ է յազգէն Ջալալ Դօլին»: Ո՞ր Սարգիս կաթողիկոսինն է արձանագրությունը, երբ այդ անունով Հասան-Ջալալյան կաթողիկոս է գահակալել և՛ XVI դարում, և՛ XIX-ի սկզբին: Արձանագրությունն առաջին անգամ արտագրել է Հովսեփ Օրբելին և, քանի որ լրացուցիչ ոչ մի տեղեկություն չի ունեցել, թյուրիմացությունների մեջ շքնկենդու համար, իր գրքույկում Սարգիս կաթողիկոսի այս նորոգման առթիվ ոչինչ չի նշել:

Սարգսի ինքնությունը և վանքի նորոգման տարին պարզվում են հենց Գանձասարի վանքում ընդօրինակված մի Ավետարանի գրիչ Հայրապետ աբեղայի հետաքրքիր հիշատակարանով: Գրիչ Հայրապետը նախ արձանագրում է իր ժամանակի աղետները («դառն և ի նեղ ժամանակիս վասն մահուն ուրացան մայրն զորդիս իւրեանց»)՝, ապա նշում է, որ «...գիրեցաւ Աւետարանս ի յերկրիս մերում յԱրցախ, որ

¹ Այլուստ հայտնի են պարսկա-օսմանյան երկարամյա պատերազմները (XVI դարում), որոնց ասպարեզը միշտ էլ Հայաստանն է եղել:

է խաչէն կոշի, ի տեղս Մեծարանիս, որ է դուռս Գանձասարայ, որ գլուխն կա սուրբ Յովհաննէս Մկրտչին: Արդ եղև զժագրութիւն սորա ի թվականութեան հայ տումարիս :Ո: [1551] մտեալէ: Եւ յունուվարի Բ (2) աւարտեցաւ ի հայրապետութեան յԱղուանից տեառն Սարգսի մեծի, որ ետ նորոգել ի մեծայհանդէս եկեղեցիս Գանձասար»¹: Եթե գրիչը վանքի նորոգումը՝ որպէս արդեն ավարտված գործ ներկայացնում է 1551 թ. տարեմուտին (հունվարի 2), նշանակում է՝ նորոգումը կատարվել է նախորդ տարում՝ 1550 թվականին:

Այս նորոգման ծավալի առթիվ տեղեկություններ չկան, ուստի և դժվար է ենթադրել, թե ի՞նչ աշխատանքներ են կատարվել վանքում: Սակայն վերոհիշյալ հիշատակարանով հաստատվում է, որ նորոգման նախաձեռնողն է եղել Սարգիս կաթողիկոսը՝ «որդի Հատիր-Մելիքին, թոռն Մեծին Սայտունին», որի մի ինքնագիր ընդարձակ արձանագրությունն էլ ունենք 1546 թվականից. այստեղ Սարգիս կաթողիկոսը թվարկում է իր առատ նվերները Գանձասարի վանքին²:

1664 թ. գրված մի հիշատակարան պատմում է, որ Գանձասարի Պետրոս կաթողիկոսը վերանորոգչական ու շինարարական եռանդուն գործունեություն է ծավալել իր հովանու ներքո գտնվող թեմերում: Հնարավոր է, որ նա վերանորոգած լինի նաև կաթողիկոսարանը³: Սակայն հիշատակարանում այդ առթիվ անմիջական վկայություն չկա:

Առաջժամ հայտնի երկրորդ նորոգումը կատարվել է Գյուլիստանի մելիք Աբովի՝ ձեռքով 1781 թ.: Այս առթիվ պահպանվել է Աբովի կամ, ինչպէս ինքն էր իրեն կոչում, Աբով յուզբաշու սեփական ընդարձակ արձանագրությունը գավթի դռան ձախ կողմին (տե՛ս նկ. № 8):

«Ի ՌՄԼ [1781] թուիս կաման աստուծոյ, ձեռամբ տեառն Յովհաննէսի կաթողիկոսին ես Ապաւ ուզպաշի՝ որդի մելիք Յօվսեփա Թալիշո եւ իմ կենակից Հերիքնազ և որդիք՝ մէլիք Պէկլար եւ մէլիք Ապաւ, մեր հալալ արդեանց շինեցաք սրբոյ աթոռոյս Աղուանից Գանձասարու երկուց եկեղեցաց տանիսն եւ խախտիալ որմունս բազում աշխատութեամբ՝ յիշատակ մեզ եւ ննջեցելոց մերոց...»⁴:

Այս արձանագրությունից պարզ երևում է կատարված աշխատանք-

¹ Մաշտոցի անվան մատենադարանի ձեռ. № 6513, էջ 280բ—281ա:

² Տե՛ս գրքի հավելվածի № 27 արձ.

³ Մատենադարանի ձեռ. № 2561, էջ 260ա—262ա:

⁴ Տե՛ս հավելվածի № 75 արձ.-ը:



Նկ. 11. Գյուլիստանի տեր Աբով յուզբաշու արձանագրությունը վանքի ծածկի վերանորոգման մասին (1781 թ.):

քի ծավալը. նորոգվել են տաճարի ու գավթի¹ տանիքները և պատե-
րի խախտված մասերը: Պարզ է նաև, որ վերանորոգողը Աբով (Ապաւ)
հարյուրապետն է՝ իր կենակից Հերիքնազի և որդիներ մելիք Բեգլարի
ու մելիք Աբովի հետ: Հենց Աբով հարյուրապետի անունից էլ գրված է
արձանագրությունը («իմ կենակից...» և այլն): Նա է, որ գրում է, թե
«...ես Ապաւ յուզպաշի... և իմ կենակից... և որդիք... մեր հալալ
արդեանց շինեցաք...»: Եվ սկզբից ևեթ արձանագրության մեջ մտած
«ձեռամբ Յովհաննէսի կաթողիկոսին» արտահայտությունը այնքան
բան է նշանակում, որ նրա «ձեռամբ» է թույլատրվել կամ օրինակա-
նացվել վանքանպաստ արարողությունը: Սա նույնն է, ինչ վանքերին
պրվող նվիրատվություններին վերաբերող արձանագրություններից
անպակաս «առաջնորդութեամբ այսինչ եպիսկոպոսի»-ն կամ «հայ-

¹ «Երկուց եկեղեցեաց». արձանագրողն սխալմամբ գավթին էլ է եկեղեցի համարել: Ուրիշ եկեղեցու մասին չի կարելի մտածել, որովհետև հայտնի է, որ Գանձասար միայն մեկ եկեղեցի է ունեցել:

րապետութեամբ տէր այնինչի»-ն: Եվ իրավացի չէր Հ. Ոսկյանը,
հրք վանքի վերանորոգման պատիվը շնորհում էր Հովհաննես կա-
թողիկոսին¹:

Մի նորոգում էլ կատարվել է Բաղդասար միտրոպոլիտի օրոք,
մեծ մասամբ նրա ծախսերով: Ծախսերը հաշվվում են «աելի քան
զհինգ հազար մանէթս արծաթոյ, թէ ի սեպհականութենէ իւրմէ (միտ-
րոպոլիտ Բաղդասարի.— Բ. Ու.) և թէ ի բարեպաշտական նուիրա-
նաց պատուելի ժողովրդոյ»²:

Վերջին նորոգումը կատարվել է 1907 թվականին: Այդ մասին
արձանագրություն կա տաճարի հյուսիսային պատի (զրսից) վերնա-
մասում. «1907 թ. նորոգուեց»: Երևում է, որ գործի գլուխ են կանգ-
նած եղել երկրամասի պատմությունն ու նրա հիշատակները չհար-
գող մարդիկ. հենց նորոգմանը վերաբերող արձանագրության տակ և
հուշարձանի ուրիշ շատ մասերում ոչնչացվել են կամ խաթարվել մի
շարք արձանագրություններ: Իզուր չէ, որ Հ. Օրբելին դայրույթով գրել
է, թե «...գավիթը ենթարկվել է բարբարոսական վերանորոգման,

¹ Հ. Ոսկյան, Արցախի վանքերը, էջ 68—69. «Հովհաննես Թ Գանձասարի եկե-
ղեցին կը վերաշինե...»:

² Օրբելին էլ վերանորոգող էր ճանաչում Քալիշի Մելիք Հովսեփին. «В 1781 г. кровля притвора обновлена Мелик-Осепом Талышским» («Надписи Гандзасара», էջ 2): Մինչդեռ արձանագրության մեջ մելիք Հովսեփը հիշատակվում է որպես վանքը նորոգող Աբով հարյուրապետի հայր. «ես Ապաւ ուզպաշի՝ որդի մելիք Յովսեփա Քալիշու»: Աբովը 1775 թ. վախճանված մելիք Հովսեփի (Գյուլիստանի տեր) կրտսեր որդին էր: Ավագը, հետևապես և մելիքության օրինական ժառանգորդը, Բեգլարն էր, որի կենդանությանը կրտսերը միայն մելիքական զորքերի հրամանատարն էր՝ յուզբաշին: Մելիք Բեգլարի կարճատև իշխանությունից հետո (նա սպանվել էր դավադրի գնդակով) գավառի իշխանությունն անցավ կրտսեր եղբայր Աբովին, որն, ըստ երևույթի, առաջին տարիներին չէր հրաժարվում իր զորապետական տիրույթից: Հետագայում հայտնի դարձավ Վրաց թագավորի ու Ռուսական արքունիքի հետ վարած եռանդուն բանակցություններով (հանգամանորեն՝ տե՛ս Բաֆֆի, Խամսայի մելիքությունները. «Երկերի ժողովածու», տասներորդ հատոր, Երևան, 1959, էջ 223—230 և հադ.):

² Ս. Զալալեանց, Բ, էջ 356: Տե՛ս նաև Գրիգոր Տեր-Հովհաննիսյանց, Բաղդասար միտրոպոլիտ Հասան-Ջալալյանցի համառոտ կենսագրությունը. «Փորձ», 1880, № 5, էջ 162:

Գրիգոր Տեր-Հովհաննիսյանցը Մուրացանն է, որը երիտասարդ տարիներին հրապարակած սույն աշխատության մեջ փորձել է տալ ոչ միայն արժանահիշատակ հոգեվոր գործչի կենսագրությունը, այլև նրա տոհմի՝ Հասան-Ջալալյան իշխանական տան համառոտ պատմությունը:

ընդ որում արձանագրութիւնները նշանակալից մասը ոչնչացվել է»¹։
Ի՞նչ է կատարվել 1907 թ. նորոգման ժամանակ։

Անկախ Հ. Օրբելու զայրույթից, նորոգումը ոչնչացրել է պատմական բազմաթիվ հիշատակներ, արձանագրութիւններ ու, հավանաբար, նաև քանդակազարդեր, որոնք կարող էին փրկվել կամ այս կամ այն շահով վերականգնվել, եթե, իհարկե, աշխատանքը կատարված լիներ մասնագիտական պատշաճ մակարդակով։

Սակայն և այնպես, չի կարելի մոռանալ նաև այն տխուր վիճակը, որի մեջ վանքն է գտնվել նորոգումից առաջ։ Մենք ունենք ականատես Լեոյի կարևոր տեղեկութիւնները վանական համակառուցի նորոգումից շուրջ քսան տարի առաջ եղած վիճակի մասին։ Պատմաբանը 1888 թ. իր ճամփորդական հիշատակարանում սրտի ցավով արձանագրել է «այն սարսափելի անհոգութիւնը, որին մատնված է այդ հուշակավոր, գեղեցիկ շինութիւնը... որ դանդաղ կերպով ավերվում, փշանում է... Խաչենի երկնքի տակ տեղ չկա, որ բույսը չմեծանա, չզարգանա զարմանալի ուժով... Կարմրախայտ և սրբատաշ քարերից շինած պատերի մեջ արմատ են դրել անհամար բույսեր, որոնք աճելով, մեծանալով, ձեղքում են քարերի արանքը, նրանց հեռացնում են միմյանցից։ Անձրևի և ձյան ջուրը պահվում է այդ բույսերի վրա, մտնում է քարերի մեջ... Վանքի կտուրը, որ շինած է սալ քարերից և միանգամայն անխախտ է մնացել և գեղեցիկ, բարձր զբմբեթը, որ հեռու տեղերից այնքան փառավոր է երևում, կանաչով են ծածկված... Հրաշալի է, ուրեմն, վանքի ամրութիւնը. շինութիւնը այսպիսի հանգամանքների մեջ էլ ամբողջ է մնացել։ Բայց մի քանի քարեր արդեն դուրս են եկել իրենց տեղերից և թափվելու վրա են. իսկ արևելյան պատի ճակատին նկատելի է մի ճեղք...»²։

«Դրսի կողմից վանքի պատերը ծածկված են բազմաթիվ երկար ու կարճ արձանագրութիւններով, որոնց կարդալը հեշտ չէ և երկար ժամանակ է պահանջում. պատերի վրայով հոսող ջուրը եղծել, փշացրել է շատ և շատ բան»³։

Ապա տաճարի ու գավթի ներսի մասին է խոսում. «Ջրի կաթիլներն այստեղ էլ թափվում են անդադար և ապականել են գեղեցիկ առաստաղը, մոռյլ կերպարանք են տվել անշուք, զարդ ու զարդա-

րանքից զրկված պատերին և բոլորովին մերկ հատակին։ Ամբողջ տարին կաթկաթելով՝ հատակի վրա լճակներ են կազմել. արդեն լափել, վերջացրել են սյունների քանդակների մի քանի նրբութիւնները... Այս տխուր, թաց և մռայլ կամարների տակ հավաքված է այնքան շատ բան անցյալից, որ այցելուի հոգին լուռ խոսակցութիւն է սկսում այս տեղերի, այս պատերի ու նրանց անկյուններում բարձրացած խավարի հետ»¹։

Ինչևէ, 1907 թ. նորոգումով փշացվել է վանքի գեղեցկութիւնների մի մասը և փրկվել մնացածը։

Հետագայում այն ոչ մի անգամ չի ենթարկվել նորոգման՝ ո՛չ հիմնական, ո՛չ մասնակի։ Եվ ահա այժմ հնօրյա փառահեղ հուշարձանի համար կրկնվել է այն վիճակը, որի ականատեսն ու արձանագրողն է եղել մեծանուն Լեոն։ Խախտվել են կտուրների սալ-քարերը, ջուր է ծծվում վերևից, որի պատճառով քայքայվել են տաճարի ու գավթի ներսի շատ զարդանախշեր, եղծվել են մի շարք արձանագրութիւններ։ Դրսի պատերի մեջ զանազան բույսեր, նույնիսկ թփեր են աճել՝ ստեղծելով խարխուղ ճեղքեր, հաճախ դուրս մղելով սրբատաշ քարերն ու որմնամասերը։ Եվ այս բոլորը՝ այն մարդկանց աչքի առաջ, որոնք ամեն առիթով կամ անառիթ՝ շին զլանում հպարտանալ Գանձասարով, նրա փառավոր պատմութեամբ ու ճարտարապետական անկրկնելի կերպարով։

¹ Ան, Իմ հիշատակարանը, էջ 369—370։

Այս մանրամասները մեջ ենք բերում, որովհետև այսօր էլ վանքը համանման վիճակի մեջ է, և զարմանալիորեն այնպես է թվում, թե մեծանուն Լեոն հենց այսօրվա վիճակի դեմ էր տրտնջում։

¹ Надписи Гандзасара, էջ 2։

² Ան, Իմ հիշատակարանը, էջ 364—366։

³ Անդ, էջ 366։

ՎԱՆՔԻ ԱՐՁԱՆԱԳՐՈՒԹՅՈՒՆՆԵՐԸ

Գանձասարի վանքը, հայ միջնադարյան ճարտարապետության ու քանդակագործական արվեստի անկրկնելի հուշարձան լինելուց բացի, ունի նաև աղբյուրագիտական վիթխարի նշանակություն: Նրա որմերին փորագրված շուրջ երկու հարյուր վիմական արձանագրություններն անգնահատելի արժեք են ներկայացնում ինչպես Արցախ-հաշենի, այնպես էլ առհասարակ Հայաստանի զարգացած ավատատիրության շրջանի սոցիալ-տնտեսական, քաղաքական ու մշակութային պատմության համար: Բավական է հիշել, որ միջնադարյան Հայաստանի ամենակենսունակ վարչաքաղաքական կազմավորումներից մեկը՝ հաշենի իշխանությունը, որն իբրև այդպիսին՝ ուշ միջնադարի հայկական իրականության մեջ համարյա միակն էր, այստեղ, այս վանքի որմերին է արձանագրել իր տնտեսական ու այլևայլ գործարքներից շատերը, և այդ արձանագրություններն էլ իրենց մեծագույն մասով ցայսօր պահպանվել են անխաթար:

Ճիշտ է, անհետ կորել են նաև արժեքավոր շատ արձանագրություններ: Այլ կերպ էլ չէր կարող լինել. բաց երկնքի տակ, ենթակա բնության ավերիչ ու ջնշող ուժին, քարերն իսկ մաշվում են ու կորցնում ամենակարևորը՝ իրենց վրայի քանդակներն ու գրերը: Բնական է նաև, որ վանքի նորոգումների ժամանակ պետք է հանվեին քայքայված, եղծված կամ կիսեղծ գրերով քարերը: Սակայն Գանձասարում և առհասարակ հաշենում այս բնական ու համարյա բանական կորուստներին հաճախ գումարվել է նաև անբնական ու աղետավոր ոչնչացումը: Վիմագրերը բախտի բերումով հաճախ ճակատագրական նշանակություն են ստացել նոր սերունդների համար, և սրանք ջանացել են վիմագիր նյութերը ծառայեցնել իրենց նորոգյա շահերին, «ուղղել-շտկել են», վերաքանդակել իրենց ուզածի պես: Իսկ

եթե այդ հնարավոր չի եղել, ապա պարզապես ոչնչացրել են իրենց սեփականատիրական շահերի դեմ խոսող այդ վկայությունները: Ակադեմիկոս Հովսեփ Օրբելին գիտեր մի այսպիսի տխուր փաստի մասին: Նա գրել է. «Բավական է՝ անհեթեթ լուր տարածվեր, թե դատարանը հաշենի բեկերի և հայկական հոգևոր իշխանության միջև ծագած հողային վեճերը վճռելիս դեկավարվելու է ոչ միայն ուսական կալվածատիրական իրավունքի նորմերով, այլև հայկական հնագույն արձանագրություններով, որպեսզի բեկերի ամբոխը Գանձասարի շրջակայքում քերեր XII—XIII դարերի մեկ ու կես տասնյակ արձանագրություն՝ նպատակ ունենալով ոչնչացնել այդ հողերի վանքապատկան լինելն ապացուցող վավերագրերը»¹:

Եվ, այսուհանդերձ, Գանձասարի վանքում ու նրա շրջակայքում պահպանվել են բազմաթիվ վիմագրեր, որոնց գիտական բարձր արժեքն անուրանալի է:

Գանձասարի վիմագրերից՝ իբրև աղբյուրագիտական հավաստի նյութից՝ օգտվելու առաջին պատիվը պատկանում է XIII դ. ականավոր պատմիչ Կիրակոս Գանձակեցուն: Կիրակոս պատմիչն է եղել, որ առաջին անգամ իր «Հայոց պատմության» մեջ անփոփոխ բովանդակությամբ, բայց մատենագրական մասնակի խմբագրությամբ օգտագործել է հաշենի երկու հոգևոր կենտրոնների՝ Գանձասարի ու Դաղի վանքի կաթողիկե տաճարների կառուցումներին վերաբերող, ինչպես և մի շարք ուրիշ արձանագրությունները: Այս նյութերը տեղ են գտել նաև Վարդան Վարդապետի, Ստեփանոս Օրբելյանի և ուշ շրջանի մեր ուրիշ պատմիչների երկերում:

Սակայն Գանձասարի վիմագրերն ընդօրինակելուն, ուստի և դրանք իբրև աղբյուրագիտական նյութ գիտական շրջանառության մեջ գնելուն ձեռնարկած առաջին մարդը եղել է Գանձասարի կաթողիկոս և պատմիչ Ծասյի Հասան-Ջալալյանցը: 1718 թ. նա մի ընդհանուր տեսքում արտագրել է Գանձասարի, հաթրավանքի, հուլիսավանքի (Դաղի վանք) և հաշենի տարածքի այլ եկեղեցիների ու խաչարձանների բազմաթիվ արձանագրություններ՝ նույն տեսքում, հենց այդ արձանագրությունների հիման վրա էլ, փորձելով ներկայացնել նաև հաշենի իշխանության ճյուղերից մեկի՝ Սարա իշխանական տան տոհմաբանությունը:

Ծասյի կաթողիկոսի սույն ձեռագիրը հետագա հետազոտողները

¹ Հ. Ս. Օրբելի, Հայկական վիմական արձանագրությունների գիտական նշանակությունը. «Իրվան հայ վիմագրության», պրակ Ա, Երևան, 1966, էջ XIII:

րից շատերն են տեսել ու օգտագործել: Այդ առթիվ պահպանվել են հետազոտողների խոստովանությունները¹: Սակայն հայտնի չէ, թե այժմ որտեղ է գտնվում այդ ձեռագիրը, կամ՝ արդյոք այն պահպանվում է: Կարևոր է, համենայն դեպս, որ պահպանվել է ձեռագրի երկու ընդօրինակությունը՝ բավականին բարեխղճորեն կատարված, մեկը՝ Հովհաննես Ղրիմեցու ձեռքով², մյուսը՝ առայժմ անհայտ ընդօրինակողի կողմից³:

Տետրի մեզ հասած ընդօրինակությունների համեմատությունը առկա բնագրերի (վիճական արձանագրությունների) հետ՝ ցույց է տալիս, թե Հայոց Աղվանքի պատմիչն ու հոգևոր վեհապետը որքան ճիշտ ու անթերի է արտագրել արձանագրությունները, որոնք և անփոփոխ մտել են տեղագրողներ Հ. Շահխաթունյանցի, Սարգիս Զալալյանցի և այլոց գրքերը⁴:

1821—22 թթ. Ամենայն հայոց կաթողիկոս Եփրեմը, նախկին գահակալ և այդ ժամանակ արդեն Վիրահայոց թեմի արքեպիսկոպոս Ներսես Աշտարակեցու, ինչպես նաև ուրիշ հոգևորականների ուղեկցությամբ, շրջագայում էր Հայաստանի հյուսիս-արևելյան նահանգները: Կաթողիկոսական այդ թափօրին մասնակցում էին նաև Մեսրոպ սարկավազ Թաղիադյանն ու վեհարանի գրագիր Հովհաննես Ղրիմեցին (կոչված նաև Փոթիշանեցի)⁵: Կաթողիկոսական շքախումբը,

¹ Յովհաննէս Եպիսկոպոս Շահխաթունեանց, Ստորագրութիւն կաթողիկէ էջմիածնի և հինգ գաւառացն Արարատայ, հ. Բ, էջմիածին, 1842, էջ 356—358, Սարգիս Զալալեանց, Ճանապարհորդութիւն ի Մեծն Հայաստան, մասն Ա, էջ 200, Հ. Փոփեան, Յուցակ ձեռագրաց Խաչիկ Դարեան, մասն Ա., Վաղարշապատ, 1898, էջ 89, Կառապետ Եպիսկոպոս, Դոմիյանք և Մելիք-Շահնազարյանք. «Նիւթեր հայ մելիքութեան մասին», պրակ Բ, էջմիածին, 1914, էջ 44:

² Մաշտոցի անվ. Մատենադարանի ձեռագիր № 9923:

³ Անդ, ձեռ. № 7821:

Այս ընդօրինակությունը, որը չի ընդգրկում բոլոր այն արձանագրությունները, որոնք կան (ըստ երևույթին լրիվ ընդօրինակություն հանդիսացող) առաջինում, պետք է որ կատարված լինի ընագրից: Մեզ այս կարծիքին է մղում ձեռագրի առաջին էջը, ուր նշված է կաթողիկոսական կնիքի տեղը:

Այս ձեռագիրը, բանասեր Պ. Հակոբյանի համոզմամբ, ընդօրինակված է «Շահխաթունյանցի համար, 1830-ական թթ.» (Պ. Հակոբյան, Հայկական վիճագրերը և հաշատուր Արովյանը. ՊԲԸ, 1971, № 2, էջ 45):

⁴ Շահխաթունեանց, Ստորագրութիւն..., հ. Բ, էջ 356—382: Զալալեանց, հ. Ա, էջ 183—192:

⁵ Յովհաննէս Ղրիմեցի, Պատմութիւն հուշակաւոր Վանից Հաղբատայ Սուրբ Նշանին, Վիեննա, 1965, էջ 135—136: Ավելի հանգամանորեն՝ Ալեքսանդր Դ Երիցեանց, Ամենայն Հայոց կաթողիկոսութիւնը և Կովկասի հայք 19-րդ դարում, մասն Ա. (1800—1832), Թիֆլիս, 1894, էջ 189—192 և հոդ.:

Սյունիքը կորելով, 1821-ի վերջին հասավ «յաշխարհն Արցախու» և «հազիվ ի 15 ամսեանն դեկտեմբերի ժամաներ ի Շուշի հուշակաւոր քաղաք և ամրոց... Եւ եկաց նա (կաթողիկոսը) ի քաղաք անդ, որ առաջի նպատակ էր իւրոյ ճանապարհորդութեան իբրեւ ամիսս ութ... Ելեալ ապա ի քաղաքէ անտի յամսեանն յունիսի 1822 ամի տեառն բովանդակ եղելովքն ընդ իւր, հանդիպէր նախ ի Գանձասար...»¹:

Հենց այստեղ էլ, հավանաբար, ոչ առանց Ներսես Աշտարակեցու միջամտության², Հովհաննես Ղրիմեցին ամենայն բարեխղճությամբ արտագրել է Եսայի կաթողիկոսի տետրը: Ահա թե այդ առթիվ ինչ է գրել Հ. Ղրիմեցին մեզ հասած իր ընդօրինակության հիշատակարանում. «Յամի տն 1822 յամսեանն յուլիսի մեկին ընդ սրբազան Եփրեմ կաթողիկոսին մինչ էաք ի Գանձասար հրաշալի վանս, տեսի զբազում եկեղեցեաց և խաչից հնագոյն արձանաց օրինակս ժողովեալս ի միում հին տետր ձեռամբ Եսայի կաթողիկոսին Աղուանից ի թուականութեան Հայոց ՌՃԿԷ (1718), զոր և օրինակեցի կրկին իմով ձեռամբ: Խ. ծ. Յոհաննէս եպիսկոպոս երբեմնի գրագիր սուրբ էջմիածնի»³:

¹ Ղրիմեցի, Պատմութիւն..., էջ 135—136:

² Հայտնի են բազմաբախտ Ներսես Աշտարակեցու մշտաբորբոք ձեռնարկումները հայկական պատմական հնութիւնները, հատկապես վիճագրական նյութերը հավաքելու, մեր ժողովրդի կենսագրության այդ անփոխարինելի վավերականները կորստից փրկելու համար: Պահպանվել են նրա գրավոր հանձնարարականները հոգևորական տարբեր գործիչներին և հատկապես 1825-ի օգոստոսի 31 թվակիր նամակ-հրահանգը՝ ուղղված Սանահնի առաջնորդ Հարութուն Տեր-Բարսեղյանցին (Մատենադարան, Ներսես Աշտարակեցու գրված, № 166/378): Եվ, վերջապես, Եփրեմ կաթողիկոսի Գանձասար հասած շքախմբի անգամ Թաղիադյանցը պատմում է, որ «Աստանօր հրամանաւ Ներսիսի շրջեցա ի մերձակայ վանորայս և օրինակեցի զամենայն նախնի արձանագրութիւնս աշխարհին (Մեսրոպը Դ Թաղիադեանց վ. ա. սարկավազ սրբոյ էջմիածնի, ճանապարհորդութիւն ի Հայս, Կալիպթա, 1847, էջ 332): Չէր կարող պատահել, որ այսպիսի հանձնարարություն տվողն անտարբեր մնացած լիներ արդեն հավաքված արձանագրությունների տետրի նկատմամբ: Աշտարակեցու՝ հայկական վիճագրերը թողովելու ձեռնարկումների մասին ավելի հանգամանորեն տե՛ս Ս. Բարխուդարյան, Հայկական վիճագրություն. «Դիվան հայ վիճագրության», պրակ Ա, էջ XVIII—XIX, «առանձնապես» Պ. Հակոբյան, Հայկական վիճագրերը և հաշատուր Արովյանը, էջ 48—54:

³ Մատենադարան, ձեռ. № 9923, էջ 2ա:

Պ. Հակոբյանը սույն արտագրությունը համարում է կիսատ՝ կատարված Հովհաննես եպիսկոպոս Հովհաննիսյան Մշեցու (նույն ինքը՝ Բագրևանդացի) ձեռքով: Սա-

Գանձասարի վիճակն արձանագրութիւններէ արտագրութիւնը պետք է որ կատարած լինէր նաև Եփրեմ կաթողիկոսի շքախմբի մյուս մասնակիցը՝ Մեսրոպ սարկավազ Թաղիադյանցը, որն իր ճամփորդութիւններէ գրքում, խոսելով Արցախյան շրջագայութեան մասին, հաղորդում է հետևյալ աներկբայելի տեղեկութիւնը. «Աստանօր հրամանաւ ներսիս շրջեցայ ի մերձաճայ վանորայս և օրինակեցի զամենայն նախնի արձանագրութիւնս աշխարհին, զտեսլա յորմունս եկեղեցեաց, ի խաչքարս և ի վէմս ապառաժից, սկսեալ ի Գանձասարայ մինչև ի Հաղբատ և ի Սանահին, զորս և մատուցի նմա, առ իս պահելով զօրինակս նոցա, որք յետոյ կորեան»¹:

Մ. Թաղիադյանցի ընդօրինակութիւններէ ոչինչ չի մնացելը: Հովհաննէս Արիմեցուց երկու տասնամյակ հետո խաչենի վիճակն արձանագրութիւնները և առհասարակ նյութական մշակույթի հուշարձանները դարձան Սարգիս Զալալյանցի բազմակողմանի ուսումնասիրութեան առարկան: Հասան-Զալալյան հինավուրց իշխանական տոհմի շառավիղը Արևելյան Հայաստանում կատարած իր շրջագայութեան ընթացքում եղել է Արցախի համարյա բոլոր բնակավայրերում, նկարագրել պատմական աղբյուրներում հիշատակվող գյուղերն ու ավանները, վանքերն ու եկեղեցիները, հավաքել իր ժամանակ դեռևս պահպանվող արձանագրութիւնների մեծագույն մա-

կայն այս և Մատենադարանի № 7821 ձեռագրերի համեմատութիւնը ցույց է տալիս, որ առաջինը ոչ մի բացթողում չունի: Ապա՝ փաստերը խոսում են այն մասին, որ № 9923 ձեռագրի արտագրութիւնը կատարվել է Հովհաննէս Արիմեցու ձեռքով, քանի որ նա եղել է Եփրեմ կաթողիկոսի գրագիր-բարտուղարը (Ս. Ղաֆադարյան, Հաղբատ, Երևան, 1963, էջ 92, Հ. Ոսկյան, Ներածութիւն Արիմեցու հիշալ գրքի, էջ Ե. «Էջմիածնէն հովվապետին ուղեկից և օգնական կըլլա Հովհաննէս Փոթիշանեցի-Արիմեցի վարդապետը, որ անոր ձեռնասուն աշակերտն ու նոտարն էր»): Եվ, վերջապես, ինքը՝ Արիմեցին է ներկայացնում կաթողիկոսական շքախմբի կազմը՝ լրացնելով. «Ընդ որս էր և իմ նուաստութիւն» (Արիմեցի, Պատմութիւն..., էջ 135): Իսկ ընդօրինակութեան հիշատակարանում էլ ներկայանում է իբրև «Յովհաննէս եպիսկոպոս երբմնի գրագիր սուրբ Էջմիածնի»:

¹ Մեսրոպ Գ Թաղիադեանց, ձանապարհորդութիւն, էջ 332:

² Ներսէս Աշտարակեցու դիվանին քաջատեղյակ Պ. Հակոբջանը հայտնում է, որ «Լ՛ ն. Աշտարակեցու դիվանում, և՛ այլուր որևէ հետք չի մնացել» այդ ընդօրինակութիւններից, ապա կասկածով հնարավոր է համարում, որ Թաղիադյանցի ջանքերի արդյունքը եղած լինի «Հովհաննէս եպիսկոպոս Մշեցուն վերագրվող հավաքածուն» (Պ. Հակոբջան, նշված աշխ., էջ 45, ծան. 1): Սակայն, ինչպես վերը տեսանք՝ նշված հավաքածուն Հովհաննէս Արիմեցու ընդօրինակութիւնն է:

սը, ինչպես նաև վանքերում ու մասնավոր անձանց մոտ պահպանվող ձեռագրերի հիշատակարանները և բազմաթիւ փաստաթղթեր: Զալալյանցի արտագրութիւնները կատարված են ժամանակի պայմանների համեմատ բարեխղճորեն, ուղեգրական տպավորութիւնները գրված են ոչ միայն փաստական նյութի իմացութեամբ, այլև այնպիսի վարակիչ շերմութեամբ ու հայրենասիրական խանդով, որ նրա այդ երկհատորյակն արժանացել է հաշատուր Արովյանի ու Հովհաննէս Թումանյանի շատ բարձր գնահատականին¹:

Պետք է նշել, սակայն, որ ո՛չ Հ. Ծահաթունյանցը, որի ձեռքի տակ է եղել Եսայի կաթողիկոսի ձեռագրի ընդօրինակութիւնը, և ո՛չ էլ Ս. Զալալյանցը, որը ոչ միայն նշված ձեռագրից է օգտվել, այլև եղել է Գանձասարում ու հնարավորութիւն է ունեցել բնագրից արտագրելու բոլոր վիճագրերը, չեն հրատարակել կաթողիկոսի արտագրած բոլոր արձանագրութիւնները: Եսայի կաթողիկոսի տետրը, Հովհաննէս Արիմեցու արտագրութեան համաձայն, ընդգրկել է Գանձասարի 34 արձանագրութեան ընդօրինակութիւն: Զալալյանցը տըպագրել է 30-ը, իսկ Ծահաթունյանցը՝ միայն 21-ը:

Սարգիս Զալալյանցից հետո երկար ժամանակ Գանձասարի վիճագրերը չեն արժանացել այնպիսի ուշադրութեան, որը կարելի լինէր համարել տրամաբանական շարունակութիւնն արդեն կատարվածի: Միայն XIX դարի երկրորդ կեսին, ավելի ճիշտ՝ դարի 80-ական թվականներից սկսած այդ ուշադրութիւնը բորբոքվում է Մակար Բարխուտարյանցի կողմից, որն իրեն նվիրել էր Արցախում ու շրջակա գավառներում հազարամյակներ ապրած հայութեան բազմադարյան պատմութեան ու պատմական ամեն տեսակ հիշատակների ուսումնասիրութեանը:

Հարկ է նշել, որ Մակար վարդապետի հավաքածուն, որն ընդգրկում է նաև Գանձասարի ու շրջակայքի հուշարձանների բազմաթիւ վիճագրեր, հարուստ է իր նախորդների ընդօրինակութիւնների համեմատ և ըստ էության առավել վստահելի, քանի որ հավաքողն ավելի լավ էր պատկերացնում երկրամասի պատմութիւնը, և հենց այս հանգամանքն էլ նրան օգնում էր համեմատաբար ստույգ կարդալու կիսախաթար արձանագրութիւնները: Անխոնջ հետազոտողը Հայադվանքի պատմութեանը նվիրած իր երկհատոր ուսումնասիրութեան մեջ²

¹ Այս առթիւ հանգամանորեն տե՛ս Պ. Հակոբջան, նշված հոդվածը, էջ 59—63:

² Մակար Բարխուտարեանց, Պատմութիւն Արևմտից, հ. Ա, Վաղարշապատ, 1902, հ. Բ, Թիֆլիս, 1907:

մեծապես օգտագործել է վիմագրերի իր հավաքածուն, որի մեջ ընդգրկված են Գանձասարի 34 արձանագրություններ¹:

Գանձասարի վիմագրական նյութի իսկական գիտական ընդօրինակությունը (ղծբախտաբար, ցայսօր չհրատարակված) կապված է բաղմեքրախոս Հ. Օրբելու անվան հետ:

1909 թ. օգոստոսին, Ն. Մառի երաշխավորությամբ, Ռուսաստանի Կայսերական ակադեմիայի պատմաբանասիրական բաժանմունքը Հ. Օրբելուն գործուղում է Խաչեն՝ տեղի հնագիտական նյութերն ուսումնասիրելու համար: Օրբելին Խաչենում մնում է ընդամենը 17 օր և գրի է առնում շուրջ 270 արձանագրություն. 84-ը՝ Գանձասարի վանքից, 21-ը՝ Վաճառից, Խաչխութից ու Մմակահող գյուղից, 13-ը՝ Հավապտուկից, 36-ը՝ Կոշիկ անապատից, 37-ը՝ Մեծառանից Ս. Հակոբա վանքից, 11-ը՝ Զուխտ-խաչ ու Խանչալ-խաչ սրբավայրերից, 35-ը՝ Խաթրավանքից և 33-ը՝ Գաղիվանքից:

Այս բոլոր արձանագրություններն Օրբելին իրեն հատուկ բարեխըղճությամբ ու խնամքով արտագրել է (բացառությամբ Գանձասարի ու Հավապտուկի արձանագրությունների) փոքր չափսի մի ընդհանուր տետրում, որի տիտղոսաթերթի վրա գրել է. «Армянские надписи Хачена»: Ըստ երևույթին տետրից անմիջապես շարվածք պիտի կատարվեր տպարանում, քանի որ հենց վերնագրի տակ էլ կա հեղինակի հանձնարարությունը ընտրելիք տառերի ու շարվածքի մյուս հանգամանքների առթիվ:

Ուշագրավ է, որ արձանագրությունների մեծազույն մասը տետրում տեղ է գտել ոչ միայն ընթերցվածքով, այլև ճշգրտորեն այնպես, ինչպես տեղում է՝ տառաձևերի, կցագրերի ու հնագրական այլևայլ առանձնահատկությունների պահպանմամբ:

Այս տետրը գտնվում է ՍՍՀՄ ԳԱ Արևելագիտության ինստիտուտի Լենինգրադյան բաժանմունքի արխիվում²: Նույն արխիվում է գտնվում նաև Գանձասարի ու Հավապտուկի արձանագրությունների հավաքածուն՝ արդեն տպարանային սրբագրական արտատպվածքի ձևով:

Բանն այն է, որ Հ. Օրբելին դեռևս 1909 թ. տպագրության պատրաստած առաջին տետրակի ու սույն ժողովածուի հրատարակությունը հետաձգել է տպագրական համապատասխան տառատեսակների բա-

ցակայության պատճառով և նրանց վերստին անդրադարձել է 1919-ին՝ որոշած լինելով հավաքած բոլոր վիմագրերը հրատարակել առանձին փոքրիկ ժողովածուներով: Այդ շարքի առաջին ժողովածուի մեջ մտցրել է Գանձասարի ու Հավապտուկի արձանագրությունները: Սակայն, ցավոք, այս ժողովածուի հրատարակությունը ևս ինչ-ինչ պատճառներով գլուխ չի եկել, և այն մնացել է որպես սրբագրական արտատպվածք՝ բաղկացած 42 փոքրադիր էջերից, որոնց մեջ ընդգրկված են.

ա) Չորս նախէջ-նախաբան, որոնցում հեղինակը հաղորդում է Խաչենում կատարած իր աշխատանքների մասին, տալիս հայկական վիմագրական նյութի ուսումնասիրության ընդհանուր վիճակի գնահատականը և պարզում մի շարք այլ հարցեր:

բ) Համառոտ պատմական ու ճարտարապետական տեղեկանքներ Գանձասարի վանքի (էջ 1—2) ու Հավապտուկի (էջ 36) մասին:

գ) Գանձասարի 87 և Հավապտուկի 13 արձանագրությունները:

Սրբագրական այս արտատպվածքի միակ լրիվ օրինակը տարիներ առաջ տեղափոխվել է Հայկ. ՍՍՀ ԳԱ Հնագիտության ու ազգագրության ինստիտուտը: Արևելագիտության ինստիտուտի Լենինգրադյան բաժանմունքի արխիվում մնում են երկու պակասավոր օրինակներ: Համեմատաբար քիչ պակասավորից բացակայում է 7 էջ (9, 22, 23, 26, 27, 30, 31):

1917 թ. հունվարին, Խաչենի վիմական արձանագրությունները տպագրության նախապատրաստելու առթիվ, պատասխանատվության ու պարտքի բարձր գիտակցությամբ Հ. Օրբելին գրել է. «Խաչենի իմ ժողովածուի տպագրությանն եմ ձեռնարկում մի քիչ ծանր զգացումով. արձանագրությունները ես հավաքել եմ շատ վաղուց, երբ ինքս նոր միայն սկսել էի զբաղվել հայկական վիմագրությամբ, և ես առավել, քան ուրիշ որևէ մեկը, գիտակցում եմ ընթերցվածքների վրիպակները՝ նույնիսկ այնտեղ, ուր ես արձանագրությունն արտագրելիս չեմ կասկածել իմ ընթերցածի ճշգրտության վրա...»³:

Հարկավ, ավելորդ չէին ականավոր գիտնականի կասկածները. նույնիսկ Գանձասարի ու Հավապտուկի արտատպվածքը, որ համարյա ընթերցողի ձեռքն էր հասել, ունի վրիպակներ ու անձիշտ ընթերցվածքներ, որոնք հենց այս ընթերցվածքին վստահող ուսումնասիրողներին կարող են հանգեցնել թյուրիմացությունների: Սակայն ամեն

¹ Մ. Բարխուտարեանց, Արցախ, էջ 173—179:

² Մեր ուսումնասիրության ժամանակ (1971 թ. օգոստոսին) այս տետրը թվահամար չի ունեցել, որովհետև գիտնականի արխիվը դեռևս նոր էր կարգավորվում:

³ Надписи Гандзасара и навоцпука, собран и приготовил к печати Иосиф Орбели, Петроград, 1919, стр. III—IV.

պարագայի Հովսեփ Օրբելու կատարածը մի շատ շնորհակալ աշխատանք էր՝ արժանի շարունակվելու և զարգացվելու: Հավաքված նյութի հիման վրա Օրբելին ինքն էր ձեռնամուխ եղել բացելու հաշենի պատմության ու հին մշակույթի ծալքերը: Նա այս ուղղությամբ նույնիսկ կատարեց մի հետաքրքիր փորձ. գրեց «12—13-րդ դարերի հաշենի խաչքարերի կենցաղային բարձրաբանականները» խորագրով ուսանելի հոդվածը¹, ցույց տալով, թե հայկական հինավուրց այս երկրամասի քարե հուշարձաններն ու վիմական արձանագրությունները որքան հարուստ և բազմազան նյութ կարող են տալ պատմաբանին, հրնազետին, ազգագրագետին ու այլևայլ մասնագետներին՝ երևան հանելու մեր ժողովրդի բազմադարյան անցյալն իր բոլոր կողմերով:

Պետք է միայն ափսոսել, որ այս հոդվածը մնաց միակն իր տեսակի մեջ: Հ. Օրբելին նույնիսկ ժամանակ չունեցավ անդրադառնալու Հասան-Ջալալի մասին հրապարակած իր աշխատությանը, որպեսզի շտկի նրա ականջատ թերությունները, որոնք պարզ երևում են հետագայում հենց իր իսկ ձեռքով հավաքած վիմագրական նյութի առկայությամբ²:

Գանձասարի և առհասարակ հաշենի վիմագրական նյութերին ուշադրություն է դարձրել նաև նշանավոր հոգևորական գործիչ ու խոշոր գիտնական Գաբրիել Հովսեփյանը: Նա մեծ ջանասիրությամբ ու քաջահմուտ կերպով հավաքել է Գանձասարի շրջակայքի (Հավապըտով, Կոշիկ անապատ, Գեռաքարի հուշարձաններ և այլն) վիմական արձանագրությունները, տարբեր առիթներով մանրակրկիտ քննության ենթարկել հաշենի տարածքում պահպանված հնադարյան ձեռագրերը և մատենագրական այն տեղեկությունները, որոնք վերաբերում են հաշենին ու նրա իշխանական տներին: Այդ նյութերի մի զգալի մասն օգտագործվել է մեծ գիտնականի «Խաղբակյանք կամ Պոռչյանք հայոց պատմության մեջ» կոթողային աշխատության էջերում և հրապարակված է այդ աշխատության երրորդ գրքում³:

Այնուհետև երկար ժամանակ ոչ ոք գործուն ուշադրություն չի ցուցաբերել Գանձասարի վիմագրերի նկատմամբ: Միայն 1960-ական թվականների սկզբին Հայկ. ՍՍՀ ԳԱ Հնագիտության ու ազգագրության ինստիտուտի աշխատողների մի խումբ, հայտնի վիմագրագետ Ս. Բարխուդարյանի ղեկավարությամբ, հավաքել է ինչպես Լեռնային Ղարաբաղի մյուս հուշարձանների, այնպես էլ Գանձասարի վիմագրերը: Սակայն այս, ամենայն հավանականությամբ, արժեքավոր աշխատանքը դեռևս չի հրապարակված:

Ստորև ներկայացնում ենք Գանձասարի վանքում և նրա շրջակայքում պահպանված բոլոր արձանագրությունները՝ նրանց համառոտ նկարագրություններով, մի քանի լուսանկարներով (տե՛ս նկ. № 9 ա, բ, գ, դ) և նրանց վերաբերող անհրաժեշտ տեղեկություններով հանդերձ:

Արձանագրություններին վերաբերող ծանոթագրությունների մեջ աշխատել ենք ցույց տալ նախորդ հրատարակիչների՝ Հ. Շահխաթունյանցի, Ս. Ջալալյանցի, Մ. Բարխուդարյանցի և Հ. Օրբելու կատարած աշխատանքը: Այս շարքի մեջ մտցրել ենք նաև Հ. Օրբելու գրքույկը, նկատի առնելով, որ այն, թեպետ տպարանից դուրս չեկած ու ընթերցողին չհասած, արդեն ձև ու կերպարանք ստացած է եղել և ըստ ամենայնի պատկերացում է տալիս հեղինակի կատարած ուսանելի հետազոտական աշխատանքի մասին:

Ա. ՎԻՄԱԳՐԵՐԻՑ ՄԻ ՔԱՆԻՍԻ ԼՈՒՍԱՆԿԱՐՆԵՐԸ




Նկ. 12. Վանքի փակակալ Ստեփանոսի արձանագրությունը (XIII դ.):

¹ И. А. Орбели, Бытовые рельефы на Хаченских крестных камнях XII—XIII веков. Избранные труды, И. А. Орбели, Ереван, 1963, стр. 196—204.

² Ակադեմիկոս Հ. Օրբելու և հաշենի իշխանության տարածքի պատմական հիշատակների առնչակցություններն առավել հանգամանորեն տե՛ս Բ. Ուրուբաբյան, Ակադեմիկոս Հովսեփ Օրբելին և հաշենը (փաստաթղթեր և տեղեկություններ). «Բանբեր Հայաստանի արխիվների», 1972, № 1, էջ 197—204:

³ Գաբրիել կաթողիկոս Հովսեփյան, Խաղբակյանք կամ Պոռչյանք հայոց պատմության մեջ, Անթիլիաս-Լիբանան, 1969, էջ 297—466:



Նկ. 13. Մանա Հանդարեղեցու արձանագրությունը (1271 թ.):



Նկ. 14. Զալալ Մեծի Բռն Տուրսունի արձանագրությունը (1493 թ.):



Նկ. 15. Հատիր-Մելիքի որդի Սարգիս կաթողիկոսի արձանագրությունը:

Բ. ԱՐՁԱՆԱԳՐՈՒԹՅՈՒՆՆԵՐԻ ԲՆԱԳՐԵՐԸ

1. ՈԶԹ (1240) թ.

Գանձասարի կաթողիկե տաճարի շինարարական արձանագրությունն է՝ փորագրված տաճարի ներսում, հյուսիսային պատի ամբողջ լայնությամբ, վերին եզրից մինչև ավանդատան ու ավազանի կամարները: Բաղկացած է 27 տողից, որից 17-ը՝ հյուսիսային լուսամուտի աջ ու ձախ տարածությունն են բռնում, իսկ 10-ը՝ նրանից ցած եղած մասը:

ՅԱՆՈՒՆ ՍՈՒՐԲ ԵՐՐՈՐԳՈՒԹԵԱՆ՝ ՀԱԻՐ ԵՒ ՈՐԳՈՅ ԵՒ ՀՈԳՈՅ ՍՐԲՈ
 ԱՅՍ ԳԻՐ ԱՐՁԱՆԻ Է, ԶՈՐ ՏՎԻ
 ԵՍ՝ ՆՈՒԱՍ ՇԱՌԱ ՄՅ ՋԱԼԱԼ ԴԱԻԱՅ ՀԱՍԱՆ, ՈՐԴԻ ՎԱԽՏԱՆԳԱ,
 ԹՈՒՆ ՄԵՇԻՆ
 ՀԱՍԱՆԱ, ԲՆԱԿԱՒՈՐ ԻՆՔՆԱԿԱԼ ԲԱՐՁՐ ԵՒ ՄԵՇ ԱՐՅԱԽԱԿԱՆ
 ԱՇԽԱՐԶԻ, ԹԱԳԱՒՈՐ ԽԱԻ-
 ԽԱՆԱԲԵՐԳԻ ՅՈՔՆԱՍԱՀՄԱՆ ՆԱՀԱՆԳԱԻՔ: ԶԻ ՀԱՅՐ ԻՄ, Ի ՎԱԽՃԱՆ
 ԿԵՆԱՅ ԵԼԻՑ

ԻՒՐ ԱՍՏԵԱՅՍ ԱՆԴԱՐՁ ԿՏԱԿԻ ՀԱՍՏԱՏԵԱՅ ԻՆՁ ԵՒ ՄԱԻՐ ԻՄ
ԽՈՐԻՇԱԶԻ, ՈՐ ԷՐ
ԴՈՒՍՏՐ ՄԵԾ ԻՇԽԱՆԱՅ ԻՇԽԱՆԻՆ ՍԱՐԳՍԻ, ՉԻ ՇԻՆԵՍՑՈՒՔ ԵԿԵՂԵՑԻ
Ի ԳԵՐԵՁ-
ՄԱՆԱՏԱՆ ՀԱՐՑ ՄԵՐՈՑ Ի ԳԱՆՁԱՍԱՐ, ՉՈՐ ՍԿՍԵԱԼ ՄԵՐ:ՈԿԵ:ԹՎԻՆ
ՀԱՅՈՑ ՅԱԻԳՆՈՒԹԵԱՄԲ ԲԱՐԵՐ-
ԱՐԻՆ: ԵՒ Ի ԽՓԵԼ ԼՈՒՍԱՄՏԻՆ ԱՐԵԻԵԼԻՑ ՄԱՅՐՆ ԻՄ ԿՐԱԻՆԱԻՈՐԵԱԼ
ՉՈԳԱԻ ՅԵՐՈՒՍԱԿԷՄ ԵՐ-
ՐՈՐԴ ԱՆԳԱՄ ԵՒ ԱՆԴԷՆ Ի ԴՐԱՆ ՀԱՐՈՒԹԵԱՆ ԽԱՐԱՉԱՆԱՉԳԵԱՅ
ՃԳՆՈՒԹԵԱՄԲ ԲԱՉՄԱՄԵԱ
ԺՈՒԺԿԱԼՈՒԹԵԱՄԲ ՀԱՆԳԵԱԻ Ի ՔՐԻՍՏՈՍ ԼՈՒՍՈ ՎԿԱՈՒԹԵԱՄԲ ԵՒ
ԱՆԴԷՆ ՊԱՀԵՑԱԻ: ԻՍԿ
ՄԵՐ ՉԲԱՉՄ-
ԱԾՈՒՓ ԿԻՐՍ ԿԵՆՑԱՂՈՅՍ Ի ՄՏԻ ԵԴԵԱԼ ՓՈՅԹ ԳՈՐԾՈ ԱՐԱՐԵԱԼ
ԱԻԱՐՏՈՒՄՆ ԵՂ-
ԵՒ, ՇԵՈՐՀԱԻՔ ԵՒ ՈՂՈՐՄՈՒԹԵԱՄԲ ԱՄԵՆԱՅԳՈՒԹ ՏԵԱՌՆ: ՈՉԷ:
ԹՎԻՆ՝ ԳԱԻՏԵԻՈՐԵԱԼ ԱՄԵՆԱ-
ՉԱՆ ՉԵԻՈՎ, ՊԱՏԿԵՐԱՉԱՆ ՅԱԻՐԻՆԱԿԵՐՏ ԳՄԲԵԹԱՐԴ ՅԱԻՐԻՆՈՒԱ-
ՄԱԻՔ ԵՒ ՅԱԻԺԱՐ
ՈՒԹԵԱՆ ԿԱՄԱՅ ՄԵՐՈՑ, ՈՐՊԷՍ ՏԵՍԱՆԷ ԱԾ, ՀՈԳԱՅԱՔ ՉՊԷՏՍ
ՄԻԱԲԱՆԻՑ՝ ԳԵՂՈՐ-
ԱՅՍ ՄԱՉԵՂ, ՀԱՐՉԱՆՏՈՒՍ ԲՈԼՈՐՔՈՉՆ, : Ա: ԼՈՒԾ ԽԱՉԻՆԱՉՈՐ,
ՆՈՐԱՇԻՆԿԱՆ
ԳԵՏՆ, ԱՅԳԵՍՏԱՆՍ ԵՂԳԸՆ ԳԵՆԻ, ՉՈՐ ԻՄ ՀԱՅՐՆ Է ՏՎԵԱԼ
ՈՅՆ, ԱՐԾԱԹԵՆԻՍՆ, ՈՐ ԵՍ ՏՎԻ ԽԱՉԱԻՔ, ԳՐԱՆԱԻՔ, ՄԱՍՄԲԲՔ
ՆՇԽԱՐԱԻՔ, ՊԱՏՈՒ-
ԱԿԱՆ ԵՒ ՉՈՒԼԱԾՈՒ ԱՄԵՆԱՅՆ ՍՊԱՍՈՒՑ ԵՒ ՀԱՆԴԵՐՁ ԵՐԵԻԵԼԻ
ՉԱՐԴԻԻՔ Ի ՓԱՌՍ ՔԻ ԱՅ
ՄԵՐՈՑ: ԵՒ ԱՎ Ի ՄԵՐ ՅԻ-
ՇԽԱՆՈՒԹԵԱՆ ԵԿԵՂԵՑԻՔՍ ԱՉԱՏ ԵՆ: ԿԱՄԱԻ ՏՐ ՎԱՐԴԱՆԱ
ԱՌԱՉՆՈՐԴԻ ՄԲ ՈՒԽՏԻՍ ԵՒ
ՄԻԱԲԱՆԻՑՍ ԳՐԵՑԱՔ
ԺԱՄ ՉԱԻԱԳ ՍԵՂԱՆՆ ԲՈԼՈՐ ՏԱՐԻՆ ՄԵՉ ԵՒ ՉԱՅԼ ԱՄԷՆ ԵԿԵՂԵՑԻՔՍ
ՉԱՏԻԿՆ ԻՒՐ ՃՐԱԳԱ-
ԼՈՒՑՈՎ ԻՄ ՀԱԻՐՆ Է

ՎԱԽՏԱՆԳԱ, ԱԾԱԾՆԻՆ : Գ: ԱԻՐՆ ԻՄ ՄԱԻՐՆ ԽՈՐԻՇԱԶԻ, ԵՒ
ՅԱՅՏՆՈՒԹԻՒՆ ԻՒՐ ՃՐԱԳԱԼՈՒՑՈՎ
ԻՄ ԵՂԲԱԻՐՆ ՉԱՔԱՐԷԻ,
ԱԻԱԳ ՍԵՂԱՆՆ, ՈՐ ԻՄ Է ՅԱԾԱԾՆԷՆ ՄԻՆՁ Ի ԽԱՉՆ, ԻՄ ՊԱՊԻՆ
ՀԱՍՍԱՆԱ, ՅԻՍՆԱԿԱՄՏԷՆ ՄԻՆՁ
Ի ՅԱՅՏՆՈՒԹԻՒՆ ՄԱՄՔԱՆԱ
ԻՄ ԿԵՆԱԿՑԻՆ, ՅՈՒԹԱԻՐԱՅ ԵԼԻՑՆ ՄԻՆՁ ԱՌԱՉԱԻՈՐՆ ՀԱՍԱՐԱԿԱՅ
ԱՆՅԻՇԱՍԱԿԱՅ, ԲԱՐԻԿԵՆ-
ԴԱՆԻՆ: Ա: ՇԱՐ-
ԱՐՆ ԻՄ ԵՂԲԱԻՐՆ ԴԱԻԼԻՆ, : Ա: ՇԱՐԱԹՆ ԻՄ ՔՈՒԵՐՆ ՄԱՐԻՆՈ,
ԱՂՈՒՀԱՅԻՑ ՇԱՐԱԹ ԿԻՐԱԿԷՔՆ
ԻՄ ԵՂԲԱԻՐՆ ԻՒՆԵԷԻՆ, ՉԱՏԿԷՆ
ՄԻՆՁ ՅԱԾԱԾՆԷՆ ԵՒ Ի ԽԱՉԷՆ ՄԻՆՁ ՅԻՍՆԱԿԱՄՈՒՏՆ ԻՆՁ ՀԱՍԱՆԱ:
ԱԻՐՀՆԵՑԱԻ ԵԿԵՂԵՑԻՍ
: ՈՉԹ: ԹՎԻՆ
Ի ՀԱՅՐԱՊԵՏՈՒԹԵԱՆ ՏՆ ՆԵՐՍԻՍԻ ԱՂՈՒԱՆԻՑ ԿԱԹՈՂԻԿՈՍԻ: ՀԱՍՏԱՏ
Է ԳԻՐՍ ԿԱՄԱԻՆ ԱՅ:
ՈՎ ՀԱԿԱՌԱԿԻ, ՈՍ-
ՈՒՆ ՆՈՐԱ ԱԾ Է ԵՒ ԻՒՐ ՍՈՒՐԲՔ: ԱՆՏՈՆԻ ՏԱԻՆԻՆ: Ա: ԱԻՐ ԺԱՄ
ՅՈՎԱՍԱՐ ՄԻԱԿԵՑԻՆ Է
ԿԱՄԱԻՆ ՄԵԾԻՆ ՀԱՍԱՆԱ:

Հրատ. Շահխաթունեանց, Բ, 371—372, Ջալալեանց, Ա, 183—
184, Բարխուտարեանց, 173—174, Օրբելի, 4:

Ման.— Արձանագրութեան առաջին տողերը դժվարութեամբ են
ընթերցվում ցածից, մանավանդ, որ նրանցից մի քանիսի վերջերը
քայքայված են կամ ծածկված աղաշերտով: Այս պատճառով էլ առա-
ջին հրատարակիչները հիմնականում առաջնորդվել են Եսայի կաթո-
ղիկոսի ձեռագրի ընդօրինակութեամբ, որն էլ առաջին նախադասու-
թեան վերջին մասը ներկայացնում է ոչ ճիշտ. «ԲնԱԿԱԻՈՐ ԻՆՔՆԱԿԱԼ
ԲԱՐՁՐ ԵՒ ՄԵԾ ԱՐՁԱԽԱԿԱՆ ԱՇԽԱՐՀԻ, ԹԱԳԱԻՈՐ ԵՒ Ի ՅՈՔՆԱՍԱԶ-
ՄԱՆ ՆԱՀԱՆԳԻ»¹: Հ. Օրբելին ուշադրութեամբ կարդացել է բնագիրը,
տեսել, որ ընդօրինակություններում բառեր են պակասում, կան նաև
այլ կարգի աղավաղումներ: Վերը մեջբերված հատվածում նա կար-

¹ Մատենագրարնի ձեռ. № 9923, էջ 5ա, նաև՝ հրատարակիչների վերը նշված էջերը:

դացել է «Ինժնեւսնի ԽՆԻՖԵՐԴԻ ՅԱԻՔՆԱՍԱՀՄԱՆ ՆԱՀԱՆԳԱԻՔ»։ Այսպիսով, նախ, հրաժարվել է «ԵՒ Ի» անիմատ կապակցութունից և «Յանքնասահման նահանգաւ»-ը կապել մի տեղանվան հետ ու իմաստավորել։ Այլ հարց է, որ այդ տեղանունն էլ Օրբելու մոտ է պակասավոր։ 'Իժբխտաբար նրա օրոք ևս 3-րդ տողի վերջը՝ 9 տառի տեղ անընթեռնելի է եղել։ Իսկ հաջորդ տողում, հենց տողի սկզբին կարգավորված «նանբերդի»՝ գիտնականը հենց այդքանով էլ բավարարվել է, առանց վերականգնելու տեղանվան ամբողջական պատկերը, որ է «Խոխանաբերդ» («ԽԱԻՆԱՆԱԲԵՐԴ»)¹։ «Թագաւոր» քայքայված բառի տեղ էլ Հ. Օրբելին վերականգնել է «ինքնակալ»՝ համաճարաբար հենվելով միայն Թ-ի կամ Ի-ի պահպանված առաջին ճյուղի վրա։

Մենք թողնում ենք առաջին հրատարակիչների «Թագաւոր»-ը՝ նկատի առնելով, որ նախի կաթողիկոսը, ըստ երևույթին, այն արտագրել է, երբ արձանագրութունն անխաթար է եղել։ Հաշվի ենք առնում նաև, որ արձանագրութունն հեղինակը չէր կարող երկու «ինքնակալ» («ինքնակալ բարձր», «ինքնակալ Խախանաբերդի») իրար կողքի դնել։ Դա անհարիր կլիներ սույն վիճաբար կուռ կառուցվածքի և չեզվատճական բարձր մակարդակի հետ։

Երրորդ ու շատ կարևոր հանգամանքը՝ Հասան-Ջալալը հայ և օտար աղբյուրներում բազմիցս կոչված է «Թագավոր», «արքա»²։ Չէր կարող պատահել, որ նրա այդքան ընդարձակ արձանագրութունն մեջ բացակայեր նման էական տիտղոսը։

Բնագրից շեղումներ են եղել նաև արձանագրութունն մյուս մասերում. աղավաղվել են որոշ անուններ, կրճատվել են ուրիշ, իբր, ոչ

կարևոր արտահայտություններ։ Դրանք բոլորն էլ ստուգված ու ճշտված են Հ. Օրբելու կողմից, բացի երկու տողից, որոնք կարող են վերջնական ճշգրտման։ Օրինակ, Հ. Օրբելու ընդօրինակութունն մեջ թվարկվում են վանքին նվիրաբերված գյուղերը, այսպես. «: Ա: ԼՈՒԾ ԽԱԶԻՆԱԶՈՐՆ ԱՇԻՆԿԱՆ» ԳԵՏՆ ԱՅԳԵՍՏԱՆՍ ԵՂԳՐԸՆԳՆԻ ԶՈՐ ԻՄ ՀԱՅՐՆ Է ՏՎԵԼ...»: Մինչդեռ սույն հատվածը բնագրում հետևյալ պատկերն ունի. «: Ա: ԼՈՒԾ ԽԱԶԻՆԱԶՈՐՆ ՈՐԱՇԻՆԿԱՆ ԳԵՏՆ ԱՅԳԵՍՏԱՆՍ ԵՆԳՐԸՆԳՆԻ ԶՈՐ ԻՄ ՀԱՅՐՆ Է ՏՎԵԼ...», կարծում ենք, պետք է կարգալ և բառանշատել այսպես. «: Ա: ԼՈՒԾ Ի ԽԱԶԻՆԱԶՈՐ, ՆՈՐԱՇԻՆԿԱՆ ԳԵՏՆ, ԱՅԳԵՍՏԱՆՍ ԵՂԳՐԸՆԳՆԻ, ԶՈՐ ԻՄ ՀԱՅՐՆ Է ՏՎԵԼ...»:

Այս արձանագրությունն օգնում է պարզելու ոչ միայն վանքի տաճարի շինարարութունն հանգամանքները և ներքին Խաչենի իշխանական տան ու նրա հովանավորութունն ներքո գտնվող վանական կենտրոնի իրավական, տնտեսական փոխհարաբերությունները, այլև վերացնում է Խոխանաբերդի տեղ Վախտանգի ժառանգների մասին աղբյուրներում եղած թյուրիմացությունները։

Բանն այն է, որ աղբյուրները Վախտանգի զավակների թվի առթիվ հակասական տեղեկություններ են հաղորդում. մի տեղ նրանք երկուսն են¹, մյուսում՝ երեք², նույնիսկ չորս³ կամ վեց⁴: Այդ պատճառով էլ պատմագիտական գրականության մեջ տարբեր կարծիքներ են պաշտպանվել, որոնք, սակայն, մինչև օրս էլ հարցը թողել են մուխ։

Այս կապակցությամբ չի կարելի անտեսել Վախտանգի հիշատակարանը՝ գրված 1212 թ., ուր Վախտանգն ու կողակից Խորիշահը հաղորդում են, թե «ծնաք երիս ուստերս և երիս դստերս՝ ժառանգ մարմնաւոր և յիշատակ հոգետր»⁵: «Երիս ուստերս» հաստատվում են նաև ուրիշ աղբյուրներով⁶:

Մ. Բրոսսեն, տարբեր աղբյուրներին հավատ ընծայելով հավասարապես, մեկ Վախտանգի զավակներ է ճանաչում երկուսին՝ Ջալալին ու Ջաքարեին⁷, մեկ էլ չորսին՝ Ջալալին, Ջաքարեին, Իվանեին և Մարինին⁸:

¹ Կիրակոս, էջ 269, 270, 313:
² 1229 թ. ոմն Տիրածայր Բերդանորի Ս. Գրիգոր եկեղեցում փորագրած իր արձանագրության մեջ հիշում է «Բարեպաշտ արքային Ջալալին» («Արարատ», 1896, էջ 81): Մի այլ արձանագրության մեջ, որ գրել են Հայոց Արևելից կողմանց իշխանները, Հասանը կոչված է «Արքայ Ջալալ Դալալ» (Բարխուտարյանց, Արցախ, էջ 189, «Արարատ», 1896, էջ 234): Հեջուրի որդի Սմբատը Մեծառանից Ս. Հակոբ վանքում արձանագրել է, թե իր ընծաները տալիս է «Թագաւոր Ջալալայ Գովին հրամանով» («Բանասեր», 1901, հ. 1, պրակ Բ և Գ, էջ 135): Պարսիկ մի անանուն ժամանակագիր՝ Հասան-Ջալալի անմիջական ժամանակակիցը, խոսելով Խաչենի մասին, գրել է, թե «Այնտեղ հայեր են բնակվում, և Արխազի մարզիկ նրանց փաղիշահին կոչում են Թագավոր» (Миклухо-Маклай Н. Д., Географическое сочинение XIII в. на персидском языке. «Ученые записки института Востоковедения АН СССР», т. IX, Л., 1954, стр. 204).

¹ Վարդան Վարդապետ, էջ 140:
² Կիրակոս, էջ 268:
³ Հ. Օրբելի, նշվ. աշխ., էջ 148:
⁴ Մ. Բարխուտարյանց, Պատմություն Աղվանից, Ա, էջ 142:
⁵ Գաբելից կաթողիկոս, Յիշատակարանք ձեռագրաց, Ա, էջ 759:
⁶ Ս. Ջալալեանց, Ճանապարհորդութիւն, Բ, էջ 216:
⁷ M. Brosset, Hist. Siouni, II, p. 34.
⁸ M. Brosset, Additions..., ple la Georgie, s. Petersb., 1851, p. 344.

2. Օրբելին անվերապահորեն հավատում է Վախտանգի ու Խո-
րիշահի հիշատակարանին, գտնելով, որ նրանք ունեցել են միայն
երեք տղա և, իբր, մեծ արձանագրության մեջ հիշվող Դավլան էլ
Զաքարիի մականունն է¹։

Սակայն այս արձանագրությունն այդպիսի եզրակացության հիմք
չի կարող հանդիսանալ, քանի որ այնտեղ մեկ առ մեկ հիշվում են՝
«իմ եղբար Զաքարէի... իմ եղբար Դավլին... իմ բուէրն Մարինայ...
իմ եղբարն Իանէին»։

Ամենայն հավանականությամբ Հասան-Ջալալն իր եղբայրներին
հիշել է ըստ տարիքի, իսկ հոր ու մոր հիշատակարանում Դավլան չի
հիշատակվել, որովհետև 1212-ին վախճանված է եղել։

Նվիրատվությունների շարքում հիշվող Մաշեղ ու Հարջանտուս
(15-րդ տող — «գեղորայս Մաշեղ, Հարջանտուս բոլորքոջն») գյուղա-
նուններն այժմ չկան, և դժվար է որոշել, թե այդ անուններով գյու-
ղերը որտեղ են գտնվել։

17-րդ տողի՝ «որ ես տվի խաչաւք, գրանաւք, մասամբ նշխա-
ւաւք...» շարքում «գրանաւք» ձևը «գրեանք» (գրքեր, մատյաններ)
հոգնակիի գործիական հոլովն է, որի Ե-ն ընկել է՝ երևի Ղարաբաղի
բարբառի ազդեցությամբ, որի հոգնակին ուղղական հոլովով լինում
է կյրանք։

Վիմագրում հիշատակվող բոլոր անձնանունները Հասան-Ջալալի
հարազատներինն են, բացի «Յովասար միակեցից», որը, ինչպես
վերը նշվել է արդեն, Հրաշյա Աճառյանի կարծիքով՝ արձանագրու-
թյունը հորինողի անունն է։

2. ՄԻՆՉԵՎ 1240 թ.

Քանդակազարդ բեմառաջքի ամբողջ լայնությամբ, քիվի տակ,
խոշոր, գեղաքանդակ տառերով, մեկ տող։

ՈՐՔ ԵՐԿԻՐՊԱԳԱՆԷՔ ԱԾԱԶԱՐԴ ՍՐԲՈ ՍԵՂԱՆՈՅՍ, ՉԶԱՍԱՆ ՉՈՐԴԻ
ՎԱԽՏԱՆԳԱ ՅԻՇԵՅԷՔ Ի ՍԲ ՅԱՂԱԻԹՍ ՉԵՐ ԱՂԱԶԵՄՔ։

ՀՐԱՏ. Օրբելի, 1։

ՄԱՆ.— Փորագրվել է շինարարության ընթացքում, համենայն
դեպս՝ բեմի քանդակազարդերի հասակակիցն է։

¹ 2. Օրբելի, նշված աշխ., էջ 148—149։

3. ՉԺ (1261) թ.

Տաճարի արևմտյան պատի, արևելյան մասում, արտաքուստ
մուտքից աջ, կամարազարդ որմնախորշի ամբողջ տարածությամբ
մեկ, խոշոր, գեղեցիկ տառերով, որոնց մի զգալի մասն արդեն քայ-
քայված է։ Սակայն արձանագրությունն ընթերցվում է առանց դժվա-
րության։ 17 տող։

ԹԻԻՆ։ ՉԺ։ է։

ԿԱՄԱԻՆ ԱՄԵՆԱԿԱԼԻՆ ԱՅ ԵՍ Զ-

[ԱԼԱԼ ԴԱԻԼ] ԱՅՍ, ՈՐԴԻ ՎԱԽՏԱՆԳԱ, ԿՈՂՄԱԿԱԼ Ա-

ՐՅԱԽԱՅ ԵՒ ԱՄՈՒՍԻՆ ԻՄ ՄԱՄՔԱՆՆ ԹՈՌՆ ԲԱՂՈՅ

ԹԱԳԱԻՈՐ [ԻՆ] ԵՒ ՀԱՐԱԶԱՏ ՈՐԴԻՆ ԻՄ ԱԹԱԲԱԿ ԻԻԱ-

ՆԷ ՅԵՏ ԿԱՏԱՐՄԱՆ ԵԿԵՂԵՑՈՅՍ ՀԻՄՆԱՐԿԵՅԱՔ ԶԺԱՄԱՏ-

ՈՒՆ [Ս] ԵՒ ԲԱԶՈՒՄ ԱՇԽԱՏՈՒԹԵԱՄԲ ԱԻԱՐՏԵՅԱԻ, ՉՈՐ ԱԻ

ՀԱՅՅԵՄ ԱՆՄՈՐ [ԱՅ] ՅԻՇԵԼ ՅԱՂԱԻԹՍ ՉԵՐ։ ՓՈՔՐ ԸՆԾԷ ՏՎԻ

ԶՄՈՒԹՏԵՂՆ Ի [ԻՐ] ՉԱՐԵՔԴԱՐՈՎՆ, ԶՃՈԱՆՅ ԻԻՐ ՍԱՀՄԱՆՈՎ։

ԴԱՐՉԵԱԼ ԵՒ ԵՍ ԱԹԱԲԱԿՍ ԸՆԾԱԵՑԻ ՅԱԻԺԱՐՈՒԹԵԱՄԲ

ՈՍԿԵՏՈՒՓ ԱԵՏԱՐԱՆ ԵՒ ՊԱՏՈՒԱԿԱՆ ՍԲ ՆՇԱՆ ԶՔՐԻՍՏԱ-

ՓՈՐՆ ԵՒ

ԶՄԵՐ ՀԱՅՐԵՆԻ ՀԱՐԱԵԱԿՈՒՆ, ԶԲԱՐԻՆ ԻԻՐ ՍԱՀՄԱՆՈՎ։ ԵՒ

ՍԱ-

ՀՄԱՆԵՅԻ ԶԽԱԶԻ Ը։ ԱԻԲԷՔՆ ՊԱՏԱՐԱԳԵԼ ԶՔՍ։ ԵՒ ԹԷ ՔՐԻՍ-

ՏՈՍԱԴԱԻ

ԱՆ ՈՔ ՀԱՆԵԼ ԶԱՆԱ, Ի ՓԱՌԱՅՆ ԱՅ ՄԱՀՈՎ ԵՒ ԿԵՆԱԻՔ ՆՉՈՎԱՍ

Է ԵՒ ՅԻՇԱՏԱԿ ՆՈՐԱ ՄԻ ՅԻՇԵՍՅԻ ԱՌԱԶԻ ԱՅ։ ԵՒ ԹԷ ՄԱՀ-

ՄԵԴԱԿ-

ԱՆ ՈՔ ԶՀՈՂՆ ՀԱՆԷ, ՅԱՅՍ ԵԿԵՂԵՑՈՅՍ, ԱՌՀԱՍԱՐԱԿ ՆՉՈՎԱՍ

Է ԱՅ

ՄԱՐԳԱՐԷԻՑՆ։

Հրատ.— Շահխաթունեանց, Բ, 372—373, Ջալալեան, Ա, 186,

Բարխուտարեանց, 174—175, Օրբելի, 5—6։

Ման.— Հրատարակվել է սխալներով։ Թվականը մեկ «ՉՍԵ»

(1306) է կարդացվել (Շահխաթունյանց, Ջալալյանց), մեկ «ՉԺԵ»

(1266) (Բարխուտարյանց)¹։ Լրիվ չի կարդացվել Հասան-Ջալալի որ-

1 ՉԺԵ է նաև Մատենադարանի № 9923 ձեռագրում (տե՛ս էջ 6 ա)։

դու կրկնակ անունը՝ Աթաբակ-Իվանե: Հ. Օրբելին ուղղել է թվակա-
նը՝ «261» (1261), սակայն «Աթաբակ-Իվանե»-ն սխալմամբ ընդօ-
րինակել «Աթաբակ եւ Աննա»: Աղավաղված են ընդօրինակվել նաև
արձանագրության մեջ հիշատակվող մի շարք անուններ և արտա-
հայտություններ (զՄուտեղ, շարեբդար, զՀարաւակոռն, Բլրին և
այլն):

Հասան-Ջալալի կին Մամբանը վախճանվել է 1261 թ.¹: Նույն
տարում էլ նահատակվել է ինքը՝ Հասան-Ջալալը²: Ուրեմն, սույն ար-
ձանագրությունը նրանք գրել են իրենց կյանքի վերջին տարում, հա-
վանաբար՝ երբ գավթի ճիմնարկված է եղել, բայց ոչ ավարտված:

Արձանագրության երկրորդ մասը (սկսած 10-րդ տողից) Աթա-
բակն է գրել միայնակ, երբ ծնողները չկային, ինքն էր իշխանու-
թյունը վարում և արդեն ավարտել էր գավթի կառուցումը:

Վիմագրի առաջին մասում հիշվող Մուտեղն, ամենայն հավա-
նականություններով, գյուղի անուն է, իսկ ճռանցը (զճռանց)՝ դաշտի կամ
հանդամասի: Առաջինը ընծայաբերված է «իւր շարեբդարովն», երկ-
րորդը՝ «սահմանով»:

«Չարեֆդարի» հիմքը պարսկ. «չարյաբն» է, որ նշանակում է
«չորսից մեկ»-մեկ քառորդ: Չարեբդար-չարեկտարը Ստ. Մալխաս-
յանցը բացատրել է. «Հնումը կալված կամ արտ, որի վարձողը տի-
րոջը բահրա էր տալիս բերքի մի քառորդը» («Հայերեն բացատրական
բառարան», հ. IV, էջ 15):

Սահմանովը, ինչպես վիմագրի առաջին մասում, այնպես էլ
երկրորդ մասի Հարաւակոռն և Բլրին դաշտանունների հետ, պիտի
նշանակի ամբողջությամբ, այսինքն՝ դաշտն ամփոփող շրջագծով:

4. 216 (1280) թ.

Տաճարի վրա, արևմտյան պատի հյուսիսային մասում, մուտքից
ձախ, կամարազարդ որմնախորշի տարածության վերին կիսով մեկ,
8 տողով: Չախ մասը, հատկապես առաջին տողի կեսը, քայքայված
է: Իսկ մնացած տողերը խիստ վնասվել են զոհհիվ մարդկանց ձեռ-
քերով, որոնք ամբողջ որմնախորշն աղտոտել են իրենց այլանդակ
ինքնագիր-ինքնառեկամներով:

¹ Մտենագրանի ձեռ. № 378, էջ 8բ:

² Կիրակոս, էջ 391—392:

[ՅԱՆՈՒՆ ՄԲ ԵՐՐՈՐԴ] ՈՒԹԵԱՆ ՀԱԻՐ ԵՒ ՈՐ-

ԴՈ ԵՒ ՀՈԳՈՅՆ ՍՐԲՈ ԵՍ ՆՈՒԱՍՏ ԱՂԱԿԻՆ ՔԻ ՄԱՄԱԽԱԹՈՒ-
ՆՍ, ԴՈՒՍՏՐ ԻՆՔՆԱԿԱԼ ԻՇԽԱՆԱՅ ԻՇԽԱՆԻՆ ԶԱԼԱԼԱ ԴԱԻԼԱ
ՀԱՍԱՆ [Ա]

ՏՆ ԽԱՉԻՆՈ ԵՒ ԲԱՐԵՊԱՇՏ ՄԱԻՐ ԻՄՈ ՄԱՄՔԱՆԻՆ ԵՒ ԱՄՈՒՄԻՆՈ
[ՊԱ]-

ՐՈՆԻՆ ՈՒՄԵԿԻՆ, ԵԿԻ ՄԵԾ ՅՈՒՍՈՎ Ի ՄԲ ՈՒԽՏԱ ԳԱՆՁԱՍԱՐԱ
ԵՍ ԵՒ

ՈՐԴԻ ԻՄ [ՎԱ]-

ԽՏԱՆԳ ՄԻԱԲԱՆԵՅԱՔ ՍՐԲՈՅՍ ԵՒ ՍՈՔԱ ԽՈՍՏԱՅԱՆ ԺԱՄ ԶՎԱՐ-
ԴԱՎԱՌԻՆ ՏՎԻՆԻՆ ԶԱՄԷՆ ԵԿԵՂԵՅ [ԻՔՄ]

ՊԱՏԱՐԱԳՆ ՔԱՆԻ ԵՍ ԿԵՆԴԱՆԻ ԵՄ՝ ԶԺԱՄԻՆ ԻՄ ՀԱԻՐՆ ԵՒ ԻՄ
ՄԱԻՐՆ

ԿԱՏԱՐԵՆ ԵՒ ՅԵՏ Ի-

Մ ՓՈՒՄԱՆ՝ ԻՆՁ ԿԱՏԱՐԵՆ: ԿԱՏԱՐՈՂՔՆ ԱԻՐԸՆԻՆ ՅԱՅ: ԹՎԻՄ
: ԶԻԹ: Է:

Հրատ. Շահխաթունեանց, Բ, 373, Ջալալեանց, Ա, 186, Օրբելի, 6:
Ման.—Միաբանեցար սրբոցս» մոտացել են և հետո տողից վեր
բանդակել:

Շահխաթունյանցն ու Ջալալյանցը հետեւել են Եսայի կաթողիկո-
սին՝ սկսելով այսպես. «Անուն երրորդության և միածութեան»: Ճիշտ է,
արձանագրության սկիզբը քայքայված է, սակայն պահպանվում է
«ութե հաւր եւ որդոյ եւ հոգոյն», որը ոչ մի կապ չունի հրատարակ-
վածի հետ: Եվ միանգամայն իրավացի է եղել Հ. Օրբելին, երբ մի
կողմ է թողել հրապարակվածը՝ արձանագրությունն սկսելով Գան-
ձասարի վիմագրերում շատ ընդունված «Յանուն սբ երրորդու-
թեան»-ով:

Արձանագրությունը փորագրել տված Մամախաթունը՝ Հասան-
Ջալալի ու Մամբանի դուստրը, երկրորդ կիսն էր հայտնի վաճառա-
կան Ումեկի, որը ծնունդով մանազկերտցի, Հասան-Ջալալին փեսա-
յանալիս արդեն Տիգրիսի բնակիչ էր, մեծ նվերներով թաթար-մոն-
ղոլների հովանավոր բարեկամությունը շահած մի «պարոն»¹:

¹ Պարոն-պատրոն Ումեկի մասին հանգամանորեն տե՛ս Կիրակոս, Պատմություն
Հայոց, էջ 362—363 և հոդ. «Դիվան հալ վիմագրության», պրակ VI, կազմեցին Ս.
Ավագյան և Հո. Ջանիփոլադյան, Ե., 1977, էջ 18—19, 71—72, 105, նաև Բ. Ուրար-
յան, Խաչենի իշխանությունը X—XVI դարերում, էջ 219—225:

Վախտանգը՝ պատրոնն Ումեկի ու Մամախաթունի որդին, զըպ-
քությունն ու գիտությունն սիրող մարդ է եղել՝ սերտ բարեկամությամբ
կապված ժամանակի հայ մշակույթի խոշոր գործիչ Հովհաննես Եր-
զրնկացու հետ¹:

5. ԶԿԵ (1516) թ.

Տաճարի արևմտյան պատի հյուսիսային անկյան մոտ, վարից,
գեղեցիկ խաչերի տակ, 6 տող.

ԹՎ : ԶԿԵ :

ԵՍ ԿՈՒՂՄԷԼ-

ԻՔ՝ ԱՄՈՒՍԻՆ ԽՈՃԱՅ

ՄՍՐՇԻՆ ԿԱՆԿՆԵՅԻ

ԶԽԱԶԵՐՍ ԻՆՁ ԵԻ

ԶԱԻԱԿԱՅ ՄԵՐՈՅ:

Հրատ. Օրբելի, 7:

Ման.—Հ. Օրբելին «Կուլմէլիք»-ի փոխարեն կարդացել է «Կուլ-
մէլք», իսկ «Խոճայ Մարշին»-ի փխ. «Խոճայ Արշին»:

6. Անթվական

Տաճարի արևմտյան պատին (զրսից), մուտքից ձախ, խաչերի
մոտ, 2 տող.

ԽԱԶԵՐՍ ՊԵՏՐՈՍ

ԷՐԻՅԻՆ Է:

7. Անթվական

Տաճարի արևմտյան պատին (զրսից), հյուսիսային մասում,
մուտքից ձախ, խաչի մոտ, 3 տող:

ԽԱԶՍ Ս-


ԱՏԱԹԻՆ

Է:


¹ Վախտանգի մասին հանգամանորեն տե՛ս Գար. Հովսեփյան, Վախտանգ որդի
Ումեկա և նորա տոհմը. «Նյութեր և ուսումնասիրություններ», Ա, էջ 1—5, Բ. Ուլու-
բաբյան, նշված գիրքը, էջ 221, 223, 225:



Գմբեթի արևմտյան հատվածը և տաճարի արևմտյան նակատի վերնամասը:



Տանարի հյուսիսային ճակատից մի հատված:




Գմբեթի հյուսիս-արևմտյան ճակատը:



Հին ռոտոնդայի խոյակը:




Գմբեթի կախորակյան ֆանդակներից (հարավ-արևմտյան նիստը):



Գմբեթի կախորակյան ֆանդակներից (հարավ-արևմտյան նիստը):



Գմբեթի հարավային նակատը:



Տանարի արևմտյան նակատի խաչաճանդակի ստորին հատվածը:




Գմբեթի հարավային նակատի բարձրաճանդակներից:



Գավթի ոտտնդան:




Գավթի հին ոտտնդայի խոյակներից:




Տանարի արևմտյան նակատի խաչաճանդակը՝ գմբեթի հարավ-արևմտյան նակատի նեո միասին:



Զմբիի արևմտյան նախափ վերևամասի փանդակները:



Զմբիի արևմտյան մասը:




Տանարի արևմտյան նակառի խաչաֆանդակը:




Խաչաֆանդակից մի դրվագ:



Գավրի եյուսիսային մուտքի ձախակողմյան բարձրահանդակը:



Գավրի ուտունդայի նին խոյակներից:



Գավրի ուտունդայի նին խոյակներից:



Վանական համալիրը հարավ-արևմուտքից:



Տանարի արտափին մասի բարձրաքանդակներից:

8. Անթվական

Նույն պատի հարավային մասում, տաճարի մուտքից աջ, մի գեղեցիկ խաչի տակ, մեկ տող:

ԽԱԶՍ ՈՎԱՆԻՍԻՆ Ե:

9. Անթվական

Նույն պատին, ավելի ճիշտ՝ նրա և գավթի հյուսիսային պատի անկյունում. մանր խաչերի տակ, 4 տող.

ԽԱԶԵՐ-

Ս ՄԱՄԻ

ԿՈՆ ԵՐ-

ԵՅԻՆ Է:

10. Անթվական

Տաճարի բեմի աջ կողմի երկրորդ հարկի ավանդատան պատին (հյուսիսային), մեկ տող.

ԳՐԻԳՈՐՈ:

ՏԱՃԱՐԻ ԴՐՍԻ ԱՐՁԱՆԱԳՐՈՒԹՅՈՒՆՆԵՐԸ

11. ՋԻ (1471) թ.

Հյուսիսային պատի արևմտյան մասում, մեկ քարի վրա, 9 տողով.

ԵՍ ՊԱՍՏԱՄ

ՈՐԴԻ ՄԵՄԻՆ

ՋԱԼԱԼԻՆ ՏՎ-

Ի ԿՈՒՆՃԻ ՀՈՂ-

ԻՆ ԿԱԼԷՆ ՎԷՐՆ

Ի ՄԲ ՈՒԵՏԻՍ

ԳԱՆՁԱՍԱՐԱՅ ԱՌ-

ԱՋՆՈՐԴՈՒԹԵԱՄԲ

ՏՐ ՆԵՐՍԻՍԻ: ԹՎ: ՋԻ:

Հրատ. Շահխաթունեանց, Բ, 375, Ջալալեանց, Ա, 185, Բարխուտարեանց, 178, Օրբելի, 7:

Ման.— 5-րդ տողի «Վէր»-ը քանդակված է պատվով, որ պետք է նշանակեր որևէ տառի կրճատում: Այդ պատճառով էլ ավելացնում ենք որոշիչ հոդ: Ստացվում է աշխարհաբար շարադասութեամբ ու բառաձևերով մի նախադասություն, որի մեջ կարծես պատահաբար տեղ է գտել միայն գրաբարյան մեկ ավելորդ նախդիր՝ Յ (7-րդ տողում):

«Վէր»-ին ն է ավելացված նաև Եսայի կաթողիկոսի ձեռագրի ընդօրինակության մեջ: Սակայն այնտեղ «Ներսիսի» և թվականի արանքում կա անեծք՝ «Ով գհողն հանէ յուխտէս, ՅԺԸ հրպտցն նզոված է», որը, ինչպես պարզ երևում է լուսանկարում, արձանագրության բնագրում չկա:

Պատասա՞մը Հասան-Ջալալի թոռնթոռ Ջալալ Մեծ կոչված իշխանի որդին է և նշանավոր իշխան Տուրսունի հայրը: Նրա մասին հիշատակություններ են պահպանվել 15-րդ դարի 70-ական թվականներին¹:

«Կունձի հողին կալէն վերն» հիշվում է իբրև ընծայաբերված հողամաս: Կունձի հողը, պարզ է, որ հանդի անուն է: Այնտեղ եղել է կալ, որից վերև տարածված հողամասն էլ ընծայաբերվել է վանքին:

12. ԶԺԶ (1467) թ.

Տաճարի հյուսիսային պատի արևմտյան մասում, 5 տողով: Հողմնահարված է և ծածկված վերևից հոսած կրաշրով: Ընթերցվում է դժվարությամբ: Չընթերցվող գրերը վերականգնել ենք լուսանկարի օգնությամբ, որը, բարեբախտաբար, հազիվ նկատելի ստվերագրծերի պատկերով ներկայացնում է նաև արձանագրության բայթայված մասերը:

ԿԱՄԱԽ ԱՄԵՆԱԿԱԼԻՆ ԱՅ ԵՍ [ՏՐ ԵՂ] ԻԱՅ ԱՌԱՋՆՈՐԴ ՄԲ
ՈՒԵՏԻՍ ԳԱՆՁԱՍԱՐԱՅ ՏՎԻ ԶԻՄ ՀՈԳՈՅ ԱՐԴԻԻՆՍՄ՝ :Ա:ԱՅՍՄԱԻՈՒՐՔ,
: Ա: ՏԱՐԷԳԻՐՔ, : Ա: ԳԱՆՁԱՐԱՆ, : Ա: ՇՈՒՌՋԱՌ, ԱՐԴԱԽԱՅ : Գ:
ՍՏԱԿՆ: ՈՎ ԶԱՅՍ ԳՐ[Ե] ԱՆՔՍ ԿԱՄ ՀԱՅՐԵՆԻՔՍ ՀԱՆԷ ՄԲ ՈՎԱՆԻՍԻՄ,
: ՅԺԸ: ՀԱՅՐԱՊԵՏԱՅ ՆՉՈՎԱՍ Է: ԹՎ: ԶԺԶ: :

Հրատ. Շահխաթունեանց, Բ. 374, Ջալալեանց, Ա, 187, Օրբելի, 8:

¹ Տե՛ս Բ. Ուրպաբյան, Խաչենի իշխանությունը X—XVI դարերում, էջ 308—309, 311, հատկապես գրքին կցված «Հասան-Ջալալյանների տոհմածառը»:

Ման.— «ՏՐ Եղիայ» լավ չի ընթերցվում, լուսանկարի վրա էլ մշուշոտ երևում է միայն «իայ»-ը: Վերականգնում ենք՝ նկատի առնելով, որ այդ ժամանակ եղիան է եղել վանքի առաջնորդը (տե՛ս արձ. 83, 1443 թ.), նաև՝ որ ընթերցվող հատվածում միայն 4 տառ կարելի է տեղավորել, և, ամենակարևորը, Եսայի կաթողիկոսի վիճազրական տետրակի ընդօրինակության մեջ ևս «Եղիայ» է¹, իսկ նրա ժամանակ, ամենայն հավանականությամբ, արձանագրությունն անխաթար է եղել:

Հ. Օրբելին 3-րդ տողի «գանձարան»-ի տեղ ունի «գանձ», իսկ «Աղախայ»-ն ընդօրինակելուց հետո ոչինչ չի ընթերցել, հավանաբար այն համարելով անիմաստ տառախումբ:

«Աղախայ» է նաև Եսայի կաթողիկոսի ձեռագրի ընդօրինակության մեջ: Սակայն մենք դնում ենք «Արղախայ», քանի որ արձանագրության լուսանկարում պարզ երևում է Բ-ն՝ կցազրված Ա-ի հետ և ապա՝ նկատի ունենք այդ տեղանվան (ավանի կամ գյուղի) վկայված հին ձևը²:

«Ստակն» այստեղ օգտագործված է ոչ իր դրամական նշանակությամբ³, այլ այս բառի հետ ևս տեղի է ունեցել այն իմաստափոխությունը, ինչ որ վաղուց նկատվել է դանգ-դանկ-դենկ բառի գործածություններում:

Գանգը կամ դանկը, որ սկզբնապես դրամի ու կշռի միավոր է եղել, հետագա իմաստավորմամբ դարձել է նաև «վեցերորդ մասն ամենայն իրաց»⁴: Հայկական վիճազրերում, հիմնականում հենց այս իմաստային գործածությամբ, միշտ էլ այն նշանակում է բերքի, եկամտի, տուրքի և այլնի մեկ-վեցերորդ մասը: Եվ եթե կենտրոնական Հայաստանի կամ Անիի վիճազրերում տիրական է դանկ-դանգ բառը, ապա Հայոց արևելից կողմանց համանման հուշարձաններում նույն իմաստն արտահայտվում է ստակ տերմինով: Տվյալ դեպքում Գանձասարի միաբանությունը, թվարկված ձեռագիր մատյանների ու

¹ Տե՛ս Մատենադարանի ձեռ. № 9923, էջ 7բ:

² Ստ. Օրբելեան, էջ 278. Անանիա կաթողիկոսը «հասնալ ի գաւառն Խաչենոյ... ժողովէ զամենայն իշխանս աշխարհիս և զպիսկոպոսոսնս և զվանականս ի տեղին, որ Արղախն կոչի»:

³ «Ստակ»-ի դրամական կիրառությունների մասին տե՛ս Թ. Ավդալբեգյան, Հայագիտական հետազոտություններ, Ե., 1969, էջ 342, ծան. 6:

⁴ Նոր բառգիրք հայկազեան լեզուի, հ. Ա, Վենետիկ, 1836, էջ 539, Ստ. Մալխասյանց, Հայերէն բացատրական բառարան, Ա, էջ 485, Ս. Ավագյան, Վիճական արձանագրությունների բառարանություն, Ե., 1978, էջ 63—66:

շուրջառի հետ միասին, ընծայաբերվել է նաև «Արդախայ: Գ: ստակն», այսինքն՝ Արդախ ավանի թե գյուղի եկամուտների հրեք-վեցերորդը:

13. ԹՃԺԶ (1467) թ.

Տաճարի հյուսիսային պատի կենտրոնական մասում, մեծ կամարի ներքո, 7 տող.

ԿԱՄԱԿՆ ԱՅ ԵՍ ՍԱՅՏՈՒՆՍ ՈՐԴԻ ՊԱՐՈՆ ԱՂԲԱՍՏԻՆ
ՏՎԻ [Ի]Մ ՀԱՅՐԵՆԱՅՆ ՉՏԱՆԾԱՉՈՐ Ի ՄԻ
ՈՒՆՏՍ ԳԱՆՉԱՍԱՐԱՅ ԱՌԱՋՆՈՐԴՈՒԹԲ
ՏՐ ԵՂՅԻՆ, ՍԱՔԱ ԵՏՈՒՆ ՏԱՐԱՆ : Գ : ԺԱՄ : ՈՎ ՉԱՅՍ
ՀԱՐԵՆԻՔՍ ՀԱՆՅՐԷ ԵՂԵՅՈՒՍ, : ԳՃԺԸ : ՀԱՅՐԱՊ-
ԵՏԱՅ ՆՉՈՎԱԾ Է:
ԹՎԻՍ : ԹՃԺԶ ::

Հրատ. Շահխաթունեանց, Բ, 375, Զալալեանց, Ա, 185—186, Բարխուտարեանց, 177, Օրբելի, 10:

Ծան.— 4-րդ տողի «Եղիին»-ը «Եղիային»-ի բարբառային ձևն է և «իա»-ի կրճատման համար պատվի նշան չունի:

5-րդ տողում գրիչը «հայրենիքս» քանդակել է առանց 3-ի՝ բարբառի ազդեցությամբ և, հավանաբար, «հայրենիք»-ի ազդեցությամբ էլ «հանէ»-ի մեջ մտցրել է մի ավելորդ «յր»:

«ՍՈՔԱ»-ի փխ. փորագրված է ՍԱՔ (ԱՔ—Ս և Ա կցագրումով):

Շահխաթունյանցը (ինչպես նաև Եսայի կաթողիկոսի ձեռագրի ընդօրինակությունը) շեղումներ ունի բնագրից, նույնիսկ անեծքի մեջ ավելացրել է «և սբ Ովանէսիս կապած»: Զալալյանցը «ԿՏանծաձոր»-ի փոխարեն գրել է «զտան ծաղոր»: Բարխուտարյանցը համարյա ճիշտ ընդօրինակել է արձանագրությունը, սակայն գրել սխալ թվական՝ ԹՃՄԶ (1507 փրկչ թվին): Մինչդեռ Եղիան մահացել է 1507-ից շատ առաջ, նրան հաջորդած առաջնորդ Ներսեսի մասին տեղեկություն ունենք դեռևս 1471 թվականից (տե՛ս արձ. № 97):

14. 1864 թ.

Տաճարի հյուսիսային պատի կենտրոնական մասում, մեծ կամարի ներքո, 11 տող.

ԵՍ ՆԱԶԼՈՒ ԱՅՐԻ ԿԻՆ ՇՈՒՇՎԱ ՔԱՂԱՔԱՅԻ ՀԱՆԳՈՒՅԵԱԼ
ՊՐԱՊՕՐԶԻԿ ԵՒ ԱՍՊԵՏ ՊՕՂՕՍ ԲԵԿԻ ԶԱԼԱԼԵԱՆՅ,
ԴՈՒ[Մ] ՏՐ ԱՍՏԻՃԱՆԱԻՈՐ ՄԿՐՏԶԻ ԹԱՌՈՒՄԵԱՆՅ,
ԳՐԵԱԼ Ի ԿՏԱԿԱԳՐԻ ԻՄՈՅ ՅԱՐԹԵԱՆ ԵՏՈՒ Ի ՆՈՒԷՐ
Ի ՔԻՄԵՂԱՅ ԻՄՈՅ, ԱՌՆ ԻՄՈՅ ՊՕՂՕՍ ԲԵԿԻ
ԵՒ ԶԱԿԱԿԱՅՍ ՍՐԲՈՅ ՎԱՆԱՅ ԳԱՆՉԱՍԱՐՈՒ: ԱՅՍ ԳՈՒՄԱՐ ՊԱՐՏԻ
ՄՆԱԼ ՄՇՏԱՊԷՍ ԸՆԴ ՏԵՍ ՉԵՐԱՄԲ ԿՏԱԿԱԿԱՍԱՐԱՅ,
ՈՐՔ ՊԱՐՏԻՆ ՏԱԼ ՏՈԿՈՍԱՄԲ ԵՒ ՉՏՈԿՈՍՆ ԶԱՅՆ ՏԱԼ
ՍՐԲՈՅՆ ՆՈՅՆ ՎԱՆԻՅ ՎԱՍՆ ՄԱՏՈՒՅԵԼՈՅ ԱՐԻԱՐԻ ԶՄԲ ՊԱՏԱ-
ՐԱԳ ՅԱԻՈՒՐՆ ՆԱՎԱԿԱՏԻԿԱՅ ԵՐԵԻՄԱՆ ՍՐՈՅ ԽԱՉԻՆ Ի ՏԱՃԱՐԻ
ՍՐԲՈՅ ԱԹՈՌՈՅՆ ԳԱՆՉԱՍԱՐՈՒ: : Զ: ՕԳՈՍՏՈՍԻ 1864 ԱՄԻ:

Ծան.— Որքան էլ քանդակելուց առաջ մաքրել են քարերի երեսները, նրանց մաշված լինելն զգացնել է տալիս. կարծես արձանագրությունը քանդակված է շեշաքարի վրա: Դժվար է ընթերցվում նաև այն պատճառով, որ շատ բարձր է քանդակված:

Կրճատման նշաններն այստեղ յուրահատուկ ձև ունեն՝ գիծ-կետ-գիծ (—.—): Կցագրությունների մեջ ևս քանդակողն իր ինքնահատուկ ձևն է դրել «ԵԻ»-ի փոխարեն, օրինակ, դնում է միայն Ե՝ վերջինիս հորիզոնական լեղվակն ալիքաձև երկարացնում (Ե): Հետաքրքիր է, որ կցագրելիս Ա-ն միացնում է ուղղահայաց գծեր չունեցող Տ-ի, Յ-ի հետ՝ վերջիններիս ներքևի աջ կողմից ավելացնելով մեծատառ Ա-ի աջակողմյան փոքրիկ ճյուղը:

15. 1854 թ.

Նախորդից աջ, մեկ քարի վրա, 5 տող.
ՔԻ ՄՅ ՄԻՐ-
ԶԱԶԱՆ ԵՒ
ԱՂԱԶԱՆ
ԲԱՂԴԱԹ-
ԵԱՆՅ: 1854:

Ծան.— 3-րդ տողի Զ-ն գլխիվայր է քանդակված:

16. 1907 թ.

Նախորդից վեր, կամարատակի կենտրոնից դեպի ձախ, մեկ տող, (թվականը՝ խոշոր).

17. 1907 թ.

Նախորդից վերև, դեպի աջ, լուսամուտի տակ, 4 տող.

ՀՈՔԱՅՊԱՐՅՈՒԹԵԱՄԲ ՆԵՐՍԷՍ ՄԷԼԻԲ-ՓԱՇԱԵ [Ա] ՆՅԻ,
ՎԱՐՊԵՏ ԽՈՍՐՈՂ ՆԱԼՅԵ [Ա] ՆՅ,
ՎԱՐՊԵՏ ԱՐԹՈՒՆ ԳՐՅՔՈՒՐԵ [Ա] ՆՅ
ՍԱՎԱՏ ԼԱԼԱԵ [Ա] ՆՅ-ՏՈԼԿԱՐ:

Ծան.— Կարծում ենք, որ այս անունները 1907 թ. նորոգման վարպետներին են:

«Տոլկար» նշանակում է հյուսն:

18. 1854 թ.

Նախորդից վար, մեկ քարի վրա, 4 տող.

ՔԻ ՕՅ ԸՍՏԵ-
ՓԱՆ ՀԱՅՐԱՊԵՏ-
ԵԱՆ— ԶԱԼԱԼԵԱՆՅ:
1854:

19. ՋԻ (1471) թ.

Տաճարի հյուսիսային պատի արևելյան մասում, 3 տող, հիմնականում 3 քարի վրա, միայն 2-րդ տողի վերջին մեկ տառը 4-րդ քարին անցած:

ԵՍ ՍՄՊԱՏ ՈՐԴԻ ՊԱՐՈՆ ՓԻՐՀԱՄՁԻՆ ՏՎԻ
ԲԵՄԻՆ ՀՈՂՆ ԻՄ ՊԱՊԵՅ ՀՈԳՈՅՆ ՄԲ ՈՒԵՏՍ
ԳԱՆՁԱՍԱՐԱ ԱՌԱՋՆՈՐԴՈՒԹԵԱՄԲ ՏՐ ՆԵՐՍԷՍԻ: ԹՎ: ՋԻ: :

Հրատ. Շահխաթունեանց, Բ. 375, Զալալեանց, Ա, 185, Օրբելի, 11:

Ծան.— Այժմ թվականը չի ընթերցվում, քայքայված է: Օրբելին է դրել թվականը՝ մտածելով, սակայն, թե հնարավոր է, որ եղած լինի նաև թվականի միավորը, որի տեղը «ծածկված է աղաշերտով»: Պետք է կարծել, որ «Բեմին հողն» հանդամասի անուն է:

Տաճարի հյուսիսային պատի արևելյան մասում, վերջին կամարի հիսասյան և պատեզրի արանքում, վարից, 7 տողով.

ՎԱԽՄՍ ԱԹԱՊԱԿԻՆ Է:
ԵՍ ԱՅՏԻՆՍ, ԽԻՄՇԷՄ՝
ՈՐԴԻ ԱԹԱՊԱԿԻՆ, ՏՎ-
ԱՔ ԱԼՄԱՃԱՅ ՏԱԲԻ ՀՈՂՆ
Ի ՄԲ ՈՒԵՏՍ ԳԱՆՁԱՍԱՐԱՅ
ԱՌԱՋՆՈՐԴՈՒԹԵՐ ՏՐ ՆԵՍԷՍԻ:

ԹՎ : ՋԽԴ : ԴԹԻ

Հրատ. Շահխաթունեանց, Բ, 375, Զալալեանց, Ա, 185, Բարխուտարեանց, 177, Օրբելի, 11:

Ծան.— «Աթապակին» քանդակված է կցադրերով, որոնցում «ԱԹԱ»-ի փոխարեն ստացվել է Թ-, իսկ Կ-ի փոխարեն՝ Վ: Առաջինի Ա-ն շրջված է և պետք է կարդալ երկու անգամ:

«ԴԹԻ»-ն հավանաբար գրիչ-փորագրողի ստորագրությունն է: Շահխաթունյանցը տառասխալներ ունի, ինչպես նաև՝ մի երկար անեծք, որ չկա բնագրում, բայց է թողել «Վախմս Աթապակին է»-ն: Եվ թվական է գրել ԶԺԶ (1467): Նույն սխալներն առկա են նաև Զալալյանցի ընդօրինակության մեջ: Երկուսի հիմքն էլ ծայրի կաթողիկոսի ձեռագրի ընդօրինակությունն է:

Բարխուտարյանցն ամեն ինչ ճիշտ է ընդօրինակել՝ բաց թողնելով միայն «Վախմս Աթապակին է»-ն:

«Վախմ» արաբերեն «վախուֆ»-«վախուֆ» բառն է, որը նշանակում է ընծա, նվիրաբերություն և XI—XII դարերից սկսած հայոց լեզվում փոխարինել է «յիշատակ», «հոգեցատուր» բառերին: Վիմական արձանագրություններում ու ձեռագրերում առկա են «վախմի» տարբեր ձևերը՝ «ոխմ», «վախֆ», «ոխֆ», «ոխվ», «ոխա», «ոխտա», «ողվ», վերջինից էլ՝ «ողբ», որ ոչ մի կապ չունի մեր ողբ (լաց, կոծ) բառի հետ¹:

«Ալմաճա տաբը» հանդամասի անուն է. «տաբ»-«տափ» Ղարաբաղի բարբառում նշանակում է հող, հանդամաս, դաշտ:

¹ «Վախմ» տերմինի բնությունը տե՛ս Թ. Ավգարեզյան, Հայագիտական հետազոտություններ, Ա., 1969, էջ 431, ծան. 32:

21. ԶԽԲ (1493) թ.

Հյուսիսային պատի կենտրոնական կամարի տակ, 2 քարի վրա, 8 տող.

ԵՍ ՏՈՒՐՍՈՒՆ
ԹՈՌՆ ՄԵՄԻՆ
ՋԱԼԱԼԻՆ ՏՎԻ
ՄՍԵՐՇԻՆ ՀՈՂՆ Ի
ՄԲ ՈՒԽՏՍ ԳԱՆՁ-
ԱՍԱՐԱՅ ԱՌԱՋՆՈՐԳՈՒԹԲ
ՏՐ ՆԵՐՍԻՍԻ,
ԹՎ : ԶԽԲ : Դ

Հրատ. Շահխաթունեանց, Բ, 375, Բարխուտարեանց, 178, Օրբելի, 8:

Ման.— Դ-ն նախորդ բնագրի գրիչ-փորագրողի ինքնագրի սկզբը-նատան է:

22. ՊԺ (1361) թ.

Նույն պատի կենտրոնական կամարի ներքո, 4 քարի վրա, 4 տող.

ԹՎ ՊԺ: ԻՇԽԱՆՈՒ-
ԹԲ ՄԵՄԻՆ ԻԻԱՆԷԻ ԵՍ ՏՐ ԿՕՍՏ-
ԱՆԴ ՄԵՍ ՓԱՓԱՔԱՆԱԻՔ ԳՆԵՑԻ
ՋՋԱՆԿԱԿԱՆԻՍ, ՄԲ ՈՒԽՏՍ ԲԵՐԻ ԻՄ...

Հրատ. Բարխուտարեանց, 177—178, Օրբելի, 9:

Ման.— Արձանագրութունն անավարտ է: Նրա տակ մանր տա-ռերով քանդակված է «Պետրոս», որ հետագայի գործ է:

23. ԶԿ (1499) թ.

Նախորդից վերև, դեպի աջ, մեկ տող.

ԹՎ : ԶԿ:

Հրատ. Օրբելի, 10:

Ման.— Փակագիրը բացելու փորձ ոչ ոք չի արել:

24. Անթվակաճ

Նախորդից ձախ, 3 տող.

ԵՍ ՏՐ ԵՂԻՇԱՑ
ԳԻՐԵՑԻ ԱԹՈՌՈՒԱՍ:
ԱՄԷՆ:

25. ՌՃ (1651) թ.

Նախորդից ձախ, 3 տող.

ԵՍ ՎԱՐԴԱՆ ԵՊԻՍԿՈՊՈՍ
ԵԿԻ
ԹՎ : ՌՃ :

26. Անթվակաճ

Նախորդից աջ և վերև, 3 տող.

ԵՍ ՎԱՐԴԱՆ ԵՊԻՍԿՈՊՈՍ
ԵԿԻ ԳԱՆՁԱՍԱՐ
ԸՎ ՁԱ...

Ման.— Վերջին տողերի գրերը կարող են և այլ ձևով ընթերց-վել:

27. ԶՂԵ (1546) թ.

Տաճարի հյուսիսային պատի կենտրոնում, մեծ կամարի ներքո, թվականը զարդանախշ գրերով, 9 տող.

ԹՎ : ԶՂԵ :

ԿԱՄԱԻՆ ԱՅ ԵՍ ՍԱՐԳԻՍ ԿԱԹՈՂԻԿՈՍ ՈՐԴԻ ՀԱՏԻ-
Ր ՄԷԼԻՔԻՆ, ԹՈՌՆ ՄԵՄԻՆ ՍԱՅՏՈՒՆԻՆ ԵԻ
ԳՆԵՑԻ ՋՋԱՅՐԵՆԻՔՆ ԿԱՍՐԱՅ : Զ : ՍՍԱԿՆ, ՄԵ-
ՆԱԿ ՏԱՆ : Դ : ԸՍՍԱԿՆ ՈՒ ԿԷՍ, ԱՌԱՏՈՒՆՈՅ : Բ : ԸՍՏ-
ԱԿՆ, ԿՈՌԱԼԱՆԱՅ : Դ : ԸՍՍԱԿՆ, ՏՎԻ ՄԲ ՈՒԽՏՍ ԳԱ-
ՆՁԱՅՍԱՐԱՅ: ՈՎ ՁԱՅՍ ՀԱՅՐԵՆԻՔՍ ՀԱՆԷ Ի

ՄԲ ԵՂԵՑՈՅՍ, : ԳՃԺԸ : ՀԱՐԱՊԵՏԱՅՆ ՆՁՈ-
ՎԱՄ Է, ՄԲ ՈՎԱՆԻՍԻՍ ԿԱՊԱՄ:

Հրատ. Շահխաթունեանց, Բ, 373—374, Ջալալեանց, Ա, 187, Բարխուտարեանց, 177, Օրբելի, 9:

Ման.— Շահխաթունեանցն ու Բարխուտարեանցը ճիշտ են հրատարակել, իսկ Ս. Ջալալեանցի ընդօրինակութեան մեջ անուններն աղավաղված են՝ «ՀԱԴԻ ՄԷԼԻՔԻՆ ԹՈՌՆ ՄԵՍԻՆ ԱՅԴՈՒՆԻՆ»:

Ստակի մասին տե՛ս արձանագր. № 12-ի ծանոթութիւնը:

Ուշադրութեան արժանի է «Դ: Եստակն ու կեսը», քանի որ սա ինքնին հավաստում է, թե ստակը եղել է «ամենայն իրաց» մեկ-վեցերորդից ո՛չ ավելին:

Թվարկված «Կասրայ», «Առատունոյ», «Կոռալանայ»-ը հանդամասերի անուններ են (սեռական հոլովով), իսկ Մենակ տունը՝ գուցե թե հյուրանոց կամ իջևանատուն, որի հասույթի «Դ: Եստակն ու կէսն» էր ընծայաբերվում, այսինքն՝ հասույթի շորս ու կես-վեցերորդական մասը:

Որ թվարկված «Կասրայ, Առատունոյ և Կոռալանայ»-ը հողամասերի, արտատեղերի անուններ են, այդ երևում է ՌՀ (1621) թ. կազմըված մի փաստաթղթից, որի ստորագրողները Կոռալանը (և ոչ թե Կոռալանը) ներկայացնում են որպէս հանդամաս, որը գտնվում է Քարազլիի (այժմ՝ Ստեփանակերտի շրջանի Քարազլուխ գյուղ) մոտ, բայց քարազլիեցիները, սկսած ապուպապերից, չեն վարել, որովհետև «Կոռալան Գանձասարա վախմ ա»: Սույն փաստաթղթին, իբրև վկա, ստորագրել է նաև «Յովհաննէս վարդապետ Մայրեցին»¹:

28. 1854 թ.

Տաճարի հյուսիսային պատի կենտրոնում, լուսամուտից ներքև, 3 տող.

ՔԻ ԾՅ ՄԻՐՉԱ-
ՋԱՆ ՊԱՏՎԱ-
ԿԱՆՈՎ: 1854:

¹ Տե՛ս Հ. Թովչյան, Յուզակ ձեռագրաց Խ. Վ. Դադեան, Բ, էջ 24բ:

29. ԶԿԹ (1520) թ.

Տաճարի հյուսիսային պատի կենտրոնում, ներքևից, 4 տող.

ԹՎ : ՋԿԹ :
ՂԱԶԱՐ ՎԱՐԴԱՊԵՏ ՄՇԵՑԻՆ ԵՒ
ՉՏՐ ՍՏԵՓԱՆՈՍՆ
ՅԻՇԵՑԷՔ Ի ՔՍ:

30. ՌԺ (1561) թ.

Նույն պատի արևելյան մասում, խաչի կողքին, մանրատառ, 4 տող.

ՄԵԼՔՈՒՄ
ՔԱՍՊԱՐ
ԹՎ : ՌԺ :
ՋՈՒՂԵՅԻ:

31. ԱՆԹՎԱԿԱՆ

Նույն պատի արևելյան մասում, 3 տող.

ԵՍ ԱՆԱՐԺԱՆ ԴԱԻԻԹ ԱԲԵՂԱՍ
ԱՄԱՐԱՍԱՅ՝ ՄԲ ՈՒԽՏՍ ԵԿԱՔ
ՊԱՅԱՆԴՈՒՐ ՊԷԿՆ, ԽՉՆ, ԳՉ:

Ման.— Հավանաբար փորագրվել է նախորդից հետո, քանի որ վերջին տողի անունները տեղավորելու համար անհարմար ու անսովոր կրճատումներ են կատարել մինչև նախորդ արձանագրությունը ընկած հատվածում:

32. ՌԽ (1591) թ.

Նախորդի մոտ, 3 տող, մանրատառ.

ԵՍ ՄԱՐՏԻՐՈՍ ՄՈԿԱ-
ՅԻ
ԹՎ : ՌԽ :

33. ՌԻՍԱ. (1592) թ.

Տաճարի հյուսիսային պատի արևելյան մասում, 5 տող, մանրատառ.

ԵՍ ԸՄՊԱՐ-
ԱՔՍ ՕՍԵՑԱ
Ի ՄԲ ԵԿԵՂԵՑՈՅՍ
ՋՈՒՂԵՑԻ
ԹՎ : ՌԻՍԱ :

Ման.— Տողերն իրար են խառնված:

34. Անթվական

Նույն պատի արևմտյան մասում, ոճավորված մի խաչի ձախ կողմին, 2 տող.

ԽԱՉՍ ՀՌՈՒՄ-
ՍԻՄԻՆ Է:

35. ՌԻԲ (1573) թ.

Տաճարի արևելյան պատի աշակողմյան կամարի ներքո, 5 տող.

ԹՎ : ՌԻԲ :
ԻՇԽԱՆՍ
ՈՐԴԻ ՄԵ-
ԼԻՔԻՆ
ՆՋ ԳՐԻ...

Ման.— Մեկիքը հավանաբար Հասան-Ջալալյան Հատիր-Մեկիքն է, և նրա որդին է արձանագրողը:

Արձանագրությունը կիսատ է:

36. ՌԻՄԴ. (1595) թ.

Նույն կամարի ներքո, որմնասյան աջ կողմում, 10 տող.

ՄԱ | ՐԿ | ՈՍ | ՍԱ | ՐԿԱ | ԻԱ | ԳՍ | ԳՐԵՑԻ | Թ : Ռ | ԽԴ :

37. ՌԻՍԶ (1597) թ.

Պատի կենտրոնական մասում, 3 տող.

ԹՎ : ՌԻՍԶ : ԳԱՆՁԱՍԱՐԻ
ԱՇԿԵՐՏ
ԳԱՆՃՅԻ:

38. ՌՄԵ (1756) թ.

Նախորդի կողքին, 5 տող.

ԱՌՁՁՁ
ԵՍ ՄԻ-
ՐՁԱ-
ՊԷԿՍ
ԳՐԵՑԻ : ՌՄԳ : ԹՎ:

Հրատ. Օրբելի, 12:

Ման.— Պարզ երևում է, որ տեղում արձանագրություն է եղել, քերել են, տեղը քանդակել այս նորը: Հնից պահպանվել են գրերի հետքեր: Իսկ առաջին տողի անիմաստ տառաշարը ոչ մի կապ չունի ո՛չ այս և ո՛չ էլ հին արձանագրության հետ: Հավանական է, գրիչփորագրողն է ձեռքը վարժեցրել: Առհասարակ նման վարժությունների հետքեր շատ կան տաճարի արևելյան պատին:

Լինելով տաճարի ու զավթի մուտքերից հեռու, այսինքն՝ մարդկանց հայացքներին անհաղորդ, այս պատը քիչ արձանագրություններ ունի, և այդ քիչն էլ զուրկ է պատմական խիստ կարևոր նշանակությունից ու չի վերաբերում ո՛չ ներքին խաչների իշխանական տան ներկայացուցիչներին, ո՛չ էլ նույնիսկ վանական ուխտին միաբանած ազդեցիկ եկվորներին: Այստեղ մեծ մասամբ իրենց անուններն են քանդակել վանքի տիրացուներն ու ցածրաստիճան մյուս սպասավորները: Նույնիսկ հիմք կա մտածելու, որ ինչպես այս, այնպես էլ արեվելյան պատին, հատկապես գետնախարիսխներին վանքի տիրացուներն իրենց ձեռքերն են վարժեցրել՝ սովորել գիր քանդակելու արվեստը: Դրա ապացույց կարող են ծառայել նաև շատ արձանագրությունների կողքերին քանդակված այն ծուռ ու մուռ տառերը, որոնք վերաբերում են հենց այդ արձանագրություններին:

39. ՌՄՂ (1841) թ.

Տաճարի արևելյան պատի կենտրոնում, 3 տող.

ԵՍ ԱՆԱՐԺԱՆ ՏԻՐԱՅՈՒ
ՍԱՐԳԻՍՍ ՋԱԼԱԼՈՎ
ԹՆ ՌՄՂ, - ԻՆ:

40. Անթվական

Նույնի մոտ, 3 տող.

ԵՍ ՏԻՐԱՅՈՒ ԻՍՐԱԷԼՍ
ԳՐԵՅԻ, ՈՐ ԵՄ ՈՐԳԻ
ՏՐ ԳՐԻԳՈՐԻ:

41. 1818 թ.

Նույն պատի հարավային որմնախորշի աջ նիստին, 4 տող.

1818 ԱՄԻ ԱՅ ԾԱ
ՆԻԿՈՂ ԱԻԵՏԻՍ-
ԵԱՆ-ԱԽՎԵՐ-
ԴԵԱՆՅ:

42. Անթվական

Նախորդից ցած, 3 տող.

ԻԻԱՆ ՄԱՀՏԵՍԻ
ՂՈՒԼԵԱՆ-ԱԻԱՆ
ԵՍՈՎ:

Ծան.— Հավանաբար նախորդի հետ միաժամանակ է գրվել:

43. 1854 թ.

Նախորդից աջ, 3 տող.

ՔԻ ԾՅ ԱԻԱՆ
ԱԻԱՆ-ԻԻԶԲԱՇ-
ՈՎ 1854:

44. ՌԽԲ (1593) թ.

Նախորդի տակ, 3 տող.

ԵՍ ՄԱՐՏԻՐՈՍ
ԵՊԻՍԿՈՊՈՍ
ԹՎ ՌԽԲ:

45. Անթվական

Նախորդի մոտ, աջից փակագիր:

ՄԽԻԹԱՐ

46. ՌԻ (1571) թ.

Նույն պատի հիմնախարիսխի քարերից մեկի վրա, 3 տող.

ԵՍ ԱՆԱՐԺԱՆ ՏԻՐԱ-
ՅՈՒ ՄԱՐՏԻՐՈՍ ԵԿԻ Ի ՍԲ
ԱԹՈՌՍ ՍԱԿՍ... ՍԵ ՌԻ: ԱՄԻ...

Ծան.— Անավարտ է: Վստահ չենք «ԱԹՈՌՍ»-ից հետո եղած տառաշարի մեր ընթերցանության վրա:

47. Անթվական

Նախորդից ձախ, 2 տող.

ԵՍ ԴԱՆ-
ԻԵԼՍ ԳՐ [ԵՅ] Ի:

48. Անթվական

Նախորդից ցած, կցագրով, ապա նույնը տառերով.

ԵՍ ՄԽԻԹԱՐՍ:

49. Անթվական

Նախորդից աջ, մեկ տող.

ԵՍ ՏԻՐԱՅՈՒ ԿԱԼՈՒՍՏՍ:

50. Անթվական

Նախորդի տակ, դեպի աջ, 2 տող.

ԵՍ ՀՕՀԱՆՍ
ԳՐԵՑԻ:

51. Անթվական

Նույն պատի հյուսիսային մասում, 6 տող.

ԵՍ ԱՆԱՐԺԱՆ ՏԻՐԱՅՈՒ ՍՈՂՈՄՈՆՍ/ԵԿԻ Ի ՄԲ ԱԹՈՌՍ
ԳԱՆՁԱՍԱՐ:

52. Անթվական

Նույն պատի հարավային մասում, 2 տող.

ԵՍ ՏԻՐԱՅՈՒ
ԱԲՐԱՀԱՄՍ:

Հրատ. Օրբելի, էջ 12:

53. Անթվական

Նախորդից աջ, կիսատ, 2 տող.

ԵՍ ՏԻՐԱՅՈՒ
ԵՍՍ...

54. ՌՄԳ (1754) թ.

Վերը հիշատակված փակագրի տեր Մխիթարը (վիմագիր № 45)
նույն արևելյան պատին ունի նաև 3 տողանի արձանագրություն.

ԵՍ ԱՆԱՐԺԱՆ ԱՄԵՆԻՑ ԾԱՌԱ
ՄԵԻԹԱՐՍ ՌՄԳ ԹՎԻՆՆ] ԳՆԱՅԻ
ՄԲ ԵՐՈՒՍԱՂԷՄ:

55. ՋԻԹ (1480) թ.

Տաճարի հարավային պատին, կենտրոնական մասում, 2 քարի
վրա: Առաջին տողի վերջին «ՔՍ»-ն անցել է հաջորդ քարը, որի վրա
արձանագրություն քանդակողը անշատման 4 կետեր է դրել և նոր
միայն սկսել իր գիրը, 5 տող.

ԿԱՄԱԻՆ ԱՅ ԵՄ՝ ՎԷԼԻՃԱՆ ԵՒ ԵՂԱՅՐՔՍ
ԻՄ՝ ՈՐԴԻ ՍԱՅՏՈՒՆԻՆ, ԹՈՌՆ ՄԵԾԻՆ ԱՂ-
ՊԱՍՏՈՒ ՏՐՆ ԽԱԶԻՆՈՒ ՏՈՒԱՔ ԱՇՄԱ-
ՆԱՅ ԻԻՐ :Գ: ՍԱՀՄԱՆԱԻՆ Ի ՄԲ ՈՒՆՍՍ ԳԱՆՁԱՍԱՐԱՅ
ԱՌԱՋՆՈՐԴՈՒԹՅ ՏՐՆԵՐՍԷՍԻ: ԹՎ: ՋԻԹ:

Հրատ. Շահխաթունեանց, Բ, 374, Ջալալեանց, Ա, 187, Բար-
խուտարեանց, 179, Օրբելի, 12:

Ծան.— Շահխաթունյանցի գրքում «Աշմանայ»-ի փոխարեն «Ալ-
մանայ» է, «սահմանան»-ի փոխարեն՝ «սահրատովն», թվականն էլ՝
ՋԻԹ (1500): Ջալալյանցը թվական է արտագրել ՋԽ (1491): Բար-
խուտարյանցն ընդօրինակել է սխալ:

«Աշմանա» հողամասի անուն է՝ վկայված նաև այլ աղբյուրնե-
րում: Վերը հիշատակված (տես արձ. № 27)՝ քարադլիսեցիների կող-
մից կազմված փաստաթղթում այն ներկայացված է որպես Քարա-
գլուխ գյուղի տարաժքում գտնվող արտատեղ, որը «Գանձասարա»
վախմ ա»: Փաստաթղթի ընդօրինակողն «Աշմանա»-ն սխալմամբ
կարդացել է «յալմանա», «յալմանէ»¹:

«: Գ: սահմանան», որ բառացի լինում է «չորս սահմանով»,
ամենայն հավանականությամբ պետք է նշանակեր հանդամասն ամ-
բողջությամբ, տուանց մնացորդի:

56. ՋԽԸ (1499) թ.

Նախորդին կից, աջ կողմում, 8 տող.

ԿԱՄԱԻՆ ԱՅ ԵՍ ՄԵԼԻ-
ՔՍ՝ ՈՐԴԻ ՍԱՅՏՈՒՆԻՆ,
ԹՈՌՆ ՄԵԾԻՆ ԱՂՊԱ-
ՍՏՈՒ ՏՎԻՇՈՐՋԱՐ, ԸՍԿԻ

¹ Տե՛ս 2. Թափշյան, Ցուցակ և. վ. Դաղեան, Բ, էջ 24բ:

ՈՒ ԱՅԼ ԸՆԾԱՅ՝ ԿԱԿԱԶԱՆՅ,

ՓՈՒՏՈՒՌԱՆՈՒՅ, ԾԱՂԿԱ-

ՎԱՆՅ : Բ: ԸՍՏԱԿՆ ԳՆԵՅԻ, ՏՎԻ ՄԲ

ՈՒԽՏՍ ԳԱՆԶԱՍԱՐ: ԹՎԻՍ : ԶԽԸ :

Հրատ. Շահխաթունեանց, Բ, 374, Զալալեանց, Ա, 184—185, Բարխուտարեանց, 179, Օրբելի, 13:

Ման.— Շահխաթունյանցը դարձյալ մի երկար անեծք ունի, որ վիմագրի մեջ չկա, սակայն առկա է Եսայի կաթողիկոսի ձեռագրի արտագրության մեջ: Ըստ երևույթին, Գանձասարի կաթողիկոսն իր ժամանակ լայն տարածում գտած՝ վանքապատկան հողերի ու սեփականության կողոպուտների դեմ չի գտել այլ միջոց, քան հին նվիրատրվական վիմագրերին ահեղ անեծքներ ավելացնելը:

Զալալյանցն այդ անեծքն էլ ունի, «Աղպաստու»-ն էլ դարձրել է «Հախպատու»:

Բարխուտարյանցը դուրս է թողել «տվի», «Բ ըստակն», թվակա-

Առաջին անգամ անթերի ընդօրինակել է Հ. Օրբելին:

Վիմագրի հեղինակը կամ փորագրողը մի շարք սխալներ է կատարել. շուրջառի փխ. «շորջար», «սկիհ»-ի (եկեղեցական արծաթյա անոթ) փխ. «ըսկի»:

Կակաչանց, Փուտուտանուց, Մաղկավանց գյուղերը թե՛ հանդամասերը (ավելի ճիշտ՝ նրանց հասույթները) Գանձասարի միաբանությանն են նվիրաբերվել իրենց Բ ստակի շափով (երկու-վեցերորդական մասով)¹:

57. ՌԺԲ (1563) թ.

Տաճարի հարավային պատի արևմտյան մասում, մեծ կամարի ձախ որմնասյան տակ, 6 տող.

ԹՎ : ՌԺԲ :

ԿԱՄԱԻՆ ԱՅ ԵՍ ԱՂԱԲԷԿԻ՝

ՈՐԴԻ ՄԷԼԻՔ [Ի], ԱՄԻՐԻՆ ՀՈՂՆ ԻՄ

ՀԱՅՐԵՆԻՔ ԷՐ, ԼԻ ՄՐՏՈՎ ՏՎԻ

ՄԲ ՈՒԽՏՍ Ի ՓՐԿՈՒԹԻՒՆ ՀՈԳՈՅ

ԻՄՈՅ ԱՌԱՋՆՈՐԴՈՒԹՅՈՒՆ...

¹ Մտակի մասին տե՛ս № 27 արձ. ժանոթագրությունը:

Հրատ. Շահխաթունեանց, Բ, 376, Օրբելի, 13:

Ման.— Շահխաթունյանցը, ինչպես նաև նրա աղբյուրը՝ Եսայի կաթողիկոսի ձեռագրի ընդօրինակությունը, «Ամիրին»-ի փոխարեն ունեն «Միրին»: Հ. Օրբելին նկատել է, որ բնագրում բառն սկսվում է Ա-ով և տեղանունը կարդացել է «Աիրին»: Այս դեպքում նա չի նկատել, որ Ա-ն կցագրված է Մ-ի հետ: Կարծում ենք կցագրի բացումով ավելի ճիշտ կլինի կարդալ «ԱՄիրին», քան թե, ասենք, «ՄԱիրին»:

3-րդ տողում արձանագրողի հայրանունը լրիվ չի ընթերցվում: Պարզ երևում են Մ, Լ տառերը և անորոշ՝ է, Ի: Հավանաբար հստակ չի երևացել նաև Եսայի կաթողիկոսի ժամանակ: Կամ թերևս նա ուշադիր չի ընթերցել արձանագրությունը: Այս կասկածի համար հիմք է տալիս այն հանգամանքը, որ նա չի նկատել Ա-ի ցայտուն կցագիրը: Այսուհանդերձ, Եսայի կաթողիկոսը գրել է «Աղաբեկի՝ որդի Սմբատա», և Շահխաթունյանցն էլ «Սմբատա» է հրատարակել: Երևի ավանդույթի ուժով էլ «Սմբատա» է կարդացել Հ. Օրբելին, չնայած կենտրոնում շատ լավ երևացող Լ-ն նրան պետք է զգուշացներ նման ընթերցումից:

Մենք դարձնում ենք, «Աղաբեկի՝ որդի Մելիքի», նկատի առնելով բնագրում որոշակիորեն երևացող Մ, Լ տառերը, այսպես նաև՝ որ 16-րդ դարում և առհասարակ իշխանության ժամանակներում հայտնի իշխանազուն միակ Աղաբեկ (+ի)-ն այն Մելիքի որդին է եղել, որը հայտնի էր նաև Հատիր-Մելիք անունով: Վերջինիս որդի Նղիշեաբեղան աստանդական է եղել և Թոխատում ընդօրինակած մի ձեռագրի հիշատակարանում հիշել է իր եղբայրներին, այսինքն՝ Մելիքի որդիներին՝ «Աղայպակին և Աղայպաստին և Սէտիպակին»¹:

«Ամիրին հողն» հանգամասի անուն է՝ հավանաբար իր նախկին տեր Ամիրից այդպես կոչված:

58. ՌՄԻԸ (1779) թ.

Տաճարի հարավային պատի արևմտյան մասում, 4 տող.

¹ Մատենադարանի ձեռ. № 6644, էջ 166բ:

Հատիր-Մելիքի որդիներ Աղբաստին ու Սեյտիին (Սեյտիբեկ) չպետք է շփոթել նույն անուններով հայտնի իշխանների հետ, որոնցից առաջինը Հատիր-Մելիքի պապն է եղել, երկրորդը՝ հայրը: Հատիր-Մելիքն ընտանիքի ավագ տղան չի եղել, որի պատճառով էլ ո՛չ ինքն է իշխանության աթոռին բազմել, ո՛չ էլ իր տղաներից որևէ մեկը:

ԵՍ ԱՆԱՐԺԱՆ
ԱՄԵՆԻՑ ԾԱ-
ՌԱ ՅԱԿՈՐՄ
ԳՐԵՑԻ Թ [ՎԻՆ] ՌՄԻԸ:

59. ՌՄԽԵ (1796) թ.

Նույն պատի ստորին մասում, հիմնախարիսխի վերին շարքի քարին, ձախից երկրորդ կամարի ներքո, 4 տող.

ԵՍ ԱՆԱՐԺԱՆ
ԱՄԵՆԻՑ ԾԱ-
ՌԱՅ ԱԿՈՐՄ
ԳՐԵՑԻ ԹՎԻՆ : ՌՄԽԵ :

Ծան.— Թվականի տասնավորն ու միավորը պարզ չեն երևում: Երևի այս և նախորդ արձանագրությունները նույն մարդուն են վերաբերում, եթե նա չգիտե իր իսկ անվան ուղղագրությունը:

60. Անթվական

Նույն կամարի ներքո, աջ կողմում, մեկ տող.

ԵՍ ՏԻՐԱՑՈՒ ՄՈՒՔԱՅԵԼ:

61. Անթվական

Նախորդից աջ, արևելյան որմնասյան ներքո, հիմնախարիսխի երկրորդ շարքի քարի վրա, մի փոքրիկ գեղեցիկ խաչի տակ, երկու տող.

ԵՍ ՏՐ ԵՂ-
ԻԱԶԱՐ:

62. ՊԿ (1411) թ.

Գավթի ներսում, հյուսիսային որմնասյան արևմտյան մույթի վրա, մուտքից արևելք, խաչերի տակ, 8 տող.

ԿԱՄԱԿՆ ԱՅ ԵՍ ԶԱՆԻԿՍ ԿԱՆԿՆ-
ԵՑԻ ԽԱԶՍ Ի ՓՐԿՈՒԹԻ ԶՈԳ-
Ո ԻՄՈ ԵՒ ԶԱԻԱԿԱՅ ԻՄՈՑ՝
ՔՈԶՔԵԿԻՆ ԵՒ ՈՒԳԱՐԻՆ ԵՒ ԶԱ-

ՆԻԲԷԿԻՆ, ԶԱԼԱԼԲԷԿԻՆ, ԶԱ-
ԶԻԶԵԱԹՈՒՆԻՆ
ԱՐՈՒԶԻՆ ԵՒ ԿԱ... ՅԻՇԵՑԵՔ Ի
ՔՍ: ԹՎ: ՊԿ:

Հրատ. Օրբելի, 28:

Ծան.— Արձանագրության աջ մասը դեռևս է: Օրբելու ժամանակ խիստ վնասված է եղել: Այժմ դժվարությամբ է ընթերցվում: Օգտվել ենք Օրբելու ընդօրինակությունից:

63. 13-րդ դ.

Գավթի ներսում, խաչվող կամարների հենակ հանդիսացող արև-վելյան որմնասյուններից աջակողմյանի խոյակից վեր առաջին քարի վրա մեծ ու գեղաբանդակ խաչ կա, որից վերև արձանագրությունն է, 2 տող.

ՌԶՈՒԳԱՆ-
ԻՆ Է ԽԱԶ:

Ծան.— Անկասկած Հասան-Ջալալի դուստր և Բորա-նոյինի կին Ռուզուդանին է վերաբերում: Վանքի հովանավորները միայն նրան կարող էին հատկացնել նման փառավոր տեղը: Խաչանախշն ու նրա արձանագրությունը իշխում են գավթի վրա և, գտնվելով տաճարի մուտքից վեր, հանդիսանում են նաև նրա ամենակարևոր զարդերից մեկը:

64. 13-րդ դ.

Ձախակողմյան որմնասյան խոյակից վեր ևս համանման խաչ կա՝ դարձյալ երկտող, խոշորատառ արձանագրությամբ, որը դժվարությամբ է ընթերցվում, որովհետև առաստաղից իջնող անձրևաջրերը ծածկել են կրաշերտով.

ՈՒՆԻՆ Է ԽԱԶ:
ՈՒՆԻՆ Է ԽԱԶ:

Ծան.— Չընթերցվող տառերի տեղը կարող է լինել «Մինա»՝ Հասան-Ջալալի երրորդ աղջկա անունը:

Հայտնի է, որ Հասան-Ջալալն ունեցել է մեկ արու զավակ Աթաբակ-Իվանն անունով և երեք դուստր՝ Մամախաթուն (Ումեկի կինը),

Ռզուքան (Բորա-նոյինի կինը) և Մինախաթուն (Տարսայիճ Օրբելյանի կինը): Աթաբակ-իվանեի արձանագրութունը քանդակված է տաճարի մուտքի աջակողմյան որմնախորշում, Մամախաթունինը՝ նույն մուտքի ձախակողմյան որմնախորշում, իսկ Ռզուքանինը, ինչպես տեսանք, աջակողմյան որմնասյան խոյակից վեր: Բոլորն էլ՝ տաճարի ամենապատվավոր տեղերում: Վանքի հովանավորի ժառանգներից միայն մնում էր Մինախաթունը, որին էլ, հավանաբար, պետք է հատկացնեին մյուս որմնասյան խոյակից վերևը:

65. Անթվական

Գավթի ներսում, հարավային պատի կենտրոնական մասում, լուսամուտի ներքո, խորանավոր խաչերի տակ, հինգ տող.

ՄԲ ԽԱԶԵՐՍ ԲԱՐԵՆԱԻՍ
ՊՈՂՈՍԻՆ, ՇԷ-
ԱԼԱՄԻՆ,
ՈՐԴՈՅ ԵՒ ԴՍՏԵ-
ԵՐԱՅՆ:

66. 16-րդ դ. երկրորդ կես

Գավթի ներսում, հարավային պատի կենտրոնական մասում, լուսամուտի տակ, ձախից, խաչի մոտ, երկու տող.

ՍԻՄԷՈՆ
ՄԷՐԶԱՊ:

Ծան.— Կարծում ենք՝ վերաբերում է Հասան-Ջալալյան տոհմի ներկայացուցիչներին: Այս անունով իշխանազուհներ են ապրել (միաժամանակ) 16-րդ դ. երկրորդ կեսին և 17-րդի սկզբին: Մերհաբը կամ Մեհրաբ(բեկ)ը Ջալալ իշխանի որդին է եղել: Իսկ Սիմեոնը, որ կաթողիկոսական աթոռն զբաղեցրել է կարճ ժամանակով և մահացել է 1616 թ., հավանաբար, Մեհրաբ բեկի եղբայրն է եղել: Մեհապ ձևը գրական Մեհրաբ անվան տեղական արտասանությունն է՝ Հ, Բ հընչունների գրափոխությամբ:

Եթե մեր ենթադրությունը ճիշտ է, մնում է եզրակացնել, որ նրանք արձանագրությունը փորագրել են երիտասարդ հասակում, առանց տիտղոսների:

67. 17-րդ դ. սկիզբ

Գավթի ներսում, հարավային պատի կենտրոնական մասում, խորանավոր խաչից վերև, 7 տող.

ՍԻՄԵՈՆ ԿԱԹՈՂԻԿՈՍ
ԿԱՆԿՆԵՅԻ ԶԽԱԶՍ
ՓՐԿՈՒ-
ԹԵԱՆ
ՀՈԳ
ՈՅ Ի-
ՄՈՅ

Ծան.— Ինչպես նշվել է նախորդ արձանագրության առթիվ, Սիմեոն կաթողիկոսը մահացել է 1616 թ.:

68. Անթվական

Գավթի ներսում, արևմտյան պատի արևելյան մասում երեք խաչ, լուրաբանչյուրի տակ՝ մեկ անուն.

ՏՐ ԱԿՈՐ, ԱԶԱՐՈՆ, ՄԱՆՎԵԼ:

69. Անթվական

Գավթի ներսում, հարավային պատի որմնասյան արևմտյան ձրեսին, շորս խաչերի տակ, երկու տող.

ԹԱՄԹԱ ԽԱԹՈՒՆԷՆ
է ԽԱԶՍ:

70. Անթվական

Գավթի ներսում, հարավային պատի որմնասյան մույթի ուղուցիկ մասի վրա, մեկ տող.

ՊԵՏՐՈՍ ԾԱՌԱՅ ԱՅ:

71. ԶԿԳ (1514) թ.

Գավթի ներսում, արևմտյան պատի կենտրոնում, մուտքից ձախ, խաչերի աջ կողմին, ութ տող.

ԽԱԶԵՐՍ ԱԿ-
ՈՐԱՅ ՈՐԴՈՅ՝
ԵՍԱՅԻՆ ԱԻ-
ՄԵՐԶԱՅ,
ՈՒՂՈՒՂ-
ԱՆԻՆ
ԹՎ
: 249 :

72. Անթվական

Գավթի ներսում, գավթի շինարարական արձանագրության տակ, փորած խաչերի արանքում, 3 տող.

ԽԱԶՍ | ՍԱՐԳ | ԱԻԱ...

73. Ջ... թ.

Գավթի արևելյան պատի հյուսիսային մասում, խաչերի տակ, երեք տող.

ԹՎ Ջ...
ԽԱԶԵՐՍ ՊԵՏՐՈՍ
ԻՐԻՑԻՆ Է:

Ման.— Թվականի մնացած մասը քայքայված է, չի ընթերցվում:

74. Անթվական

Գավթի ներսում, հյուսիսային պատի արևելյան մասում, վարից, երեք խաչերի տակ, 2 տող.

ԽԱԶՍ ԲԵՍՈՒՐԱԹԻՆ,
ՓԱՇԱՄԷԼԻՔԻՆ Է, ԲԱԽՏԻԵԱՐԻՆ Է:

75. ՌՄԼ (1781) թ.

Գավթի հյուսիսային պատի կենտրոնական մասում (դրսից) մուտքից ձախ, մեկ քարի վրա, 10 տող.

Ի : ՌՄԼ : ԹՈՒԻՍ ԿԱՄԱԻՆ ԱՅ, ՉԵՌԱՄԲ ՏՆ
ՅՈՎՀԱՆՆԻՍԻ ԿԱԹՈՂԻԿՈՍԻՆ ԵՍ ԱՊԱԻ ՈՒԶԲԱՇԻ

ՈՐԴԻ ՄԷԼԻՔ ՅՈՎՍԵՓԱ ԹԱԼԻՇՈՒ ԵՒ
ԻՄ ԿԵՆԱԿԻՑ ՀԵՐԻՔՆԱԶ ԵՒ ՈՐԴԻՔ ՄԷԼԻՔ ՊԷԿԼ-
ԱՐ ԵՒ ՄԷԼԻՔ ԱՐԱԻ ՄԵՐ ՀԱԼԱԼ ԱՐԴԵԱՆՑ ՇԻՆԵՑ-
ԱՔ ՍՐԲՈՅ ԱԹՈՌՈՅՍ ԱՂՈՒԱՆԻՑ ԳԱՆՉԱՍԱՐՈՒ ԵՐԿՈՒ-
Ց ԵԿԵՂԵՑԵԱՑ ՏԱՆԻՍԵ ԵՒ ԽԱԽՏԻԵԱԼ ՈՐՄՈՒՆՍ ԲԱԶՄԱԻ
ԱՇԽԱՏՈՒԹԵԱՄԲ ՅԻՇԱՏԱԿ ՄԵՁ ԵՒ ՆՆՋԵՑԵԼՈՅ ՄԵՐՈՅ:
ՆԱ ԵՒ ՄԷԼԻՔ ԲԷԿԼԱՐԻ ԿԵՆԱԿԻՑ ՄԱՐԻԵ-
ԱՄՆ ՅԻՇԵՑԷՔ:

Հրատ. Ջալալեանց, Ա, 192, Բարխուտարեանց, 178, Օրբելի, 18:

Ման.— Արձանագրությունը քանդակելուց առաջ նրա համար տողանկյուն շրջանակով հարթություն է փորվել: Վերջին երկու տողը շրջանակից դուրս է, որ նշանակում է՝ հետո են հիշել ու ավելացրել: Տառերն ու կցադրերը քանդակված են բարձր արվեստով, որ լուսանկարի մեջ համարյա չի արտացոլվում, քանի որ արձանագրությունը ոչ միայն հյուսիսային պատին է՝ վատ լուսավորված, այլև շրջանակի մեջ առնված լինելու պատճառով միշտ էլ ստվերի տակ է լինում:

Ա. Ջալալյանցը թվական է արտագրել ՌՃՁ, տառասխալներ ունի և վերջին նախադասությունն էլ չի արտագրել: Մ. Բարխուտարյանցը ևս շունի վերջին նախադասությունը և թվականին ավելացրել է մի ավելորդ թ(ՌՄԼԹ): Հ. Օրբելին հիշտ է արտագրել շրջանակի ներսը, բացի մեկ բառից («բազմա»-ը կարդացել է «բազում»), սակայն վերջին նախադասության «Մելիք Բեկլարի»-ն դարձրել է «Ողորբէկ նա և»:

76. Անթվական

Գավթի հյուսիսային պատի արևմտյան մասում, դրսից, 7 տող.

[ՅՈՒՍՈՎ] ԱՆՄԱՀԻՆ ԱՅ ԵՍ [ԳԵ-
ՐԳ ՉԱՐ] ԱՐԵՐԿԵՑԻ ԱՆԱՐԺ-
[ԱՆ ՔԱ] ՀԱՆԱ ՈՐԴԻ ԾԵՐԱ-
[ԲՆՈՒԱ] ՆԱ ՏՎԻ ԶԻՄ Հ[ՈԳՈ
ԲԱԺԻՆ] Ի ՄԲ ՈՒԽՏՍ: ՍՈՔԱ : [Բ : Ժ-
[ԱՄ ՏԵԱՌՆԸՆԴԱ] ՌԱԶԻՆ ՏՎԻՆ ԻՆՁ Ե [Ի...
...ԿԱՏԱՐԻՉՔՆ ԱԻՐՀՆԻ [Ն ՅԱՅ] :

Հրատ. Զալալեանց, Ա, 191, Օրբելի, 20:

Ման.— Քայքայված տառերը վերականգնում ենք ըստ Հ. Օրբելու կարդացածի:

77. ՊՂԲ (1448) թ.

Գավթի հյուսիսային պատի արևմտյան անկյունում, ստորին մասի անկյունաքարի վրա, 5 տող.

ԿԱՅԱԻՆ ԱՅ ԵՍ ՏՐ ՎԱՐԴԱՆ ՈՐԴԻ ԶԱԼ-
ԱԼԻՆ ՏՎԻ ԾԱԿ ԽԱԶԻՆ ՀՈՂՆ Ի ՍՐ ՈՒԽ-
ՏՍ ԳԱՆՁԱՍԱՐԱՅ ԻՇԽԱՆՈՒԹԵԱՄԲՆ
ԱՂՊԱՍՏՈՒ, ԱՌԱՋՆՈ [ՐԴՈՒ] ԹԵԱՄԲ ՏՐ ԵՂԻԱՅԻ. ՍՈՔԱ ՏՎԻՆ
: Բ : ԺԱՄ... : ԹՎ : ՊՂԲ :

Հրատ. Շահխաթունեանց, Բ, 376, Զալալեանց, Ա, 188, Օրբելի, 21:

Ման.— Դժվարությամբ է ընթերցվում: Սակայն լուսանկարում կան բոլոր տառերի ուրվագծերը, որոնք և հեշտությամբ վերականգնելովում են:

Հ. Օրբելին չունի 4-րդ տողի «սոքա»-ն, որ կցագիր է: Հավանաբար նա պատվի տակ առնված «ՍՐ»-ն ընդունել է իբրև «Նղիայի» վերջին երկու տառը՝ «ԱԻ»: Մինչդեռ առաջնորդի անունը ևս կցագրված է՝ «ՆՂԻ»:

«Մակխաշին» էլ, որ պարզ երևում է, նա կարդացել է «ԽՁԵՆ»:

Շահխաթունյանցն ու Զալալյանցն ունեն «Բ օր ժամ» և սրանից հետո էլ՝ անեծք, որոնք բնագրում չկան, սակայն առկա են Ծայի կաթողիկոսի ընդօրինակության մեջ¹:

Արձանագրությունը փորագրել տվող տեղ վարդանը Հասան-Զալալյան տոհմի պայազատներից է, XIII դարի վերջին ու XIV դարի սկզբին Խաչենի իշխանությունը վարած Զալալ Մեծի որդին: Աղբաստն էլ վարդանի եղբայրն է ու Զալալ Մեծի որդին, չնայած այդ մասին արձանագրության մեջ ակնարկ անգամ չկա: Աղբաստի ինքնությունը պարզվում է ձեռագիր մի փաստաթղթից (գրված 1456 թ.), որը նրան ներկայացնում է որպես «Աղբաստ՝ որդի Ճալալին»²:

¹ Մատենադարանի ձեռագիր № 9923, էջ 8ա:

² Մ. Բարխուտարյանց, Արցախ, էջ 187:

Այս Աղբաստի հետ չպետք է շփոթել նույն տոհմի ներկայացուցիչ Հատիր-Մելիքի որդի Աղբաստին, որն ապրել է մեկ դար հետո¹:

78. 2Ի (1271) թ.

Գավթի հյուսիսային մուտքի կամարի ներքո, կիսակլոր ճակատակալին, 9 տող.

ԹԻԻ : ՉԻ :

ԿԱՄԱԻՆ ԱՅ ԵՍ ՅՈՂԱՆՆԷՍ

ՈՐԴԻ ԻԻԱՆԷԻ ԱՌԱՋՆՈՐԴ ՍՐ ՈՒ-

ԽՏԻՍ ԳԱՆՁԱՍԱՐԱ ՀՐԱՄԱՆԱԻ ՏՆ ԽԱԶ-

ԻՆՈ ԱԹԱԲԱԿԻՆ Ի ՅԻՄ ՀԱԼԱԼ ԱՐԴԵԱՆՅ ԳՆԵՅ-

Ի ԶՎԱՐԴԱՆԱԹԱՂՍ, ՄԻՆ ԶՈՐԵՅԵՋՆ ԵՒ ԱՅԼ ԸՆԾ-

ԷՔ, ՏՎԻ Ի ՍՐ ԿԱԹՈՂԻԿԷՍ: ՄԻԱԲԱՆՔՍ ՏՎԻՆ ԶՈՂԱՆՈՒ Զ-

ԱԿՈՐԱ ՏԱԻՆՆ ԶԱՄԷՆ ԵԿԵՂԵՅԻՔՍ ԻՆՁ ՊԱՏԱՐԱԳ: ՈՎ Խ-

ԱՓԱՆԷ, ԴԱՏԻ ՅԱՅ:

Հրատ. Շահխաթունեանց, Բ, 376, Զալալեանց, Ա, 188, Բարխուտարեանց, 177, Օրբելի, 19:

Ման.— Հովհաննեսը Հասան-Զալալի եղբայր Իվանի որդին է և Գանձասարի առաջնորդական աթոռի վրա հաջորդել է տեղ վարդանին: Առաջնորդ է հիշվում 13-րդ դ. կեսից:

Շահխաթունյանցը թվական է արտագրել ճի, սակայն փակագծի ներսում ճշտել՝ 1271: Նրա ու Զալալյանցի մոտ «չորեցեղն» դարձել է «չորից եզն»: Մ. Բարխուտարյանցն այն կարդացել է «չորից և զն»:

«Չորեցեզն» արորն է՝ երկու լուծով և չորս եղով:

Վարդանաբաղը գյուղի կամ հանդամասի անուն է:

79. 2Ի (1271) թ.

Գավթի հյուսիսային պատի արևմտյան մասում, մեկ քարի վրա, միայն թվականն անցած հաջորդ քարին, 7 տող.

¹ Հատիր-Մելիքի որդի Աղբաստի մասին տե՛ս Բ. Ուլարբյան, Խաչենի իշխանությունը X—XVI դարերում, էջ 351, 353—354:

ՅԱՆՈՒՆ ԱՅ ԵՄ՝ ՍԱՍՆԱՅՍ ՂԱՆԴԱԲԵՐԴԵՅԻ
 ԵԿԻ ՄԵՍ ՅՈՒՍՈՎ Ի ՄԲ ՈՒԽՏՍ ԳԱՆՁԱՍԱՐԱ
 ԻՇԽԱՆՈՒԹԲ ԱԹԱԲԱԿԻՆ, ՋԻՄ ՀՈԳՈ ԱՐԴԻԻ-
 ՆՔՆ Ի ԿԱԹՈՂԻԿԷՍ ՏՎԻ, ՄԻԱԲԱՆՔՍ ՏՎԻՆ
 ՋՄԱՌՋԱՐԴԱՐՆ ՋԱՄԷՆ ԵԿԵՂԵՅԻՔՍ Ի-
 ՆՁ ՊԱՏԱՐԱԳ : Բ : ԺԱՄ ԻՄ ԿԵՆԱԿՅԻՆ ՄԱ-
 ՀԱՆ [ԻՆ] : ՈՎ ԽԱՓԱՆԷ, ԻՄ ՄԵՂԱՅՍ ՊԱՐՏԱԿԱՆ Է : ՉԻ : ԹԻ

Հրատ. Ջալալեանց, Ա, 189—190, Բարխուտարեանց, 178, Օր-
 բելի, 21:

Ծան.— Թվականի Չ-ն քայքայված է, սակայն վերականգնելի,
 քանի հայտնի է, որ Հասան Ջալալի որդի Աթաբակ-իվանեն իշխա-
 նությունը վարել է 1261—1287 թթ.:

«Մառզարդարն» տեղում պարզ երևում է, սակայն Ջալալյանցն
 ու Բարխուտարյանցն ընդօրինակել են «ՉՄառզարդն»:

Հ. Օրբելին ընդօրինակել է անթերի:

80. Անթվական

Գավթի հյուսիսային պատի արևելյան մասում, մեկ քարի վրա,
 6 տող.

ԿԱՄԱԻՆ ԱՅ ԵՍ ՍԱՐ-
 ԳԻՍ ՔԱՀԱՆԱ ՄԻԱԲԱ-
 ՆԵՅԱ ՄԲ ՈՒԽՏԻՍ
 ՈՐԴԻ ԳԵՐԳԱ ՏՎԻ
 ԸՆԾԱ : ՍՈՔԱ ՏՎԻՆ
 : Ա : ԺԱՄ ՄԲ ՍԱՐԳՍԻ ԿԻՐԱ [ԿԻՆ] ...

Հրատ. Օրբելի, 17:

Ծան.— Արձանագրությունն անավարտ է: Քանդակողը տողերը
 խառնել է՝ ետ զցելով «որդի Գերգա» տեղեկությունը:

Սարգիս քահանային և Գերգին վերաբերող մյուս արձանագրու-
 թյունների տվյալներից պարզվում է սույն արձանագրության ժամա-
 նակը՝ XIV դարի սկիզբը (տե՛ս արձ. 110):

81. Անթվական

Գավթի հյուսիսային պատի արևմտյան մասում, 5 տող, թերի-

ԿԱՄԱԻՆ ԱՅ [ԵՍ ՍԱՐԳ]-
 ԻՍ ՔԱՀԱՆԱ...
 ՄԻԱԲԱՆԵ [ՅԱ ՄԲ ՈՒԽՏ]-
 ԻՍ ԵՒ ՍՈՔԱ [ՏՎԻՆ]
 ՋԱՏԿԻՆ Ո...

Հրատ. Օրբելի, 19:

Ծան.— Արձանագրության աջ մասը (հավանաբար կեսը) վերա-
 նորոգման ժամանակ ոչնչացել է. աջակողմյան քարը փոխել են:

Ո՞վ է Սարգիս քահանան, ո՞ր ժամանակից: Վանքի մյուս արձա-
 նագրություններում նույն անունով հիշատակվում են երկուսը՝ «Սար-
 գիս քահանա որդի Պետրոսա» (արձ. 111) և «Սարգիս քահանա որդի
 Գերգա» (արձ. 80): Նրանց վերաբերող տվյալները հաստատում
 են, որ երկուսն էլ ապրել են 14-րդ դարի առաջին կեսում՝ Աթաբակի
 որդի Ջալալի իշխանության օրերում:

82. 2ԾԸ (1809) թ.

Գավթի հյուսիսային պատի արևմտյան մասում, երկու քարի վրա,
 6 տող.

ՅՈՒՍՈՎՆ ԱՅ ԵՄ՝ ԵՍՈՒԳՆԱՍ՝ ԴՈՒ-
 ՍՏՐ ՄԵՍԻՆ ԱՄԻՐ ՀԱՍԱՆԱ ՅԵՏ Մ-
 ԱՀՈՒԱՆ ԾԻԾԻՆ ԻՄՈՅ ՄԻԱԲԱՆԵՅԻ ՋՆ-
 Ա ՄԲ ՈՒԽՏԻՍ ԵՒ ՏՎԻ ԸՆԾԱ : ՏՐ ՅՈՀԱՆԷՍ ԵՒ ՄԻ-
 ԱԲԱՆՔՍ ՏՎԻՆ : Բ : ՊԱՏԱՐԱԳ Ի ՏԱԻՆԻ ՔԱՌԱՍՆԻՅՆ : Կ-
 ԱՏԱՐԻՉՔՆ ԱԻՐՀՆԻՆ ՅԱՅ ԵՒ ԽԱՓԱՆՈՂՆ ԴԱՏԻ : ԹՎ : ՉԾԸ : :

Հրատ. Ջալալեանց, Ա, 189, Բարխուտարեանց, 178, Օրբելի, 20:

Ծան.— Անձանոթ են Եսուզնա և Միծ անունները: Քանատի վան-
 քի Ս. Ստեփաննոս եկեղեցու արձանագրություններից մեկում վկայ-
 ված է էսուկան անուն¹: Եթե մեր արձանագրության մեջ հիշատակված
 Ամիր-Հասանը հաղբակյան տոհմի ներկայացուցիչն է (Ամիր-Հասան
 Ա), որն ապրել է 13-րդ դ. երկրորդ կեսում², ապա հնարավոր է, որ

¹ Տե՛ս «Գիվան հայ վիմագրության», Գ, էջ 83:

² Գարեգին կաթողիկոս, հաղբակյանը կամ Պոռչյանը, էջ 10, 54 և հոգ.:

նրա դուստր Էսուգնան էլ 1309 թ. իր նախնիների տիրույթները եկած լինի՝ միաբանելու այնտեղի ամենանշանավոր ուխտին:

Ամիր-Հասան է եղել, իհարկե, նաև Հասան-Ջալալյան տոհմում: Նա որդին էր 1431 թ. վախճանված Ջալալի և 1456-ին վկա է գրվել հաշենում կատարված հողային մի կարևոր գործարքի¹: Բայց այս Ամիր-Հասանը չէր կարող հայրը լինել 1309-ին Գանձասարի վանքին ընծաներ տված Եսուգնայի:

83. 15-րդ դ. առաջ

Գավթի հյուսիսային պատի արևելյան մասում, 6 տող.

ԿԱՄԱԻՆ ԱՅ ԵՄ ԲՈՒ-
Տ ՈՐԴԻ ՀԱՄԱՄԱ ՄԻ-
ԱԲԱՆԵՅՅԱ ՄԲ ՈՒ-
ԽՏԻՍ, ՏՎԻ ԸՆՉԻ-
Ց ԻՄՈՑ: ՍՈՔԱ ՏՎ-
ԻՆ : Բ : ԺԱՄ ՇՈՂԱԿԱԹԻ ՏԱԻՆԻՆ:

Հրատ. Ջալալեանց, Ա, 191, Օրբելի, 15:

Ման.—Կարծում ենք, որ հաջորդ (1495 թ.) արձանագրությունից շատ ավելի հին է, քանի որ սրա «Շողակաթի տանին»-ի քայքայված մասի տակ է, որ քանդակվել է հաջորդը:

Հ. Օրբելին «Համամա»-ն ընդօրինակել է «Մամամա», երևի նրկատի առնելով, որ այդ անվան առաջին տառի վերին մասը քայքայված է, իսկ պահպանվող ստորին մասը կիսաշրջանի ձև ունի և կարող է լինել Ս-ի մաս: Սակայն անկախ այն հանգամանքից, որ Մամամ անունն անսովոր է, հետևապես և քիչ ընդունելի, չի կարելի մոռանալ, որ ցածի կիսաշրջանաձև մասով է քանդակվել նաև Հ-ն: Դրա մեջ համոզվելու համար բավական է նայել թեկուզ հենց այս արձանագրության տակ Իսուբի քանդակած Հ-ն («ՀՂ»), որի համապատասխան մասին շատ է նման այն, ինչ Օրբելին ընդունել է իբրև Ս:

84. ԶԽԴ (1495) թ.

Գավթի հյուսիսային պատի արևելյան մասում, 7 տող.

ԵՄ ԻՍՈՒԲ ՏՎԻ ԲԱՋ-
ՄԱՅՏՎԵՅ ՆՈՎ-

¹ Մ. Բարխուտարյանց, Արցախ, էջ 187:

ԵՐԵՆ ՀՈՂՆ Ի ՄԲ ՈՒԽՏՍ
ԳԱՆՁԱՍԱՐ ԱՌԱՋՆՈՐԴ-
ՈՒԹԵԱՄԲ ՏՐ ՆԵՐ-
ՍԻՍԻ ԹՎ
: ԶԽԴ : :

Հրատ. Շահխաթունեանց, Բ, 375, Օրբելի, 15:

Ման.—Շահխաթունյանցն ու նրա աղբյուրը «Իսուբ»-ի փոխարեն ունեն «Ուսուպ» և այլ տառասխալներ, ինչպես և մի ավելորդ անհծք:

«Բազմայտվեց Նովերեն հողն» կապակցության մեջ Նովերեն հողը հանդամաս է՝ իր անունն առած Նով-ից, որը Ղարաբաղի բարբառում նշանակում է աղբյուրի ափնի վրա քարից փորված կամ փայտից սարքված ջրավազան, որից ջուր են խմում անասունները:

«Բազմայտվեց» բառ չկա: Հավանաբար փորագրողի ինքնահնար բարդությունն է՝ կազմված «բազում» ու «տալ» բառերից և պիտի նշանակի բազմատու, բազմաղյուծ, բերրի:

85. 15-րդ դ. երկրորդ կես

Գավթի հյուսիսային պատի արևելյան մասում, 4 տող, անավարտ.

ԵՄ ԱԼԹՈՒՆ ՈՐԴԻ
ՃՀԱՆՇԻ, ԹՈՒՆ ՇԵՐ-
ԿԱՆ ԱՌԱՋՆՈՐԴՈՒԹԵԱՄԲ
ՏՐ ՆԵՐՍԻՍԻ ՏՎԻ...

Հրատ. Օրբելի, 17:

Ման.—Առաջին պակաս մասը, որ այժմ քայքայված է, վերականգնում ենք ըստ Հ. Օրբելու ընթերցման: «Շրկան» համառոտությունը Օրբելին կարդացել է «Շերկան», «Ճհանշին» էլ դարձրել է «Ճանհաշի»:

Ժամանակը որոշվում է տեղ ներսեսի առաջնորդությանը, որը եղել է 15-րդ դ. երկրորդ կեսին, սկսած 1471-ից մինչև դարի վերջը:

86. ՌԻՁ (1577) թ.

Գավթի հյուսիսային պատի արևմտյան մասում, երկու խաչերի տակ, 3 տող.

ՄԲ ԽԱԶՍ ԲԱՐԵԽԱԿՍ ՎՐԹԱՆԷՍ
 ՔԱՀԱՆԱՅԻՆ ԵՒ ԳՈՒԼՊՀԱՐ-
 ԻՆ: ԹՎ: ՌԻԶ: :

87. Անթվական

Գավթի հյուսիսային պատի արևելյան մասում, այժմ խիստ քայ-
 քայված: Ներկայացնում ենք նախորդ ընդօրինակողների ընթերցածը,
 3 տող.

ԵՄ՝ ՇԱՀԱՆՇԷՍ ՈՐԴԻ ԱՂ-
 ՊՈՒՂԻՆ ՎԵՐԻՆ ՆՈՎԵՐԻՆ ՀՈՂՆ ՏՎԻ Ի ՄԲ ՈՒԽՏՍ ԳԱՆԶԱՍԱՐԱ:
 ՈՎ ՀՈՂՆ ՀԱՆԷ, ՄԲ ՈՎԱՆԷՍԻՍ ԿԱՊԱՍ Է:

Հրատ. Շահաթունեանց, Բ, 376, Զալալեանց, Ա, 189, Օրբե-
 լի, 15:

Վերին նովերին հողը հանդամասի անուն է: «Նովերին»-ի մասին
 տե՛ս № 85 արձանագրության ժանոթագրությունը:

88. 15-րդ դ.

Գավթի հյուսիսային պատի արևելյան մասում, 8 տող.

ԿԱՄԱԻՆ ԱՅ ԵՄ՝ ՀԱՅՐԱՊԵ-
 Տ ՈՐԴԻ ԳԵՐԳԱ ՄԻԱԲԱՆ-
 ԵՑԱ ՄԲ ՈՒԽՏԻՍ, ՏՎԻ
 ԶԻՄ ՀՈԳՈ ԱՐԴԻԻՆՍ:
 ՍՈՔԱ ՏՎԻՆ : Ա : ԺԱՄ
 ՓՈԽՄԱՆ ԱՇԱՇՆԻՆ ԵՐԵ-
 ՔՇԱԲԱԹ ԱԻՐ: ԿԱՏԱՐԻԶՔ ԱԻՐՀՆ-
 ԻՆ ՅԱՅ:

Հրատ. Օրբելի, 16:

Ման.—Ժամանակը կարելի է որոշել մի քանի հանգամանքներով:
 Նախ՝ գրվել է № 85 (1495 թ.)-ից առաջ, քանի որ վերջինս իր մեջ է
 առել նրա քարը: Ապա՝ Հայրապետի հայր Գերգը 1318 թ. արձանա-
 գրություն է քանդակել (նրա հոր անունն էլ Գերգ էր) իր կին Մինա-
 խաթունի հետ միասին (տե՛ս արձ. 110): Նշանակում է՝ որդին էլ կա-
 րող էր արձանագրած լինել ամենաուշը նույն դարի վերջին:




Ամաղի խաչքարը (հյուս. պատի տա՛յ):



Վանքը հյուսիս-արևմուտքից:




Տանարի արևելյան (արտաքին) որմնախորշերից մի հատված:




Տանարի արևելյան որմնազարդերը:




Տանարի արևելյան որմնազարդերից մի հատված:



Տանարի հյուսիսային պատի վերնամասը:




Տանարի հյուսիսային լուսամտի զարդանախշը:



Շրջապարսպի հարավային դարպասը (դռօից) :




Գավրի առաստաղի արևմտյան հատվածի փանդակազարդերից :




Քեմոսի
փանդակազարդերից :




Գավրի արևմտյան շքամուտը:



Տաճարի ներսի հյուսիս-արևմտյան անկյունները:



Գավրի առաստաղի խաչվող կամարները:




Գավրի առաստաղի:
ստալակտիտները:




Տանարի բևեռ:




Տանարի առաստաղից մի հատված:




Բեմառջի
ձախակողմյան հատվածը:




Տանարի արևմտյան շխմուտը:




Գմբեթն ու զավթի ոտտոնդան հարավ-արևմուտքից:



Տանարի
հուսիսային պատի
կենտրոն ա՛յն մասը:



Տանարի հարավային պատի խաչաճանդակը:



Կմբեքք հարավ-արեւմուտէ:

89. Անթվական

Գավթի հյուսիսային պատի արեւելյան մասում, 8 տող.

...ՍՐՈԴՍ...
 ...ՀԱԼԱԼ ԱՐԴԵԱՆ...
 ...ՆՄԱ ԵՒ ՍՈՔԱ...
 ...ԱՄ ՀԱԻՐ ԻՄՈ ԳՐ...
 ...ՄԱԻՐ ԻՄՈ Թ...
 ...ՆՅ ՏԱԻՆԻՆ Ի...
 ...ՄՔ ԻՆՁ ԵՒ ՄԻ...
 ...ՔՆ ԱԻՐՀՆԻՆ ՅԱՅ...

Հրատ. Օրբելի, 16:

Ման.— Արձանագրութիւնը փորագրված է եղել 3 քարի վրա: Նորոգման ժամանակ եզրերի քարերը փոխել են, մնացել է կենտրոնինը:

90. Անթվական

Գավթի հյուսիսային պատի արեւմտյան մասում, մուտքից աջ, այնքան քայքայված, որ լրիվ վերականգնելն անհնար է:

...ԻՄ ԵՂՐԱՅՐ
 ...ՄԱՂԱՄ...
 ՉԱՍԲՍ...ՍՈՔԱ
 ՏՎԻՆ : Բ : ԺԱՄ ՓՈԿԱՍ-
 ՈՒ ՏԱԻՆԻՆ ՉԻՄ ԱՂՐԱԻՐ
 ՀԱԻԱԴԵՂԻ ԿԱԹՈՂԻԿԷ...

Հրատ. Օրբելի, 18:

91. Անթվական

Գավթի հյուսիսային պատի արեւելյան մասում, 7 տող.

ԿԱՄԱԻՆ ԱՅ ԵՍ ԻԳ-
 ՆԱԹԻՈՍ ՄԻԱԲԱՆԵ-
 ՅԱՄԲ ՈՒԽՏԻՍ, ՍՈՔԱ
 ՏՎԻՆ : Ա : ՊԱՏ-

ԱՐԱԳ ԳԵՈՐԳՍ ՏԱԻ-

ՆԻՆ: ԿԱՏԱՐԻԶՔ-

Ն ԱԻՐԸՆԻՆ ՅԱՅ:

Հրատ. Օրբելի, 17:

92. Անթվական

Գավթի հյուսիսային պատի արևելյան եզրին, յոթ հաշի հետ,
2 տող.

ԱՅ ՈՂՈՐՄԻ ԱԶԱՐԻԱՅԻՆ,
ԽԱԹՈՒՆ ՓԱՇԻՆ:

Հրատ. Օրբելի, 14:

ՍՏՈՐԱԳՐՈՒԹՅՈՒՆ-ՎԱԿԱԳՐԵՐ

93. Հյուսիսային պատի արևելյան որմնախորշից աջ, ցածի քարի վրա.

94. Հյուսիսային պատի կենտրոնական կամարի ներքո, լուսամուտից
աջ, նրա վարի եզրի ուղղությամբ.

95. Նույն կամարի տակ, ավելի վարում, աջ որմնասյուներից դեպի
արևելք.

96. ՋԻ (1471) Թ.

Գավթի արևելյան պատի հյուսիսային անկյունում (դրսից), տա-
ճարից դուրս եկած մասում, 8 տող.

Ի ԹՎՄ: ՋԻ: ԵՄ ՊՈՒՏԱՂՍ Ո-
Ի ՎԱԽՏԱՆԳՍ ԵՒ ԱՅԼ ԵՂԲ-
ԱՐՔՍ ՄԻԱԲԱՆԵՅԱՔ ՈՒ
ՏՈՒԱՔ ՓՏՈՒՌԱՆՅ, ԿԱԿ-
ԱԶԱՆՅ, ՄԱՂԿԱՅՎ-
ԱՆՅ : Գ: ԸՍՏԱԿՆ ՏՈՒԱՔ
Ի ՄԲ ՈՒԽՏՍ ԳԱՆՁԱՍԱՐ ՅԱՌ-
ԱԶՆՈՐԴՈՒԹՔ ՏՐ ՆԵՐՍԷՍԻ:

Հրատ. Շահխաթունեանց, Բ, 374, Ջալալեանց, Ա, 187—188,
Բարխուտարեանց, 178, Օրբելի, 14:

Ման.— Պուտաղն ու վախտանգն, ամենայն հավանականությամբ,
Հասան-Ջալալյան տոհմից են, քանի որ նվեր են տալիս այդ տոհմին
պատկանող (տե՛ս արձ. № 56) գյուղերի «: Գ: ըստակն»: Գժբախտա-
բար, առկա նյութերը հնարավորություն չեն տալիս պարզել, թե նը-
րանք տոհմաշղթայի ո՞ր օղակն են կազմում:
Արձանագրության մեջ հիշվող «Փուտուանց, Կակաչանց, Մաղ-
կայվանց» գյուղերի Գ ստակը կլինի այդ գյուղերի հասույթի կամ
եկամտի կեսը, քանի որ, ինչպես ենթադրել ենք վերը, ստակն էլ,
դանգ-դանկի պես, պետք է նշանակեր մեկ-վեցերորդն «ամենայն
իրաց»: Ուշագրավ է, որ հենց նույն գյուղերի (մի փոքր այլ տառա-
դարձությամբ) Բ ստակն էլ, այսինքն՝ երկու-վեցերորդականը, շուրջ
երեք տասնամյակ հետո (1499 թ.) Սայտունի որդի Հատիր-Մելիքն
է գնել ու նվիրել վանքի միաբանությանը (տե՛ս արձ. № 56):

97. Անթվական

Նախորդից վար հինգ խաչերի արանքներում, 3 տող.

ԽԱԶՍ ԴԱԻԹԻՆ
ԿԵՆԱԿԻՅ ԱՂՓԻ-
ՐԻՆ:

Ման.— «Կենակից» ենք ընթերցել ենթադրաբար. քանդակված
է կցագրով:

98. Անթվական

Գավթի արևելյան պատի հյուսիսային անկյունում, խաչի արանք-
ներում, 2 տող.

ԽԱԶՍ ԳՈՎԼԱԹԻՆ ԵՒ ԱՂՓԻՐ-
ԻՆ:

99. Անթվական

Գավթի արևմտյան պատի հյուսիսային մասում (դրսից), խորա-
նավոր խաչի կողքին, 3 տող.

ԽԱԶՍ ԱԹ-
ԱՆԷՍ ԱԲ-
ԵՂԻՆ Է:

100. Անթվական

Նրանից աջ, դարձյալ խորանավոր խաչի կողքին, աջ կողմից,
3 տող.

ՄԲ ԽԱԶՍ ԲԱ-
ՐԵԽԱՒՍ ՅՈՀ-
ԱՆԷՍ ԿԱԹՈՂԻԿՈՍԻՆ:

101. Անթվական

Նույն տեղում, շքամուտքից ձախ երկու փոքրիկ խաչեր շրջա-
նակների մեջ, նրանցից ներքև, մեկ տող.

ՀԵԿԱԶ, ՈՒՔԱՆ:

102. 1851 թ.

Գմբեթի թմբուկի հյուսիսային կողմի վրա, հյուսիս-արևելյան
նիստին, արծվաքանդակից վերև.

ՕՍՍԱ ՄԵԼ-
ՔՈՆ:
1851:

Ման.— Հավանաբար նորոգողներից մեկն է ինքնագիր դրել:

103. 13-րդ դ.

Գմբեթի թմբուկի վրա, արևմտյան լուսամուտից վեր, Ադամի և
Եվայի գլխավերևներում, կենաց ծառի երկու կողմերին, 2 տող,

ԱԴԱՄ ԵՒԱ
ՕԶՆ Է:

Ման.— Արձանագրությունը շինարարության և քանդակների հա-
սակակիցն է:

104. 2ԺԷ (1268) թ.

Գավթի արևմտյան պատի հյուսիսային մասում, 6 տող.

ԱՆՈՒԱՄԲՆ ԱՅ Ե[Ս] ՄԱՄԱԽԱԹՈՒՆ ԵՒ
ՊԱՏՐՈՆ ՃԱՐՍ [ՄԻ] ԱԲԱՆԵՅԱՔ ՄԲ ՈՒԵ-
ՏԻՍ ԳԱՆՁԱՍԱՐԱ ԵՒ ՍՈՔԱ ՏՎԻՆ ԱՒԱԳ : Ե : ՇԱԲԹԻ
ԱԽԻ ԶԱՄԷՆ ԵԿԵՂԵՅ[ԻՔՍ] ՊԱՏԱՐԱԳ ՊԱՏՐՈՆ ՈՒՄ-
ԵԿԻՆ: ԿԱՏԱՐՈՂՆ ԱԽԻՆԻ ՅԱՅ ԵՒ ԽԱՓԱՆՈՂՆ
ԴԱՏԻ: ԳՐԵՅԱԻ ԹՎԻ[Ն] : ԶԺԷ : :

Հրատ. Ջալալեանց, Ա, 191, Օրբելի, 24:

Ման.— Արձանագրությունը երկու քարի վրա է: Առաջին քարի
աջ կողմը քայքայված է, գրերի մեծ մասը՝ թափված:

Ջալալյանցը վերջին նախադասությունը չի ընդօրինակել:
Հ. Օրբելին «Ճարս» կարդացել է «Մարս»: Սակայն, չնայած բա-
ռըն այժմ տեղում չի ընթերցվում, առկա է Եսայի կաթողիկոսի տետ-
րակի ընդօրինակությունը՝ «Ճարս»: Եվ, բացի դրանից, հայտնի է,
որ արձանագրության տերերը Հասան-Ջալալի դուստր Մամախա-
թունն ու նրա պատրոն (կեսրայր) Ճարն են: Երկրորդը XIII դ. հայ
թունն ու նրա պատրոնի անուններից է. հայրն էր խոշոր վաճառական,
իրականության հայտնի անուններից է. հայրն էր խոշոր վաճառական,
Վրաց արքունիքում աղդեցիկ անուն ունեցած Ումեկի (Մամախաթու-
նի ամուսնու): Ումեկն էր «հայր անուանեալ թագաւորին Վրաց Գավ-
թի և մեծարեալ ի (մոնղոլ) զանէն գրով, և յամենայն աւագանւոյն»¹:

¹ Կիրակոս, էջ 363, Գարեգին կաթողիկոս, Խաղբակյանը, էջ 190:

ձար էր կոչվում նաև Ումեկի ավագ որդին՝ ո՛չ Մամախաթունից, այլ առաջին կնոջից¹։

Սույն արձանագրության մեջ «պատրոն» բառն օգտագործված է երկու իմաստով՝ կեսրայր (Ղարաբաղի բարբառով) և պարոն, հովանավոր- իշխանավոր։

Մամախաթունի, նրա ամուսին Ումեկի ու որդի Վախտանգի մասին տե՛ս № 4 արձ. ծանոթագրությունը։

105. 2ԻԵ (1276) թ.

Գավթի արևմտյան պատի հարավային մասում, 7 տող.

ԿԱՄԱԻՆ ԱՄԵՆԱԿԱԼԻՆ ԱՅ, ՀՐԱՄԱՆԱԻ ԱԹԱԲԱԿ-
ԻՆ ՏՆ ԽԱԶԻՆՈ ԵՍ ԲԱՐՍԵՂ՝ ՈՐԴԻ ԱԲԱԶՈՒՐ ԻՐԻՅՈՒ, ԱՄ-
ՈՒՍԻՆ ԻՄ ՄԱՄԱՔ ՄԻԱԲԱՆԵՑԱՔ ՄԲ ՈՒԽՏԻՍ ԵՒ ԻՄ ՀԱԼ-
ԱԼ ԱՐԴԵԱՆՅ ԳՆԵՅԻ ԶՏՆԿԻՆ ԵՐԿԻՐՆ, ՏՎԻ Ի ԿԱԹՈՂ-
ԻԿԷՍ: ՄԻԱԲԱՆԵՍ ԵՏՈՒՆ : Դ : ԱԻՐ ԺԱՄ ԱԻԵՏԵԱՅ ԱԾԱԾ-
ՆԻՆ: ԿԱՏԱՐԻԶՔՆ ԱԻՐՀՆԻՆ ՅԱՅ, ԽԱՓԱՆՈՂՆ ԴԱՏԻ,
ԹՎ : ԶԻԵ : :

Հրատ. Շահխաթունեանց, Բ, 376, Զալալեանց, Ա, 188—189, Օրբելի, 28:

Ման.— Տողերի սկզբները թեթևակի վնասված են, սակայն արձանագրությունը լրիվ ընթերցվում է։

Շահխաթունյանցը և Զալալյանցը ունեն «կաման այ ամենակալին», որով կրկնում են Եսայի կաթողիկոսի ձեռագրի ընդօրինակությունը և ո՛չ թե արձանագրության բնագիրը։

Տեկի՛ն երկիրը, հավանաբար, հանդամասի անուն է՝ առաջացած տեկի բառից, ինչպես Մատաղիսը և Նորքը, որոնցից առաջինը վկայված է Խաչենի մի այլ հոգևոր կենտրոնի՝ Խաթրավանքի դույզ վիճագրերում, երկրորդը՝ հայտնի իբրև հին գյուղ Շահապոնքում, ապա դարձած Երևանի արվարձանը²։

106. 2ԼԸ (1289) թ.

Գավթի արևմտյան պատի հարավային մասում, նախորդի տակ, 7 տող.

¹ Գաբեգին կաթողիկոս, նույն տեղում։

² Թաղ. Ավդալբեգյան, Հայագիտական հետազոտություններ, էջ 317, ծան. 31։

[ԵՍ ԱԲՐ] ԱՀԱՄ ՈՐԴԻ ՀԱՄԱՄԱ ՄԻ-
[ԱԲԱՆԵՑԱ ՄԲ ՈՒԽՏԻՍ, ՏՎԻ ԶԻՄ Տ-
.....ՏՐ ԳԷՈՐԳ ԵՒ ԱՅԼ
[ՄԻԱԲԱՆՔ] Ս ԵՏՈՒՆ ԶԱՏ-
[ԿԻՆ ՃՐԱ] ԳԼՈՒՅԻՆ : Դ : ԺԱՄ,
ՄԻՆ՝ ԱՄՈՒՄՆՈ ԻՄՈՅ: ԿԱՏ-
ԱՐԻԶՔՆ ԱԻՐՀՆԻՆ ՅԱՅ : ԶԼԸ : :

Հրատ. Օրբելի, 27:

Ման.— Առաջին հինգ տողերի սկզբներն այլ բարի վրա են եղել։ Նորոգման ժամանակ այն փոխվել է, սակայն բոլոր տառերն էլ վերականգնվում են։

Հ. Օրբելին արձանագրողի հայրանունը կարդացել է «Համամտին», որ ճիշտ չէ։ Առաջին տողի վերջում «Համամ»-ը կցագրված է, ապա կա մի Ա, որից հետո՝ «մի» (և ո՛չ թե «տի»), որը «միաբանեցա»-յի սկիզբն է։ Օրբելին «մի»-ն «տի» է կարծել՝ դուրս թողնելով «Համամ»-ից հետո եղած Ա-ն։ Ճիշտ նույնպիսի տողագրած կա նաև № 84 արձանագրության մեջ, որը գրել է երևի նույն Համամի մյուս որդի Բուտը։

107. 2ԼԱ (1282) թ.

Գավթի արևմտյան պատի հյուսիսային մասում, 6 տող.

ԿԱՄԱԻՆ ԱՅ ԵՍ ՏՐ ՆԵՐՍԷՍ ԱՄԱՐԱՍԱ ԵՊԻ-
ՍԿՈՊՈՍ [ԵԿ] Ի ՄԵԾ ՈՒՍՈՎ Ի ՄԲ ՈՒԽՏԻՍ ԻՇ-
ԽԱՆՈՒԹԵ ԱԹԱԲԱԿԻՆ, ՄԻԱԲԱՆԵՑԱ, ՏՎԻ ԶԻՄ ՀՈ-
ԳՈ ԱՐԴԻԻՆՍ: ՍՈՔԱ: ԵՏՈՒՆ : Ե : ԱԻՐ ԺԱՄ, ՈՐ-
Ո ԱՆՈՒՆ Ի Տ [ԱԻ] ՆԻ ՄԲ ՀԱՅՐԱՊԵՏԱՅ ՆԻԿԻԱ
ՄԲ ԺՈՂՈՎՈՅՆ: ԿԱՏԱՐԻԶՔՆ ԱԻՐՀՆԻՆ ՅԱՅ: : ԶԼԱ : :

Հրատ. Զալալեանց, Ա, 190, Բարխուտարեանց, 178, Օրբելի, 23:

Ման.— Արձանագրությունը մեկ բարի վրա է, որի առաջին մասը վերից վար ճաք է տվել, մի նեղ շերտով թափվել։ Սակայն դա չի խանգարում, որպեսզի ամբողջն ընթերցվի անթերի։

Ս. Զալալյանցն ու Մ. Բարխուտարյանցը բացթողումներով են ընդօրինակել։ Հ. Օրբելին է, որ անսխալ է կարդացել։

108. 24 (1811) թ.

Գաղթի արևմտյան պատի հյուսիսային մասում, 7 տող.

[ԿԱՄԱԻՆ ԱՅ] ԵՄ ԱՐՈՒՔԱՆ ԵՒ ԱՄՈՒՍ [ԻՆ ԻՄ ՄԻՆԱ] -

[ԽԱԹՈՒՆ] ՄԻԱԲԱՆԵՑԱՔ ՄԲ ՈՒԽՏԻՍ ԻՇ [ԽԱՆՈՒ] -

[ԹՔ Զ] ԱԼԱԼԻՆ ԵՒ ՅԱՌԱՋՆՈՐԴՈՒ -

ԹՔ ՅՈՂԱՆԷՍԻ, ՏՈՒԱՔ ՉԱՐԵՔԴԱՐ ԵՒ ԱՅԼ Ը [ՆՍ] -

Ա: ՏԷՐՍ ԵՒ ՄԻԱԲԱՆՔՍ ԵՏՈՒՆ : Դ : ՊԱՍԱՐԱԳ ԱՍ -

ԱՅԱՅՏՆՈՒԹԵԱՆ ՃՐԱԳԱԼՈՒՅԻՆ : Բ : ԻՆՁ, : Բ : ՄԻՆ -

ԱԽԱԹՈՒՆԻՆ, ԿԱՏԱՐԻՉՔՆ ԱԻՐՉՆԻՆ ՅԱՅ: ԹՎ : ՉԿ :

Հրատ. Շահխաթունեանց, Բ, 376, Ջալալեանց, Ա, 190, Օրբե-
լի, 24:

Ման.— Վերին 3 տողերի ծայրերի գրերը չկան, աշից քայքայվել-
թափվել են, իսկ ձախից նորոգողներն են քարի մասը փոխել:

Ս. Ջալալյանցն արտագրել է պակասավոր, նույնիսկ առանց թը-
վականի:

«Չարեքդարի» համար տե՛ս № 3 արձանագրության ծանոթագրու-
թյունը:

109. 24Է (1818) թ.

Գաղթի արևմտյան պատի հյուսիսային մասում, 6 տող (բավա-
կանին քայքայված, որ դժվարությամբ է վերականգնվում).

ԿԱՄԱԻՆ ԱՅ ԵՄ ԳԵՐԳ [ՈՐԴԻ ԶԱ] -

ՅՐԱՊԵՏԱՅ ԵՒ ԱՄՈՒՍԻՆ ԻՄ ՄԻ [ՆԱ ԻՇԽԱՆՈՒ] -

ԹԵԱՆ ՋԱԼԱԼԻՆ ՄԻԱԲԱՆԵՑԱՔ ՄԲ ՈՒ [ԽՏԻՍ, ՏՎԱՔ] -

ԸՆԾԱ: ՏՐ ՅՈՂԱՆԷՍ ԵՒ ՄԻԱԲԱՆՔՍ Տ [ՎԻՆ Պ] ԱՍԱՐԱ [Գ] -

ՆՈՐ ԿԻՐԱԿԷԻՆ: ԿԱՏԱՐԻՉՔՆ ԱԻՐՉՆԻՆ, ԽԱՓԱՆ-
ՈՂՆ ԴԱՏԻ: ԹՎ : ՉԿԷ : :

Հրատ. Օրբելի, 25:

Ման.— 2. Օրբելին, ըստ իր խոստովանության, տողերի աջա-
կողմյան ծայրերի քայքայված գրերը վերականգնել է Երմակովի կա-
տարած լուսանկարով:

110. 14-րդ դ. սկիզբ

Գաղթի արևմտյան պատի հյուսիսային մասում, 6 տող.

ՅՈՒՍՈՎՆ ԱՅ ԵՄ ՍԱՐԳԻՍ ՔԱԶ -

ԱՆԱՅ ՈՐԴԻ ՊԵՏՐՈՍԱՅ ԵԿԻ [Ի] ՄԲ

ՈՒԽՏՍ ԻՇԽԱՆՈՒԹՔ ՋԱԼԱԼԻՆ,

ՄԻԱԲԱՆԵՑԱՅ, ՏՎԻ : Բ : ԳԻՐՔ ԵՒ ԱՅ -

Լ ԸՆԾԱՅ: ՍՈՔԱ ԵՏՈՒՆ : Բ : ԺԱՄ

[Ս] ՈՒ [Ր] Բ ՍԱՐԳ [ՄԻՆ] ...

Հրատ. Ջալալեանց, Ա, 190, Օրբելի, 22:

Ման.— Ս. Ջալալյանցն ունի նաև «Կատարիլքն ալքհին յաս-
տուծոյ»: Թերևս նրա ժամանակ արձանագրության վերջն անխաթար
է եղել, չնայած գիտենք, որ քիչ չեն և նրա անտեղի հավելումները:

111. ՊԾԱ (1402) թ.

Գաղթի արևմտյան պատի հյուսիսային մասում, խաչերի մոտ,
6 տող.

ԵՄ ԳԻՇՄԱՐԴՍ ՄԻԱ -

ՅՆԱԿԵԱՅՍ ԿԱՆԿ -

ՆԵՅԻ ԶԽԱՉՍ

Ի ՓՐԿՈՒԹԻՒՆ ԶՈ -

ԳՈ ԻՄՈ: ԹՎ

: ՊԾԱ : :

Հրատ. Օրբելի, 25:

112. ՊԺ (1361) թ.

Գաղթի արևմտյան պատի հարավային մասում, խաչերի շուր-
ջը, 5 տող.

ԹՎ : ՊԺ :

ԵՄ ԽԵՐԱՆՇԱՅ ԵՒ

ԱՄՈՒՍԻՆ ԻՄ ԱՆԱՅ -

ԽԱԹՈՒՆ ԿԱՆԿԵՅՑ -

ԱՔ ԶԽԱՉՍ Ի ՓՐԿՈՒԹԻՒՆ ...

Հրատ. Օրբելի, 26:

Ման.— 2. Օրբելին թվականը չի արտագրել:

Գավթի արևմտյան պատի հյուսիսային մասում, 7 տող.

ԿԱՄԱԻՆ ԱՅ ԵՄ՝ ՈՒԼՈՒԲԷԿՍ, ՈՐԴԻ Մ [Է] ՋԼ [Ի] ՍԻՆ ՏՈ [ԻԻ]
ԶԻՄ ՀԱՅՐԵՆԻ ՀՈՂՆ՝ ԶՈՒՂՏԱՆՈՍԻ ԿՏՈՒ [ՐՆ],
ՈՐ Ի ՎԱՐԴԱԲԵՐԱՆՅ Է, ԻԻՐ ՍԱՐՀԱՏՈՎՆ Ի ՄԲ ՈՒ [ԽՏՍ]
ԳԱՆԶԱՍԱՐԱ ԻՄ ՀՈԳՈՅՍ ՅԻՇԱՏԱԿ ՅԱՌԱՋՆՈՐԴՈՒԹԵԱՆ ՄԱԹԷ ՎԱՐ-
ԴԱՊԵՏԻՆ ԵՒ Ի [ՏԷՐՈՒԹԵԱՆ]
ԶԱԶԻՆ: ԱՐԴ ՈՐՔ ԶՀՈՂՆ ՀԱՆԵԼ ԶԱՆԱՆ Ի ՄԲ ՈՒԽՏԷՄ, ՄԵՐ ՄԵԴԱ-
Յ [Ս] ՊԱՐՏԱԿԱՆ ԼԻՆԵՆ ԱՌԱՋԻ ՔՍԻ ԵՒ ՄԱՍՆ ԶՅՈՒԴԱՅԻՆ ԱՌՅԵՆ
ԵՒ ՄԻԱՐԱՆՔ ՅԻՇԵՍՅԷՆ [ԶՄԵԶ]
ՅԻՐԵԱՆՅ ԱՂԱԻԹՄՆ:

Ի ԹՎԻՆ : ՊԾԶ : :

Հրատ. Շահխաթունեանց, Բ, 374—375, Օրբելի, 23:

Ծան.— Հ. Շահխաթունեանցը 3-րդ տողի «Վարդաբերանց է»-ի փոխարեն ունի «Վարդան բերանցէ»: Այդ սխալ ընթերցվածքն է նաև նրա աղբյուրում¹:

Ուլուբեկը թոռն էր 1431 թ. վախճանված Զալալի²:

Դեռևս Հ. Օրբելու ժամանակ (1909 թ.) արձանագրությունը բավականին վնասված է եղել, ընդօրինակվել է դժվարությամբ, տեղտեղ՝ ենթադրությամբ: 3-րդ տողի «սարհատովն» Օրբելին ընթերցել է «ձարհատովն» կամ «չարհատովն», երկու դեպքում էլ՝ անիմաստ: Մինչդեռ «սարհատ»-ը «սահման»-ն է. երկու ձևն էլ ընդունված են հենց նույն Գանձասարի վիմագրերում:

Ուղտանոսի կտուր հողամաս է, ինչպես նշված է, Հասան-Զալալյան տոհմի պայազատ Ուլուբեկի կամ Ուլուպապի արձանագրության մեջ («զիմ հայրենի հողն՝ զՈւղտանոսի կտուրն»): Կարելի է կարծել, թե Վարդաբերանք գյուղ է կամ ավելի մեծ մի տարածք, ուր Ուղտանոսի կտուր հողամասն է գտնվել: Ամեն պարագայի՝ երկուսն էլ պետք է տեղադրել Խաչենագետի աջ ափին, այժմյան Ուլուբաբ-Ուլուպապ գյուղի շրջակայքում, որովհետև այստեղ էր գտնվում իշխանագուն Ուլուբեկ-Ուլուպապի հայրենական տիրույթը, որի կենտ-

¹ Մ. Բարխուտարեանց, Արցախ, էջ 137:

² Մատենադարանի ձեռ. № 9923, էջ 7ա:

րոնում նա կառուցեց իր նստավայր-բերդամրոցը, որ հետագայում իր անունով պիտի կոչվեր Ուլուպապ¹:

114. Անթվական

Գավթի արևմտյան պատի աջ մասում, մեկ քարի վրա, 6 տող.

[ԿԱՄԱԻՆ] ԱՅ ԵՄ՝ ԱՇՈՏ ԻՌԻՅՈՐԴԻ ՄԻԱՐԱՆՅԱՄ ՄԲ
ՈՒԽՏԻՍ, ՏՎԻ ԸՆԶԻՅ ԻՄՈՅ ԸՆԾԱ ԵՒ ՅԵՏԻՆ
ԶՅԻՇԱՏԱԿ [ԿԱԹ] ՈՂԻԿԷՍ ԼԻՆԻ: ՍՈՔԱ Խ-
ՈՍՏԱՑԱՆ ԶԱՌԱՋԱԻՌ ԿԻՐԱԿԷՆ : Գ : ԺԱՄ՝
ՈՐԶԱՓ ԿԵՆԴԱՆԻ ԵՄ, ԾՆ [ՈՂ] ԱՅ ԻՄՈՅ, ՅԵՏ ԵԼԻՅ
ԻՆԶ ԱՌՆԵՆ: ԿԱՏԱՐԻԶՔՆ ԱԻՐՀՆԻ [Ն] ՅԱՅ:

Հրատ. Օրբելի, 27:

Ծան.— Քարն աչից ձախ ամբողջ երկարությամբ ճեղք է տվել, և արձանագրության 3, 4, 5-րդ տողերի առանձին մասեր թափվել են: Պահպանված տառերի մի զգալի մասն էլ ծածկված է աղաչերտով: Այստեղից ենթադրելով, արձանագրությունը վերականգնվում է լրիվ ու անսխալ:

115. Անթվական

Գավթի արևմտյան պատի հյուսիսային մասում, մեկ քարի վրա, 6 տող, անավարտ.

ԿԱՄԱԻՆ ԱՅ ԵՄ՝ ԱԻԳԵՐՍ, ԱՄՈ-
ԻՍԻՆ ԻՄ ԱԻՏԱՐՏԻԿԻՆ ՄԻԱՐԱՆ-
ԵՅԱ ՄԲ ՈՒԽՏԻՍ, ՏՎԻ ԸՆԶԻ-
Յ ԻՄՈՅ: ՍՈՔԱ ՏՎԻՆ : Դ :
ԺԱՄ ԿՐԿԻՆ ՎԱՐԴԷՎԱՐԻՆ:
ԿԱՏԱՐԻԶՔՆ ԱԻՐՀ [ՆԻՆ ՅԱՅ]:

Հրատ. Զալալեանց, Ա, 190, Օրբելի, 22:

Ծան.— Ս. Զալալյանցն աղավաղել է անունները. «Աագեր»-ի փոխարեն՝ «Աագեր», «Ատար տիկին»-ի փխ.՝ «Ատարդկին»:

¹ Ուլուբեկ-Ուլուպապի մասին տե՛ս Բ. Ուլուբաբյան, Խաչենի իշխանությունը X—XVI դարերում, էջ 305—309 և հոդ.:

116. Անթվական

Գավթի արևմտյան պատի հարավային մասում, հիմնախարիսիսի առաջին շարքի վերջին մեկ քարի վրա, 3 տող.

ԱՄ ՈՂՈՐՄԵԱՅ ՍՏԵՓԱՆՆԻ-
ՈՍԻ ՓԱԿԱԿԱԼԻ ՄԲ ԿԱԹՈՂԻԿ-
ԻՍ ԵՒ ԳԵՐԳԱ ԻԻՐ ՓՈՔԵՐՆ: ԱՄԷՆ:

Հրատ. Օրբելի, 25:

Ման.—2. Օրբելին առաջին տողի վերջում կարդացել է մի Ու, որը չկա: Այստեղ գրիչը փորձել է քանդակել հաջորդ տառը, մեկ էլ ջնջել է ու անցել:

Արձանագրությունը թվական շունի, սակայն դժվար չէ այն մտաւորապես վերականգնել թեկուզ և այս եկեղեցում պահպանված այն վիմագրերի հիման վրա, որոնցում առկա է այս արձանագրության մեջ հիշատակված «փոքեր» Գերգի (երևի փակակալի օգնական, փոքրավոր) անունը: Գերգը հիշվում է XIII դարի երկրորդ կեսի ու XIV-ի սկզբի առումով: Ուրեմն, Ստեփաննոսն էլ փակակալ կլիներ XIII-ի երկրորդ կեսին: Այս ենթադրությունը հաստատվում է Ստեփաննոսի մի արձանագրությունից՝ փորագրված ԶԺԲ (1263) թ. Սանահնի վանքում, որտեղ նա ներկայանում է իբրև «Ստեփաննոս քահանա՝ փակակալ սբ ուխտիս Գանձասարա»¹:

117. ՊԺԷ (1868) թ.

Գավթի արևմտյան պատի հարավային մասում, հիմնախարիսիսի առաջին շարքի մեկ քարի վրա, 5 տող.

ԿԱՄԱԻՆ ԱՅ ԵՄ՝ ՅԱԿՈՒ ՄԻՋՆԱՅՇԻՆԵՅԻ ՄԻ-
ԱԲԱՆԵՑԱՅ ՄԲ ՈՒԽՏԻՍ ԵՒ ՏՎԻ ԸՆԾԱՅ
Ի ՄԲ ԿԱԹՈՂԻԿԷՍ: ՍՈՔԱՅ ՏՎԻՆ Ի ՏԱՐՈՒՄՆ : Բ : ԺԱՄ
ՄԲ ՅԱԿՈՒԻ ՏԱԻՆԻՆ՝ ՈՐՉԱՓ ԿԵՆԴԱՆԻ ԵՄ՝ ԻՄ ՀԱԻՐՆ:
ԹՎ : ՊԺԷ : :

Հրատ. Զալալեանց, Ա, 191, Օրբելի, 26:

Ման.—Թվականը քանդակված է հիմնախարիսիսի երկրորդ շար-

քի քարի վրա, որի պատճառով էլ նախորդ ընդօրինակողները չեն նկատել:

118. Ռ (1551) թ.

Գավթի արևմտյան պատի հարավային մասում, նախորդի կողքին, 7 մանր խաչերի տակ, 5 տող.

: Ռ : :

ԱՄ ՈՂՈՐՄԵԱ ՏՐ ՂԱԶ-
ԱՐ ՔԱՅԱՆԱՅԻ ԽՈ-
ՐԱՆԱՅՇԱՏԵՑՈՅՆ:
ԱՄԷՆ:

Հրատ. Օրբելի, 26:

Ման.—«Տր»-ը և Ռ-ն քանդակված են խաչերի արանքում, բայց անպայման վերաբերում են այս արձանագրությանը:

119. Անթվական

Գավթի արևմտյան պատի հյուսիսային մասում, խաչերի արանքում, 2 տող.

ԽԱԶՍ ԱԹ-
ԱՆԷՍ ԱԲԵՂԻՆ Է: ԳՈՒՎԱՐԴ:

ԳԱՎԹԻ ՆԵՐՍԻ ՏԱՊԱՆԱՔԱՐԵՐԻ ԵՎ ԽԱԶՔԱՐԵՐԻ
ԱՐՉԱՆԱԳՐՈՒԹՅՈՒՆՆԵՐԸ

120. ՌԾԱ (1202) թ.

Խաչքարի ստորին մաս՝ օգտագործված իբրև հատակը ծածկելու քար: Գտնվում է գավթի հարավ-արևելյան մասում, գիրը՝ 6 տող.

ԵՄ՝ ՎԱԽՏԱՆ-
Գ ՈՐԴԻ ՀԱՍԱ-
ՆԱ ԿԱՆԳՆԵՅ-
Ի ԶԽԱԶՍ Ի ՏԱ-
ՊԱՆԻ ՈՐԴՈՅ ԻՄՈՅ: ԱՂ-
ԱԻԹՍ ՑԻՇԵՅԷՔ: Թ՝ : ՈՍԱ : :

Հրատ. Օրբելի, 30:

Ման.— Թվականի տասնավորը պարզ չի երևում:

¹ Վաֆադարյան Կ., Սանահնի վանքը և նրա արձանագրությունները, Ե., 1957,

«Վախտանգ որդի Հասանա»՝ աղբյուրներում կոչված նաև Վախտանգ-Տանգիկ, Գանձասարի համալիրի շինարարության հովանավոր Հասան-Ջալալի հայրն է, ներքին հաշենի տերը, որ, ըստ շինարարական արձանագրության (№ 1), «ի վախճան կենաց ելից իւր աստեացս անդարձ կտակի հաստատեաց... զի շինեսցուք եկեղեցի ի գերեզմանատան հարց մերոց ի Գանձասար...», վախճանվել է 1214 թ. Գրանից երկու տարի առաջ շքեղ մի Ավետարան էր ընդօրինակվել «հրամանաւ և ծախիւք բարեսէր և աստուածահաճո անն Վախտանգա՝ որդւո Հասանա, որդւո Վախտանգա»¹:

Վախտանգ Մեծը ներքին հաշենի իշխանությունը վարել է XII դ. առաջին կեսում, հավանաբար մինչև դարակեսը, որովհետև դարի 60-ական թվականներից հոխանաբերդի տեր ու ներքին հաշենի իշխան է հիշվում նրա որդի՝ Հասանը՝ Վախտանգ-Տանգիկի հայրը, որից վիճազրեբ ունենք նաև 1174 թ. (արձ. № 147) և 1181 թ. (արձ. № 148) առումով:

Քննության առարկա վիճազիրը Վախտանգ-Տանգիկի անունից հայտնի առաջին վկայությունն է: Սակայն պետք է մտածել, որ 1202-ին նա արդեն հասուն մարդ է եղել, որովհետև խոսքը գնում է այդ տարում վախճանված նրա որդու մասին, որը, հավանաբար, № 1 արձ. մեջ հիշատակված Գավլան է, ապա ունեցել է նրանից ավագ որդի՝ Հասան-Ջալալը (հաշենի իշխանական տներում հաստատուն ավանդույթով ավագ որդուն էին տալիս պապի անունը):

Ուրեմն, ասվածից կարելի է կազմել ներքին հաշենի իշխանության անժողովների տոհմաշղթայի հետևյալ հատվածը. Վախտանգ Մեծ (XII դ. I կես) → Հասան Մեծ (1167, 1181) → Վախտանգ-Տանգիկ (1202, 1212, 1214) → Հասան-Ջալալ (իշխանավարել է 1214—1261 թթ.)²:

121. ՈԿԶ (1217) թ.

Խաչքարի ստորին մաս՝ օգտագործված իբրև հատակը սալելու քար՝ շորս տող գրով.

¹ Մատենադարան, ձեռ. № 378, էջ 308ա:

² Վախտանգ Մեծի, Հասան Մեծի, Վախտանգ-Տանգիկի ու Հասան-Ջալալի մասին հանգամանորեն տե՛ս Բ. Ուրտաբյան, հաշենի իշխանությունը X—XVI դարերում, էջ 136—144 և հադ.:

ԹԻԻՆ : ՈԿԶ :

ԵՍ՝ ԱԻՇԱԲ Կ-

ԱՆԳՆԵՑԻ Զ-

ԽԱԶՍ ԵՂԲԱԻՐ ԻՄՈՅ Հ[ԱՍԱՆԱ] :

Շրատ. Օրբելի, 31:

Ման.— «ՀԱՍԱՆԱ»-ի միայն Հ-ն է երևում, քարը կոտրված է, վերին մեկ տողի գրերը՝ քայքայված:

«Աւշաբը» ևս ենթադրաբար ու երկմտությամբ ենք զնում, որովհետև, նախ, այս անունն անսովոր ու տարակուսելի է, ապա անվան սկզբնատառը՝ Ա-ն կարող է նաև ընթերցվել իբրև կցագիր (Նա կամ ան), քանի որ Ա-ի առաջին հյուղի վերևում Ա-ի գլխիկ է փորագրված:

122. ՊԶ (1431) թ.

Տապանաքար սպիտակ մարմարից, երիզված պարանաձև զարդով, երեսին (երկու ծայրերին և կենտրոնում)՝ երեք քանդակազարդ վարդյակներ, կենտրոնականի մեջ՝ հավերժության խորհրդանշան: Կոտրված է, բաժանված 3 մասի (հավանաբար զանձախույզներն են գերեզմանը քանդելիս կոտրել), նորից կտորները դրված իրար կողքի: Գտնվում է գավթի արևելյան մասում, տաճարի մուտքի դիմաց, ունի 3 տող գիր.

ԱՅՍ Է ՀԱՆԳԻՍՍ ՄԵՄԻՆ

ՋԱԼԱԼԻՆ: ԱՂԱԻԹՍ

ՅԻՇԵՑԷՔ: ԹՎ : ՊԶ : :

Շրատ. Բարխուտարեանց, 176, Օրբելի, 29:

Աղբյուրներում Ջալալ Մեծ անվամբ հայտնի իշխանը (ներքին հաշենի տեր) Հասան-Ջալալի թոռնթոռն է, XIII դ. վերջում և XIV-ի սկզբին ապրած Ջալալի (Հասան-Ջալալի որդի Իվանե-Աթաբակի որդու) թոռը: Ջալալ Մեծի մասին, խնդրո առարկա տապանագրից բացի, հիշատակություններ կան 1383, 1386, 1417 թվականներից: Վերջինը մի հիշատակարան է, որով արձանագրվում է Ջալալի ու տոհմակիցների կախումն օտար բռնակալներից. «...Ջալալն և որդիք նորին...ի ներքոյ ձեռին անօրինացն. և այսպէս պակասեալ է իշխանութիւն տանս Հայկազեան»¹:

¹ Ժծ դարի հայերեն ձեռագրերի հիշատակարաններ, կազմեց Լ. Ս. Խաչիկյան, մասն Ա, Երևան, 1955, էջ 194:

123. ՌՃՀԷ (1728) թ.

Խոշոր տապանաքար ճերմակ մարմարից, երիզված պարանահյուս զարդաքանդակներով, որոնց ներսում՝ երկրաչափական գեղեցիկ նախշեր, կենտրոնում՝ հովվապետի գավազանի քանդակ: Գտնվում է գավթի արևելյան մասում, նախորդից հյուսիս, երկու տող գրով.

ԱՅՍ Է ՏԱՊԱՆ ԵՍԱԻ ԿԱԹՈՂԻԿՈՍԻՆ ԱՂՈՒԱՆԻՅ, ՈՐ Է ԱԶԳԷՆ ԶԱԼԱԼ ԴՕԼԻՆ: : ՌՃՀԷ : ԹՈՒԻՆ:

Հրատ. Բարխուտարեանց, 176, Օրբելի, 30:

124. ՌՃԽԹ (1700) թ.

Տապանաքար սև որձաքարից, երիզված պարանահյուս քանդակներով, որոնց ներսում՝ զարդաքանդակներ և հովվապետի գավազանի քանդակ: Գտնվում է նախորդի կողքին՝ հյուսիսից, երկու տող գրով.

ԱՅՍ Է ՏԱՊԱՆ ԵՐԵՄԻԱ ԿԱԹՈՂԻԿՈՍԻՆ ԱՂՈՒԱՆԻՅ, ՅԱԶԳԷՆ ԶԱԼԱԼ ԴՕԼԻՆ: : ՌՃԽԹ : ԹՈՒԻՆ:

Հրատ. Բարխուտարեանց, 176, Օրբելի, 30:

125. ՌՅԳ (1854) թ.

Տապանաքար՝ տափակ, երիզված նրբահյուս երկրաչափական քանդակներով, որոնց ներսում՝ գավազան քանդակված: Գտնվում է գավթի արևելյան մասում, Ջալալ Մեծի տապանաքարի կողքին՝ դեպի հարավ, 6 տող գրով.

ԱՅՍ Է ՏԱՊԱՆ ՄԵՏՐԱՊՕԼԻՏԻՆ
ԲԱՂՏԱՍԱՐԱՅ ՄԵՄԻ ԱՐԶԻՆ
ԿԱՅՄԵՐՊԱՍԿ ՀՈՎԱՊԵՏԻՆ
ՏԱՆՍ ԱՂՈՒԱՆԻՅ ՀԱՅՈՅ ԱԶԳԻՆ,
ՅԱԶԳԷՆ ԶԱԼԱԼ ՄԵՄ ԻՇԽԱՆԻՆ

ՏՆ ԱՐՅԱԽԱԿԱՆ ԱՇԽԱՐԶԻՆ: ԹՎ : ՌՅԳ : , 1854, ՅՈՒԼԻՍԻ:

Հրատ. Մուրացյան (Գրիգոր Տեր-Հովհաննիսյան), «Փորձ», 1880, Բաֆֆի, Երկերի ժողովածու, հ. 10, Ե., 1959, էջ 338, ծան. 2, Բարխուտարեանց, 176:

126. ՌՄԼԵ (1788) թ.

Տապանաքար նախորդին կից (հարավային կողմից)՝ հովվապետական գավազանի քանդակով և 3 տող գրով.

ԱՅՍ Է ՏԱՊԱՆ ՅՈՎՀԱՆՆԷՍ ԱՂՈՒԱՆԻՅ
ԿԱԹՈՂԻԿՈՍԻՆ, ՈՐ Է ՅԱԶԳԷՆ ԶԱԼԱԼ ԴՕԼԻՆ:
ԹՎ : ՌՄԼԵ : -ԻՆ:

Հրատ. Բարխուտարեանց, 176, Օրբելի, 29:

127. ՌՄՂԷ (1828) թ.

Տապանաքար նախորդի մոտ (հարավից)՝ նախաքանդակ երիզով, որի ներսում՝ վարդյակներ և կաթողիկոսական գավազանի քանդակ, դիրք 3 տող.

ԱՅՍ Է ՏԱՊԱՆ ՍԱՐԳԻՍ ԱՂՈՒԱՆԻՅ
ԿԱԹՈՂԻԿՈՍԻՆ, ՈՐ Է ՅԱԶԳԷՆ ԶԱԼԱԼ ԴՕԼԻՆ: ԹՎ : ՌՄՂԷ : -ԻՆ:

Հրատ. Բարխուտարեանց, 176, Օրբելի, 29:

Ման.—Սարգիսը կաթողիկոս է եղել մինչև 1815 թվականը, երբ Ամենայն հայոց կաթողիկոսության միջնորդության մեջ Ռուսական արքունիքը հատուկ հրաման արձակեց Գանձասարի կաթողիկոսությունը վերացնելու և նրա տեղ միտրոպոլիտություն ստեղծելու մասին: Սարգիսը Ղարաբաղի թեմի միտրոպոլիտան է եղել 1815—1828 թթ.:

128. 1574 թ.

Կտորված տապանաքար՝ երկու տող ծուռումուռ կրով.

ԱՅՍ Է ՀԱՆԳԻՍՏ ԴԱԻԻԹ ԿԱԹՈՂԻԿՈՍԻՆ՝ ՈՐԴԻ ԲԱՂՏԱՍԱՐ ՊԷԿԻՆ:

Հրատ. Բարխուտարեանց, 176, Օրբելի, 29:

Ման.—Տապանաքարի վրա Դավիթ կաթողիկոսի մահվան թվականը չի նշված: Դրանից կարելի է եզրակացնել, որ քարը հետո է դրվել, մանավանդ, եթե նկատի առնենք Դավիթ կաթողիկոսի անվան հետ կապված մի միջադեպ: Հայտնի է, որ Դավիթը՝ Հասան-Ջալալյան Բաղդասար-բեկի որդին, հաջորդել է Պարսից արքունիքի սպառնալիքի տակ քրիստոնեությունն ուրացած Գրիգորիսին՝ Մեհրաբ-բե-

կի որդուն, աթոռակալել մեկ տարի, ապա հենց կաթողիկոսարանում սպանվել անհայտ մարդկանց ձեռքով: Ուրացութունը կատարվել է 1573 թ.¹: Հետևապես Դավիթն սպանվել է 1574-ին:

129. Անթվական

Տապանաքար գորշ որձաքարից, առանց նախշերի, գավթի հյուսիս-արևելյան անկյունում, մեկ տող գրով, գրից վերև՝ գմբեթի և խաչի գծաքանդակ.

ՅՈՂԱՆՆԷՍ ԿԱԹՈՂԻԿՈՍ:

Հրատ. Բարխուտարեանց, 176, Օրբելի, 30:

Ման.— Գանձասարում Հովհաննես անունով մի քանի կաթողիկոսներ են եղել: Լրացուցիչ տվյալներ չկան պարզելու, թե նրանցից որին է վերաբերում սույն տապանաքարը:

130. ՌԺԲ (1658) թ.

Մ. Բարխուտարյանցի տեսած ու նկարագրած մի տապանաքար (այն չի տեսել նաև Հ. Օրբելին), որի գիրն է եղել.

ԱՅՍ Է ՀԱՆԳԻՍՏ ԳՐԻԳՈՐ ԿԱԹՈՂԻԿՈՍԻՆ
ԱՂՈՒԱՆԻՑ: Ի : ՌՃԲ : ԹՈՒԻՆ:

Հրատ. Բարխուտարեանց, 176, Օրբելի, 30:

131. ՋԾՁ (1507) թ.

Գեղաքանդակ խաչքար գավթի հարավ-արևելյան անկյունում, հենած արևելյան պատին, ճակատին ու խաչի տակ 4 տող գիր.

Ի ԹՎԻՆ : ՋԾՁ :

ԿԱՄԱԻՆ ԱՅ ԵՄ՝ ՎԷԼԻՃԱՆՄ՝ ՈՐԴԻ ՊԱՐՈՆ ՍԵ-
ԻԴԱՅ, ԹՈՒՆ ԱՂԲԱՍՍԱՅ ԿԱՆԿՆ-
ԵՅԱՔ ԶԽԱՉՍ:

¹ Թովհեան, Ցուցակ ձեռագրաց Խաչիկ վ. Գաղեան, Ա, էջ 89. «Տէր Գրիգոր որդի Մելլամ-բէկին տեսնեալ խաչնուլ... Սա ուրացաւ զՔրիստոս ՌԲ (1573)-ին»:

Հրատ. Օրբելի, 31:

Ման.— Հ. Օրբելին թվական է կարդացել ՉԾՁ (1307), իսկ արձանագրողի ինքնահորոշումը՝ «Վէլան»: Սակայն ինչպես վիմագրում, այնպես էլ նրա լուսանկարում պարզ երևում է «Վէլիճան»-ը՝ Ի-ն կցազրված Լ-ի հետ, Ճ-ն էլ առանձին, հարևան տառերից ավելի խոշոր:

Աղբաստի թոռ և Սեյտիի (կոչված նաև Սայտուն, Սէյտիբէկ) որդի Վելիճանը շէր կարող արձանագրությամբ հանդես գալ 1307 թ., որովհետև նրա առաջին արձանագրութունը 1480 թվականից է (տե՛ս արձ. № 55), իսկ ձեռագրական առաջին հիշատակութունը՝ 1473-ից: Այս թվականին Խաչենաձորի Գետամիջի Ս. Աստվածածին վանքում ընդօրինակված Ավետարանի գրիչն իր ժամանակը նշել է «ի տէրութեան տեղոյս պարոն Վելիջանին»¹:

132. ՌԺԲ (1568) թ.

Խաչքար նախորդի կողքին՝ հանդամանորեն նկարագրված, մանրամասները մեկնաբանված Հ. Օրբելու կողմից²: Խաչից ներքև քանդակված է հեծյալ, որը ձեռքին երկար գավազան ունի, ծայրին՝ խաչ, իսկ դեմը կանգնած է մի մարդ՝ ձեռքին գինու կուլա: Արձանագրության երկու տողը գտնվում է խաչից վերև, իսկ մնացածը, ավելի մանր տառերով, շրջանակում է խաչը:

ԿԱՄԱԻՆ ԱՅ ԵՄ՝ ԳՐԻԳՈՐԻՍ ԿԱԹՈՂԻԿՈՍ ԿԱՆԳ-
ՆԵՅԻ ԶՄԲ ԽԱՉՍ ՓՐԿՈՒԹԵԱՆ ՀԱԻՐ ԻՄՈՅ:
ՄԲ ԽԱՉՍ
ՓՐԿՈՒԹԻՒՆ ՊԱՐՈՆ ՄԵԼՐԱՊԻՆ Ի ԿՈՉ-
ՄԱՆ ԱՒՈՒՐՆ:

Հրատ. Օրբելի, 31, И. Орбели, Избранные труды, стр. 199.

Ման.— Թվականը պարզ երևում է: Սակայն Հ. Օրբելին չի նկատ

¹ Մ. Բարխուտարեանց, Արցախ, էջ 247, Լ. Խաչիկյան, Ժե գարի հայերեն ձեռագրերի հիշատակարաններ, Բ, Ե., 1958, էջ 344:

² Բարխուտարյանցը թվական է արտագրել ՋԽԲ (1493): Լ. Խաչիկյանն ուղղել է ՋԻԲ (1473)՝ իրավամբ նկատի առնելով, որ հիշատակարանում խոսվում է Ուզուն-Հասանի ու Արխատակես կաթողիկոսի մասին իբրև ապրողների, իսկ նրանք այդ ժամանակ արդեն մահացած էին:

² И. А. Орбели, Бытовые рельефы на Хаченских крестных камнях XII—XIII веков. Избранные труды, стр. 199—203.

տել և խաչքարի հանգամանքները քննելով 12—13-րդ դդ. համանըման հուշարձանների հետ, այնուամենայնիվ, ենթադրություններ կարծել է, որ այս խաչքարն ու ժամանակի գործ է: Նա միաժամանակ հնարավոր էր համարում, որ «Մեհրաբը» ոչ թե հատուկ անուն լինի, այլ Գրիգոր կաթողիկոսի հոր զբաղմունքը հատկանշող բառ («մեհրաբ» — «չրաբաշխ»):

Ճշմարտությունն այն է, որ Մեհրաբը (աղբյուրներում կոչված նաև Մեհրաբբէկ, Մեյրամպէկ) Վելիջանի որդին է և Գրիգորիս ու Հովհաննես կաթողիկոսների, Զալալ իշխանի ու Բաղդասար-բեկի (Գավիթ կաթողիկոսի հոր) հայրը: Նրա մասին հիշատակություն կա 1560 թվականից: Հովհաննես արեղան Մաշտոց է արտագրել «...ի յերկիրս հաչէն, ի գիւղս, որ կոչի հանձք, ի հայրապետութեան տեառն Գրիգորիսի... և իշխանաւոր տեղւոյս Մէհրապ պէկին և աշխարհակալ շահ Գահմանին ի թվիս հայոց ՌԹ» (1560)²: Իսկ հաչէնի Ս. Հակոբա վանքում ընդօրինակված մի Ավետարանի հիշատակագրողն «ի թուաբերութեան հայկազեան տումարիս ՌԺԸ» (1569)-ին հիշել է իր ժամանակի կաթողիկոս «տեառն Գրիգորիսի» որդի Մեհրապ պէկին»³:

Վերն արդեն նշվել է, որ Գրիգորիս կաթողիկոսը Պարսից շահի հարկադրանքով քրիստոնեությունն ուրացել է 1573 թ.: Նշանակում է՝ խնդրո առարկա խաչքարը կանգնեցվել և արձանագրությունն էլ փորագրվել է 1560—1573 թվականների արանքում, իսկ առավել ճիշտ՝ 1563-ին:

133. 1852 թ.

Գավթի կենտրոնում հատակի հետ հավասար, լայն ու երկար, զարդաքանդակ տապանաքար: Առանձնակի ուշադրության են արժանի խաչի քանդակը և նրանից վեր, արևմտյան երկու անկյուններում քանդակված հրեշտակների պատկերները: Արձանագրությունը երկու լեզվով է՝ հայերեն (8 տող) և ռուսերեն (8 տող):

¹ Անդ, էջ 203:
² Մ. Բաբխուատրեանց, Աղվանից երկիր և դրացիք, Թիֆլիս, 1893, էջ 177:
³ Ցուցակ հայերեն ձեռագրաց Ձմմառի վանքի մատենադարանի, հ. Բ, «Անտոնյան հավաքածու», Վիեննա, 1971, էջ 51:

ԱՄՓՈՓԻ Ի ՏԱՊԱՆԻ ԲԱ-
 ՐԵՊԱՇՏՕՆ ԱԶՆՈՒՈՒԶԻ
 ԱՆՆԱՅՆ ՍԻՄՕՆՈՎՆԱՅ
 ԱՍԼԱՆԲԷԿԵԱՆՅ ԹԻՓԼԻԶ-
 ԵՅԻ, ՈՐ ՎԱԽՃԱՆԵՑԱԻ Ի
 ԽԱՆՔԷՆԴԻ 60 ԱՄԱՅ
 Ի 1852 ԱՄԻ 9 ԵՒ ԹԱՂԵՅ-
 ԱԻ ԱՍՏԷ 13 ՍԵՊՏԵՄԲԵՐԻ:

Ռուսերենը ևս նույն բովանդակություն ունի:

ՎԱՆՔԻ ՍԵՂԱՆԱՏԱՆ ԵՎ ԽՈՒՑԵՐԻ
 ԱՐՁԱՆԱԳՐՈՒԹՅՈՒՆՆԵՐԸ

134. ՈՒԳ (1174) Թ.

Սեղանատնից դեպի նրան կից (արևելյան կողմում) կառուցված միջերանոցը տանող դռան վրա իբրև բարավոր օգտագործված գեղեցկանախշ խաչքար, որի վրա քանդակված է նիզակավոր հեծյալ: Խաչքարը երեսով դեպի միջերանոցն է, ունի մանրատառ արձանագրություն երկշար կարճ տողերով, որոնցից ընթերցվում է հետևյալը.

ԹԻԻՆ	ԵՄ՝ ՆՐՁԻՍ,
: ՈՒԳ : ԷՐ : Վ-	ԴՈՒՍՐ Հ-
ԱԽՏԱՆԳ Տ-	ԱՍԱՆԱ, ԹՈՌ-
Ր ԽԱԶԻՆՈ	Ն ԱԲԱՍԱ Թ-
ՅԵՐԻՏԱՍ-	ԱԳԱԻՈՐԻՆ
ԱՐԴ ՀԱՍ-	ԵՒ ԿԱՆ-
ԱԿԻ ՓՈՆ-	ԳՆԵՅԻ ԶԽԱԶՍ...
ԵՑԱԻ Ի	
ՔՍ:	

Հրատ. Օրբելի, 33:

Ման.— 2. Օրբելին, որ ճիշտ է արտագրել, գրում է, թե արձա-
նագրությունը երեսն ի վայր է դրված: Մինչդեռ այն դրված է կող-
քի, երեսով դեպի արևելք՝ մթերանոցի կողմը:

1174 թ. արձանագրությամբ Խաչենի տեր-համարված այս վախ-
տանգի մասին այլուստ ոչ մի տեղեկություն չունենք: Այս թվակա-
նին ներքին Խաչենի տերն է եղել Հասան Մեծը՝ Հասան-Ջալալի պա-
պը: Իսկ կենտրոնական Խաչենում կամ Հաթերքում իշխում էր նշա-
նավոր այն Հասանը, որը 1182-ին պիտի կրոնավարելու գնար Գա-
ղիվանք՝ իշխանությունը հանձնելով իր որդի Վախտանգին (վախձ.
1214 թ.): Կարելի է մտածել, թե 1174 թ. մահացած Վախտանգը Խա-
չենի իշխանության երկրորդական ճյուղերից մեկի ներկայացուցիչն
է եղել: Այս դեպքում էլ նա չէր կարող թաղված լինել Գանձասարում՝
գաճերեց տերերի տապանատանը: Իսկ եթե մտածենք, որ արձանա-
գրության թվականն է սխալ ընթերցվել՝ ՈՒԳ փխ. ՈԿԳ-ի, որ կլինի
Վախտանգ-Տանգիկի մահվան տարին, այս դեպքում էլ տարակուսե-
լի է խաչք կանգնեցնող Նրջիսի առկայությունը. ո՞վ է նա, ի՞նչ առըն-
չություն ուներ Վախտանգ-Տանգիկի ու նրա տոհմի հետ: Մեզ հայտ-
նի աղբյուրները չեն պատասխանում այս հարցին:

185. ՌՃԼԸ (1689) թ.

Սեղանատան հյուսիսային պատի կենտրոնում, ներքուստ, որմ-
նասյան մեկ քարի վրա, 3 տող.

ԵՐԵՄԻԱ
ԿԱԹՈՂԻԿՈՍ ՇԻՆՅՑ
Ի ԹՎ : ՌԼԸ : :

Ման.— Երեմիա կաթողիկոսը (Եսայի կաթողիկոսի հորեղբայրը)
վախձանվել է 1700 թ. (տե՛ս արձ. № 125):

186. Անթվական

Սեղանատան արևմտյան պատի հարավային եզրին.

ՏՐ ՄՈՍԷՍ:

187. Անթվական

Սեղանատան հարավային պատի արևմտյան անկյան մոտ, ար-
տաքուստ, կցագիր, որ հավանաբար, կառուցող վարպետի նշանն է-



վր:

138. ՌՄ (1751) թ.

Սեղանատան կողքի (դեպի արևմուտք) խուցի դռան ձախակող-
մյան երկու քարի վրա մաշված-քայքայված արձանագրություն, որից
ընթերցվում է.

... ՈՌԻ...
Թ : ՌՄ :
ՌԱ
ԵՍ ՍԱՓԵՐՆ:

139. Անթվական

Սեղանատանից ձախ (դեպի արևմուտք), երկրորդ խուցի դռան
ձախ կողմի քարի վրա փակագիր.



140. 1551 թ.

Խուցերից մեկում 2. Օրբելու ժամանակ մի քարաբեկորի վրա
արձանագրության 4 տողանոց հատված (մենք այդ քարը չենք գտել).

ՆՈՐՈԳԵՑԱԻ
ՁԵՌԱՄԲ ՍԱՐԳԻՍ
ԿԱԹՈՂԻԿՈՍԻՆ ԱՂՈՒԱՆՆԻՑ, ՈՐ Է
ՅԱԶԳԷՆ ԶԱԼԱԼ ԴՕԼԻՆ:

Հրատ. Օրբելի, 33:

Ման.— 2. Օրբելին թվականը և մյուս հանգամանքները չի պար-
զել: Մինչդեռ օժանդակ նյութերով պարզվում են թվականը, Սարգսի
ո՞վ լինելը, ի՞նչ նորոգելը և այլն:

Սարգիսը՝ Հատիր-Մելիքի որդին, կաթողիկոսական աթոռն ըզ-
բաղեցրել է XVI դարում: Նրա՝ մեզ հասած առաջին արձանագրու-
թյունը 1546-ից է և պատմում է հովվապետի նվիրատվությունները
վանքին (արձ. 27): Վերջին դեպքում խոսքը Գանձասարի վանքի վե-

րանորոգմանն է վերաբերում: Այդ առթիվ արժանահավատ վկայու-
թյուն կա Մեծառանից Ս. Հակոբա վանքում ընդօրինակված մի Ավի-
տարանի հիշատակարանում: Գրիչ Հայրապետը հայտնում է, որ
ինքն Ավետարանն արտագրել է «ի դառն և ի նեղ ժամանակիս, (երբ)
վասն մահուն ուրացան մայրն զորդիս իրեանց», և ահա այսպիսի
մի ժամանակ՝ «ի թուականութեան հայ տումարիս Ռ(1551) Աղվանից
կաթողիկոս Սարգիսը «Յտ նորոգել ի մեծայհանդէս եկեղեցիս Գան-
ձասար»¹:

Սարգիս կաթողիկոսի մահվան թվականի մասին ստույգ տեղե-
կություն չունենք: Մ. Բարխուտարյանցը, առանց աղբյուր նշելու,
նրա մահվան տարի է համարում 1555 թվականը²: Սա կարող է ճիշտ
լինել, քանի որ Սարգսին հաջորդած Գրիգորիսի կաթողիկոսության
մասին վկայություն ունենք 1559 թվականից²:

141. 1855 թ.

Խուցերի մոտ ընկած փոքրիկ մի խաչքարի վրա 4 տողով.
ՅԻՇԱՏԱԿԻՆ
ՆԵՐՍԷՍ
ՎԱՐԴԱՊԵՏԻՆ,
Ի 1855 ԱՄԻ.

Ման.—1965 թ. այս խաչքարը կորել է, այժմ չկա:

142. 1837 թ.

Սեղանատնից դեպի արևմուտք, երրորդ խուցի լուսամտի աջ
եզրին, մի քարի վրա.

ՅԻՇԱՏԱԿ Է
ՆԵՐՍԷՍ
ՎԱՐԴԱՊԵՏԻՆ
Ի 181Է ԱՄԻ.

Ման.—3-րդ տողում «վրդպին» է, որ կարելի է կարդալ նաև
«վարդպետին» (քարգործ-վարդպետ):

Հետաքրքիր է թվականը՝ երկու թվանշան, երկու տառանշան:
Անկասկած այս և նախորդ արձանագրությունները նույն մար-
դուն են վերաբերում:

¹ Մատենադարանի ձեռ. № 6513, էջ 280բ—281ա:

² «Յուցակ հայ. ձեռ. Զմմառի վանքի մատենադարանի», Բ, էջ 51:

143. 18-րդ դար

Նույն խուցի ներսում, բուխարիկի կամարի կիսաշրջանի վրա—
ՅԱԿՈՐՍ ԳՐԵՅԻ:

144. ՌՄԷ (1753) թ.

Բուխարիկի կիսաշրջանի աջ կողմի վրա.

ԵՍ ԱՆԱՐԺԱՆ
ԱՄԵՆԻՑ ՅԱԿՈՐ
: ՌՄԷ : ԹՎԻՆ:

145. ՌՄԷ (1758) թ.

Կամարի տակդիր քարի վրա հորիզոնական, 2 տողով.

ԵՍ ԱՆԱՐԺԱՆ
ՅԱԿՈՐՍ ԳՐԵՅԻ : ՌՄԷ :

146. Անթվական

Վերջին (արևմտյան-եզրային) խուցի դռան աջ կողմին մեկ քա-
րի վրա կիսեղծ արձանագրություն.

ԹՎԻՆ
ԱՐ...
ԱՐՓ...
ԲԱՆ...
ԿԱՄԲ...

ՎԱՆՔԻ ԲԱԿՈՒՄ ԳՏՆՎՈՂ ԽԱՉՔԱՐԵՐԻ ԵՎ
ՏԱՊԱՆԱՔԱՐԵՐԻ ԱՐՁԱՆԱԳՐՈՒԹՅՈՒՆՆԵՐԸ

147. ՈՒԳ (1174) թ.

Խաչքարի ներքևի մաս՝ ընկած գավթի հյուսիսային պատի տակ,
հյուսիս-արևմտյան անկյան մոտ, 3 տող գրով.

ԹԻԻՆ : Ո-
ԻԳ : ԵՍ ՂԱ-
ՍԱՆ ԿԱՆԳՆ [ԵՅԻ ԶԵԱՉՍ] ...

Հրատ. Օրբելի, 32:

Ման.— Կարծում ենք՝ արձանագրողը Հասան-Ջալալի պապ Հասան Մեծն է:

148. Ու (1181) թ.

Խաչքար գեղաքանդակ, երկու մետր բարձրությամբ, տնկված հողի մեջ՝ տաճարի հյուսիսային պատի տակ, գիրը խաչից ներքև:

: Ու : ԹԻԻՆ ԷՐ:

ԵՄ՝ ՀԱՍԱՆ ՈՐԳԻ ՎԱԽՏԱ-

ՆԳԱ ԿԱՆԳՆԵՅԻ ԶԵԱԶՍ Ի ՏԱՊԱՆ-

Ի ԴՍՏԵՐ ԻՄՈ ԽԱԹՈՒՆԻՆ ԵԻ ՄԱԻՐ Ի-

ԻՐ ԹԱԳՈՒՆՈ՝ ԴՍՏԵՐ ԹԱԳՎՈՐԻՆ ԲԱՂԱՅ:

Հրատ. Օրբելի, 32, նաև՝ Избранные труды, стр. 199.

Ման.— Արձանագրողը Խաչենի տեր Վախտանգի որդի Հասանն է, Հասան-Ջալալի պապը: Խաչքար է կանգնեցրել իր դուստր Խաթունի և դստեր մոր (ՄԱԻՐ ԻԻՐ), այսինքն՝ իր կին Քազուհու տապանին: Պարզվում է, որ Հասանի կին Քազուհին եղել է Բաղայ թագավորի դուստրը:

Ո՞վ էր այս Բաղայ թագավորը:

Սույն արձանագրությունը կարող է բանալի դառնալ Խաչենի իշխանության ու Բաղայ Կապանի թագավորության առնչակցություններին վերաբերող մինչև այժմ մութ մնացած մի կարևոր հարցի համար:

Հայտնի է, որ 12-րդ դ. կեսին գահաժառանգ շունեցող Բաղայ թագավոր Գրիգորը, ինքն էլ ծագումով խաչենցի (Սենեքերիմի որդին էր), «եստ ածել ի Խաչենոյ իշխանացն մանուկ մի Հասան անուն ի Գեոաքարեցեացն և ետ զդուստր իւր Կատայն նմա ի կնութիւն»:

Բաղքի համար ծանր ժամանակներ էին: Գրիգորը վախճանվել էր 1166 թ.: Թուրքերը պաշարեցին Բաղայ Կապանը և «մինչ զբերդն կամէին առնուլ՝ Հասան կացոյց բերդապահս, և ինքն առեալ զկին իւր, և զընտանիս՝ ի գիշերի ել ի բերդէն եանց, գնաց ի գաւառ իւր և ի անուն ի Խաչէն»¹:

Պատմագիտության մեջ տարբեր կարծիքներ են հայտնվել այս

Հասանի տոհմական պատկանելության մասին: Նրան համարել են Հաթիբի տերերից մեկը, նաև՝ Մարա իշխանագուններից¹:

Առավել հիմնավոր է ճանաչվում Գարեգին Հովսեփյանի կարծիքը, որի համաձայն՝ Հասանը պետք է լիներ Գեոաքարի տեր Խաղբակյաններից, և նրա արձանագրություններն էլ պահպանվել են Գեոաքարի կողմերում՝ նրան ներկայացնելով իբրև Խաղբակյան Զաչուրի եղբոր և Խաղբակի որդու²:

Սակայն հիշյալ վարկածներից և ոչ մեկը չի հիմնավորվում աղբյուրագիտական ստույգ նյութերով: Եվ ահա այս խաչքարի արձանագրությունը գալիս է հաստատելու, որ Բաղայ Կապան թագավորը զնացած-վերադարձածը, — որն ամուսնացել էր Բաղայ թագավորի դստեր հետ, — եղել է Խոխանաբերդի տեր Վախտանգի որդի Հասանը: Ստ. Օրբելյանի կողմից նրան տված «գեոաքարեցի» որոշիչը չի խանգարում մեր տեսակետին, քանի որ Գեոաքարը գտնվում է Խոխանաբերդի մոտ և մտնում էր Խոխանաբերդի կամ Ներքին Խաչենի իշխանության տիրույթների մեջ:

Զարմանալի չէ նաև Ստ. Օրբելյանի կողմից Քազուհուն տրված Կատա անունը: Պետք է մտածել, որ կամ Բաղայ թագավորի դուստրն ունեցել է կրկնակ անուն, կամ էլ պատմիչն է անունը շփոթել: Ուրիշ կերպ չի կարող լինել, որովհետև նույն Օրբելյան պատմիչի մյուս տեղեկություններից գիտենք, որ միայն Գրիգոր թագավորի միակ դուստրն է ամուսնացել Խաչենի իշխանագունի հետ, որի անունն էլ եղել է Հասան: Ըստ այսմ թյուրիմացություն պիտի համարել Հասան Մեծի կնոջ Մամբան անունը³:

149. ՈՄԱ (1202) թ.

Միջին մեծության գեղեցիկ խաչքար՝ վերևից ու ներքևից կոտրատված: Գտնվում է գավթի հյուսիսային պատի տակ (դրսից), պատին հենած:

¹ Մ. Բարխուտարեանց, Պատմություն Աղվանից, Ա, էջ 139:

² Գարեգին կարողիկոս, Խաղբակյանք, էջ 16, 41:

³ Տե՛ս Բ. Ուլուքաբյան, Խաչենի իշխանությունը X—XVI դարերում, էջ 85 և «Առնչակների տոհմաժառանգ»:

¹ Ստ. Օրբելյան, էջ 336—337:

ԹԻ : ՈՄ
ԻՆ Ա : :
ԵՄ՝ ՎԱԿՏԱՆ-
Գ, ՈՐԴԻ ՀԱՍԱՆ-
Ա ԿԱՆԳՆԵՑԻ Զ-
ԽԱԶՍ Ի ՏԱՊԱՆ-
[Ի] ԽԱ.....

Հրատ. Բարխուտարեանց, 179:

150. ՈՂԴ (1245) թ.

Գեղեցկաքանդակ խաչքար, վերևից ու ներքևից կոտրատված: Հենված է գավթի արևելյան պատի հյուսիսային եզրին: Արձանագրության թվականի միավորը պարզ չի երևում:

: ՈՂԴ :
ԵՄ ԱՄԱԴ ԿԱՆ-
ԳՆԵՑԻ ԶԽԱԶՍ Ի
ՓՐԿՈՒԹԻՒՆ ՀՈԳՈՑ
ԻՄՈՑ: ՈՐ ԿԱՐԴԱՔ,
ՅԱՂԱԹՍ ՅԻՇԵՑԷՔ:

Հրատ. Բարխուտարեանց, 179, Օրբելի, 32:

ՀՅՈՒՄԻՍԱՅԻՆ ՊԱՏԻ ՏԱԿ ԳՏՆՎՈՂ
ՏԱՊԱՆԱՔԱՐԵՐԻ ԱՐՁԱՆԱԳՐՈՒԹՅՈՒՆՆԵՐԸ

151. ՌՃԼԳ (1684) թ.

ԱՅՍ Է ՏԱՊԱՆ ԱՐԻՍՏԱԿԷՍ ԵՊԻՍԿՈՊՈՍԻՆ, ՈՐ Է
ԵՂՔԱՅՐ ԵՐԵՄԻԱ ԿԱԹՈՂԻԿՈՍԻՆ: : ՌՃԼԳ : ԹՈՒԻՆ:

Հրատ. Բարխուտարեանց, 179, Օրբելի, 33:

152. ՌՃՀԱ (1722) թ.

ԱՅՍ Է ՏԱՊԱՆ ԱՌԱՋԱԶՈՐԵՑԻ ՏՐ՝
ԳՐԻԳՈՐԻՆ ՈՐԴԻ ՏՐ ԵՍԱՅԻՆ, ՈՐ Է ՀԱՅՐ
ՏՐ ԴԱԹԻՆ: Ի : ՌՃՀԱ : ԹՎԻՆ, ԱՊՐԻԼԻ Ը:

153. ՌՃՀԳ (1724) թ.

ԱՅՍ Է ՏԱՊԱՆ ՀԱՆԿՈՒՑԵԱԼ ՄԻՆԱՍ ԱՍՄԱՐ-
ԱՆ ՎԱՐԹԱՊԵՏԻՆ, ՈՐ Է ԿԵՂՋԷՆ ՊՏՐԵՑՈՒՑ:
ԹՎԻՆ : ՌՃՀԳ : :

154. ՌՃՂԷ (1748) թ.

ԱՅՍ Է ՏԱՊԱՆ ԳՐԻԳՈՐ ՎԱՐԴԱՊԵՏԻՆ,
ՈՐ Է ԱԶԳԷՆ ԶԱԼԱԼ ԴՕԼԻՆ: ԹՎ : ՌՃՂԷ : :

Հրատ. Բարխուտարեանց, 179:

155. ՌՄԵ (1756) թ.

ԱՅՍ Է ՀԱՆԳԻՍՏ ՍԱՐԳՍԻՆ՝ ՈՐԴԻ ԱՊՐԱԻՆ ԵՒ
ԹՈՒՆ ԱՂՈՒԱՆԻՑ ՆԵՐՍԷՍ ԿԱԹՈՂԻԿՈՍԻՆ ԵՂՔԱ-
ՅՐ ՍԱՐԳԻՍ ԻՇԽԱՆԻՆ: : ՌՄԵ : ԹՎԻՆ ԷՐ:

156. 1849 թ.

ԱՅՍ Է ՏԱՊԱՆ ՄՈՍԷՍ ԽԱԶԱԿԻՐ ՎԱՐԴԱՊԵՏԻՆ,
ՈՐ Է ԱԶԳԷՆ ԶԱԼԱԼ ԴՕԼԻՆ,
ՈՐ Է ՈՐԴԻ ՄԷԼԻՔ ԱԼԱՎԵՐՏԻՆ
ԵՒ ԵՂՔԱՐ ԽԱԶԱԿԻՐ ԵՐԵՄԻԱ ՔԱՀԱՆԱՅԻՆ:
1849 ԹՎ:

157. ՌՅԺԲ (1863) թ.

ԱՅՍ Է ՏԱՊԱՆ ՅՈՍԵՓ ՎԱՐԴԱՊԵՏԻՆ,
ՈՐ Է ՅԱԶԳԷՆ ԶԱԼԱԼ ՄԵՍ ԻՇԽԱՆԻՆ,
ՈՐԴԻ ԻՍՐԱՅԷԼ ԲԷԿԻՆ: ԹՎ : ՌՅԺԲ : :

Հրատ. Բարխուտարեանց, 179. «Յովսէփ վարդապետ Իսրայէլ-
բէկյան Զալալեանց թվ ՌՅԺԲ»:

158. 1899 թ.

ԱՍՏ ՀԱՆԳՉԻ ՄԱՐՄԻՆ ԲԱԶՄԱ-
ՇԽԱԴ ԱՐԻՍՏԱԿԷՍ ԱԻՍԳ ՔԱՀԱՆԱՅ

ՋԱԼԱԼԵԱՆՑ՝ ՓԱՅԼԵԱԼ ՍՐԲԱԿՐՕՆ
ԵՒ ՄԱՐԴԱՍԷՐ: ՎԽԾ. 1899 ԱՄԻ:

159. Անթվական

ՅՈՎԱԷՓ ԳԻՏՆԱԿԱՆ ՎԱՐԺԱՊԵՏ ՎԱՐԴԱՊԵՏ ԷՐ ԱԻ-
ԱԳԱՆՑ ԱՐՑԱԽՈՅ: ՊԵՐՃ ՏԱՊԱՆ, ՈՐՊԷՍ ԿԱՐԵՍ
ՀԱՆԴՈՒՐԺԵՍ ՄԵԾՆ ՎԱՐԺԱՊԵՏՆ Ի ՔԵԶ ԿՐԵԱԼ ԶՅՏԵՂԵՍ ԶՀԻՆԱԻՈՒՐՑ
ԵՐԱԽՏԱՈՐՆ ԱՄՓՈՓ-
ԵՍ ԶԱՆԽՕՍ ՄԱՆԿՈՒՆՄ Ի ՍՈՒՐԲ ՀՕՐԷՆ ՈՐԲ ԹՈՂԵՍ:
ԶՀՈՐՍ ՄԱՀ ՅՈՐԳ ԱՐՏԱՍՈՒԹՔ ՈՂԲԱՄՅՈՒՔ
ԵԹԷ ՀԻՍՈՒՍ
ԶԻՒՐ ՂԱԶ-
ԱՐՈՍ ԱՐՏԱՍՈՒԵՅ:

Հրատ. Բարխուտարեանց, 179. 5-րդ տողից առաջ գրել է՝ «Եկայք
ընկեր, ո՞ր դուք մուղայք սիրասունք»:

Ման.—Տապանաբարը անվանի վարդապետ ու փիլիսոփա Հով-
սեփ Արցախեցունն է:

ՎԱՆՔԻ ՇՐՋԱՊԱՐՍՊԻ ԱՐՁԱՆԱԳՐՈՒԹՅՈՒՆՆԵՐԸ

160. ՌԺԲ (1563) թ.

Շրջապարսպի արևելյան մուտքի համար իբրև բարավոր դրված՝
տապանաբարի վրա, 2 տող.

ԱՅՍ Է ՀԱՆԳԻՍՏ ԱԶԱՏԻՆ, ԱՂԱԻԹՍ ՅԻՇԵՅԷՔ:

ԹՎ : ՌԺԲ : :

161. Անթվական

Նույն մուտքի բարավորի տակ, պատի լալնությամբ դրված բա-
րի վրա, կողքերից պակաս տառերով.

ՅՈՀ....

ԽԱԶ-

Ս ՀԱՐՐ....

ԻՄՈ Ե-

Ի ԻՆՉ՝ Գ-

ԵՐԳԱ

ԲԱՐԵ-

ԽԱԻ-

Ս ԱՐ...

162. 13-րդ դ. երկրորդ կես

Նույն մուտքի կամարի աջ կողմին պատի մեջ հորիզոնական դըր-
ված բար՝ մի կողմից կոտրված: Առկա են 4 տողի մնացորդներ.

ԹԻԻՆ : Զ...

ԱՐԱԿԻ...

...ԼԱԼԻՆ

...ՔԱՆՆ:

Ման.—Երևի եղել է «Յիշխանութեամբ Աթաբակի՝ որդույ Ջա-
լալին»: Իսկ Աթաբակի իշխանությունը եղել է 1261—1287 թթ.:

163. ՈՂԳ (1244) թ.

Շրջապարսպի հարավային մուտքի պատին ազուցված մի սրբա-
տաշ բարի վրա, 9 տող.

ԹԻԻՆ : ՈՂԳ :

ԵՍ՝ ՏՐՆԵՐՍԷ-

Ս ՄԻԱԲԱՆԵՅԱ

ՄԲ ՈՒԽՏԻՍ: ՏՐՎԱՐԴԱՆ ԵՒ ՄԻԱԲ-

ԱՆՔՍ ԽՈՍՏԱՅԱՆ : Բ :

ԺԱՄ Ի ՏԱՐՈՒՄՆ ՅՈ-

ՎԱՆՈՒ ՏԱԻՆԻՆ, ՄԲ

ԽԱԶԻՆ ԲԱՐԻԿԵՆԴԱՆԻ:

164. Անթվական

Շրջապարսպի հարավային պատին ազուցված (դրսից) մի բարի
վրա, 3 տող.

ԵՍ՝ ՈՎԱՆԷՍ ԱՆԱՐԺԱՆ ՔԱՀԱ-

ՆԱՅ.....ՆՈՐԻՈԳ-

ԵՅԱՔ ԶՏՈՒՆՍ: ՅԻՇԵՅԷՔ ԱՍ Ի ՔՍ:

165. 13-րդ դ.

Շրջապարսպի հարավային մուտքի կամարի մեջ՝ արևելյան կողմից դրված մի քար, որը տեղում հարմարեցնելու համար կտրել են մի մասը, հետն էլ՝ արձանագրության տողերի սկզբները.

[ԿԱՄԱԻՆ ԱՅ Ե]Ս՝ ՎԱՍԱԿ ՈՐԳԻ ԻԻԱՆԷԻ, ԹՈՌՆ
[ՎԱԽՏԱՆ] ԳԱ ՄԻԱԲԱՆԵՅԱ ՄԲ ՈՒ-
[ԽՏԻՍ, ՏՎԻ] ԶԲԱՐՈՒՏԱՆՅ ԱՅԳԻՆ, ԶԶԵԾ...
.....Ի ՄԵՐ ՏԱՊԱՆԱՏՈՒՆՍ: ՍՈ[ՔԱ
ՏՎԻՆ..... ԺԱՄ Դ] ԱԻԹԻ ԶԱԿՈՐ [Ս. ՏԱԻՆԻՆ]...

Հրատ. Օրբելի, 34:

166. Անթվական

Հարավային մուտքի պատին մի քարաբեկորի վրա արձանագրության 2 տողանոց մնացորդ.

....ՔԱՐ ԵԻ ԻՆԶ
ՊԱՏԱՐԱԳ ԶԱՄԷՆ ԵԿԵՂԵՅԻՔՍ...

Հրատ. Օրբելի, 34:

167. Անթվական

Հարավային մուտքի մոտ ագուցված պատին մի այլ քարի վրա 10 տողերի հետևյալ բեկորները.

...ՏԷՐ ՍԱ
ՍՐԱՌԵ...
ՐԵ ԿԻԻՐԿԻ
ՏԱԻ ՀԱ...
ՍԱՆԱ Տ-
ԱՆՆ ՔՐԻ-
ՍՏՈՆԷ...
ՄԵԼԱԻ
...ՈԽԵ...

Ծան.— Հնարավոր է, որ վերջին տողի տառերը թվականը լինեն:

168. Անթվական

Շրջապարսպի արևմտյան մուտքի առաջ ընկած (Օրբելու ժամանակ, այժմ չկա) մի քարի վրա, 3 տողով.

ՔՍ ԱՅ ՈՂՈՐՄԻ
ՀՈԳՈՅՆ ՀՈՎԱ-
ԴԵՂԱ...ՈՂ...

Հրատ. Օրբելի, 34:

169. Անթվական

Շրջապարսպի արևելյան մուտքի միջանցքի պատին ագուցված մի քարի վրա, 5 տող.

ԵՍ ՊԱՔՈՒՏ-
ԱՅ ԿԱՆԳՆԵՅ-
Ի ԽԱԶՍ ՀԱԻ-
Ր ԻՄՈՅ ՍԷԻ-
ԴԻ. ՅԱՂԱԻԹՍ ՅԻՇԵՅԷՔ:

Պաֆուտա անունն այլուստ անհայտ է:

Սելդին ևս անծանոթ անուն է, եթե նույնական չէ Սևաղայի (Սևաղա-Սեւղա, այստեղից էլ՝ Սեւղի) կամ Սեյտիի հետ:

ՎԱՆԱԿԱՆ ՀԱՄԱԼԻՐԻՑ ՀԱՐԱՎ (ՎԱՆՔԻՆ ԿԻՑ)
ՏԱՐԱԾՎԱԾ ԳԵՐԵԶՄԱՆԱՏԱՆ ԱՐՁԱՆԱԳՐՈՒԹՅՈՒՆՆԵՐԻՑ

170. ՌՃԿԵ (1716) թ.

Գերեզմանատան հարավ-արևելյան մասում կիսով չափ գետնի մեջ թաղված շիրմաքարի վրա.

Վերևից. ԱՅՍ Է ՀԱՆԳԻՍՏ ՄՈՒԼՔԻՊԷԿԻ, ՈՐ Է ՈՐԴԻ ՊԱՐՈՆ ՊԱ-
ՂՏԱՅՍԱՐԻՆ, ՈՐ Է ԵՂՔԱՐ ԵՐԵՄԻԵԱ ԿԱԹՈՂԻԿՈՍԻՆ, ՈՐ Է

Հյուսիսային երեսին,
վերից. ՈՐ Է ՀԱՅՐ ՄԷԼԻՔ ԳՐԻԳՈՐԻՆ. : ՌՃԿԵ : : Ի ՎԵՅԻՆ Ի ԺԱ-

Աջ կողքին՝
վերից վար. ՄԱՆԱԿՍ ՄԱՀԴԱՐԱՅ-

Արևմտյան
կողին. ԺԱՄԻՆ ՍԱՅ ՓՈԽԵԱՅ Ի ՌՏՐ ԿԵՆԴԱՆԻՆ:

Չախ կողքին՝
վարից վեր. ԱԶԳԻՆ ԶԱԼԱԼ ԴՕԼԻՆ:

171. ՌՄԻԷ (1778) թ.

Նախորդից հյուսիս-արևմուտք ընկած գերեզմանաքարի վրա-

ԱՅՍ է ՏԱՊԱՆ ՓԱՐԻԶԱ-
ՏԻՆ, ՈՐ է ԴՈՒՍՏՐ ԴԱԻԹԻ ԵՒ
ԱՄՈՒՍԻՆ..... էԼԻՔՊԷ-
ԿԻՆ: : ՌՄԻԷ: ԹՎԻՆ:

172. ՈՅ (1201) թ.

Փոքր գեղեցիկ խաչքար նախորդի կողքին՝ հավանաբար հետա-
գայում տեղափոխած ու կանգնեցված մի գերեզմանի վրա-

Թ: ՈՅ:
ԵՍ՝ ՎԱՐԴԱՆԷՍՍ Կ-
ԱՆԳՆԵՅԻ ԶԽԱ-
ԶՍ ՂԱԻՐ ԻՄՈՅ: ԱՍ
ՈՂՈՐՄԻ:

173. ՌՃՀ (1721) թ.

Նախորդից հարավ, մի մեծ գերեզմանաքարի վերևի կողին, 2
տող.

ԱՅՍ է ՂԱՆԳԻՍՏ ՎԷԼԻԶԱՆԻ ՈՐԴԻ ԱՅՏԻՆԻՆ, ՈՐ Է
ԵՂԲԱՅՐ ԵՍԱՅԻ ԿԱԹՈՂԻԿՈՍԻՆ: ԹԻՆՆ : ՌՃՀ : ԷՐ:

Ծան.— Պարզվում է, որ Եսայի կաթողիկոսի հոր անունը Վելի-
ջան է եղել, որ հայտնի չէ այլուստ:

174. ՌՃԷԹ (1730) թ.

Նախորդից արևմուտք, գետնի մեջ խրված բարակ-երկար գերեզ-
մանաքարի վերևի կողմին, 2 տող.

ԱՅՍ է ՏԱՊԱՆ ԱԻԵՏԱՐԱՆՍ... ՏՐ ՄԷԼԻՔՍԷԹԻՆ ՈՐԴԻ ՈՒՀԱՆԻՆ:
ԹՎ : ՌՃԷԹ : :

175. ՌՃԷԴ (1725) թ.

Նախորդից դեպի հյուսիս՝ մեծ ու երկար տապանաքարի վրա,
3 տող.

ԱՅՍ է ՏԱՊԱՆ ՇԻՐՎԱՆԵՅԻ ԿՈՂՆՐԱՆՅ
ՎԷԼԻԶԱՆԻ ՈՐԴԻ ՍԻՄԷՈՆ ՈՒԶՐԱՇՈ-
ԻՆ: Ի : ՌՃԷԴ : ԹՎԻՆ:

Ծան.— Սիմեոն յուզբաշին (հարյուրապետ) մեկն է եղել 1720-
ական թվականներին Շիրվանից Ղարաբաղ տեղափոխված այն զին-
վորական գործիչներից, որոնք տեղացիների հետ միասին թուրք ու
պարսիկ բռնազրավիչների դեմ հերոսաբար կռվում էին Ղարաբաղի
ազնախներում¹:

176. ՌՃԼԷ (1688) թ.

Նախորդի մոտ գետնին կողքի պտուկած տապանաքարի վրա,
3 տող.

ԱՅՍ է ՏԱՊԱՆ ԲԱՂԴԱՍԱՐԻ ՈՐԴԻ ՎԷԼԻ-
ԶԱՆԻՆ՝ ԵՂԲՈՐ ԵՐԵՄԻԱ ԿԱԹՈՂԻԿՈՍԻՆ:
Ի : ՌՃԼԷ : ԹՈՒԻՆ:

Ծան.— Եսայի Հասան-Ջալալյան բազմերախտ կաթողիկոսի
հայր Վելիջանի տապանագիրն է:

¹ Այս առթիվ հանգամանորեն տե՛ս Աջ. Աբրահամյան, Մի էջ Անդրկովկասի ժո-
ղովուրդների և հայ-սուսական հարաբերությունների պատմությունից, Ե., 1953, Աջ.
Հովհաննիսյան, Իրվազներ հայ ազատագրական մտքի պատմությունից, հատ. Բ, Ե.,
1959, էջ 607—609:

177. Ռ... Թ.

Գեղեցկաբանդակ շիրմաբար՝ մեջքի վրա ընկած, երեսին 4 տող սկզբներին ու վերջերին քայքայված.

ԱՅՍ է ՀԱՆԳԻՍՏ ՄՈՒԼՍՈՒՆ ՄՕՐ ՅԱԻ-

.....Ա. ԿԱԹՈՂԻԿՈՍ ԱՂՎԱՆԻՅ ԿԵՆ...

ԴԱԻԹՊԷԿԻՆ ԵՒ ԴՍՏԵՐ ՍԱՐԳ-

ՍԻ ԽԱՆԻՆՈՒՄԻ: ԹԻԻՆ ՄԱԻՍԻ : Ռ...

Ծան.— Թվականի Ռ-ն է երևում, մնացածը քայքայված է:

178. Անթվական

Նախորդի կողքին մի մաշված շիրմաբարի վրա 4 տող՝ կիսով չափ մաշված.

ԱՅՍ է ՀԱՆԳԻՍՏ.....ՈՒՆ

.....ՅՈՎՀԱՆՆԷՍ ԿԱԹՈՂԻԿՈՍԻ

.....ՈՐԴԻ ԴԱՆԻԷԼԻՆ:

.....ԹՎԻՆ.....

179. ՈՀԳ (1224) Թ.

Խաչքար, որ ընկած է գերեզմանոցի հյուսիսային մասում, խաչի թևերի արանքում և խաչից ներքև ունի 10 տող գիր.

ԹՎ : ՈՀԳ : է:

ԵՍ՝ ՏՐ ԲԱՐ-

ՍԵՂ ՈՐԴԻ ԱՍԽԱԹԱՆ-

ԱՅ՝ ԱՌԱՋՆՈՐԴ ՄՐԲՈ

ՈՒԽՏԻՍ ԳԱՆՁԱՍԱՐ-

ԱՅ, ԿԱՆԳՆԵՑԻ ԶԽԱՉՍ Ի

ՓՐԿՈՒԹԻՒՆ ՀՈԳՈՅ

ԻՄՈՅ: ՈՐ ԵՐԿԻՐՊԱԳԱՆԷՔ, ՅԱՂԱԻԹՍ [ՅԻՇԵՑԷՔ]:

Հրատ.— Օրբելի, 35:

180. Անթվական

Գերեզմանատան հարավ-արևմտյան ծայրին, վանքի շրջապարսպի հարավային մուտքի մոտ՝ հին թաղածածկ շինություն, որը,

թեպետ լրիվ կանգուն, մուտքի կողմից ավերված է: Պատերում կան խաչքարերի մասեր՝ գրերի մնացորդներով: Քանդված մուտքի վերին քարերից մեկի վրա (խաչքարի մաս) վարից ընթերցվում է.

ԱՏ | ՈՒՄ | ԿԱ | ԿԱՆ | ԿՆԵՑԻ | ՄԲ | ԽԱՉՍ:

181. XIII դար

Գերեզմանատան արևելյան կողմում, շուրջ 150 մ. հեռավորության վրա, ճանապարհի մոտ, «Դերին խաչ» կոչվող վայրում գտնվող գեղաբանդակ խաչքար, որը կոտրատված է, և մնում են 7 տողանոց արձանագրության հիմնական մասերը.

...ՆԵՍ....ԲԱԿԻՆ ՈՐԴ.....ԱՆ....ՏՆ՝ ԽԱ....

ՂԵԻ ԵՒ ՅԻՇԽԱՆՈՒԹԵԱՆ ՀԱՍՍԱՆԱ ՏՆ ԽԱՉԻՆՈ ԵՒ ԱՄՈ-

ԻՍՆՈ ԻԻՐ ՄԱՄՔԱՆԱ ԵՍ ՏՐ ՎԱՐԴԱՆ ՄԵՍ-

ԱԿՈՂՄԱՆՅ ԵՊԻՍԿՈՊՈՍ ԵՒ ԵԿԻ ՄԲ ՈՒԽՏՍ

ԳԱՆՁԱՍԱՐԱ, ԿԱՆԳՆԵՑԻ ԶԽԱՉՍ

Ի ՓՐԿՈՒԹԻՒՆ ՀՈԳՈ ԻՄՈ ԱՌ ՔՍ:

Հրատ. Օրբելի, 35:

Ծան.— Հ. Օրբելին առաջին տողի մնացորդներից կազմել է այսպիսի կապակցություն. «Աթաբակին՝ որդո Հասանա տն խաչինո», որ անհավանական է, քանի որ հոր կենդանության օրոք երբեք առաջինը չէին հիշատակի որդու անունը:

Հնարավոր է, որ արձանագրողը խաղաղական տոհմից որևէ մեկն է եղել, և առկա տառերը նրա անվանն են վերաբերում:

Ժամանակը որոշվում է Հասան-Ջալալի իշխանության մեջ (1216—1261 թթ.): Դժբախտաբար Մեծկողմանց վանքի (Խաթրավանք) արձանագրություններում ոչինչ չի պահպանվել, որ հիշեցնի այս եպիսկոպոս Վարդանին: Նրանցում միայն մեկ Վրդանես է հիշվում, այն էլ իբրև «Ամարասա եպիսկոպոս» (ԱՅՍ է ՀԱՆԳԻՍՏ ՏԷՐ ՎՐԴԱՆԻՍԻ ԱՄԱՐԱՍԱ ԵՊԻՍԿՈՊՈՍԻ: ԹՎ : ՉԸ : —1259): Սակայն որովհետև տապանագիր է, որ գտնվում է վանքի գլխավոր եկեղեցու մեջ, հնարավոր ենք համարում, որ հենց այս Վրդանեսն էլ առաջնորդած լինի տեղում՝ Ամարասյան առաջնորդությունից հետո: Շիրմաբարի վրա խաթրավանքի առաջնորդությունը կարող էր չփորագրվել միայն մեկ պատճառով. նրա ժառանգորդները Դուխյան իշխանազուններն էին:

Նույն «Գերին խաչ» վայրում գտնվող փոքրիկ խաչքարի վրա.

ԱՄ ՈՂ-

ՈՐՄԻ

ԱՐԵՒՏԻԿ-

ՆՈՋ:

Հրատ. Օրբելի, 34:

Սրանք են, ահա, Գանձասարի պատմաճարտարապետական համալիրի որմերին և շրջակայքի խաչքարերի ու գերեզմանաքարերի վրա պահպանված արձանագրությունները: Անկասկած եղել են նաև ուրիշները, որոնք զոհ են գնացել ժամանակի, բնության տարերքի և մասամբ էլ անհասկացող մարդու ավերիչ ուժին: Հավանաբար պեղումների միջոցով հնարավոր կդառնա արևերես հանել այնպիսիները, որոնք գտնվում են այժմ արդեն հողի տակ անցած տապանաքարերի վրա:

Ցավոք, չկարողացանք վիմագրերը տպագրել իրենց լուսապատճենների հետ միասին, որը և հնարավորություն պիտի տար գաղափար կազմելու նրանց հնագրական վիճակի մասին:

Սակայն հրապարակվող սույն հավաքածուն էլ, որ ներկայացնում է Գանձասարի համալիրում պահպանված բոլոր մեծ ու փոքր արձանագրությունները, կարծում ենք, իր նպաստը կբերի միջնադարյան Հայաստանի սոցիալ-տնտեսական, քաղաքական ու մշակութային հարցերի հետազոտության գործին: Մանավանդ, որ այստեղ ընդգրկված նյութն իր զգալի մասով անմիջապես վերաբերում է ետմոնղոլական շրջանի Հայաստանում գոյատևած միակ վարչաքաղաքական միավորի՝ Խաչենի իշխանության և նրա բնից ճյուղավորված մելիքական տների գործունեությանը:

Երկու խոսք	3
Մատենագրական տեղեկություններ Գանձասարի մասին	7
Գանձասարի վանքի ճարտարապետությունը	21
ա) Տաճարի ճարտարապետությունը և հարդարանքը	24
բ) Տաճարի ճակատակալ խաչարձանը	38
գ) Գմբեթը	39
դ) Գավիթը	56
Համալիրի վերանորոգումները	70
Վանքի արձանագրությունները	76
ա) Վիմագրերից մի քանիսի լուսանկարները	85
բ) Արձանագրությունների բնագրերը	87

Ֆլորանսյան Բագրատ Արշակի

ԳԱՆՁԱՍՍՐ

(Պատմական ուսումնասիրություն, վիճակյան արձանագրություններ,
լուսանկարներ)

Улубабян Баграт Аршакович

ГАНДЗАСАР

(Историческое исследование, надписи на камнях; фотографии)
(На армянском языке)

Издательство «Айастан»

Ереван — 1981

Խմբագիր՝ Ս. Վ. Մարտիրոսյան
Նկարիչ՝ Յ. Ս. Ֆիդանյան
Լուսանկարները՝ Զ. Ա. Սարգսյանի, Բ. Արգարյանի
Գեղ. խմբագիր՝ Ս. Գ. Սաֆյան
Տեխ. խմբագիր՝ Կ. Գ. Սարգսյան
Վերստուգող սրբագրիչ՝ Գ. Վ. Գանեկյան

ИБ 1196

Հանձնված է շարվածքի 21. 05. 81 թ.:

Ստորագրված է տպագրության 18. 12. 81 թ.:

Ֆորմատ՝ 60×84¹/₁₆: Թուղթ՝ տպ. № 2 Տառատեսակ՝ Գրքի սովորական: Տպագրության՝ բարձր: 10,81 պլամ. տպագր. մամ., հրատ. 7,23 մամ. + 18 ներդիր: Պատվեր՝ 761: ՎՖ 08024: Տպարանակ՝ 5000: Գինը՝ 1 ռ. 70 կոպ.:

«Հայաստան» հրատարակչություն, Երևան—9, Տերյան—91:

Издательство «Айастан», Ереван-9, ул. Теряна, 91.

ՀՍՍՀ հրատարակչությունների, պոլիգրաֆիայի և գրքի առևտրի գործերի պետական կոմիտեի Հակոբ Մեղապարտի անվան պոլիգրաֆկոմբինատ, Երևան—9, Տերյան 91:

Полиграфкомбинат им. Акона Мегапарта Госкомитета по делам издательств, полиграфии и книжной торговли Арм. ССР, Ереван-9, ул. Теряна, 91.